

I.
DEFENSIO
CATHOLICAE
DOCTRINAE

DE S. TRINITATE PERSONARVM
IN VNITATE ESSENTIÆ DEI,
aduersus Samofatenicos errores specie inanis
philosophiæ in Polonia exundantes, &
libello comprehensos,

Cuius hæc inscriptio:

*Præcipuarum enumeratio causarum, cur Christiani cum
in multis religionis doctrinis mobiles sint & varij, in
Trinitatis tamen retinendo dogmate
sint constantissimi.*

Opera FRANCISCI IVNII Biturigis.



HEIDELBERGÆ,

CIO IO XCII.

THE
CATHOLIC
NO. 1

THE
CATHOLIC
NO. 1

THE
CATHOLIC
NO. 1

THE
CATHOLIC
NO. 1

THE
CATHOLIC
NO. 1

THE
CATHOLIC
NO. 1

THE
CATHOLIC
NO. 1

ILLVSTRI ET MAGNI-
FICO DOMINO Dn. NICOLAO
NARVSSEVVICIO, CASTELLANO SAMO-
gitæ, Capitano Vszpolensi, &c. in magno Ducatu
Lithuaniz, Domino gratiosissimo; Gratiam &
pacem a Deo Patre nostro & Domino
Iesu Christo.

QVVM *his paucis diebus, Illustris & magnifice Domi-
ne, quidam mihi fuisset oblatus Samosateni, Serueti,
aliorumque errorum cento, horruì totus ex animo, & ve-
hementer affectus sum maximis de causis atque grauissi-
mis. Nam primum venit in mentem mihi pietatis & reli-
gionis illius, qua Deo opt. max. obstricti sumus, essentia uni-
co, personis trino, Patri, Filio, & Spiritui sancto, ut de ipso
non cuiquam alteri quam ipsi, habeamus fidem. Cum enim
Deum (ut verbis utamur Christi) nemo viderit unquam,
id est, neque his oculis corporeis, quibus & mures & talpa
vident videnturque, neque illa acie mentis, qua res spiri-
tuales cernuntur in spiritu, ratione ulla perceperit aut
possit percipere: cum homo naturaliter de essentia Dei co-
gitans solum possit assequi, non quid sit, sed quid non sit
Deus; cum denique id omnium quamvis sapientissimorum
hominum, experientia, confessione, doctrina, exemplo, no-
bis inde a mundi conditu sit exploratissimum: non possunt
profecto homines sue nature & rationis luce unquam eò
contendere, quin duobus scopulis allidant simul maximo suo
& aliorum periculo, dum pro vera tenebrosam ostendant
lucem. Nam & altissimum scopulum offendunt maiesta-
tis Dei, humiliter de eo quam par est sentientes; & in abdi-
tissimum rationis sue natureque infelicitè impingentes,
plus sibi scientia arrogat, quam uniuersa ratio nostra com-
parare, aut natura habere possit. Quæ duo quam sint exi-*

P R Æ F A T I O.

tialia, tum ipsa docet Natura singulos, tum nemo ignorat, qui ad naturam ipsam & communem usum seculorum omnium, ac huius maximè nostri, attenderit. Tum venit in mentem mihi ratio diuina illius, & celestis cōstantissima. que veritatis: ad cuius formam illam admirabilem & augustissimam quoties respicio; ne illud quidem satis mirari possum, qua fide aut fronte mortales in mendacio nati, & falsis mendacibusq; rerum inuolucris in omni genere circumdati, tam multa sibi & rationi suæ ad cognitionem eius certo audeant assumere. Nam (ut nihil dicam de veritate, quæ est Dei, & Deus ipse est, ad quam non potest homo aut res ulla creata per se, maiestati illius conuenienter, assurgere) unicam esse constat in unaquaque re & certissimam veritatem: quam quidem veritatem non simpliciter ex se, sed ex rebus compositis, aut earum analogia; non in se, sed in rebus; non puro intellectu, sed multiplice ratione & rationis usu, quam ratiocinationem dicunt; non rectâ sed per errores & anfractus multos; non planè, sed ex parte: nō in rebus omnibus, sed in quibusdam solū cognoscimus, dū corpori alligamur. Est enim sua in rebus naturalibus, sua in factis siue historicis, sua in disciplinis, sua in supernaturalibus veritas: in illis transiens; in his simplex & constans; in diuinis per se constantissima. Atque hæc ipsa veritas usque adeo una est, ut omnium hominum consensu verum non sit, nisi unicum; & illud unum dicatur esse, quod verum. Eademque non vno modo in omnibus inest, sed suo in generibus singulis: quod ratione humana compertum est. Quo indignius ferendum est non dico iudicium, sed furor potius eorum hominum, qui infinitam illam & ἀπείρονα maiestatem Dei comprehendere se putant, angusta illa, errabunda falsa ratione sua, & per modum rerum creatarum (qui totus diuersus est) definire posse. Tum etiam inaccessam mentem meam contemplatio Ecclesiæ, quæ optime in

Scri

P R Æ F A T I O.

Scripturis sacris Domus Dei viventis, columna & basis veritatis illius appellatur, nostraque omnium communis mater: de cuius propugnatione singulos pios & fideles Dei seruos religiosissimè opus est laborare; præsertim his miseris temporibus, quibus ille communis aduersarius salutis nostræ innumerabiles spiritus erroris ad probationem electorum Dei, & subuersionem miserandam multorum excitauit. Quod enim tam necessarium officium, tam honestum, tam utile, tam gratum Deo, Ecclesie, bonis futurum est, quàm si domus Dei a domesticis ipsius secundum Deum propugnetur, columna & basis veritatis adminiculo ipsorum fulciatur, & matrem piæ defendant filij? Taceo de fide, taceo de salute nostra, quæ cum his rebus omnino est coniunctissima, & cuius tenenda causa omnem moueri lapidem a singulis si sapiunt, necesse est. Sed quid ego de Polonia vestra dicam? in qua regione etsi iamdiu luculentissimam celestis verbi sui faciem gratiosè accendit Deus, & eamdem prætulit, præluxitq; doctissimorum hominum ac fidelissimorum seruorum ministerio; tamen non desinit Satan scias densissimas tenebras effundere, fumumque oculis imperitorum obducere perniciosissimum, ne videant salutariter quod verbo vitæ misericorditer exhibet & ostendit Deus. Etenim eo ampliorem & luculentiore a Deo opt. max. gratiâ adepti sumus, quo magis vera fide animoque cernimus puritatem illius verbi, & celestem gratiam illius in renouatione vera spiritus mentis nostræ percipimus. Hoc verbum lux est in qua nos oportet ambulare, & tenebra non sunt in eo: hoc verbum lignum est ἀκάνθω (quod veteres dixerunt) ex quo nos oportet accendi, & fumus non est in eo. Hanc ergo puritatem illius verbi salutaris sic toto animo agnoscimus, ut quicquid istarum tenebrarum nobis, quicquid formi obijcitur, id non esse in illo, sed extra illud; non ab illo sed foris aduenire; non per illud, sed per extera gigni,

PRÆFATIO.

ali, atque foueri sentiamus. Qui contrà sentiunt, iⁿ tenebras suas quibus mens offusa est velut umbra mortis, & fumū quo acies obtunditur, iniquissimè verbo lucis & puritatis adiudicant. Quamobrem intoleranda est illorū hominum ἀμαρτία, qui tenebras suas vocant lucem, ut lucem diuinam, quasi tenebrarum suarum obiectū obruant: quibus dirum illud va, nisi resipuerint, a Deo per Esaiam Prophetam prædicitur. Nam ubi lux diuina, obsecro, & prælucens ad rerum diuinarum scientiam exstare potest, nisi in Deo, & ubi eam deposuit Deus? & ubi tenebra, nisi extra Deum, & in ijs rebus creatis qua sibi extra Deum asfingunt lucem? Est enim princeps tenebrarum, qui abdica-
ta impie sua origine a Deo discessionem turpissimam fecit, omniāq; tenebris suis obruit plusquam Cimmerijs & Aegyptiacis. Est mundus in densissimis tenebris positus: qui sic quidem expositus est diuina luci, ut omnia & singula in eo Deus prouidentia sua sustentet, seruet, regat, & ordinet: sic tamen expositus principis sui tenebris lethalibus, ut quotquot sumus in hac vita, aut nihil, aut parum lucis diuinae illius a natura queamus percipere. Est caro in nobis tenebrarum interiorū subiectum, exteriorum illex: qua nihil commode corū potest sapere, qua luce diuina in omni loco, tempore & modo per munificentiam summā illius exhibentur. Est peccatum in nobis depascens carnem, ut hedera parietem; mentem obscurans, & voluntatē nostram a vera luce abripiens, tamquam vinco lictor aut carnifex, studijs suis prauis & aduersantibus voluntati Dei, & nunquam finem faciens tenebras & fumos inexsuperabiles excitandi, adeo ut in verbo veritatis tenebra appellemur. Hoc principe, hac sede, hoc subiecto, hoc lictore qui utimur, vel potius qui nos ad horas & momenta singula prabemus istis rapiendos ut nobis: niserè abutantur, nihil est quod gloriemur, nisi in Deo nostro: ut qui Deum non luce mundi, aut nostra, sed
luce

Esaiæ 5.

Ioann. 1.

P R Æ F A T I O.

luce diuina eius cognoscimus, qua nos in Filio suo illustrauit. Hanc certā fidei nostra gloriationem toti gloria mundi & speciei illius praeferimus: in hac conqueſcimus: in hac de salute nostra & communione aeterna cum Deo confirmati, ceruicibus erectis ambulamus. Atque hac quidem celeſtis diuinaque lux per Dei gratiam in florentiſſimo illo veſtro Polonia regno praeluxit iamdiu; & multorum fidelium Dei ſeruorum opera, ſudore, ſanguine diſfuſa eſt: quorum non fuit inanis labor in Domino, neque futurus eſt. Sed ut primum maxima illa & incomparabilis Dei gratia cum ſumma libertate in medium producta eſt: ſic & diuerſo princeps tenebrarum ſtipatus angelorum ſuorum manu, & filij tenebrarum ſumma licentia diuinam illam gratiam, proſtanti omniū comodo, ſtatuerunt oppugnare, & praſidium pertinacia ſua ad tenebrarum ſuarum deſenſionem acerrimam propugnationemque admouerunt. Sic mota fluctuant (proh dolor) multorum imperitorum mentes, & diſſidentia quadā praecepta adipiſcendi veri, aut ad temerariam praſumptionem opinatiōemque ineptam, aut ad deſperationem miſerandam, aut ad contemptum abominabile pietatis omnis & religionis deducuntur. Quid ergo his hominibus faciamus? Primum quidem illud eſt & potentiffimum, ut Deus ipſe faciat diuinum ſuum opus, & manu ſua (quae ſola per ſe ſalutaris eſt) medicetur eos: quam ad rem nos quoque fraterna charitate ductos precibus opus eſt ſuccurrere. nam ſpiritualibus morbis efficacem non poteſt quiſquam, niſi ſpiritualis medicus facere medicinam. Deinde verò ſecundarium illud eſt, quod cum ſummus ille medicus inſirmitatum noſtrarum, Chriſtus, de medio hominum inſtrumenta elegerit & ſanctificauerit, eorum ſaluti qui adhuc in via haerent, per verbum Euangelij profutura; quòd inquam nos eo duce, certaue fiducia benedictionis eius (nam fidelis eſt qui promiſit) in opus ſalutis publice,

P R Æ F A T I O.

privatimque tempestivè & intempestivè inuigilare & insudare necesse est. Atque hanc quidem necessitatem iam diu viderunt boni quamplurimi in Polonia vestra, & se in hoc certamine fortiter fideliterque gesserunt; quorum nomina in calis scripta sunt, & in Ecclesiis apud omnes pios sunt Codicibus. Talis etiam est hoc tempore fortissimus ille Christi miles & S. Trinitatis propugnator acerrimus D. Andreas Volanus, cuius officia in tanta rerum perturbatione diligentissima Deus probat, exteri celebrant, vestri percipiunt, dolent ἐν πόδι. Tales boni aliquot & fideles serui alij in domo Dei, quorum suavis me afficit & reficit persape recordatio. Horum autem sanctus laboribus quid ego possim adycere? Equidem mihi istud non arrego, ut aut præ illis aliquid mihi videar adferre in hanc causam posse, aut sine illis debere. Sed quia non infrequenter videmus accidere, ut fortissimos quoque athletas, & auxilia iuvent, & acclamationes confirment: nolui committere, quum libellus iste mihi oblatus esset, ut ij ipsi qui obtulerunt bonorum nomine, desiderarent qualecunque auxilium meum: & saltem id futurum duxi, ut iuventur aliquo pacto imperiti hoc labore meo, fortes vero administri Dei faustis meis acclamationibus accendantur. Atque hac quidem occasio, hic finis suscepti huius laboris mei. Modum iam explicabo paucis. Mihi enim de hoc morborum ac infirmitatum genere, quibus abundat & circumfluit nostra, cogitanti videtur idem, quod peritis quibusque Medicis in sua arte video placuisse. Primum enim de humore corruptè vident, quàm ex arte instituant quicquam: hoc cognito, operam dant ut humorem debellant arte, quo infirmatur natura corporis: ac tum demum ad confirmationem devenitur illius. Hunc ordinem cum natura & ratione convenientissimum, apud istos homines, Samosatenos, Arianos, alios, utiliter iudicari servari posse. Nam homines illi sunt:
& in

P R Æ F A T I O.

Et in via sunt, sed errantes & multos sibi adfiscunt in errore comites. Inest autem miseris istis hominibus tamquam exitialis humor, tumor rationis humana abrepta inani philosophia, & specie verisq; humana sapientia: quamvis in transcurso unum aut alterum Scripturae locum non raro vellicent, ne sine Christo aut Scriptura (quod vel imperitis foret odiosum) videantur esse. Hic fons, hac origo morbi; qua in isto quoq; libello deprehenditur manifestissimè. Hoc itaque explorato, modum curationis ex modo morbi arbitratus sum adhibendam. Nam etsi per Dei gratiam ex utroque Testamento locos de hac questione potui (quod facile est) adducere: quum tamen istorum hominum malum introspexi penitius, id primum statui curandum esse quod mentem ipsorum occupat; & quia ratione humana intumescunt, ex ijs ipsis principiis qua natura docet & approbat, falsas esse ipsorum hypotheses & argumentationes demonstravi. Quod malum si purgari & eximi potest, ut ne amplius ita sint praesidentes, neque sapiant in oculis suis, & omnia arrogant luci naturali suae: tum verò futurum nullo fermè negotio illud alterum spero in Domino, ut abiecta illa inani falsaq; presumptione, ad imbibendum verbum salutis salutariter adducantur: quam rem nunquam facile diverso ordine nos quidem assequemur. Solus assequitur, praestat, & perficit, quum placet, Deus. Hanc autè meditationem & defensionem doctrina catholica, Illustris & magnifice Domine, visum est Illustri M. tuae, multis de causis exhibere. Primum enim celebratur a bonis T. M. pietas singularis, studiumq; veritatis huius divina, quam proficemur, tuenda atque propaganda: quam si hoc meo labore non adiuviero, saltem velut acclamatione longinqua a me laudari facile patientur boni. Tum etiam exemplum istud T. M. laudabile apud omnes exstare, permagni interest, ut eo adificentur & confirmentur quoscunque Deus ad vi-

P R Æ F A T I O.

tam aternam vocauerit, per veram cognitionem ipsius. Præterea nobis non est incognitum, quantopere in regionibus finitimis grassetur & insoleseat Satanas, virus illud suū impiè & sceleratè, ubique rimari potest, infundendo in mentes hominum rationis & veritatis speciem: a quo malo & integrū te seruasti constantissimè, & tuis canes prouidentissimè, quamuis omnia circumstent & circumfideant te incommoda doctrina sana aduersantia. Postremò etiam animaduerto iamdiu, quanti referat in hoc tempore, ut quæ scripta de veritate diuina piè sunt tradita, ea virus Principibus sint commendata, & ab illorum cōmendatione gratiam aliquam & quasi aditum commodum, ubiubi est opus, assequantur. Tuam itaq. Illustrē M. oro summisso animo, ut quicquid est audacia in hoc factō meo τῆς ἀπειρίας, pro sua clementia & humanitate condonet: quicquid est veritatis, adscribat Deo veritatis & promoueat ad gloriam ipsius: quicquid deniq. est operis mei, id T. M. accipiat ut suū, eoque bonos uti perinde ac suo munere patiatur. Illustris & magnifice Domine, Deū oro fontem omnis boni, ut Ill. M. tuam ab omni malo vindicet, confirmet in omni bono, incolumē seruet quam diutissimè, totumq. sanctificet ad gloriam sui nominis, & communem adificationem in Christo. Heidelbergæ Kal. Aprilibus anno salutari illius εὐαγγελιστοῦ CIO. IO. XC.

T. Illustr. M.

Seruus studiosissimus


Franciscus Iunius.

*Ad auctorem libelli qui inscribitur, Præcipuarum
enumeratio causarum, &c.*

DVo a te peto, Samosatreniane, quisquis es: nam
et si te aliquo pacto nouisse videor, tamen ex te
malim cognoscere: vnum, vt edas palàm nomen tu-
um, si te porrò non pudet istius doctrinæ, qua char-
tam maculauisti, & mentes bonorum cupis inficere:
alterum, vt sine fuco ac fallaciis explices, tunc ille
ipse sis Antinomus, qui ante annos paucos per manus
studiosæ iuuentutis argumenta illa **xxii** sparsisti,
contra Moſen & creationis historiam, quæ cum sua
confutatione anno superiore a me fuerunt edita. Aut
enim fallor plurimùm, aut tu idem es scriptionum
istarum auctor: quæ cum sint dissimillimæ, auctorem
habent sui simillimum, nec vlla in doctrina stabilem.
Ad hoc saltem posterius te obtestor per Deum vi-
uum & Dominum Iesum Christum, vt mihi & bonis
respondeas, si vnquam illud didicisti, quod vulgo di-
citur, Cum bonis bene agier. Deus misereatur tui,
& dum adhuc es in via, animæ tuæ in perniciem ru-
enti miserrimè, gratiam faciat propter no-
men suum in Filio æterno
suo. Amen.



180. A men.
 nach ihm in Filioarino
 ein altes griech. Fragment
 & davor steht es in 15. annote
 dass man in 15. annote
 nicht, Cambroni, p. 223. c. 1.
 181. p. 223. c. 1. d. d. d. d. d. d.
 182. p. 223. c. 1. d. d. d. d. d. d.
 183. p. 223. c. 1. d. d. d. d. d. d.
 184. p. 223. c. 1. d. d. d. d. d. d.
 185. p. 223. c. 1. d. d. d. d. d. d.
 186. p. 223. c. 1. d. d. d. d. d. d.
 187. p. 223. c. 1. d. d. d. d. d. d.
 188. p. 223. c. 1. d. d. d. d. d. d.
 189. p. 223. c. 1. d. d. d. d. d. d.
 190. p. 223. c. 1. d. d. d. d. d. d.
 191. p. 223. c. 1. d. d. d. d. d. d.
 192. p. 223. c. 1. d. d. d. d. d. d.
 193. p. 223. c. 1. d. d. d. d. d. d.
 194. p. 223. c. 1. d. d. d. d. d. d.
 195. p. 223. c. 1. d. d. d. d. d. d.
 196. p. 223. c. 1. d. d. d. d. d. d.
 197. p. 223. c. 1. d. d. d. d. d. d.
 198. p. 223. c. 1. d. d. d. d. d. d.
 199. p. 223. c. 1. d. d. d. d. d. d.
 200. p. 223. c. 1. d. d. d. d. d. d.



MULTI mirantur, cur omnium quæ unquam fuerunt, sunt, & forte erunt, religionum unica Christiana in tanta inconstantia versetur, tot dissecta in sectas quot enumerari vix queant; quarum maxima quaque in maximo constantissima errore cernatur. Sed hi mirari desinent, considerata hominum nostram religionem tractantium qualitate: nimirum quæ efficit, ut qualis quisque est, talis sibi bona esse doctrina videatur, & in talem, si liceat, sacras literas sensum interpretetur; non secus quam (Aristotele teste) qualis quisque est, talis ei finis esse videtur: ut in auaris, iracundis, ebriosis videre est, qui talem iudicant bonum esse finem, quales sunt ipsi. Quales autem ij fuerint, a quibus auidissime receptum, comprobatum, & profeminatum est Trinitatis dogma, nemo ignorat, nisi qui ipse quoque huius est erroris tenebris circumfusus. Eos enim maxime omnium fuisse constat imbutos consuetudine colendi multitudinem deorum, cum maiorum, ut Iouis, Apollinis, Martis; tum etiam minorum, ut Castoris, Pollucis, Cereus, Liberi, Proserpine, Diana. Ex hoc ergo vberissimo deorum fonte, & innumeris sancti, tanquam minores inuocandi dii, & tres etiam diuina persona, veluti maiores dii adorandi, in orbem Christianum profluxerunt.

ORTHODOXVS.

Istius sermonis tui, o Samosatene, animaduerto duas esse partes: *περίβλημα*, siue rem quæ in controuersiam vocatur (ut tu quidem ais) multorum iudicijs; & solutionem problematis. De utroque non hominis odio, sed diuinæ veritatis studio communis-que salutis, quæ a Deo vno demonstratur & est, videbimus.

Primum omnium pergratum illud est quod ex te

2 CATHOLICÆ DOCTRINÆ

audio *unicam religionem Christianam* esse. Hoc enim perinde accipio atque si diceres, vnicum esse salutis auctorem Deum, vnicam viam ad Deum, vnicam doctrinam salutaris viæ, & vnicum corpus doctrine, Scripturam sacram. Nec illud exagito quod a te dicitur, *unicam religionum omnium qua unquam fuerunt*, &c. Nam etsi religio vnica est, aliæ non sunt, sed dicuntur esse; tamen id facile concedo communi doctorum & indoctorum vsui, vt eæ quoque appellantur religiones quæ non sunt nisi specie, opinione, & nomine. Id me in bonam partem accipere & communis vsus, & officium charitatis imperant, ne dicamur rixas verborum in consensione rerum commouere. Sed in tuo problemate duo sunt, quæ (si amans tuæ salutis es) facile patieris a me reprehendi; affirmatio tua, & ars accedens affirmationi.

Affirmationis tuæ (quam ego quidem tam miror abs te dici, quàm alios mirari narras) tria sunt capita quæ periculose, ne quid dicam grauius, de Christiana religione prædicantur: vnum, *eam in tanta inconstantia versari vt dici non possit*: alterum, *in tot sectas dissectam esse quot enumerari vix queant*: tertium, *maximam quamque sectam in maximo constantissimam errore cerni*. Si enim Christianam religionem ex animo agnoscis & colis, vt videri vis, cur ista, obsecro, de Christiana religione dicis? Vnicam esse dicis, & tamen inconstantem, in sectas dissectam, errabundam. Si vnica; aut non est inconstans, aut si inconstans cœpit, desijt esse vnica. Quod autem in sectas (vt ais) dissectum est, vnicum esse qui potest? Et vt sectas demus in ea esse, (quod absit)

DE TRINITATE DEFENSIO 3

fit) maximam quam voces, a te peruelim explicari. Nam si religio vnica est, in re vnica quid inuenias maximum? si accrescunt sectæ, eæ non sunt de religione vel te ipso teste. Agnata sunt vitia hæc, non innata bona. Deinde maximam sectam quum dicis, ambiguum est. Maxima est aut dignitate præstantiaque, nempe quæ cum vnica religione habet conuenientiam; aut sectantium numero. Vtram voles, elige. An maximam dignitate? at ea est vnica, siquidem religio vnica, quod modo dicebamus. An sectantium numero? at ea non potest esse constantissima: tum quia error varius, multiplex, & instabilis est, tum quia (vt tu ipse mox agnoscis) quot capita, tot sensus in tanta errantium hominum multitudine. Amplius dicam, quod forte miraberis: etiam si hoc spectes, sectantium inquam multitudinem; tamen doctrinam illam catholicam, cui post illudis, si antiquitatem, consensionem, vniuersitatemque respexeris, & maximam esse numero sectantium, & constantissimam. Quis enim error semper, & vbique, & apud omnes obtinuit? aut quis obtinuit tamdiu? Video iam quid dicas, te non de religione Christiana veraque, vt in se & per se est; sed de religione vt est in hominibus, id est, quæ ignorantia, infirmitate, malitiaque hominum contemperata est, agere. Bene est, accipio dictum: ergo o Samosatene, non religio Christiana; sed homines religionem sectantes, hi demum sunt inconstantes, dissectique, & erroribus diffiunt. Cur vitium humanum religioni diuinæ adscriberes? Religio enim hæc diuina est, a DEO allata hominibus, vnicam viam ad Deum insistentem, vnicam viæ salutaris doctrinam continens,

4. CATHOLICÆ DOCTRINÆ

& in vnico Dei verbo expressam, id est, in Scriptura sacra. Quod si de hac renondū credis Scripturæ satis, id saltem puto Aristoteli tuo dicentē credes: & hominem certe Aristotelem oportet credere. Quum enim doctrinam summe diuinam affirmat omnium esse honoratissimam & pretiosissimam (hæc autem summe diuina est, quam idem nesciuit) ex notione communi te docet singularem hanc, quod religio nostra scripturis sacris comprehensa, omnium sit maxima. Hoc te dare dices, & ita videris verbis sequentibus. De hoc igitur, si conuenit, satis.

De arte videamus. Illud profecto non paruz artis est, quod illa omnia quæ modo perstrinximus, mente damnas, fronte dissimulas; dum Christianæ religioni sic impingis, vt *multos mirari* dicas. Non tu scilicet miraris, sed multi. Tu ergo id ita esse statuis; nec miraris, quod mirantur alij. Vtra, quæso, tolerabilior conditio est? eorumne qui esse putant & mirantur quod putant; an vero qui rem persuasi esse, tanquam censoria virgula instructi eam mirari desinant, & pro auctoritate iudicant? Id vtrique hominum generi commune est, quod rem ita se habere, vt dicis, putant; cum se tamen aliter habeat, vt ante ostendimus. Sed quod illi putant, propterea mirantur, quia sic opinio est illorum: tu quod putas propterea non miraris, quia scientiam inesse tibi huius rei iudicas, & qua auctoritate scientiam rerum, eadem auctoritate ius tibi statuendi de eis adiudicas. O miseros, inquires, qui commune istud malum vident & mirantur. Certe miseros; quia non satis vident: at miseriorem te, Samosatene, qui te supra quam illos & alios omnes videre iudicas qui Deum dilexerunt & qui ab eo sunt

1Cor. 8.2 cogniti. An vero nescis quod ait Apostolus? Si quis

sibi

DE TRINITATE DEFENSIO 5

sibi videtur aliquid scire, nondū quicquam nouit sic-
ut oportet nosse. Quin potius attendis ad illum qui
te æque Samosatene, atque nos tam blande admo-
net per miserationes Dei æternas in Christo? dicens, per
gratiam quæ mihi data est, edico cuius versanti in ter Rom. 12.
vos, ne sapiat supra quam oportet sapere, sed sapiat ad-
sobrietatem, prout cuique Deus partitus est mensu-
ram fidei. Hoc te, hominem non illiteratum, decu-
it pietatis & modestiæ officium: quo si nobiscum cer-
tare voles, gratias agemus Domino: si non, constan-
tes tamen in isto humilitatis opere vigilijs, precibus-
que versari statuimus: Deumque oramus vt non no-
bis solum, sed tibi alijsque omnibus eandem mentem
indere, & virtutem dignetur addere.

Transco ad solutionem, quam adfers, problema-
tis: Et quia te syllogismis delectari video, vt te & a-
lios molestia liberem, contraham syllogistice solu-
tionem tuam.

*Qualis quisque est, inquis, talis ei bona doctrina vide-
tur esse, etiam in religionis nostræ tractatione, quæ ipsius
qualitati respondeat:*

*Qui autem iam olim versati sunt in tractatione reli-
gionis nostræ, fuerunt cultores πολλοῦ θεοῦ & vel multitu-
dinis deorum, eoque malo imbuti:*

*Illis ergo, vt πολλοῦ θεοῦ, bona doctrina de tribus personis
diuinis visa est:*

Hæc solutio tua: cuius partes tibi videris belle
adornare auctoritate, & exemplis pro tuo more adhi-
bitis. Quapropter singulas enunciationes eius ordi-
ne expendemus; postquam ex tua ipsius enunciatio-
ne argumentationem contrariam adduxero.

*Qualis quisque est, talis ei bona doctrina videtur esse:
quæ ipsius qualitati respondeat:*

6 CATHOLICÆ DOCTRINÆ

Doctrina autē diuina nemini hōinis qualitati respōdet:

Doctrina igitur diuina nemini homini videtur bona.

Secundum enunciatum aut distingue, aut nega: nihil effeceris. Distingueret te nolle scio, qui toties animalis hominis conditionem a Paulo expositam non dubitas in os nobis obijcere. Negare si placet, Aristotelem ipsum confodies, qui hoc confessus est non obscure 1. Metaphysic. 3. sexcentis auctoritatibus, innumeris exemplis reuinceris, ipsa denique rationis luce, quā facis maximi. Sed ad tua redeamus.

Propositio tua (vt vocant) maior, a nobis vltro indulgetur tibi: Etsi hoc te ex hac ipsa propositione tua, velis nolis, oportet cedere, in religionis nostrę doctrina hominis statum distinguendum esse. Quid ni
 Ibidem, vero facias, cum ille tuus Aristoteles fecerit, dicens scientię diuinę non alium quā Deum aut diuinum hominem scientem esse? Statum ergo duplicem hominis agnoscas decet, si te eiurare non decet illum præceptorem tuum: vnum hominis, quā homo, cui res diuinę minime sapiunt: alterum hominis, quā *gnoūdant* &, cui res diuinę sapiunt pro mensura donationis Christi. Audis, Samosatene, an non? Audies profecto, si homo es, si Aristotelem audies, si præfidentia mentem tuam, vt avaritia, iracundia, ebrietas mentem illorum quos in exemplum statuis, non occupauerit.

Assumptio, vtcumque a te grauiter coloretur, & pro imperio adiudicentur tenebris qui a te diuersum sentiunt, falsa est, in Deum, in veritatem, in sanctos & diuinos illos viros, a quibus veritatem hausimus, contumeliosa. Taceo quod *Trinitatis dogma errorem* vocas, qua de re postea videbitur; item quod orthodoxi homines *huius erroris tenebris circumfusi* sunt.

De

DE TRINITATE DEFENSIO. 7

Dere ipsa dico affirmate: Deus, veritas, & homines
 pij condemnantur hac enunciatione tua: Deus, quia
 tradidit dogma de se. veritas, quia vnica illa est quam
 Deus tradidit: pij, quia Deum tradentem & verita-
 tem sibi ab eo traditam eiusmodi fide & religione ac-
 ceperunt, probauerunt, ac proseminauerunt, vt eo-
 rum æmulari exoptem negligentiam potius, quàm
 obscuram & ingratham diligentiam tuam. Est autem
 iniqua tua ista condemnatio duobus modis: & im-
 perfectione, quia pars dissimulatur veri, & falsi præ-
 dicatione. Imperfecta est propositio tua, quia de
 tractatione agis solummodo religionis nostræ, de or-
 tu principioque taces. Tu vero, philosophe, non es
 nescius in rebus Physicis prius de principijs, ortu, &
 generatione agi rerum naturalium, quàm de consti-
 tutione: cur in rebus diuinis locum de ortu princi-
 pioque dissimulas? Nec enim tuus ille Aristoteles
 earum principium Deum esse negat. Dogma autem
 de Trinitate dogma diuinum est, & a Deo vero profe-
 ctum omnium idolorum ἀντήτων, & idololatriæ ini-
 micissimo: vt tota Scriptura clamat, tota Ecclesia,
 gentes quoque omnes re expertæ, ore confessæ sunt:
 quod in Apologetico Tertullianus grauiter asserit.
 Hic principium est dogmatis quod damnas: in cælo
 fons est huius dogmatis, diuina veritas, in terris niti-
 dissimus riuus ex eo fonte ducitur, Scriptura sacra.
 Tunc riuum conturbando fontem suppressurus es?
 Negabis te diuinum quicquam suppressere: huma-
 na commenta & interpretationes procul abijcere.
 Atqui hoc rei caput est: Etenim nos quoque nega-
 mus commentum humanum esse Trinitatis dogma,
 ab interpretatione humana profluere. Diuinum dog-
 ma est: in Deo sic est vt dicit: in Scriptura sic dicit vt

8 CATHOLICÆ DOCTRINÆ

est. in Ecclesia sic creditur vt Scriptura dicit, quia sic Prophetæ, sic Apostoli, sic sancti homines acti Spiritu Dei docuerunt. Negas? mille sunt probationes ad manum, quas palpare potes si oculis non potes cernere, in Scriptura sacra, in Patrum, in hominum nostrorum scriptis: & nos breui, si Deus volet, locos Scripturæ de eo argumento coaceruabimus, in lucem Ecclesiæ causa edituri. Hoc principio omisso, perfecta esse non potest propositio tua: nec perfecta igitur argumentatio.

Verumtamen, vt ad alterum locum veniamus, id ipsum quod dicitur falsum esse, in propositione ista tua affirmamus. Negamus *eam fuisse hominum qui religionem nostram tractabant qualitatem*, quum eam tractauerunt. Nam si de ijs qui ediderunt Scripturam loqueris, Prophetis & Apostolis, hos vero negamus fuisse imbutos consuetudine colendi deorum multitudinem: nam Iudæi fuerunt omnes gente: quam gentem ab idololatria hac constat longissime abfuisse. Testis Scriptura, historici, poëtæ, omnes. Si de ijs qui editam Scripturam sunt interpretati, & doctrinam a Prophetis Apostolisque receperunt (vt tu loqueris) comprobauerunt, & proseminauerunt, ne hoc quidem tibi affirmanti vel iurato sumus credituri. Quid ergo? partim negamus, partimque distinguimus propositionem tuam. Negamus ad illos omnes pertinuisse consuetudinem *πολυθεότης* ☉: quid enim hoc ad eos qui a pueris & inde ab Apostolorum tempore imbuti sunt Christiana fide? quid ad Irenæum, exempli causa, qui puer apud Polycarpum fuit in Asia? Deinde vero qui consuetudinem istam *πολυθεότης* ☉ imbiberant, eos iniuria afficis elencho tuo: nam fuerant quidem ante imbuti illi nefaria illa
con-

DE TRINITATE DEFENSIO 9

consuetudine; sed ante quoque ex animo eidem consuetudini renunciauerant, quam ad tractationem rerum sacrum aggredierentur. Antequam nouissent Deum ex Scripturis eius, fuerant ἄθεοι, vt Paulus ait, Ephes. 2. siue πολυθεοι, vt vulgus: ex quo autem nouerunt Deum, εὐθεοι vixerunt scripseruntque. Exemplo esto Iustinus ille Philosophus & Martyr Christi, quem hoc tuo relo cupis transfodere, vt alios viros sanctissimos prisce illius ac venerandi seculi. Fuit ergo ille, fuerunt alij cum illo idololatraz, & non fuerunt: sed diuerso tempore: qui idololatraz quum essent, Trinitatem nesciuerunt; quum desissent, didicerunt atque docuerunt. Quid hoc est, o Samosatene, nisi illudere est? Eteo quidem illudis magis, quod audacter non vereris de illis assuerare, *maxime omnium fuisse imbutos consuetudine colendi multitudinem deorum*. Maxime omnium, ais? nego. vnde tandem probaturus es? nempe sic videtur tibi, quia maxime visum est ad argumentum tuum pertinere. Tu vero tibi maxime crede, si voles: nos credemus minime, cum tui istius dicti certum auctorem ex vniuersa antiquitate videamus neminem. Cui enim de antiquitate magis, quam ipsi antiquitati sanctaz, doctaz, & numerosaz crediderim? Et si miror te qui tam belle deos maiorum gentium a dijs minorum distinguis, & reconditam illam historiam deorum tam tenes quam initiatus quisquam, non amplius excurrisse in Cabiſorum, in Samothracum, in Consentium deorum nomina ordinesque, &c. vt nobis fabulosa cæcæ antiquitatis illius mysteria panderes. Sed valeant ista.

Conclusionem tuam euerſis antecedentibus negamus, qua omnes eos attingit qui religioſi sunt verique per eius vnus gratiam sanctæ Trinitatis cul-

IO CATHOLICAE DOCTRINAE

tores:qua Pontificios,ne in aliena area molesti sumus
alieno loco,de eo ipsos videre sinimus.

SAMOSATENVS 2.

Neque moueor plurimis audiens diuinus suffragiis diuinarum Trinitatem personarum comprobari:cum vix pauciores flecti & detorqueri videam sacras sententias ad sanctorum inuocationem veri Dei cultui plurimū detrahentē. Quid vero purgatoriū? quid sacrificiū Missae? quid plurimi alij errores valerēt, si non sacrarum patrociniū literarū defenderetur? Ecquis intelligēs vir nō animaduertat, quo artificio tū Romani, quia pristini memores imperij maiestatis ac gloria esset, totā postea Christi doctrinā, Christianaq; religionē in pompas & vnius hominis imperiū pene diuinū comutarint? tū Graeci, Scholasticiq; Theologi, quoniā acutissimi disputatores essent, totas ferme sacras literas in disputationes cōuerterint; tū Germani, quia libertatis plus aequo amātes essent, omnem suam religionem in solam fidē omnium bonorū seruitute operū solutam & liberā trās fuderint?

ORTHODOXVS.

Eius Scriptura patrociniū qua ad defendendos errores non minus quā ad propugnandam veritatem adhibetur, nos mouere non debet in quaestione vlla: (betur:

Scriptura patrociniū tā ad errores quā ad veritatē adhibet. Hoc igitur nos mouere non debet, ne in quaestione quidem de personarum Trinitate.

Priorem propositionē negamus verā esse, ne in rebus humanis quidē. Nā vt de rebus humanis dicamus priore loco, ex iure scripto causidici conquirūt sententiā suā, quamuis contrariā, patrociniū, adhibentq; illud diligentissime; deinceps ergo hoc auctore abdiciāda foret Iuris scripti auctoritas: ex arte medica Medici; explodēdi ergo Medicorū libri: ex fide instrumentorū, etiā vnius atq; eiusdem instrumenti patrociniū quā-

DE TRINITATE DEFENSIO 71

quærēt litigātes; quid ergo instrumēto opus? Quid. n. aliud tibi vis, Samosatene, quum ita arguis? an nondū illud didicisti quod ait Tullius, Iuris ignorationē magis litigiosam esse quā scientiam? Quōd si quēquā mouere hi libri nō debēt, quorsum legātur? Si mouere debēt, (vt certe debēt) eos ergo legi necesse est. Cur autē? quia vsui sunt, & indignum est eos propter interueniētē aliena culpa abusum e manib. hominū eripi. Vsum enim cōmodum, & rem, vt est opus, ex libris illis discimus, errorē a nobis adferimus. Et te, vir bone, Scriptura sacra nō moueat? quem alij tamē auctores cōmouent, et si eorū scripta ad errores longe facilius quā illa Scriptura perducantur. Nam primū errore nō vacāt quæ humana sūt: de inde ad humana scripta (vt nōn sunt absolutē pura) qui accedūt lecturi, hi suis obuoluti sunt infirmitatibus. Quis homo sana mente dixerit, hæc legi a nobis, illā Scripturā nō legi? his moueri nos, illa nō moueri oportere? Quin potius doces illā præ alijs purā, verā, certāq; certitudine diuina esse; ac proinde præ alijs legēdā, & nos ab illa mouēdos esse? Quod si homo ignoratione, infirmitate, vitio circumfluit, quibus rebus obsessus Scriptura abutitur; id te, homūcio, potius dicere cōuenit: quisquis homo es qui ad legendam sacra Scripturā accedis, tibi & perturbationib. tuis serio renūcia, te veritati diuinæ subiice, & ad eam percipiendam te ipsum compara, vt ea promouearis ad omnem veritatem, ac nō veritatem moueas perturbatione tua. Illa vera est: tu falsus non veritatis vitio, sed tuo. Si tuo vitio falsus, ecquando tandē veritatem discēs, nisi veritatem secteris, & Scripturā colas veritatis? vides ne o Samosatene, falsam esse propositionē tuam? vides ne, etiamsi vera esset in rebus humanis, dissimile tamen exemplū fore, quum

agitur Scriptura veritatis diuinitus data, omniq; exceptione maior? Quod itaque ad secundam propositionem tuam, non dubitamus eam tibi concedere; esse qui vtuntur Scriptura, esse qui abutuntur: vsum a nobis coli, ab ijs qui abutuntur oppugnari magno suo & aliorum malo. Sed quid tum? ruit nihilominus conclusio tua, quam thesi falsæ superstruis. Nos enim veritate aut moueri necesse est, aut non moueri. Si moueri necesse, quod tu ipse confessurus es, quomodo moueamur, nisi Deus veritatis moueat, & per Scripturam veritatis? Abi igitur, & te nihil plurimis diuinis suffragiis moueri gloriare. Atque hæc quidem de illa argumentatione tua. De rebus vero quas perspergis in hoc argumento, quid dicturi sumus? Pudet profecto, pudet me vanitatis & audaciæ istius qua contaminari a te aut villo homine Scripturam minime decuit. Ais *vix pauciores sententias sacras de sanctorum inuocatione*, quàm de Trinitate personarum solere adferri. Nego: vel ipsis Pontificiis testibus, quibus arrisit tantopere sanctorum inuocatio. Nam excute, si placet, eorum libros: omnino comperturus es doctrinam Trinitatis longe pluribus & euidētioribus Scripturis cōfirmari. Te quidē aut insigniter ignarum, aut nauiter impudentem oportet esse, dixerit quispiam, qui de rebus non lectis, ac ne visis quidem, pronunciet tanta audacia; aut si forte videris, tam proterue ausis affirmare. Sed vt illorū testimonium mittam, tu homo eo me adducis, vt mihi ipse vix persuadeam a te vnquam Scripturam legi, nedum intelligi. Nam dic mihi bona fide, quotumquemque librum, adeoque paginam reperias in Scriptura sacra, si ab historicis narrationibus discefferis, vbi non exstet aliqua Trinitatis illius personarum, quā
oppu-

DE TRINITATE DEFENSIO. 13

oppugnare audes, ac non obscura distinctio? Nec mirum; quia principium est fidei salutaris maximum, & fundamentalis (vt vocant) articulus in sancto illo Apostolorum Symbolo, quod Ecclesia tenet, comprehensus. Sed hoc (vt ante diximus) loci alterius. *De Purgatorio, Missa, erroribus alijs quos sacrarum literarum patrocinio defendi* ab ijs narras qui ita sentiunt: etsi hæc omnia quæ adducis sunt dissimilia, tamen si ea sacrarum literarum patrocinio solum defendi putas, falleris. Nam præter eos quos adhibent Scripturæ locos, etiam traditiones, rationes, historiarum, miracula, auctoritates adferuntur: de quibus nihil iam disputo, te a dissimilibus exemplis male argumentari moneo. Addis Pōtiffices, Græcos, Latinos, Scholasticos interpretes, Germanorum exemplum. Quid enim non cognoscat Centor? Sed ipse vides quàm sint dissimilia quæ obtendis, ab ea doctrina de qua contendimus. Si non vides, te doceri patere: si non vis, hanc mentem commutet meliore Deus: nos quidem præstare non possumus. Quod si exempla visum est adducere, saltē abstinuisse te ab iniuria narrantem oportuit. De Pontificibus nihil dicam. Sed quod Græcos & Scholasticos Theologos distincte nominas, Latinos non dicis; id nobis tacentibus tuam mentem aperit manifesto, Nempe Latinos omnes concludis Scholasticorum appellatione. Sic Græcis patribus iniuriā vnā facis, sacras literas dicens in disputationes conuertisse: Latinis duplā, quod & istud fecerint, & cum recentiore ista Scholasticorum face ac sentina res omnes diuinas confuderint. Hoc autē quod facis, vtrum temere magis an impie? Nam si tibi plus quam illis omnibus nos fidē puras habituros, temerarium est; si plus a te veritatis esse quam ab illis pu-

tas, non potes profecto quin etiam impius audias. Quis enim ita desipit, ut tam multos viros praeclaros timētes Dei, amantes veritatis, studiosos Scripturæ, omnique instrumento quod opus est munitissimos, nihil ad pietatem credat sapuisse: vnum te *ἀνάνιον* Lynceis oculis omnia peruidisse? *Germanis* autem, quibus (nisi me fallit animus) aliquid debes, cum in Germania fortasse natus sis, certe profeceris, pessimam refers gratiam. Duo enim genti impingis crimina, libertatis amorem ad potius licentiæ, & doctrinam fidei ab operibus bonis alienam. Si licentiæ amorem vocas odium tyrannidis, quid est quod veritas vitio? Fidem vacuum bonis operibus asseruisse, falsum: sed cum essent qui bonis operibus iustificari hominem contenderent, illi contra nos iustificari non operibus coram Deo affirmarunt ex Scripturis, sed vera fide, quamuis per charitatem operante. De te vero, Samosatene, non quaero cuias sis; prius enim qui sis oporteret nosse: declarabis quum voles, nomenque profiteberis, nisi retegat Deus. Siquid tamen ex vnguibus possum cognoscere, gente Germanus es, doctrina Syrus, Samosatis tua ista dogmata afferens. Quid non pepercisti genti tuæ? si genti noluiisti, quid non bonis? Si ne his quidem, quid non tibi praestitisset enim te salutem tuam quam nomini consulere. Nomen retices, & veritati palam spectatae occlamare non dubitas. Veritati Dei de mysterio Trinitatis, veritati Germanicæ de fide & operibus bonis contra fidem, contra testimonia publica obloqueris. Siccine pergis, mi homo, abiecta & e mentita veritate salutem & nomen perdere?

SAMOSATENVS 3.

Quis igitur prudens homo non intelligat, plerosque Chri-

Christiana religionis antistites non tam ex diuinis literis religionem & doctrinam suam hausisse, quam ad ipsas sacras literas innatam sibi superstitionem afferentes, attente cogitasse, quemadmodum eam verbo Dei vestitam, cum ipsius Christi religionem propagarent? Et quidem, cum quatuor offerrentur cuiuslibet fere sacre sententiae sensus, & n̄ p̄tor seu literalis, & mysticus seu spiritalis, & tropologicus seu moralis, & denique anagogicus; cumque plures etiam ostenderentur eiusdem sensus species; non potuerunt spe sua frustrari versuti & callidi homines. Etenim si secundum unum sensum vel unius sensus speciem res minime successit, arripuerunt statim vel alium sensum, vel aliam eiusdem sensus siue literalis, siue spiritalis, siue moralis speciem, aptam ad cerebri sui idola in aliorum animis fabricanda.

ORTHODOXVS.

Repetitur hica te, Samosatene, conclusio eadem, quam segmento i. supra confutauimus. Quapropter ne actum agamus, Lectorem in eum locum reiciimus. Sed quia repetis eo consilio, vt ad confirmationes transeas propositionis tuæ, age, si placet, de locis tuæ illius confirmationis videamus. Eam igitur duobus modis videris tibi confirmare, præsumptionibus, & probationibus. Præsumptiones quia præmittis, tuo ordine persequemur. Prima præsumptio huiusmodi est:

Qui quatuor cuiuslibet fere sententiae sensus, & eiusdem sensus varias species adhibent, ij præsumuntur astute operâ dedisse vt commenta sua in aliorum animis fabricarentur:

Hoc autem fecerunt plerique Christiana religionis antistites: Ergo.

Vtramq; propositionem falsam esse videt qui rerum veritatem & scripta illorum delibatur, & paucis

demonstrabimus. Negamus ergo primum eos qui
varium sensum vni loco aribent, astute agere. Vari-
um enim sensum sine villo astu solent auctores adhi-
bere, quum aut locus postulat, aut fert conditio ho-
minum dicentium, & audientium. Exempli causa,

Exod. 12. Non frāgetur vnum ex ossibus eius, de agno Paschali
dicitur ῥητῶς, de Christo μυστικῶς, vt exponit Ioannes
in Euangelio. Hoc tibi ne sapit, Samosatene, an non?
Similiter, Omnis hostia salietur sale, secundum lite-
ram dicitur, secundum spiritum intelligitur, secun-
dum tropum ἢ τροπολογίαν obseruatur, secundum a-
nagogen accommodatur. Quid tu hic pro tua sapi-
entia? nam Christus ipse apud Marcum locum hunc
accommodat, & varie docet accommodari debere
& posse. Cur autem? quia sic loci natura postulat: &
ita postulat vt qui contra senserit, nihil sentire videat-
ur. Quid autem si is qui dicit, varie locum accipi
posse viderit, de cuius intelligentia aliquid certo con-
stituere non satis possit, tanquam ἐν ἀμφόδῳ λογισμῶν
circumfessus? Mutumne hominem esse malis, quā
eas cogitationes adferre & varios interpretandi mo-
dos qui possunt adferri sine vlla veritatis fraude? O
ineptiam! Quid denique si audientium legentium ve-
ratio diuersum aut interpretationis, aut accommoda-
tionis desideret modum? Non enim nescis, Samo-
satene, quid tuus Aristoteles in Rhetoricis doceat, res
pro capitu & vsu eorum apud quos dicuntur dici o-
portere: ac proinde idem varie doceri, aut persuade-
ri, aut condiri suauitate in docendo. Exempla adfer-
rem, si res postularet, aut te postulare crederem. Hæc
quisquis facit, an tibi astu & mala fide videtur facere?
Modus hic perse medius est atque indifferens: con-
silio & sine malis efficitur. Tu ex modo agendi
astu-

astutiam malam, nos ex consilio & fine iudicamus. Si nobis non credis, Ethica recolas licet, antequam de facto sanctissimorum hominum feras temerè sententiam. Quid illis, amabo te, cum tuis istis præsumptionibus?

Minor propositio falsa est; & præfidenter de orthodoxis & sanctis hominibus adfirmat, quod nunquam tu aut quisquam probaturus est. Iniuria triplex in animas sanctas contumeliosa. Prima est, quod *plerisque religionis Christianæ antistites ais adhibuisse quatuor sensus cuiuslibet ferè sententia, & varias sensus eiusdè species.* Sunt quidem quatuor sensus, siue interpretationis modi: quos ne tu quidem, si quando es apud te, negaturus es: & rursus vnum atque eundem sensum variè accommodari pro ratione docentiũ & audientium captu apud bonos constat. Si negas, vno impetu disciplinas omnes subvertas necesse est. Sed istos quatuor sensus omnibus ferè locis literarum sacrarũ, & variè ab illis adaptari, pernego. Quatuor sunt interpretationis modi: sed neque omnibus locis, neque plurimis simul adhibentur: quin potiùs omnes paucissimis, bini aut singuli eorum plurimis tribuuntur ab orthodoxis Patribus. Quòd si fortè vnus aut alter in isto genere plus satis interdum assumpsit sibi, an continuò id omnes fecisse, & omnibus ferè locis (vt ais) probaueris? Bona verba. Istas enim simul interpretationes iungi, & locis omnibus aut ferè omnibus, nec voluerunt plurimi, nec factum ab alijs probauerũt. Fecerit sanè Origenes plus satis: fecerit Gregorius. At plerique nunquam, alij nonnullis in locis liberaliùs: prodigè, quod affirmas, nunquam. Exstant eorũ libri in manibus omnium; quorũ fidei plus credituri sunt boni, quàm isti audaci affirmationi tuæ.

Secunda iniuria est, quod sanctissimos illos viros, quorum pietatē suspici, non autem despici à te oportuit, affue-
ras idola cerebri sui coluisse. Si nego (vt pios cer-
 tē omneis confido negaturos) ecquē te, Samosatene,
 probaturū putas? Liceat nobis tua venia illorum in-
 stitutionem in fide, pietatem, virtutem, demonstra-
 tionem Spiritus in summis tentationibus, felicemq;
 omnium certaminum exsuperantiā, coronas, trium-
 phos in Christiano hoc curriculo, gloriam denique
ὑπεργαυρωμένην cum tua hac affirmatione & obrecta-
 tione ipsorum comparare: quid te futurum est? Te-
 statur illorum vita, mors, Ecclesia, scripta, pietatem
 incorruptā ipsorum, ab omni idolo, quod vocas, alie-
 nissimam. Et nos illis potius tribuamus idolū, quā
 tibi? Quos viros Spiritus Dei probat, eosne putas da-
 mnari à nobis posse, quia tu, homo obscure, eis pro
 auctoritate idololatriam quandam non dubitas ob-
 iicere? Non dico ego quidem: vt qui de te, dum in via
 es, iubeor in charitate sperare meliora: Sed nonne vi-
 des dicturos esse quamplurimos, qui tuum istud iudi-
 cium de sanctissima illa testium nube latum cognos-
 cent, non illos ex idololatria, sed te ex idolomania
 cerebri tui laborare? Dicerem plura, nisi te deinceps
 amplius de te cogitaturum esse considerem. Faxit
 Deus salutis nostrae. Tertia iniuria, qua viros opti-
 mos afficis, eādē securi exsecta est. Nam *presumi*
dicis, eos astute dedisse operam vt istis artibus cerebri sui
idola in aliorum animis fabricarentur. Deus bone, quo-
 rum hominum cerebrū ab omni idolo fuit depura-
 tissimum, quorum animus fuit erga Deum simplicis-
 simus & erga homines integerrimus, quorum admini-
 stratio ex Dei verbo rebus & modis omnibus com-
 positissima, quorum vita sui negligentissima & in
 aliena

aliena salute fuit occupatissima, eorum cerebrum, animum, vitam, administrationem hac contumelia affici? Non defendam illorum pietatem, charitatem, virtutem, constantiam, fidem, quæ in Ecclesia Dei sunt constantissimæ, & coram vniuerso mundo admirabiles, ne Soli videar foenerare lucem. Te potius, ô Samosatene, moniturus sum, qui hac effrazni & licentiosa ratione ferris infectus in eos viros, quorum singularis virtus Angelis hominibusque fuit spectaculo, & adhuc est admirationi, vt communibus Dei hominumq; testimonijs acquiescas, & perturbationibus animi tui iudicijsque renuncies. Hæc enim si porro fundites, quo plus tu tibi sapere, eo plus sapienti cuique videberis desipere, & (quod tu ais) cum ratione insanire velle: Si desinas (vt certè debes) vel tacendo aliquam assequeris laudem sapientiæ.

SAMOSATENVS. 4.

Nec difficile eis fuit hac ipsa trabali clauo postea figere, quàm humane rationis naturale lumē diuinis in rebus effulgens planè exstinxissent, freti illis Apostoli verbis, Animalis homo non percipit quæ sunt spiritus Dei: stultitia est illi, nec potest intelligere, quia spiritualiter diiudicantur. Vocari autem animalem, qui natura lumine nititur: illum nihil in spiritualibus mysterijs comprehendere, sed pro stultitia ducere quæcunq; per reuelationem Spiritus nō patefunt. Ergo hac ratione cecato humani ingenij iudicio facillimum fuit quemlibet fidei articulum condere, & nimium credulus hominibus, tanquam cæcis, album esse nigrum, & nigrum esse album persuadere, & tanquam stultis vnum esse tria, & tria esse vnum probare: præsertim inter lucida nulla habentibus internalla quibus cognoscerent, nimiam credulitatē quasi ducem magistramq; habentem

1. Cor. 2.

diuinam auctoritatem, omnis erroris & stultitia ianuam esse: non ab Apostolo, sed ab idololatriis apertam; à Christo uero diligenter clausam, quum ex parabolis rebusq; naturalibus indicari uellet de rebus spiritualibus, atq; satis ita superq; significaret religionis nostrae mysteria non esse contra rationē, (quomodo enim in ea assurgere posset ministerio rationis?) sed tam consentanea rationi, quam parua ueritas magna, & exiguum lumen maximo est simile. Astuti autē homines quum vel unica micante rationis scintilla monstruosissimos quosq; deprehendi errores posse intelligerent, totam in tenebras & stultitiā uerterunt humanam rationem Christianae fidei oracula contemplari conantem: ut ipse errorum tenebra quanta essent, nemo uidere posset.

O R T H O D O X V S

Secunda praesumptio, quam rhetoricando hic Samosatenus profert, est huius argumenti:

Qui naturalem rationis humanae lumen in rebus diuinis adhiberi uetant, ij praesumuntur astute dare operam ut cerebri sui idola in aliorum animis fabricentur & fallant.

Hoc autem faciunt Theologi: Ergo:

Propositio maior est ambigua. Nam aliud est, si omnino adhiberi uetes; quàm si ad certas quasdam res atque definitas: aliud, si ut ducem ueres, quàm si pedissequam: aliud, si ut dominam, quàm ut ancillam. Ad certas quasdam res atque definitas eam volumus adhiberi, nempe quæ cum ipsa sunt analogæ, & comprehenduntur vi proportionata (ut uocant) illius; ut pedissequam, non ut ducem: ancillaturam fidei, non dominaturam. Nam fides non est omnium; ratio est omnium. Atque hoc disertis uerbis ostendit Christus Nicodemo, Si terrena dixi uobis & non creditis, quomodo.

modos i caelestia dixero vobis, credetis? Quid plura? vel ex Aristotele istud, Samosatene, te oportuit didicisse. Cum enim scientia diuinæ scientem esse neminem nisi Deum aut diuinum hominem fateatur (ve antè segmento i. dicebamus) eà certè scientia diuinæ hominem esse agnoscit participem quā diuinus est: non est autem diuinus ratione: non ergo ratione sua sciens illius scientiæ. At ratio diuinum quid est, inquires. Est quidem, sed naturale: Aristoteles autem agnoscit hominem naturālē non esse scientem istius scientiæ, nisi quā supernaturali vi & modo sciens effectus est: nam de seipso fatetur ipse se nescium. Attamen ratione capit, fortasse dixeris. Capit sanè quod ratione potest, vt instrumento vitioso & infirmo, sed administro, & ex parte & infirmissimè: omnia verò capit fides, lux illa caelestis & supernaturalis, cui rationem opus est mancipari & captiuam dedi.

Affirmatio qua in propositione altera vteris, cum propositione antecedente collabitur. Nam si dicemus hominem fieri animal brutum & rationis expertum oportere, vt res diuinas assequatur, vinceris: sed lucem rationis, quantum acunque est, ita retinemus, vt maximam lucem & transcendentem dicamus accedere; cui minorem istam, & obscūram, & infestam quā plurimis perturbationibus, cedere est necessarium. Sic ergo tibi argumentandum fuit. *Qui naturalis rationis humana lumen in rebus diuinis omnino adhiberi vetant, ij presumuntur astute, &c.* Hoc autē non faciunt Theologi: qui faciunt, faciunt *μαλακολόγως*. Atq; hæc vis, hæc ratio argumentationis tuæ, dum pro homine animali contra veritatem gratiæ diuinæ & infusam illam è cælo scientiam ratione abuteris.

Sed quia hanc tuam inscitam argumentationem

ornauisse & confirmauisse perbelle tibi visus es aspersis quibusdam oculis & orationibus à sale & gratia contra quàm putas alienis, de eis quoque dicendum est. Illudis interpretationi Paulini illius dicti, *Animalis homo non percipit quae sunt spiritus Dei, &c.* nostrorumque hominum interpretationem exagitas re, & consequentia.

In re tria animaduerto ab te reprehendi. Primum est, vocari *animalem*, qui naturæ lumine nititur. Dicendum tibi fuerat, Samosatene, lumine naturæ solùm. Qui enim res duas coniungit, non disjungit velut contrarias atque *antitheticas*. Contrà enim nulla est creatura, nisi ratione prædita, quæ rerum diuinarum salutarem scientiam participet. Qui ergo naturæ lumine vtitur solùm, is in rebus Spiritus Dei nihil videt, quia Spiritus Dei lux gratiæ, ac non naturæ est. Atque hæ duæ (vt ita dicamus) luces toto genere differunt, & dicuntur æqui uocè.

Secundum est, quod ais *animalem hominem nihil in spiritualibus mysteriis comprehendere*: id à nobis tradi. Hic verò, Samosatene, sic agnosco eam doctrinam quam piè tradimus, vt simul etiam recognoscam errorem crassum, an fallaciam tuam? Spiritualia enim mysteria quum dicuntur comprehendere, aut nō comprehendere, non solùm ad ipsum esse vel naturam respicimus, sed etiam ad ortum modumque comprehensionis illorum. Nam res quidē spirituales aliqua nobis & rationi nostræ à natura innotescunt, sed obscure, infirmè, tenuiter, velut in semine principioque & per se ad salutem aut scientiam iustam inefficaciter: quemadmodum ait Paulus nō ille Samosatenus, sed seruus Iesu Christi vocatus Apostolus ad obedientiam fidei, Rom. I. homines veritatem in iniustitia detine-

re, quoniam id quod de Deo cognosci potest, manifestum est in ipsis; Deū enim fecisse manifestum eis, &c. Sed non loquitur Apostolus ad Corinthios scribens de illa communi, naturali, & rudis scientia diuinarum rerum, aut de omni sciētia diuinarum rerum vniuersē: tantum agit de ea comprehensione rerum spiritualium quæ ortu spiritualis est. Demonstrat illud sermo Apostoli, quum ait, non percipit quæ sunt Spiritus Dei, id est, quæ Spiritus Dei percipienda exhibet. Sic rerum spiritualium duas species tradit ἀποδιδωμένης: vnā earum quæ sunt naturæ, sed hæ hominem reddunt ἀνατολόγων: alterā earum quæ sunt Spiritus Dei infusæ per gratiam. Sic ex parte cōcludis totū; ex eo quod dicitur oppositè, cōcludis absolutè. Et hoc est logicum esse, scilicet. Quid vero aliud sibi vult Aristoteles ipse, quū hominem inquit esse diuinū oportere? quod antè segmento i. ostendimus.

Tertium est glossēma audax quod in hunc locū adhibes, dicens *nos pro stultitia ducere quacunque per reuelationem Spiritus non patefuit*. Id enim communibus verbis sic abs te enunciatur; vt si omnia, quæcumque sunt extra reuelationem, damnaremus stultitiæ. Inuidiosè dictum, & à distributo (vt loquuntur) ad non distributū cōtumeliosè traductum. Nos enim, si forte, quum ita loquimur, agimus de ea cognitione rerū spiritualium quæ ortum habet à spiritu: neque illa naturæ nostræ rudera tollimus, quæ in mente nostra adumbratam habent tamquam in pictura, aut tamquā in semine inchoatam aliquam notionem rerum spiritualium: sed de veritate, non de imagine; de reali, non de seminali cognitione prædicamus ista, quam rem non ingenerat in nobis natura, sed inspirat & infundit gratia. Sic nō ducimus pro stultitia, simplici-

ter quaecunque per reuelationem Spiritus non pate-
 fiunt: nam humanas artes & disciplinas quaslibet no-
 lumus stultitiæ deputare. Neq; pro stultitia habemus
 communem illam notionem rerum spiritualium à
 natura impressam: nam hæ reliquæ sunt illius imagi-
 nis diuinæ, quam effinxerat principio in nobis Deus,
 & indignissimè deletam à nobis Deus misericorditer
 conseruauit: sed pro stultitia ducimus, & in stultitiæ
 numerum optimè referuntur quæcunq; de sapientia
 illa celesti & spiritali quæ supra lucem naturæ est,
 ab homine excogitari aut dici possunt sine Spiritus
 1. Cor. 2. diuini reuelatione singulari. Quis enim hominū no-
 uit ea quæ sunt hominis, nisi spiritus hominis qui est
 in eo? Ita etiam ea quæ sunt Dei nemo nouit, nisi spi-
 ritus Dei. Quòd si quis interdum aut comparatè, aut
 respectu vsus & effectus ita loquutus est; id ab altero
 humanè ac nō malè dictum, id inquam à te, Samosa-
 tene, humanè oportuit accipi. Comparatè dico: vt
 si quis cognitionem naturalem, quemadmodum se à
 natura habet, cum inspirata comparauerit: tū certè
 dixerit non incommodè, naturalem illam præ hac
 nihil nisi stultitiā esse. Respectu vsus & effectus dico;
 quia si vsum vnius cum vsu alterius contuleris; illam
 in effectum stultitiæ, hanc sapientiam esse conueni-
 enter pronunciaueris. Tantum intelligente Lectore
 opus est atque beneuolo.

Quod ita quæ concludis *hac ratione cæcatum humani
 ingenij iudicium esse*, cum falsis fundamentis totum
 sit superstructū, de alio fundamento & fulcris poten-
 tioribus prospicias licet. Etsi doctrina falsa quid opus
 habeat fulcris atq; erismatis? Tibi potius, ô Samosa-
 tene, & salutis tuæ consule, atq; ex verbo veritatis ful-
 cra veritatis adhibe: quæ, vt cæcus & cæcissimus, præ-
 fiden-

fidentia rationis tuæ hætenus refugisti in perniciem tuam.

Iam ad consequentias tuas venio siue *προβλήματα*, quæ ex antegressa argumentatione tibi subtiliter viderisnectere. Hoc pacto *facillimum* fuisse dicis *quemlibet fidei articulum condere*. Quo tandem? nempe ubi iudicium ingenij humani sic fuit occæcatum. Atqui non fuisse occæcatum modò ostendimus: nam quod illustratur, non occæcatur: illustratur autem diuina luce superfusa per gratiam. At affirmatur contrà, inquires. Affirmatur quidē, sed vario respectu: nam si vtramq; lucem coniunctè dixeris, hæc illustrat illam, & alit, & auget, sed quatenus cum illa consentit: etsi hoc quantum est? Sin verò disiunxeris, aut oppositè sermonem de eis institueris, vt facit eo in loco Apostolus, & nos facimus; ne ipse quidem Aristoteles inficiaturus est animale m hominem ea non percipere quæ sunt spiritus Dei. Tune, homo, & diuinam lucem magistrā omnium, & illum ipsum præceptorem tuum reiicies arbitrato tuo? Et in hoc argumento triumphas, si Deo placet; similibusque à sensu & principiis naturæ abuteris: quasi verò eadem esset ratio rerum naturalium & inspiratarum gratia, aut eadem vis ad vtrumque rationis nostræ. De qua sic habeto paucis. Ratio humana in rebus diuinis & spiritualibus & nihil, & vix, & parum videt. Nihil videt in rebus spiritualibus per se quæ Spiritus Dei sunt, id est, quas inspirat gratia: vix videt in iisdem rebus, quamuis prælucente Spiritu: adè tenebris offusa est, vitiositatis nostræ: sed videt tamen: parum videt, quia illam reliquam naturæ vim luce Spiritus illustratam vtcunque contendat vehementissimè, tamen non ampliùs videt quàm prout cuique admeri-

tur Deus mensuram fidei. Hæc autem mensura quanta esset tibi, Samosatene, videbitur, si cum infinita illa plenitudine contuleris? Et te non pudet affirmare hoc loco, *credulitatem qua quasi ducem magistræque habet diuinam auctoritatem, omnis erroris & stultitiæ ianuam esse*? Falleris, mi homo, falleris: non hæc ianua est, sed portula secundaria. Ianua erroris ea est ipsa, qua tu præfidenter veheris & in mysteria veritatis inueheris indignissimè, *νοδοζία* & præsumptio inanis de ratione humana, tãquam si ad lucem diuinam percipiendam ipsa lucis haberet satis. Hac porta quadrigis raperis, nisi tui misereatur Deus: Ab hac autem, secunda est illa de qua sermonem habes. Per primam tãr rapidè ferris, vt transcurrens non animaduertas: per secundam transire non potes propter tumorem rationis tuæ. Neutrum probamus, sed illam improbamus magis. *Hanc ab idololatriæ apertam fuisse* dicis: verum id quidem, sed non antè quàm per tuam illam portam vastissimam ad portulam hanc transiissent. Nam per illam rationis humanæ portam omnes transeunt: sed eorum alii sibi confidentes velut in vacua vacui spatiantur arena, quod tu facis: alii sibi diffidentes partim credulitate illa, quam dicis, temeraria portulam ineunt idololatriæ communem, partim iusta fide ad veritatem rerum spiritualium promouètur, non in hominibus conquiescentes, sed in solo Domino, à quo est omnis donatio bona & perfectum donum. Addis hanc eandem portam à Christo fuisse, *diligenter clausam, quum ex parabolis rebusque naturalibus indicari vellet de rebus spiritualibus*. Si argumentationibus agi oporteret, tu quidem ab exemplis particularibus nihil conficeres: nam & aliæ sunt rationes quibus docuit Christus, &

nobis

nobis alias præterea imperavit. Singulariter enim
 suos docet Christus per Spiritum veritatis, qui supra
 rationem est: communiter autem docere inter nos
 voluit auctoritate verbi & demonstratione Spiritus
 exemplisque cum ratione iunctis: quarum rerum au-
 thoritate, quia diuina est, putaresne rationem hu-
 manam cedere quâ corrigitur, sequi quâ ducitur, &
 ministrare quâ regitur minimè oportere? Tum ve-
 rò falsum est, quod ais voluisse Christum ex parabo-
 lis rebusque naturalibus de rebus spiritualibus iudi-
 cari. Iudicium quidem & sensum illum fidei non
 negamus iuvari exemplis & documentis a natura
 sumptis: at iudicium naturale ex rebus naturalibus,
 infirmis, variis, obscuris, incertis, fallacibus, de rebus
 diuinis, potentissimis, immutabilibus, perspicuis,
 certis, veris primò & per se iudicare, & regulam esse
 iudicandi, nemo homo, si sanus est, affirmabit. Res
 metaphysicas physicis iudicari nunquam concedes
 oportere: & diuinas ex eis affirmes iudicandas? Quod
 ergo tu concludis, Samosatene, & nos concludimus:
religionis nostræ mysteria non esse contrarationem, sed
quâ integra ac non vitiosa est ratio: nam in quibus ra-
tio est integra, religionis nostræ mysteria cum ratio-
ne consentiunt: in quibus corrupta, pugnant & cor-
rigunt: in omnibus autem supra rationem sunt om-
nino, re, ratione, & modo. Item & illud concludi-
mus eadem mysteria tam consentanea esse rationi quàm
parua veritas magna, & exiguum lumen maximo est si-
mile: nempe rationi integræ, & a vitiiis perturba-
 tionibusque puræ: nam de corrupta & vitiosa quis sa-
 nus concesserit? Quamquam non aliter exempla tua
 valere possunt, veritatis & luminis, quàm cæteris (vt
 loquuntur) paribus: id est, si de veritate & luce ho-

mogenea siue cōgenere, & de æqualitate puritatis, & iusta proportionē ac commensu aliquo acceperis. Et hæc ipsa quoque similia, quibus abuteris ad stabilendam sententiam tuam, si accuratius ea expendere, à te sic proponuntur, ut nec consilio tuo, nec rerum naturæ respondeant. Etenim si de natura quæris: ut ens vnum, sic verum vnum est & vna veritas: improprie ergo dicis magnam & parvam veritatem. Sin autem de consilio tuo, vide quàm malè tibi prospicias luminis similitudine. *Tam sunt consentanea*, inquit, *rationi mysteria religionis nostræ, quàm exiguum lumen est maximo simile.* Exiguum autem lumen tam est simile maximo, ut prout natura: vnum sunt, ita coniunctione in vnum transcant, & in maiore ac perfectiore minus sorbeatur. Sic ergo rationem cum mysterijs religionis nostræ sese habere necesse est. Sic tuo te gladio iugulasti, Samosatene, cum rem confirmare putares ex sententia tua. His positis cōclusionem totius sermonis tui quis non videat à veritate, quam quærere tenemur omnes, plurimum aberrare? Pergamus.

S A M O S A T E N V S. 5.

Quoniam verò experti fuerant, perfecti lumen ingenii nulla posse stultia credulitate obrui, voluerunt illud vi saltem inclusum teneri in anima, crudelissimis propositis suppliciis, ne id aliquando erumpens aliis quoque luceret.

O R T H O D O X V S.

Hæc præsumptio tertia, quam ita Samosatenus probat:

Qui vi inclusum teneri perfecti lumen ingenii in causa religionis mysterijsq; voluerunt, ij non obscure dederunt operam ut idola cerebri sui in aliis statuerent.

Hoc:

Hoc fecerunt Theologi: Ergo.

Primum maior nō est necessaria: fieri enim alia de causa potuit vt vim istam in populares suos intenderet: vt verbi gratia, si quis liber esse & vacuus ab omni rixa audienda & contentione voluerit, & vitam in otio transigere, ac non importunis aliorum contentionibus fatigari, obrui, necari.

Minor est indefinita: fecerunt quidam: plerique non fecerunt. Et tamen hīc artificiosè quod ex aliqua parte fuit, de toto corpore Theologorū affirmatur. Inconsequens igitur est argumentatio. Quod si præsumptio est, & inconsequens est, quid te, Samosatene, hoc genere argumentationis putas effecturum?

SAMOSATENVS. 6

Neque solum pœna metu opprimendum censuerunt maximum quodque ingenium, sed diuinorum etiam spe honorum deprauandum; & ad stultissimam idololatriam alliciendum putauerunt; latissima patefacta via, qua quis in minorum numerum deorum prouheretur, si pro maiorum multitudinem deorum strenuè propugnasset; vti Hieronymus, Ambrosius, Augustinus, Thomas Aquinas: sin autem nullam vel frigidam illorum propugnationem suscepisset, tum verò ignominiam, aut nullum saltem diuinum expectare honorem cogeretur, vt Origenes, Lactantius, Scotus.

ORTHODOXVS.

Hæc quarta & vltima præsumptio eiusdem planè modi cum antecedente: tantum eo differens, quod ibi de pœnis, hic de præmiis agitur. Quapropter etiam idem est confutationis modus. Nam vt hæc de nonnullis vera demus fuisse; tamen nec

omni tempore, sed postremo: nec vbiq̃ue, nec apud omnes, aut ab omnibus fuisse factum, constat manifestissime. Rursum ex particulari placet concludere? Negamus de vniuersali: Samosatenus ergo nihil assequitur. Quod autem ad illa atrociora verba, *pro maiorum multitudine deorum*, &c. ea iam antè se-
gmento i. refellimus, & ampliùs deinceps, volente Domino, refellemus.

SAMOSATENVS. 7.

Atque huic quidem rei certissimā facere fidem tria pos-
sunt *κρίτηρια*, nunquamq̃ fallentia signa: quorum primo ponam loco, aeternitatis latebras atq̃ tenebras, in quas se coniciunt Trinitarii veritatis fulgorem splendoremq̃ nō ferentes, & in quibus, tamquam tuti, clausi, septi, muniti, contra plurima rationum momenta latitare solent. Hi etenim cū in vno solo, & ὁ ὁ ὁ, & τὸ αὐτὸν vero Deo non acquiescentes, λόγον etiam verum vellent Deum facere; sentirent autem hanc omnes habere homines Dei notionē naturaliter mentibus insitam & impressam, Deum esse ens primum, perfectum, immutabile, à nullo pendens, nullius indigens, per se sufficiens: Deum verò genitum non posse dici ens primum & immutabile, non à nullo pendens, non nullius indigens: sed esse ens secundum & mutabile, pendens à generante, indigens parentis: ut huiusmodi vim & robur rationis declinarent, constituerunt in aeternitatem Dei tamquam in dumeta correpere, altaque inde voce clamare, λόγον generatum fuisse ab aeterno: in aeternitate autem non esse prius & posterius; non esse qui ab alio pendeat, qui alterius indigeat.

ORTHODOXVS.

A præsumptionibus ad probationes Samosatenus transit: quarum grauitatem maximam esse demonstraturus *κρίτηρια* appellauit, id est, signa nunquam fallen-

fallentia (vt ipse vertit) ex quibus certum indubitatumque iudiciū fieri oporteat, si cum proprietatibus veris æternitatis & naturæ diuinæ comparentur. Tria autē hæc *ὑποστάσεις* sunt quæ ab ipso adducuntur. Primum à persona Filii: Deum esse vnum *ἕν* & *ἁπλοῦς*, nec Filium Deum esse propriè. Secundum à persona Spiritus sancti: nec Spiritum sanctum propriè Deum esse eodem argumento. Tertium ab vnione hypostatica naturæ humanæ in persona Christi: nec Christū propriè loquendo Deum esse simul hominemque posse. Quæ dicta omnia blasphema sunt & horrenda, à Seruero in memoria nostra excitata: sed quia per communicationis modum hæc instituimus, simpliciter rem pertractabimus.

Primum ergo *ὑποστατικόν*, quod vocat, hoc loco statuit in hunc modum:

Ens primum est perfectum immutabile, à nullo pendens, nullius indigens, per se sufficiens:

Deus est ens primum: ergo & immutabilis, &c. Datur pro syllogismus. Subiicit,

Si qui Deus est genitus, non potest esse ens primum & immutabile, &c.

Christus est Deus genitus:

Christus ergo nō potest esse ens primū & immutabile, &c.

Maiorē negamus: & utrūq; Christo asseueramus competere, quod & Deus sit genitus, & idem sit ens primum & immutabile: genitus ab æterno à Patre secundum personam, ens primum & immutabile, vnum cum Patre secundum essentiā ab æterno, ac non in tempore. Nam genitus quum dicitur, relationem fieri Filii ad Patrem: ens primum quum dicitur, relationem fieri ad entia cætera, quæ ab ipso sunt, in ipso (quamuis extra ipsum) per ipsum, & propter ipsum:

Hæc nihil æternitati aduersari, sed commodè illi ac verè tribui ex Scripturis sacris. Reclamat Samosatenus hoc loco, dicēs oppositum esse in appposito, vt loquuntur; æternum esse & genitum esse non posse dici de eodem subiecto secundum idem: *latebras & tenebras æternitatis à nobis queri* in quibus latitemus: nam verum Deum esse vnum solum & oia, & c. nos in æternitatē Dei tanquam in damna correpere, &c. Hic ergo status quæstionis. Dicimus non aduersari æternitati Dei & naturæ entis primi, quod Christum dicimus esse à Patre genitum. Samosatenus affirmat aduersari: & hoc ipsum statuit potentissimum esse *re-*
uincendæ fidei & doctrinæ nostræ. Ludibria ipsius, vtut allubescant ipsi, horrentes omitemus: ad rem veniemus, malè sana hominis verba negligentes.

SAMOSATENVS. 8.

Verum si quis æternitatis angulos & latebras scruetur, ipsius definitionis lumine facile omnes conspicientur &prehendentur lucifugi. Ab omnibus autem recepta Theologus æternitatis definitio est, quæ à Boëthio traditur his verbis: *Æternitas est interminabilis vita tota simul & perfecta possessio.* Quam definitionem Scholastici Theologi explanantes: *Interminabilis*, inquiunt, dicitur quia quod verè æternum est caret terminis durationis; qui duo sunt, vnus initium, alter finis durationis. Vtroque autem caret æternitas: quam rem vel ipsum præ se ferre nomen videtur: dicitur enim æternum quasi extra terminos existens. Hac ergo definitione; quasi clarissimo prælato lumine, ingrediamur in ipsius æternitatis tenebras, diligenter inquirentes an Deus genitus esse possit æternus, ac proinde ens primum, à nullo pendens, nullius indigens, &c.

Lib. 5. de
consolat.
profa. 6.

ORTHODOXVS.

Missa verborum cura quæ exultans dat hoc loco Samosatenus, & quibus videtur sanæ doctrinæ illudere, *tenebras*, *lucifugos* occentans, (quæ appellatio melius scriptores *ἀνάρητους* decet) ad rem veniemus. Damus ergo definitionem hanc æternitatis: de ety-mo viderint peritiores Grammatici. Hoc fundamentum positum non labefactabimus: placet enim, & cum veritate consentit. Sed quid, quàm bellè superstruat artifex huic fundamento, videamus.

SAMOSATENVS 9.

Vera æternitas cùm ante & post sit interminabilis, necesse est eius fundamentum & quasi radicem esse perfectā, absolutamq. immutabilitatē: quod enim aliquid est immutabile, propterea nec potest incipere, nec desinere esse; quicquid enim incipit esse, mutatur de non esse ad esse: quicquid item desinit esse, id mutatur ex esse ad non esse. Atqui Deus genitus necessario cæpit esse, & nequaquam æternus atque immutabilis dici potest: Deus item qui genuit, necessario desinit eundem Filium generare, mutatusque est a generando ad non generandum: neuter igitur verus & æternus esse potest Deus. Si enim quod infinitum est, ubique est: & quod ubique est, immobile est, quia infinitum, omnē occupans locū, nihil relinquit spatij in quod possit moueri: & si mouetur, infinitum non est; non enim omnem implet locum, si non omni caret motu ad locum: ergo simili ratione quod æternum est, semper est: & quod semper est, ingenerabile est: quoniam æternitas omne præripit tempus omnemque præcipit durationem, in qua quippiam generari possit: & si generatur, æternum non est: non enim omnem præoccupat omni festinatione durationem, si non omnem tollit generationem, in qua generans suapte natura prius est generato.

Ex antecedente æternitatis definitione argum-
tatur Samofatenus hoc modo:

*Vera æternitatis quasiradix & fundamentum est per-
fecta absolutaque immutabilitas:*

*Qui genitus est, cœpit esse; & qui genuit, desit gigne-
re: mutatus uterque:*

Neutrius ergo immutabilitas. Pergit,

*Cuius non est immutabilitas, is Deus & ens primum
vere dici non potest.*

*Patris & Filij secundum vestram doctrinam non est
plena immutabilitas:*

Neuter igitur Deus secundum doctrinam vestram.

*Hoc autem absurdum: ergo & illud. De his ordine vi-
debimus.*

In priore argumentatione agnoscimus libentissi-
mè quod primo loco dicitur, æternitatem immuta-
bilitatis esse: & hanc ipsam propositionem a nobis
facere confirmamus. Nam si *Deus est æternus & im-
mutabilis: Pater autem & Filius est Deus: ergo Pater &
Filius immutabilis.* Et, si *Pater genuit Filium; & Filius
genitus est a Patre: ergo hic genuit illum, & ille est ab
hoc genitus immutabiliter.* Hoc ipsum est quod volu-
mus, & conuenienter naturæ ex sacris Scripturis asse-
rimus, ut fecerunt orthodoxi Patres.

Minoris vero propositionis singula membra non
vacant vitio. Ea itaque nos diuerso ordine confuta-
bimus. Primùm ergo Deum negamus mutatum es-
se, aut mutari posse. Nam Deus est primum ens &
purus actus sine vlla permistione alicuius potentie:
quicquid autem mutatur, aliquo modo in potentia
est. Tum Deus est essentia simplicissima, & omnis
compositionis expers: Mutabilium autem aliquam
specta-

spectari compositionem necesse est: quia quicquid mutatur, quantum ad aliquid manet; & quantum ad aliquid mouetur mutaturque. Postremo quicquid mutatur, id motu & mutatione sua aliquid acquirit, & pertingit ad aliquid ad quod non pertingebat prius. Hoc autem quis homo sanus de Deo dixerit, aut etiam dici posse vnquam putauerit?

Hoc illud est, inquit Samofatenus, quod volo. Nam hæc tria de Deo a vobis prædicantur, quum Pater genuisse dicitur, & Filius fuisse genitus. Nam de Patre prædicatur potentia actiua, gignendi; de Filio, passiua, vt esset genitus. De Patre prædicatur mutatio, quòd genuerit; qui autem genuit, desiit gignere: de Filio consimiliter, quod genitus sit: qui enim genitus est, cœpit esse, & desiit gigni. Postremo Pater gignendo assequutus est Filium, quem non habebat; & Filius esse, quod non habebat. Annon ergo ex sententia vestra consequitur mutari Deum?

Nos vero absit vt hæc tria aut horum quicquã de summo illo & primo Ente, vero æternoque Deo nostro sentiamus, aut dicamus. Nam Patrem gignere, & Filium gigni a Patre dicimus sine mutatione vlla aut essentia, aut personæ, aut actus notionalis sui, vt vocant Scholastici: neque hæc inter se pugnare ratione vlla contendimus. *Qui gignit, inquit, potentia actiua gignit; & qui gignitur, potentia passiua gignitur: Pater gignit, & Filius gignitur: Ergo potentia actiua gignit & passiua gignitur.* Maiorem distinguimus: Nam gignendi verbum dicitur æquiuoce, pro natura subiectorum quib. generandi actus tribuitur. Est genitura Logica, siue Physica, quam Prædicamentale vocant:

est genitura transcendens siue metaphysica, quam mentalem dicunt: est suprema vel singularis, quæ & diuina appellatur. Genitura logica vel prædicamentalis est rerum corporearum, quæ per se & de se gignunt extra se: sic a parentib. gignuntur liberi. Genitura transcendens, est spirituum, quæ propterea mentalis dicitur, quia mens, vt subiectum simplex, gignit non de se, sed per se in seipsa: atque sic a mente gignitur ratio. Genitura suprema siue diuina est, qua Deus Pater gignit Filium, persona personam per se & in se, in vnitæte essentiæ, vt subiectum simplicissimum, si subiectum licet appellari. Secundum primam gignitur substantia corporea & ab homine persona, per potentiam: secundum alteram gignitur non substantia aut persona, sed essentialis proprietas mentis & specifica illius per naturam, non per potentiam: Secundum tertiam gignitur persona diuina; non per potentiam, vt hic vult, sed per naturam. Et sine quis imperitior obloquatur istis, rudiores monendi sunt, nos hoc loquendi modo nihil de omnipotentia Dei detrāhere; absit: sed de potentia Logica aut Physica loqui: quod genus potentiæ Deo tribui non potest, quia actus purus est & simplicissimus.

Nunc iudicet æquus Lector, quanti apud bonos esse possit illa enuntiatio: *Qui gignit, potentiā actiuā gignit*, &c. Distinguiamus enim hoc modo, Qui gignit secundum corpus, geniturā logicā videlicet, is potentiā actiuā gignit; & qui gignitur, potentiā passiuā gignitur. Idem concedimus, & docemus. Sed in altero genere negamus: Nam qui geniturā transcendente, aut etiam suprema gignit, is ea potentia non gignit, secundum quam potest gignere aut potest non gignere; sed gignit naturā, secundum quam ita est.

est vt est, nec aliter se habere potest. Mens itaque gignit λόγον, nec potest non gignere, quia est partus vel genimen naturale mentis, & quidem (vt Aristoteles Lib. 2. de anima.) τῷ τοῖς σωματίδιον, id est, coæternum menti: nunquam fuit, est, aut erit mens, quin sit in ea ratio; nec ratio vnquam dari potest, quin sit mens ratione instructa, eamque obrinens. Similiterque in diuina generatione, Pater gignit λόγον Filium, nec potest non gignere, quia est partus vel genimen naturale personæ Patris, & coæternum Patri: nunquam fuit, est, aut erit Pater, quin sit in eo Filius; vt nec Filius vnquam dari potest, quin sit Pater Filij, habens in se Filium. Hæc verissima generationis ac perneccessaria distinctio.

Minorem itaque animo æquissimo non concedimus solum, sed etiam asserimus, seruata distinctione quam adhibuimus: Pater enim gignit Filium, & Filius a Patre gignitur suprema & singulari generatione, quam diuinam appellamus. Sic falsa conclusio.

Ex hac vero distinctione & solutione argumenti primi, reliquorum id genus solutio est cuius bono exposita. Eiusmodi est Samosatæni argumentum istud, vel potius membra argumenti inter se respondentia: *Qui genuit, desit gignere: qui genitus est, capit esse, & desit gigni. Illud autem Patri, hoc Filio competit.* Virumque membrum negamus de genitura Metaphysica & transcendente vere dici: quanto magis de genitura singulari, quæ supra omnia Physica est & Metaphysica? De genitura logica verum esse inter nos conuenit. Nā genitura primæ speciei est actio & passio transiens, ex potentia: genitura vero secundæ & tertiæ speciei est actio & passio permanens, in natura; & vsque adeo est de natura gignētis & geniti, vt

semper simul sint, nec vnum sine altero esse aut interire possit. Quod itaque concludit, ergo neutrius immutabilitatem esse, id ex antecedentibus cōfici nullo pacto potest. Contra vero si rem se habere secus diceremus, immutabilitatem Deo adimeremus. Nam si mens generat, etiam generat Deus: si mens generat generationem coeternam, etiam Deus: si generat in se, non extra se, etiam Deus: si simplex est & immutabiliter generat, multo magis de Deo fateamur idem necesse est. Cur autem? quia naturalis est spirituum, non potentialis vtrique generatio, nec a natura diuelli potest sine corruptione illius. Generatio igitur est immutabilis. De eo autem membro, quod dicitur, *qui genitus est, capit esse*, paulo post videbimus. Nam hoc speciatim postea & copiosius a Samosateno instituitur argumentum.

Euerso autem prosyllogismo, consequentia quoque argumenta rueri necesse est. Nam postquam immutabilitatem essentiae Dei & personalis generationis in essentia statuimus, ex contraria argumentationem affirmatiuam hoc modo construimus:

Cuius est plena immutabilitas, is Deus & ens primum verè dici potest, ut est:

Pater & Filius plena est immutabilitas, ut modo ostendimus:

Et Pater igitur & Filius est verè Deus, & verè dici potest.

Quod autem postea hic Samosatenus a simili voluit confirmare argumentationem suam, non fuit necesse. Nam vera sunt illa quæ primum adferuntur: *Eadem est ratio infinitatis quæ loco opponitur, & aternitatis quæ temporis*: ut enim locum infinitas, sic tempus excludit æternitas. Deinde & illa non improbamus: *Infinisum est ubique: quod est ubique, immobile est: infinisum*

tum ergo immobile. Item, Aeternum est semper: quod semper est, immortale sine principio & sine est: aeternum ergo immortale. Sed quum sine principio dicimus, non tollimus principium originis, sed principium temporis: hoc enim æternitate, non illud excluditur. Quapropter fallit Samosatenus egregiè, quum inquit, *quod aeternum est, semper est: quod semper est, ingenerabile est.* Dicendum fuerat, o Samolatene, *quod semper est, intemporale est.* Nam vt immobile tollit rationem loci, sic intemporale vel non successuum tollit rationem temporis. Quum autem dicis, *quod semper est, ingenerabile est,* negatur minor, & merito: cum ipse dices a ratione similis quod institueras; & hæc duo attributa, Semper esse, & Genitū esse, a natura ita sint, vt alterum non tollatur altero necessitate naturæ, sed simul in eodem subiecto coire possint. Quemadmodum, exempli causa, si extra Dei essentiam alia mens aliqua dari posset sine temporali principio, eiusdem quoque mentis λόγος rationemue sine principio temporali necesse foret statuere: hæc autem ratio secundum originem principium, secundum tempus minimè habitura esset, eo quod menti coæterna est.

SAMOSATENS. 10.

Quid? an aternitas ipsius rei pervertere naturam ita potest, vt Pater aternus non fuerit Pater, & Filius aternus non fuerit filius? Stultum quidem fuerit hoc affirmare: ergo neque efficere potest aternitas, vt aterna generatio non fuerit generatio, id est, productio de non esse ad esse, vt que non esse λόγος aliquo modo non praecefferit ipsum esse.

ORTHODOXVS.

Argumentum est a coniugatis, quod syllogisticè (si placet) ita concluderis:

*Eadem ratio aternitatis est ad esse Patris & Filij, & ad generationē, quam argumenti formandi causa non incom-
mode patrationem & filiationem appellaueris.*

*Aternitas autem non potest facere, ut Pater aternus
non fuerit Pater, & Filius filius.*

*Eadem igitur non potest facere, ut generatio non fuerit
generatio.*

Probamus argumentationem, si bene intelligatur: Sed glossēma quod adtexitur improbamus. Nam generatio materialis & corporea est *productio de non esse ad esse*, ut iste philosophaster loquitur. sed hæc lola non est generatio, cum immaterialis quoque & incorporea sit generatio in generante subsistens, siue tamquam proprietas essentialis in subiecto, ut in mente ratio; siue tamquam persona in persona essentialis unitate, ut Filius genitus a Patre est in Patre, & Pater in ipso. Si placet idem altero modo explicari, sic etiam potest: Productio ad extra (ut loquuntur) siue extrinseca, & productio de non esse ad esse, idem sunt: intrinseca vero productio est productio de esse, ut ita dicamus. Nam liberi qui non erant producuntur a parentibus de non esse ad esse, & habet utrumque suum ipsius esse: Ratio vero, est de esse mentis producentis ipsam: & Filius Dei, est de esse Dei Patris qui produxit ipsum. Sed, fortasse dixeris, ratio non subsistit in se, ut mens, sed subsistit in mente: ergo dissimilia sunt hæc duo. Respondeo, sunt quidem dissimilia; sed quo perfectius agens, eo perfectior est actio: Perfectioris autem agentis, id est Dei, perfectiorem actionem ex imperfectioris comparisonē concludimus necessario. Si enim omnis spiritus, & maioris euidentiæ causā, nostra mens, quæ agens est imperfectius, producit rationem in se

existentem, nec potest non eam producere ut proprietatem essentialem ipsius: omnino Deus, qui agens est perfectius, perfectiorem effecturus est generationem, quæ non sit proprietas inexistens, ut in mente ratio, sed persona siue *πρόσωπον*, subsistens in se ut persona, & existens in Patre, unitate essentiae: quia quod est in Deo, subsistit ut Deus. Alterum autem consecrarium, quod non esse λόγον aliquo modo ipsum esse praecesserit, id ex eodem errore profectum est: ac proinde eodem modo facillimè subruitur ex antecedente loco.

SAMOSATENVS. II.

At in aternitate cum non sit prius & posterius, non est quod precedat, & quod sequatur. Audio: sed illud vicissim audiatur, in aternitate non posse esse generans & generatum, nisi in eadem sit prius & posterius. Nam omne quod generatur, habet fontem, originem, principium, causam sui esse: quod esse, si est aeternum, eius quasi mensura est aternitas ab ipso non distincta nisi ratione, ut & cetera Dei attributa: non potuit igitur esse λόγος oriri ex Patre, quin simul ex eodem ipsius promanaret aternitas. Sed aternitas producta non est aternitas magis, quam infinitum est quod habet finem: quoniam esse aternitatis est ipsamet duratio aeterna: quasi causam habet efficientem, quid aliud dici potest, quam aeternum non esse aeternum? An porro vlla de re generata verè affirmari potest, ipsam nunquam fuisse generatam? nemo hoc dicere audebit. Restat igitur, ut de ea verè affirmetur alterutrum horum, nimirum vel tum generatum esse, vel semper generari: Sed dici non potest λόγος semper generari: alioqui non haberet esse permanens, sed successiuum tantum instar motus vel temporis. Ergo verè dicitur eum tunc generatum esse, siue illud tunc instans temporis, siue aternitas fuisse intelligatur. Sed tunc cum generatus est capit habere esse: ergo non ab aeterno fuit: non

igitur fieri potest, ut aliquid ab aeterno fuerit, & tamen genitum sit. Quare insanire velle cum ratione videntur, qui negantes in aeternitate esse prius & posterius, in eadem tamen dicunt esse qui generet, & qui generetur.

O R T H O D O X V S.

Subiungis, o Samosatene, exceptionem nostrorum aduersus proximum illud dictum, tunc non esse λόγος praecessisse aliquo modo ipsum esse; quæ ex definitione æternitatis sumpta est, hoc modo:

Aeternitas est simul tota: non est igitur in ea prius & posterius:

Ex absurdo videris tibi refellere, hoc argumento:
Generans & generatum sunt prius & posterius:

In aeternitate secundum doctrinam vestram sunt generans & generatum;

In aeternitate igitur sunt prius & posterius.

Maiores propositio tua est æquiuoca: vera secundum acceptionem unam (ut Scholastici loquuntur) & secundum alteram falsâ. Nam si de generante & generato secundum primam generationis speciem egeris, qui generat Physicè, prior est; qui generatur, posterior & causâ & tempore. Sin de generante ex secunda tertiâue generationis specie, quas segmento 9. distinximus, qui generat Metaphysicè, prior est; & qui generatur, posterior est causâ vel origine, non autem (ut putas) tempore. In his enim generibus generans & generatus sunt inter se non dico σύγχρονοι, sed (ut Aristoteles ille tuus loquitur) συαίδροι, non contemporales, sed coæterni. Sic totum illud argumentum corrui quo tibi vidêris exsultare; & ruit quoque illius explicatio, quam proximè subiecisti, si hanc unicam distinctionem adhibueris, hoc modo: *Nam omne quod generatur, habet fontem, originem, principium, causam.*

causam sui esse: nempe priorem tempore in Physica generatione; ac simul tempore, quamuis priorem ordine causæ in Metaphysica: *Quod esse, si est æternum, &c.* Deinde quod subiicis, eiusdem farinae est: *Æternitas producta*, inquis, *non est æternitas magis, quàm infinitum est quod habet finem.* Nimirum producta secundum tempus, quia æternitas excludit tempus, vt antè segmento 9. ostendimus. Hic verò de æternitate producta agimus, non secundum tēpus (hoc enim esse non potest) sed de producta secundum ordinem causæ vel potius principij, & principiati originē; et si hæc duo (vt modò dicebamus) simul sint a natura, nec tempus dari possit quo alterū sine altero existērit. Nec aliter se habent illa paulo post, *duratio æterna si habet causam efficientem, æternū non est æternū.* Tunc o Samosatene, istud oppositū esse in appposito (vt loquuntur) puras? Fabulę. Non enim quæuis causa efficiēs prior est tempore effectu suo, aut principijū principiato, vt ita loquamur: quod te non puto ignorare. Priorē esse non planē infitiamur, sed priorē tempore. Non exspectas, opinor, dū tibi discrimina causarū exponā, aut varios prioris & posterioris modos. Si non es nescius, tu ipse quęso ad has tuas argumentationes hunc modū adhibe: deinceps certē, si vir bonus es, homonymias istas videbis, & cauebis. Nam & duratio æterna & causa efficiens æterna optimē consistunt simul, vt iā sæpe demonstraui. Venio ad dilemma tuum, quod adhibes confirmationis loco, id est, gladium plumbeum, quem ostentas. Dicis enim:

Res generata quæ æterna dicitur, aut tūc generata est, aut semper generatur:

At non semper generatur: Ergo tūc generata est.

Deinde ex utroque dilemmatis istius membro ab-

surda colligis. Si semper generatur, successuum habet esse, non autem permanens: si tunc generata est, cœpit habere suum esse, ac non æterna est.

De his, Samosatene, sic habe. Maiorem concedimus, aut fuisse aliquod tunc, cum generatus est Filius, id est, instans temporis, aut semper generari: nā horum alterum est necessarium. Quod autem in minore statuis non semper generari, id orthodoxi Patres syno consensu omnes negauerunt: & rectē. Viderunt enim absurdum illud quod postea adducis, esse non solum a ratione, sed ab analogia fidei alienum: nempe si tunc datur aliquod, seu instans temporis, quō genitus est Filius, etiam tunc cœpisse esse, ac nō æternum esse: Quam rem vt sentiamus, aut dicamus, absit. Nam hoc cum veritati ipsi æternitatis, tum verò naturæ generationis non dico supremæ aut diuinæ solum, sed etiam metaphysicæ, de quibus antè, aduersatur. Concludimus ergo cum sanctis Patribus, Filium a Patre semper generari. *Ergo imperfectum, inquires, & successuum habet esse, non autem permanens.* Negatur consequens: nam axioma illud falsum est, quicquid semper generatur, id habere imperfectum esse atque successuum, nec permanens semper. Nam generationis cum metaphysicæ, tum etiā diuinæ proprium illud est, quod generans & generatū semper simul sint, & perfecte sint simul. Qui aliud sentit, naturam æternitatis, æternarum rerū, & generationis huius euertit imprudens. Æternitatis: nam æternitas est tota simul, nec per tunc, id est, instans vllum temporis diuiditur, quod tute ex Boëthij definitione antè statuisti. Rerum æternarum: nam si æternæ sunt, etiam æternitatis competere proprietatem eis necesse est. Generationis denique metaphysicæ

physicæ & diuinæ simul, quia in vtraque hac generatione, generans & generatum semper simul perfectè sunt, nec aliter se habere possunt. Atque huius rei ratio est euident, si ad rerum metaphysicarum diuinarumque naturam adspexeris. Nam quæ a natura simplicia sunt, ea semper ita sunt vt sunt, nec aliter se habere possunt, quatenus sunt. Ita autem sunt res metaphysicæ, simplices: res diuinæ, simplicissimæ. Quid? tu homo ostentator inanis philosophiæ, an negaturus es animam simplicem esse, & simpliciter rationem gignere de se in se? Si simpliciter, perfectè igitur: nam si imperfectè, non foret simplex, quia compositio ad eam accederet. At neutra compositiorem habet: simplex igitur. Si simplex a natura, ergo & perfecta est. Si a natura, semper est simplex & perfecta, ex quo est. Verumtamen anima, siue mens, siue spiritus, semper rationem in se de se gignit, simplex simplicem, perfectus perfectam, semperque genuit. Quod si spiritus, qui tunc cœperunt esse, id tamen proprietatis habent, vt simplices & perfecti simplicem perfectamque rationem generatione metaphysica generent, tu id simplicissimæ essentiæ adimes? Vides igitur, mi homo, falsam esse consequentiam tuam, quam ex absurdo visus es adferre posse contra doctrinam salutarem nostram. Dices fortasse, At qui non ita docent Theologi memoria nostra. Inuidiose hoc adducitur, vt humanæ auctoritates committantur. Verumtamen respondendum est, nequid omisisse per fraudem Samosateno videamur. Primum ergo dicimus omnes Patres vno ore sic loquutos esse, idque ex rei veritate quam supra exposuimus: mihi & rei veritatem sufficere, & auctoritatem Patrum. Deinde non omnes homines nostros

ita docuisse; sed quosdam existisse qui apertè doctrinam Patrum amplexi sunt, plerosque de hac re tota tacuisse. Postremo siqui sunt qui secus senserint dixerintque, eos magis ad principium generationis æternum, vel sine principio temporali, quàm ad durationem genituræ illius æternæ respexisse propter recentes huius seculi nostri hæreticos: ac proinde re nobiscum verè consentiunt, etsi alio respectu in docendi modo discedere a nobis videantur. Sed de hac re satis.

SAMOSATENVS. 12.

Sed hic versipelles elabi conantur per subtilissimam, quam splendente admodum sole repererunt, rimam. A-iunt enim Solem & causam esse lucis, & simul tempore fuisse cum luce: quam obrem si Sol æternus esset, lucem quoque ei coæternam esse, fluentem & dependentem ab ipso. Quo exemplo demonstratum putant, non esse ab æternitate seu non pugnare inter se, generatū esse, & ab æterno fuisse. At cum duplex sit lux Solis: una, quæ in ipsius Solis substantia hæret, quæque Solis, ut astrum quoddam est, essentiam constituit (ab ea enim Sol obtrinet ut & Sol sit, & Sol nominetur) altera verò, quæ extra Solem per aërem diffunditur, ipsam collustrans, & propriè lumen appellatur: cum, inquam, hæc duplex sit lux Solis, utra cum luce productum volunt Deū comparari? Non cum prima, quia illa non producta est a Sole, sed una cum Sole procreata est a Deo in tempore: neque cum altera luce; nam ea posterior est Sole, & subinde gignitur, ac interit. Frigidum ergo hoc est de luce Solis exemplum, immò etiam eiusmodi, quod ipsis aduersetur doctissimis Trinitariis philosophis: qui Proclo Platonico philosopho acutissimè argumentanti mundum fuisse æternū, non aliter respondent quàm negando posse effectus simul
cum

cum suis esse causis efficientibus. Sic enim Proclus apud Philoponum ratiocinatur pro mundi aternitate: De natura boni est seipsum cum alijs communicare, suamq. bonitatem alijs rebus, quantum fieri potest, impertiri; & id maxime conuenit summo bono, qui est Deus: at si mundus non sit aternus, per aeternum (ut ita dicam) tempus Deus nihil egit, & suam bonitatem non communicauit: Aut igitur potuit ab aeterno mundum creare, aut non: si non potuit, ergo est finita vi & circumscripta facultate praditus: si potuit, aut voluit etiam, aut noluit: si potuit & voluit, ergo fecit: quid enim ei ob stare potuit? si potuit & noluit, ergo non est summe bonus, & inuidia tangitur: id quod est impium cogitare, nedum loqui aut sentire. Ad hoc vero Trinitarij nostri philosophi nihil certe aliud respondent, quam aternitatem aduersari, & repugnare conditioni eius quod sit. Si enim mundus, inquiunt, a Deo factus est, ab eo suum esse ac durationem accepit: at si coaeternus ipsi fuit, non potuit accipere: nam quod semper est, quomodo ad ipsum esse produci potest? omnis enim productio aliquid nouum necessario significat. Hac illi. Nec alio dissolui modo potest illud Procli argumentum: cur enim Deus bonitatem suam ab aeterno rebus creandis non communicasset, si id fieri potuisset? non enim voluntas Dei cum bonitatis sua pugnare potest lege: nec voluntas esse potest regula bonitatis, sed bonitas potius regula diuina voluntatis. Quare imperitorum est hominum ad nudam voluntatem Dei, tamquam in aram mutam & brutam, confugere, ubi euidentissimis conuicti rationibus, veritati tamen sese nolunt dedere. Ex hac ergo Philosophorum necessaria responsione habemus quod quarimus: nempe Deum non potuisse generari, si ab aeterno fuit: siquidem mundus ad ipsum esse produci non potuisset, si semper vel ab aeterno fuisset.

Benedictus
Pererius so-
cietatis Iesu
lib. 15. de
communi-
bus rerum
naturalium
principiis,
in solutione
2. argu.
& Francisc.
Toletus so-
cietatis Iesu
in commen-
tariis suis
in 8. lib. Phy-
sicorum A-
ristot. qua-
stione 2.

Et si ex iis quæ ante diximus, facile tibi Samosatene constare potest quæ sit nostra de diuina illa generatione sententia: cum tamē hīc sannis potius quàm locis principio agas, deinde argumentum sannæ tuæ persequaris, ad singula paucis respondebimus. Dicis exemplum Solis & lucis a nostris adferri, vt ostendant non esse ἀνύστα generatum esse, & fuisse ab æterno. Agnosco dictum: sed hic tamen duo sunt tibi in mentem reuocanda: vnum, exemplum simile adferri ad aliquid, ac non ad totum assimilandum id cuius est simile: alterum, eos ipsos sanctos viros qui isto exemplo vsi sunt, semper vsos esse religiosa quadam *πρόσεγκεια*, ne rem creatam cum diuina & incomparabili temere comparare, aut de rebus diuinis sentire humiliter quam deceat atque expediat sentire, putarentur. Posito autem simili, primū de Sole distinguis quàm maximè potes philosophicè; deinde ex distinctione tua argumentaris contra nos dilemmate.

Quæstiones philosophicas equidem non libenter in eo, quia simplicitati studendum mihi semper esse duxi, magis quàm seruiendum curiosa vanitati. Sed quia tu, Samosatene, me eò pertrahis; bene præeuntem sequar, male præeuntem monebo; vt me ab hac molestia, te ab inscientia & errore liberem.

Duplicem Solis lucem esse narras, vnā in substantia, alterā extra substantiam eius. At ego tecum nihil disputabo, vtrum sit in substantia, nec ne: item si in substantia, an sit in substantia tamquam pars essentialis eius, an tamquam accidens inseparabile, an aliquo alio modo. Concedam postulatū tuum, ita vt dicis duplicem esse Solis lucem: ne tempus extra quæstionem institutam terā. Videbis ipse, spe-

spero, quàm tecum agam leniter. Hoc posito, sic argumentaris:

Aut cum huius lucis, aut cum illius productione comparatur Filius à Patre generatio:

Non autem cum huius productione, neque cum illius: Igitur falso comparatur.

Minorem à nobis negatum iri non ignoras: quapropter firmamenta dicti tui in vtramq; sententiam adhibuisti. *Non cum prima*, inquis; *quia illa non producta est à Sole, sed una cum Sole procreata est à Deo in tempore.* Contrà verò etiam fieri affirmamus, quum sancta Trinitatis instituitur comparatio, vt post dicturi sumus. Verùm esto sanè vt concedam cum priore illo lucis genere minimè institui comparisonem: nihil effecturus es; ignoscas, si me non eò adducunt rationes tuæ. Nam quòd illam non productam esse à Sole dicis, id quidè affirmatè dicis: sed quid si quis philosophari volens, corpus vel subiectum Solis assereret illud esse quod generat lucem? Quod ego quidem nō probo; verumtamen tu ipse tibi nectis molestias. Aut quid si (quod verius est) Solis nomine intelligamus corpus illud densum ex materia cælesti, & ignem inditum vt formam essentialem eius? Ignis certè splendorem vel lucem vtramque efficit, internam, & externam; internam gignens in se, externam producens foras. Quanti sunt igitur hæ affirmationes tuæ? Ad alteram causam veniamus. Laudo dictum, *procreatam esse lucem à Deo in tempore*: nam ita est, & tradit Moses: licet neget Antinomus: Sed quod *una cum Sole procreatam* dicis, vnde illud, obsecro? Ex Mose didicimus, lucem triduo præcessisse ante creationem Solis. Et meritò: quid enim est lucidum in mundo hoc elementari nisi ignis per se, ceteraque per ignem?

Genes. 1

Cum enim diceret Deus, esto lux, ab effectu designauit vel à signo necessario, clemētariis ignis ordinationem in creationis illius ordine. Si aliter sentis, rege te, & nouam pertexere creationis historiam. Sic enim constabit apud omnes, te nō solum de schola Samosateni, sed etiam de philosophorum placitis scientiā illam tuam percepisse, qui tamē statim à principio libelli bonis facum feceris, quū de religione Christiana loquens, *nostram religionem* appellaueris.

Sed esto, ut antè dixi, probemus hoc membrū, nō sumi ab ea luce comparisonē per homines nostros. De altera, quid? *Neg. cum altera luce*, inquis: *nam ea posterior est Sole, & subinde gignitur, ac interit.* Negamus singula, comparisonem nō fieri cum altera luce (sit enim) eam Sole posteriorē esse, eam subinde gigni ac interire. Comparisonem fieri cum altera luce Scriptura sacra teste confirmamus, & Patribus assentientibus. Nam quum Christus ἀπὸ γλῶσσης τοῦ πατρὸς, resplendor glorię, appellatur ab Apostolo, quum Patres item splendoris radiorumq; in hac cōparatione meminērūt, omnē profectò materiam dubitationis eximūt. Quid enim aliud est ἀπὸ γλῶσσης, quam splendor ad res exteras resiliens ex interna facultate? quid splendor? quid radii? Aliud agat oportet, qui hęc similia non peti ex ea luce cogitat. Neq; est cur Samosatenus regerat, hęc ergo non esse similia: hanc enim lucē externam nihil nisi effectum & accidens esse. Non enim lucis illius cum Filio instituitur cōparatio secūdum esse ipsorū, sed à minore ducitur argumentū. Nam si à Sole producitur lux in natura rerū, tamquā à naturali causa libera, semper agente, & nunquā impedita; his autē causis sua effecta semper necessitate naturę cōiūcta sunt: quāto magis à Deo Patre agēte liberrimo

creda-

DE TRINITATE DEFENSIO. 51

credamus Filiū sēper ab eterno gigni necesse est? quo
iure denegemus Patri q̄ Soli inesse agnoscimus? De-
niq; spectatur simile ex quadā cōmuni notione, quæ
aliquo modo parit similitudinē: sed tamē eiusmodi, q̄
religiose (vt ante monebamus) orthodoxi Patres vo-
lebant adhiberi. Alioquin cū in hac re magna dissi-
militudo est, tum in aliis omnib. maxima. Ab effectis
tamē, q̄ velut sui imagines indidit rebus creatis Deus,
sensim ad gustū aliquē diuinarum rerū, vtut summæ
& incōparabiles eę sunt, nō malè assurgitur pręcun-
te diuini verbi face. Venio ad causas illas duas quib.
tu, Samosatene, tam audacter vteris. *Lucē Sole dicis po-
steriorem esse*, æqui uocē. Si posteriorem dicis naturæ vel
causarū ordine, cōsentimus lucē hāc ordinatā inde à
quarto creationis die rectē posteriorem appellari: si tē-
pore posteriorem, negamus. Nā lux illa ex institutione
Dei Creatoris simul cum Sole fuit, cœpitq; planè eo-
dē momento temporis quū dixit, *Sūto luminaria, &c.*
Lucē autem hanc ordinatā propterea dico, quia si de
luce absolutē simpliciterq; agitur, ante Solē exstitit,
vt ex Mose antē dicebamus: nam lux ab igne elemen-
tari exstitit die primo, velut natura ordinē inchoāte;
à Sole verò, velut instrumēto eam dispeſcēte, fuit die
demū quarto cōstituta, velut natura ordinē consum-
mante illius. Nō potest itaq; vera esse propositio tua:
cū lux absolutē dicta primo die creationis exstite-
rit, et duo āte Solē; ordinata vero, simul cū Sole. Neq;
verior est altera ratio, *subinde gigni ac interire lucē*. Me-
mini anno superiore scriptū cuiusdā Antinomi (quē
tu, opinor, noueris) à me cōfutari, qui eo nomine ali-
quoties flagellat indigne Mosē, quòd de creatione
loquutus sit populariter. Hoc quidē narranti licet, di-
sputāti nō item. Verum tamē siue propriè accipiat,ur,

siue populariter hæc enunciatio, quàm vera sit, teipsū appello indicem. Propriène igitur accipi vis dictum? Nego verum esse: & affirmo cōtrà, semper à Sole, ex quo Sole est, produci hanc lucem, non autem subinde interire ac gigni. An putares vnquam fieri posse, vt naturalis causa indefinenter agens, libera, ac non impedita, cūm nec cesset nec intermittat vnquā, destituta sit effectū suo? Ex quo fonte haussisti dogma istud philosophiæ? Sed populariter accipio, fortasse dixeris. O te hominem popularem, qui statuas Solem, quum lucet nobis aut nō lucet, gigni & interire. Hoc verò non solum popolare, sed etiam crassum atque obesum est. Nam eadē popularitate apud Antiscios siue Antipodas nostros gignetur Sol, quum nobis occidet; interibit, quum exorietur nobis. Sic popularitatem vnā, euertet altera popularitas. Tu verò cui persuaseris te in hac disputatione tua ad popularitatē istam respexisse? si fecisti, qua fide quæso adduci voluisti, velut firmamentū argumentationis tuæ? Nam hīc quidem nihil ad rem facit. Negas, si sol æternus esset, hanc lucem Soli cōternam fore. Quid ita? quia subinde gignitur & interit. Si propriè dicis, Samosatene, falsum dicis: sin autem populariter, nihil dicis. Ne illudas deinceps verbis sermonibusque tuis, si vir bonus audire, fidemq; tibi à bonis haberi cupis. Hæc igitur lux illa est, à cuius exemplo visum est sanctis Patribus ostendere falso negari, quòd produciens & productum semper simul esse eodem tempore possint in rebus creatis: nam in his etiam quædam exempla exsistere: ideoque non debere mirari quemquam illud quod dicimus, Filium æternum ab æterno Patre æternum esse genitum. Quamquam non defuerunt qui etiam totius illius venerandæ Trinitatis adumbra-

brationem quamdam, Solis, mentis, allarumq; consimilium rerum exemplo petiuerint: non quòd similia esse hæc crederent, docerentque; sed tantum eo consilio, vt his veluti rudimētis elemētaribus imperitiores infirmioresque docerentur, non esse absurdū quod ex Scripturis asserimus, gignētem, genitum, & productum siue procedētem in essentia diuina simul semper esse; cum etiam in his rebus creatis nō solum simplicibus, sed & cōpositis quādā ita constet se habere, vt in eis vnum quid nunquam nō gignat & producat, alterum nunquam non gignatur, tertiū nunquam non producat. Sed hæc quæstio propriè hoc in loco non agitur. Et frigidum Solis exemplum hoc affirmas? quod ipsi Hyperborei & maris glacialis accolæ, Cimmeriique (tanta vis est illius) sentire possunt. *Immo etiam, inquis, eiusmodi quod ipsis aduersetur doctissimis Trinitariis philosophis.* Mirum dictū: quam obrem probationem ex te audiamus. *Proclo argumentanti mundum esse æternum, non aliter respondent quam negando posse effectus simul cum suis esse causas efficientibus.* Negamus vniuersè ab illis fuisse dictum. Nam effectio num alia à natura, alia à voluntate sunt. Earum quæ à natura sunt, alia sunt necessaria in perpetuo vsu, quas naturalis causa efficiens necessaria semper non potest non efficere; alia non necessaria, sed in vsu quodam successiuo posita. Anima facit vt homo semper viuat; non facit autem, vt semper comedat, bibat, vigilet, dormiat, &c. Illæ ergo qualitates actiua perpetuæ & necessariae, semper simul sunt tempore cum suis effectioibus; & effectiones semper cum suis qualitatibus, qualitates semper cū subiectis. Neminem præter te, Samosatene, hominem noui mediocriter instructū præceptis philosophiæ, qui gene-

raliter istud affirmauerit, nō posse effectus simul cum suis esse causis efficientibus. Contrā enim sunt, quæ nunquam simul esse non possunt, & quorum alterū non potest oriri aut interire, nisi cum ortu aut interitu coniunctissimo alterius. Atque hoc paradoxum tuum vide quomodo confirmes. Narras Procli argumentationem de æternitate mundi copiose satis: hoc autē est (vt multi iudicaturi sunt) ex animo narras studiose. Deinde responsionem adfers breuius, frigidius. In summa ita concludis: *Quæ ratio est de ortu mundi, eadem est de ortu & generatione Filii.*

De ortu autem mundi Trinitarii nostri Philosophi nihil aliud respondent quàm æternitatem aduersari, &c. Ergo eadem ratio de generatione Filii: id est, si genitus est, à Patre suum esse & durationem accepit: at si coæternus ipsi fuit, non potuit accipere: nam quod semper est, quomodo ad ipsum esse produci potest? omnis enim productio aliquid nouum necessario significat.

Hic primum, ô Samosatene, peccas grauissimè, quòd rerum toto genere differentium eādem esse rationem asseris. Non es nescius Deum à Patribus *ὁ ὢν* *πατὴρ*, à te ipso Ens summum appellari. Quòd si Logici præceptores tui, & ipse Aristoteles, & eq; principia, neque terminos scientiarum confundi volunt, quo iure ex principio physico de re non solum metaphysica, sed omnia principia metaphysica omnibus numeris & infinitè superante potes concludere? Maiorem ergo negamus omnino, quia res toto genere sunt dissimiles, & dissimilis ratio, vt antè demonstrauimus. Quid igitur facias, tuo axiomate destitutus? Quòd si minorem & conclusionem respexeris (quæ tamen euerso axiomate nihil sunt) etiam vtramque negare possumus particulariter. Dicis *nihil aliud à Trini-*

Trinitariis responderi, quàm aternitatem aduersari, &c.
 Et vera quidem est responsio: Sed nihil aliud responderi cur dicis? Modeste saltē, si non verē: nō enim perlegisti omnes, nō omnium meministi. Et alia responderi possunt verē, piē, ac necessariō. Sed ea non sunt huius loci. Quū ergo de Filio dicis, *si genitus est, à Patre suū esse & durationē accepit*, verē dicis: sed non accepisse sequitur in tempore: quum addis velut disiunctū membrum, *si coaeternus fuit Patri, nō potuit suū esse & durationem ab eo accipere*, bifariā peccas, re, & modo argumentationis. Re, quia concludis de re diuina quæ Metaphysicam trāscendit, nō dico physicē, quod est indignum; sed etiam æquiucōcē, quod absurdum: nā si dixeris, si coaeternus, nō potuit suū esse & durationem accipere à Patre in tēpore, damus, & credimus: sin autē hoc modo, si coaeternus, nō potuit suū esse & durationē accipere à Patre vt principio suo, negamus, & causas inde à segmento 9. satis ostendimus. Pater enim principium est generatiuū Filii, sed non in tempore. Modo argumētationis peccas; quia disunctionem facis ex iis rebus siue attributis, quæ neq; per se, neq; per cōsequēs, neq; immediatē, neq; mediatē in rebus Metaphysicis opponi possunt. Quod genus disunctionis quanti fieri oporteat, tu ipse videris. Itaque quum ais ad confirmationem sermonis tui, *quod semper est, quomodo ad ipsum esse produci potest?* hoc physicē verū est. Similiter & illud, *omnis productio aliquid nouum necessariō significat*, datur de aliqua productione physica substantiarum, vt antē monuimus, corporarum ad esse. Cur principium Physicum tam audacter tribuis metaphysicis, quorum natura, facultates, actiones, passionēs toto genere ab illis differunt? Dices fortasse, At illi vniuerse dixerunt, & sine exce-

prione: fateor, sed dixerunt de genere proposito vniuerſe, id eſt de mundo, cuius æternitatem Proclus, hi creationem in tempore factam affirmabant. Secundum id quod agebatur dixerūt, nō de vniuerſis Phyiſicis, metaphyſicis, diuinis vniuerſe. Hæc igitur omnia nihil ad rem. Agitur hîc de Deo, non de mundo: agitur de interno opere, non de externo: agitur de relationibus diuinis in ipſo, realibus, mutuis, æquiparatis, non de illa relatione inæquiparatiffima (vt ita loquar) quæ inter Creatorem & creaturam interuenit per ſolam bonitatem Creatoris Dei. Fieri non poteſt, vt homo vllus inter iſta eandem rationem cōſtituat eſſe, quin res creatas plus æquo euehat, eademq; plus æquo deprimat Creatoris ſummi maiestatem. Concluſionem itaque tuam, ô Samofatene, ſi quid vides, (videbis autem, ſi te ex animo à conſuetudine oculorum, ſenſuum, rerumq; Phyiſicarum ad reuerendam illam maiestatem ſalutariter conuerteris) vides à vero aberrare: nec à rebus Phyiſicis ad ſupermetaphyſicas valere conſequentiam. Pater enim gignit Filium per ſe, in ſe, per naturam, non per potentiam Logicā, æternus æternus: eſtque relatio realis, mutua, æquiparata, ſecundum eſſe non Phyiſicum, non metaphyſicum; ſed diuinum planè, & diuino modo. At non ita Deus creauit mundum. Ille fundamentum eſt ſempiternum, ſemper Deus, non ſemper Creator in effectū: hic terminus eſt in tempore factus & creatus, quem Creator fecit per ſe, de nihilo, extra ſe, potentia & voluntate, nō natura; æternus temporarium: quorum eſt ſummè indiſquiparata (vt Scholaſtici loquuntur) relatio. Quid tu ex iſtorum cōparatione viceris? Reſpiſce, obſecro, reſpiſce; & his vanis, falſis, cecis, blaſphemis cogitationibus, quæ nullam ſapientiam,

tiam, ne humanam quidē sapiunt, renuncia: Deum-
que ora vt expurgans tuum cor fide, pro sua miseri-
cordia te idoneū dignetur efficere qui videas ipsum.
Reuoca in mentem illud dictum Christi, Beati qui Matth. 5.
mundo corde sunt: nam videbunt Dominum. Ad
scopum istum contende, posita omni specie inanis
philosophiæ & tumore mundi; & Christus illustra-
bit te.

SAMOSATENVS. 13.

*Atque hætenus demonstraui aternam generationem
non esse antè interminabilem, & eam ob causam, non verè
aternam & immutabilem: nunc confirmo eamdem neque
post esse interminabilem & immutabilem. Quid ita? quia
aterna generationis quasi terminus dicitur fuisse λόγος:
ergo simulatque sic productus fuit, conquieuit illa genera-
tio. At quo pacto diuina terminari potest generatio? cum
quicquid est in Deo, sit ipsemet Deus, ac propterea aternū
& immutabile. Huius vim rationis quando Theologia vi-
ribus infringere non possunt, ad meram se conuertunt λο-
γολαλίας, audacter fingentes aternitatem eminenter
continere omnem durationem temporis, & coëxistere om-
nibus differentiis temporis: id est, durationem (quam tem-
pus habet imperfecto modo, sine vlla nimirum permanen-
tia & cum perpetua successione præteriti, præsentis, & fu-
turi) eam durationem habere aternitatē perfectissimo mo-
do, hoc est, totam simul sine vlla eius in nouatione: quapro-
pter aternitati omnia etiam præterita & futura esse præ-
sentia, verèque dici posse τὸν λόγον, & generatū esse, & ge-
nerari, & generatum iri. Quod quum fingunt, quid qua-
so aliud dicunt; quàm eamdem rem simule esse, & non esse?
esse quidem, quia aternitati præsens statuitur: nō esse, quo-
niam vel iam interiit, vel nondum producta est. Nec verò
dicat aliquis, rem præteritam & futuram nobis tantum*

esse præteritam & futuram; non autem æternitati, quæ unum est nunc stans, semperque durans. Hoc enim omne tollit & sensus & rationis iudicium, quo evidentissimè cognoscimus res præteritas non amplius esse, & futuras necdum productas esse: quare præterita & futura non posse æternitati verè esse præsentia, nisi aliter ipsi, quàm nobis & producantur & intereant: constat autem vnius rei unicum esse ortum unicumque interitum.

ORTHODOXVS.

Oppugnasti tu quidem, Samosatene, plus satis æternitatem principii vel generationis Christi: sed frustra, vt euidenter a nobis fuit demonstratum. Nunc eodem argumento spondes te demonstraturū, eandem generationem respectu finis, non magis interminabilem & immutabilem, id est æternam, censeri posse. Quomodo probes, videamus:

Omnis generatio, inquis, simulatque productus est terminus illius, conquiescit:

Æterna generationis secundum vos terminus est λόγος:

Ergo simulatque productus est λόγος, cōquiescit æterna illa generatio.

Quousque tandem, ô Samosatene, argumentationibus abutêris & falles, propositiones re falsas, æqui-uocas sermone adhibendo? Etenim & maior tua enunciatio falsa est, & minor æqui-uoca. Falsa est maior, quia vniuersalis: tolle signū vniuersale, ex parte vera futura est, ex parte falsa. Vera est in generatione Physica, quā substantia vna sensibilis alteram generat naturaliter: Falsa est in generatione metaphysica siue transcendente; & in diuina multo magis, vt in segmentum 9. ostendimus. Ratio autem est euidentis: nam quicquid generat, generat sibi simile: res autem
meta-

metaphysicæ sunt simplices & puri actus, quos *ενδε-
λεχτίας* vocant: similes ergo partus generant, & in se
generant: nam si extra se gignerent, simplices & pure
esse desinerent, vel potius non essent: quia productio
illa extrinseca compositorum, non simplicium sub-
stantiarum est. Deinde verò vox termini est æquiuo-
ca, hoc quidem in loco. Verumtamen ne æquiuoca-
tionem dicamur consecrari, Logicè accipiam, vt te
puto accipere: Atque hac tamen acceptione propo-
sitio maior, vt antè, negabitur. Falsa igitur est con-
sequentia, vbi maior veritate expugnatur. Ex mi-
nore autem contraria planè sententia ac dicis euinci-
tur: quam (ne longior sim) concludam syllogismo:
*Æterna generatio actus æternus est subiecti fundamento
suo per relationem producentis terminum æternum: Pater
æterna generatione generauit Filium, vt æternum ter-
minum: Ergo æternus actus est.* Si non est, ergo non
generatio, sed generatum æternum dicendum est.
Nam eadem æterna & non æterna secundum idem
quomodo esse potest? Hoc vnum te, Samosatene,
fefellerit, quòd non putauisti in rebus non solum diui-
nis, sed & metaphysicis à perfectò subiecto perfectū
terminum semper generari, & semper itidem perfe-
ctum esse: perfectum dico perfectione naturali sua,
vt à natura integra quodque est. Mens enim semper
rationem in sese generat, sed ita vt semper generata
sit ab ea & in ea ratio, id est perfecta sit generatione,
quamuis indefinente actu atque continuo. Sic actus
generationis in Patre & Filio consideratur, in effectu
perfectus, in effectione perpetuus: quo quid euiden-
tius? Hic vero *λογδαυδαλίας* dicis quæri ab homi-
nibus nostris, id est, dogmata quædam ad distinctio-
nem æternitatis & temporis pertinentia: iniquè sanè

traducens illorum studium, quo λογισαυδάλοις ora sunt conati obstruere. Anigitur negaturus es, quæ de æternitatis & temporis differentia hoc loco protulisti? Analogiam certè hanc vidit Plato, qui tempus αἰῶν ἐκόνειον κινητὸν appellauit, mobilem æui seu æuiterni imaginem: vidit Pindarus, qui τῆ αἰδὶς εἰδωλον, æternitatis idolum vel simulacrum dixit: vidit

Lib. II. Metaph. cap. 7.

tuus ille Aristoteles, cuius verba certo consilio hîc visum est exprimere: Φαμὲν δὲ τὸν θεὸν εἶναι ζῶον αἰδῖον, ἀρξον. ὥστε ζωὴ καὶ αἰὼν συνεχῆς, καὶ αἰδῖον ἀρχαὶ τῷ θεῷ. τῆ πορὰ ὁ θεός. Dicimus, inquit, Deū esse viuentē, æternum, optimum: itaque vita & æuum continuū æternūque est Deo: id enim Deus est. Quid? putarēs ne istis verbis lusisse Aristotelem? ac non essentiam & proprietates essentia diuinæ; à cæteris rebus disparasse & longissimè supra res omnes extulisse? Immò verò illam ipsam æternitatem circumscripsit euidentissimè, quam antè ex verbis Boëthii tute adduxisti. Nam quemadmodum ex eo quod dixerat viuentem esse, intulit esse vitam: sic ex eo quòd dixerat æternum esse, concludit æuum continuum & æternum esse Deo, & id esse Deum. Æui autem nomine æternitatem significat, eamque duobus attributis definit conuenientissimè: vnum, quòd sit continuum, sine interuallo aut lacuna vlla, vel discreta ratione, quæ ex factò insit ei aut inesse possit; atque hæc secundum Boëthium est simul tota æternitas: alterum, quòd sit æternum, id est, omni ex parte omnique modo interminabile, vt commoda illa vtat Boëthii voce. Hoc quum dixit Aristoteles, credis, quia dixit: hoc idem quum dicunt Scholastici, non credis, quia dixerunt illi. Si ampliùs ex eodem auctore probari cupis, en tibi syllogismum ex Aristotele:

tele: *Æternitatis rerumque aternarum quæ verè aterna sunt, unica est ratio: Res aterna sunt συνεχής siue continua sua continuatione una, simplicissima & impartibili: Eadem igitur ratio aternitatis est.* Longè alia est temporis ratio: hoc enim (vt olim dicebat quidam philosophus) est αἰῶνες ἀμρόν, æternitatis fluxus. Quapropter quum figmentum esse dicis profectum à nostris, quòd dicunt æternitati omnia etiam præterita & futura esse præsentia, verèque dici posse τὸν λόγον & generatum esse, & generari, & generatum iri: nescio quid tibi in mentem venerit, vt istud oppugnares. Nam aliud est æternitatem absolutè, aliud relatè contemplari & secundùm quid, vt loquuntur vulgo. Æternitatem absolutè dico eam durationem infinitam vel interminabilem, quæ tota simul est sine vlla innouatione: in hac æternitate, tamquam in fonte amplissimo vel potiùs vastissimo quodam Oceano, innatat gutta illa fluxa quam tempus dicimus; quemadmodum etiam nunc ipsum, id est, tempus instans, refertur in rationem temporis per reductionem, vt loquuntur Logici, punctum in rationem lineæ, & vnitas in rationem numeri. Sic inquam per reductionem, tempus æternitate concluditur. Huius æternitatis subiectum proprium est Deus, qui etiam est ipsa æternitas essentialis, æternus Deus. Sin autem relatè placuerit æternitatem contemplari, siue secundùm eas res quæ communicatione æternitatem participant (atq; hanc æternitatem multi distinctionis ergò æuum dicere maluerunt; vt æternitas Dei esset, æuum earum rerum quæ æternæ sunt secundùm Deum) siue secundùm relationem earum ad hæc temporaria; huic ergo æternitati longè minus quàm illi tribuimus. Nam

CATHOLICÆ DOCTRINÆ

illi omnia sunt præsentia quæ Deus est æternitas, ut principio immutabili, æternoque, efficienti, formali, & finali omnium, & Enti entium: æternitati verò simpliciter considerata omnia tempora sunt præsentia, quia omnia tempora æternitate non per se (nam re, ratione, & modo inter se differunt) sed per reductionem quamdam, ut paulo antè dicebamus, concluduntur. Illius verò æternitatis communicatæ à Deo, sed extra ipsum, cum naturis spiritualibus, diuersam rationem esse non ignoras: ut quæ principium habeat in tempore, sed finem nullum; extra res ipsas non transeat; & quæ relationem ad res temporarias & caducas habent, afficiantur ad eas quadam item communicatione, permanente integra personali æternitate ipsarum. Nugaris itaque Samosatene, quum ex eo contendis sequi, rem eandem simul esse & non esse. Nam utcumque agas, non potes ista principia naturæ (cui tu tam multa tribuis) conuellere: omnia quæ sunt, in Ente summo principioque sunt: omnes partes continentur toto: ergo & res temporariæ in Ente summo principioque sunt; & præterita, præsentia, futuraque in æternitate concluduntur, ut toto suo per reductionem. Ergo, inquis, sunt, & non sunt: nempe in principio sunt ratione, quæ in se ipsa non sunt: & in æternitate continentur res temporariæ quadam ratione; quæcunque sunt, fuerunt, & futuræ sunt. Quapropter in Scripturis Iehoua nominatur Deus, & (quod tu negare videris velle) qui est, qui fuit, & qui futurus est appellatur: & Iesum Christum eadem confirmat esse heri, & hodie, & in æternum. Cum enim sermonis humanica sit inopia, ut rem æternam non possit

possit nisi per tempora enunciare, si verbis vtendum est, improprie de æternitate tempus enunciat, siue vnum, siue plura: sed tamen quia quicquid est temporis, id enunciat illis tribus, præterito, præsentem, futuroque, & totum tempus simul propius æternitatem est quàm particula illius; idcirco fateberis (si homo es) melius æternitatem tribus simul temporibus quàm vno enunciar. Sic Deus est, fuit, futurus est, id nihil sibi vult aliud quàm æternum esse: Christus est heri, hodie, & in seculum; nihil aliud quàm æternum esse: & Christum genitum esse a Patre, gigni, & genitum iri, nihil aliud quàm æternum gigni. Quapropter Augustino & Gregorio non malè placuit, vt potius eum semper generatum esse, quàm semper generari à Patre diceremus. Quid? quòd tu ipse, quod vna manu tollis, altera dare cogis? Sic enim dicis sub finem, *præterita & futura non posse æternitati verè esse præsentia, nisi aliter ipsi quàm nobis & producantur & intereant.* Dicendum fuit, nisi aliter ipsi quàm nobis sint præsentia. Et verò ita est: nam ratione præsentia sunt illi, quæ nobis nonnisi re ipsa sunt præsentia & dicuntur esse, vt antè demonstrauimus. Quod autem nos agentes Metaphysicè (nam quid æternitate est supernaturalius?) ad Physicam reuocas, tuo more agis: *constat, ais, vnius rei vnicum esse ortum, vnicumque interitum.* Constat id quidem Physicè, nec aliter se à natura habere possunt quæcunq; in rerum natura sunt, naturæ ordine; hoc certum indubitatumque est principium naturæ, ac necessarium quod affirmas, posse vnius rei vnicum esse ortum, atq; vnicum interitum. Sed quid tum, obsecro? nam & illud, Samosatene, constat eiusdem rei nonnunquam esse respectum Physicum

& metaphysicum, cumq; summè differentem: tum & illud constat, quædam Physicæ Metaphysicæque principia esse omnino inter se aduersantia: quæ tamē in suo genere subiectoque vera sunt, hæc naturali, illa supernaturali lege. Quid igitur facias tuis illis conclusionibus? Pergamus.

SAMOSATENVS. 14.

Ex his iam luce meridiana clariùs apparet, Trinitarios nostros verbis tantum Dei immutabilitatem defendere: re autem vera, ut generantem & generatum, ita & mutatum Deum retinere. Sed mirum non est eos æternam in Deo mutationem occultare, qui ne temporali quidem mutatione dignantur diuinam excellentiam liberare. Nam si ipse Deus Filius post æternam generationem verè etiam homo factus est in tempore, profectò mutatus est de non esse hominis ad ipsius esse: quæ sanè mutatio longè maior est quàm transmutatio physica ex non calido in calidum, ex non frigido in frigidum: quippe cùm hac accidentalis sit, illa verò quodammodo essentialis, utpote quæ per hypostaticam facta unionem dicatur. Nec quicquam eos iuuat, quòd ipsa diuinitas non sit mutata in carnem, vel substantiam humanam. Etenim nec subiectum seu materia physica mutatur in formam substantialem, aut accidentalem: sed quum aduentantem formam suscipit, sustinet, atque vehit, tunc ab ea dicitur mutari forma. Quocirca ipsa etiam hypostasis diuina si verè in se recipit humanitatem, verè mutata est ex non homine in hominem, siue hæc accidentalis, siue essentialis, siue media quadam sit mutatio.

Destructis antecedentibus, & conclusio a nobis destructa est, qua tu, Samosatene, ex doctrina de æterna generatione Christi contendisti Deum esse mutabilem: quia ea ipsa generatio æterna est, & immutabilis. Sed quia non satis habuisti id nobis obiiicere, nisi, antè quàm finem facias accumulasses alteram blasphemiam, dicens a nobis statui congenerem nobis, nempe temporalem mutationem Christi, rationes tuas expendamus. Negamus temporalem mutationem Christi a nobis tribui. Affirmas contrà: atq; vt probes, sic argumentaris:

Cui non competit mutatio accidentalis, nec essentialis eidem competit:

Filio Dei non competit accidentalis mutatio:

Nec igitur essentialis. Pergis,

Si Filius Dei verè homo factus est in tempore, essentialis facta est mutatio de non esse hominis ad ipsius esse:

Sed homo factus est in tempore:

Ergo essentialis in eo fuit mutatio.

Hoc autem absurdum: ergo & illud.

Hic nos prosyllogismum totum vltro concedimus bene intellectum de Filio Dei, quà filius Dei est. Nam quod est essentialis, idem est personæ: est autem essentialis immutabilis: proinde immutabilem esse personam Christi, quatenus diuina est persona, fateamur necesse est. Iam itaque de argumento secundo videamus. Huius argumenti propositio maior connexa est, quam vocant hypotheticam: sed illius hypotheticæ quàm verum est antecedens, tam falsum consequens. Negamus Filio Dei mutationem vllam accidisse aut inuisse. Nam primum non est mutatio essentialis in ipso, quà Filius Dei: secundò

ne mutatio quidem est. Prius demonstratur hoc modo. *Mutatio essentialis est, qua essentia rei mutatur in se: Essentia autem Filij Dei nec actu mutata est, nec est potentia mutabilis: Non est igitur essentialis mutatio. Item: Mutatio essentialis est in generatione & corruptione Physica: at neutrum horum Filio Dei competit secundum esse ipsius. Item, Substantia incorporea, quia sunt formae subsistentes, quae se habent ad esse suū sicut potentia ad actum, non patiuntur mutationem substantiae: quia esse consequitur formam, & nihil corrumpitur nisi eo quòd amittit formam: Persona autem Christi superat suo esse diuino illas omnes metaphysicas substantias: Nulla igitur ratione Christo, quòd Deus, essentialis mutatio attribui potest.* Hæc de priore satis.

Ad posterius veniamus: *At mutatio est, inquis, quòd de non esse hominis venit ad ipsius esse, id est, humanum esse.* Ignoscat Lector, si duriores adhibeo phrasas atque insolentes: hæc enim sunt Samosateni verba, quibus vti me cogit disputationis necessitas. Nego mutationem esse. Si probare cupis, age, mutationum genera percurrere. Mutatio aut fit secundum substantiam, generatione & corruptione; aut secundum quantitatem, incremento, & diminutione; aut secundum qualitatem, alteratione; aut secundum locū, *Φορὰ*. Deitas Christi nullam mutationum harum in se experta est. Sed ramen, inquires, factus est homo: atque hæc mutatio est. Nego propriè mutationem esse: nam nihil mutatur quod aut naturæ diuinæ, aut in natura diuina sit eius; nihil, inquam, mutatur aut essentialiter aut accidentaliter: nam assumens humanam naturam affecit eam, non ipse ab ea affectus est. Quid? an ignoras cæleste corpus motu suo hæc inferiora afficere, ipsumq; ab his vicissim non affici? an nescis virtutum

tum Angelicarum eandem quoque rationem esse? Sumplerunt corpora οἰκονομικῶς: an ideo mutatos dicas? Sumunt diaboli corpora, species; an mutantur illi? nobis quidem mutantur specie; at in se minimè, vt qui in substantia sua, & qualitatibus prauis permaneant constantissimè. Quid natura illa *ὑπεραγαστικῇ* facias? Impropiè mutationem si placet appellare, quia sic nobis videtur esse pro captu humanæ mentis nostræ, equidem non impediam: Sed propriè, & ex rei veritate loquentes cum Iacobo di- ^{Iacob. 1.} cturi sumus, non esse in Deo transmutationem, aut conuersionis obumbrationem.

Negashac re *iuuari causam nostram*, & adducis simile a principiis essentiam rei constituentibus. Atqui tuum hoc simile duob. nominibus est dissimillimū. Nam primum indignum est a principiis naturā constituentibus de natura essentiāq; rei constitutæ concludere, tamquā ex simili. Aliud est duo principia imperfecta, aliud duas naturas in suo genere perfectas coalescere: nec simile confici inter hæc potest. Deinde est illud indignius, a principiis Physicis argumentari de gratiosa Dei œconomia, qua verbum caro factum est, & Deus pro nobis passus in carne: quæ res vniuersam Metaphysicam transcendit, vt antè monuimus. Non igitur (vt tu concludis absurdo & inaudito loquendi modo) mutata est diuina hypostasis ex non homine in hominem assumendo carnem; sed aucta, id est, singulari hoc & personali incremento gratiæ, mutata solū est ratio qua salutem nobis dignatus est parere, & nobiscum seipsum communicare ad salutem nostram.

SAMOSATENVS. 15.

Alterum conscriptæ Trinitatis insigne indicium est,

quòd quum idololatra nondum contenti duabus diuinis personis tertiam quoque adijcere vellent, qua Spiritus sanctus vocaretur: non autem ignorarent nullum exstare in totis Bibljs de diuinitate Spiritus sancti apertum testimonium; immo unigenitum Dei filium in fraternam societatem nullum alium Deum admittere; sed prorsus excludere tertiam personam diuinam: finxerunt Spiritum sanctum ομοῦστος quidem Patri & Filio, & ab utroque productum; non tamen genitum, nec alterum esse Dei Filium, quia non intellectu vt λόγος, sed voluntatis actione productus fuerit.

ORTHODOXVS.

Ex tribus illis *κατηχησις* quæ antè promisisti, Samosatene, primum hæcenus audiuius atque refellimus. Nunc ad secundum venis, de Spiritu sancto & processione eius: & his verbis proximè præcedentibus instituis propositionem tuâ. Primum quod idololatrias huius dogmatis auctores fuisse tradis, qui duabus diuinis personis non contenti fuerint, falsum: nam nulla historia vera, nullò argumento probabili id potest confirmari. Tum & illud falsum; *nullum exstare in totis Bibljs de diuinitate Spiritus sancti apertum testimonium*: quod alii multi seculo hoc nostro (vt nihil de veteribus dicam) docuerunt, & nos proprio certoque libello ex Scripturis sacris, si volet Deus, aliquando demonstrabimus. Tertiò id etiam a veritate abest, quòd oppositionem facis Dei, & personæ diuinæ: *filiumque dicis in fraternam societatem nullum alium Deum admittere, sed prorsus excludere tertiam personam Diuinā*: quorum prius non dicimus, fraternam societatem esse inter Filium & Spiritum sanctum, sed tu inuidiosè in hunc modum ludificaris mysterium summum religionis nostræ: posterius negamus cum

cum Ecclesia catholica. Præterea veteres *finxisse dicis Spiritum sanctum* ὁμοούσιον, &c. finxisse, falsum: verum, credidisse & adhuc credere ex testimonijs Scripturæ & Ecclesiæ fide. Postremò quod dicis, *Spiritum sanctum non intellectu ut λόγος, sed voluntatis actione productum esse*, id ambigüe dicis & captiosè, ut postea declarabimus. Habes quid negemus, quid desideremus. Nunc tempus est audiamus probationes tuas, & cum veritate fidei nostræ comparemus.

S A M O S A T E N V S. 16.

Quam tamen commentitiam fictamque doctrinam communis totius sacre Scripturæ refellit consensus, & conspiratio in duplicem tantum similis substantiæ productionem; creationem inquam & generationem: quare Spiritus sanctus aut creatus, aut genitus sit necesse est: At nolunt ipsum esse creatum: fateri ergo debent eum esse genitum, & alterum Dei filium. Nam si propter diuersum productionis modum non meretur Spiritus sanctus Filij nomen, ne vnicus quidem a Deo productus fuerit Filius, propterea quòd aliter Deum, qui spiritus est, generare oportet atque hominem si igitur homo generat; Deus non generat; vel si vterque diuerso modo generat, cur non Spiritus sanctus quoque genitus & alter Dei filius dicatur? cuius productionis modus non tantum distat a productione Filij, quantum huius generatio a generatione hominis.

O R T H O D O X V S.

Duo sunt argumentorum loci, quibus hîc, Samosatene, ad euersionem fidei nostræ de processu Spiritus sancti abuteris. Prior est a genere processioneis eius: posteriora modo. In priorè (cuius verba proximè legimus) ita est tua argumentatio:

*Duplex est tantum secundum Scripturæ consensum, & con-
spirationem naturalem rerum, similis substantiæ pro-
ducendæ modus, creatio & generatio:*

Spiritus sanctus a Patre & Filio productus est:

Ergo aut creatione productus, aut generatione.

Propositio maior & falsa, & aliena est. Falsa: nam primum creatio non est productio similis, nisi æquiuocè atque improprie. Creatoris & creaturæ non est similitudo: Creatio est actio qua Creator producit creaturam: id ergo est, dissimilis dissimilem. Deinde ut vocem similis omittamus, falsum quoque fuerit, si duplicem tantum substantiæ producendæ modum affirmaueris, principem puta creationem, & generationem ordinariam insufficiens enumeratio. Non enim omne quod procedit gignitur, quamuis omne procedat quod gignitur: sicut non omne quod bipes est, homo est, quamuis bipes sit omnis homo. Generatio physica proprie est, productio similis: ranæ procedunt ex aëre, mures in Ægypto e limo terræ, pediculi e capite, lumbrici ex interaneis, & sexcenta alia: procedunt, inquam, non gignuntur: dissimilia enim. Aliena: nam (ut de falso nihil dicamus amplius) naturale axioma rei supernaturali & summe quidem supernaturali accommodas. Nam prout sunt principia, ita esse actiones & res singulas ipsorum constat: alia autem esse principia rerum corruptibilium atq; incorruptibilium, ex præceptore tuo Aristotele didicisti: qua igitur mente leges illorum his audes accommodare? Quid hac misera tua argumentatione facias? Futilia omnia. Quod autem plus in conclusione visum est ponere, quam antecesserit; id eò fecisti, ut ad confirmationem instituti tui commodius transcurreres. Quænam illa sit,

Lib. 2. metaphys.

sit, videamus. Ex eo quòd genitum esse Spiritum sanctum a Patre ex hypothese nostra cōclusisti, (quod nos refellimus) arguis cum igitur alterum esse Dei filium: & argumentaris hoc modo: *Qui ab altero generatur, filius est generantis: Filius a Patre generatur: ergo est Patris generantis Filius.* conceditur. Persequitur: *Pater filium aut eodem modo, aut alio quàm homo generauit: At non eodem modo, sed alio generauit: Ergo & alio modo generatus appellatur Filius.* Et hoc damus. Sequitur: *Alio modo generatus, tamen Filius appellatur: Spiritus sanctus alio modo generatus est: ergo & filius alter est Dei Patris.*

Hic latet fallacia. Nam maior propositio indefinita est. quam si vniuersalem feceris, hoc modo, Omnis alio modo generatus, tamen Filius appellatur, negamus vt falsissimam: si indefinitam reliqueris, negare non possumus (nam sic etiam Christum ipsum Dei Patris esse Filium negaretur) sed distinguimus. Nam Filius propriè dicitur generatus, & alio modo generatus est a Patre: Spiritus verò propriè non generatus, sed productus procedensque a Patre & Filio, vel a Patre per Filium dicitur: generatus si dicitur, catichresis est, quam sanctè in hac causa cauere necesse est. *At huius productionis modus, inquis, non tantum distat a productione Filij, quantum huius generatio a generatione hominis.* Nihil ad rem: nam primùm rerum lōgè dissimillarum nulla est comparatio: secundò si qua comparatio instituitur, ea ex rebus metaphysicis potius vel supernaturalibus est depromenda: etsi harum quoque simile deficit in rerum diuinarum repræsentatione. Harum autem rerum ea natura est, vt vna gignat vnam, vnus intellectus rationem vnam, vt fons peremnis vnus peremnis riui: quæ duo

essentia sunt vnum, sed modo differunt: quandoquidem in cognoscendi & intelligendi modo intellectus cognoscit simplice intuitu, ratio verò discurrendo (vt loquuntur) de vno in alterum. Sic ergo de genitura Filij dicendum est, vnum esse ab vno Patre genitum, per modum (vt Scholastici loquuntur) intellectus. In processione verò Spiritus sancti ratio diuersa est, vt mox declarabimus.

SAMOSATENVS. 17.

Deinde si voluntatis actione productus est Spiritus sanctus, velim mihi respondeant querenti, num eandem numero voluntatē in omnibus tribus putent inesse personis, secundam vnā numero essentiam diuinā, an potius triplicem numero voluntatem iuxta triplex suppositum diuinum? Non audebunt dicere suam ac propriam esse cuique personae diuinæ voluntatem: quandoquidem sola personalia in diuinis dicantur esse propria, essentialia verò communia. Quæ autem diuinis sunt personis communia, illa eadem numero sunt communia: at intellectus & voluntas non sunt personalia, sed essentialia, vt Scholastici & omnes alij Theologi consentunt: quare eadem numero voluntas est omnibus tribus diuinis personis: ergo & eadem numero actio voluntatis est in tribus ὁμοῦς diuinis. Quod si verum est, tunc illud omnino falsum erit, voluntatis actione productum esse Spiritum sanctum. Non enim eadem numero actio simul producere potest & produci. In Patre autem & τὸν λόγον produxisset Spiritum sanctum, in Spiritu sancto verò eadē esset producta. Scholastici respondebunt, eiusdem numero actionis voluntatis quasi principium esse Patrem & τὸν λόγον, veluti terminum autem esse Spiritum sanctum. Quid tum? an non ex principio, medio, & termino actionis vna constituitur numero actio? Spiri-

Spiritus sanctus igitur una erit numero persona cum Patre & Filio. Deinde terminus actionis non est completa & omnibus absoluta numeris actio: ex quo sequeretur Spiritum sanctum non esse perfectum.

ORTHODOXVS.

Antequam ad argumentationem tuam, Samosatenene, venio, pauca de loquutionis modo dicenda sunt quæ antè segmento 13. perstrinxeram. Dixi loquutionem illam *voluntatis actione Spiritum sanctum produci vel procedere*, ambiguam esse. De hac re igitur possemus tacere, quia a Scholasticis loquutio profecta est, & rem eis defendendam permittere, aut ad liberos eorum reiicere. Sed quia bene accipi hoc dictum potest, sententiam illorum explicabo ambiguitate sublata: post de re ipsa & argumentationibus dicam quod suppeditabit veritas. Hæc igitur loquutio, si ita acceperis vt voluntatem naturæ opponas, falsa est: nam vt Filius natura a Patre; sic Spiritus natura, non voluntate, a Patre & Filio dicitur procedere: alioquin nõ essentia foret Spiritus, sed accidentis. Secundò si hæc loquutionē interpreteris hoc modo, natura quidem, sed per actionē voluntatis Patris & Filii Spiritum procedere ab utroq; periculose dicitur: nā quemadmodum Filius non actione intellectus propriæ, sed secundum actionem intellectus a Patre gignitur, quia omnia in Deo sunt vnum, in nobis secus: sic etiam Spiritus, non actione voluntatis propriæ, sed secundum actionem voluntatis a Patre & Filio dicitur procedere. Alioquin cum Spiritus sanctus dicatur voluntas Scholasticis, in Scripturis amor vel charitas, vt optimè Augustinus docet ex 1. Ioannis, statueretur voluntas agens voluntatem, voluntas inquam Patris & Filii efficiens voluntatem, id est, Spi-

ritum sanctū: Atqui non voluntas, sed natura est quæ voluntatem efficit. Restat igitur, ut hunc loquendi modum sic accipiamus ut modò ostēdimus: nempe secundum actionē voluntatis, id est, secundum eam actionem, vel potius secundum eum modum, quo naturaliter intellectus & ratio producant voluntatem, & voluntas, charitas, amor, inde habet processionem suam: Naturaliter, inquam, id est, actione naturæ, nō autem voluntatis. Atque hæc in nobis distincta esse quis nescit? Distinguunt certè philosophi mētem seu intelligentiam, rationem, & volūtatē: & distinguunt oportere ostēdit natura, ratio, vsus, communis experientia. Angelorum eadem ratio, quamuis longè perfectior: Dei perfectissima, ac proinde essentialis tota.

Hic verò quæris, Samosatene, utrū sit vna numero voluntas in tribus personis, an triplex? Respondeo, essentia est vna numero: ergo & volūtas essentialis per se vna. Sed cum essētia sit vna numero, triumque personarum communis in vnitāte essentiæ; idcirco etiam quicquid est essentiæ, idem & personæ. Volūtas autem personæ quæ numero vna est in essentia, duobus modis consideratur in persona, communiter secundum essentiam, singulariter secundum personam & relationem ad intra. Verbi gratia, ut Pater intelligit Filium, vult Filium, amat Filium; sic vicissim Filius Patrem, intellectu, voluntate, amore singulari; qui intellectus, volūtas, amor, si ad extra (ut loquuntur) procedit, communis est. Essentia & re ipsa, intellectus, volūtas, amor vnus, ratione distinctus est: quæ ratio tantum procedit in personarum diuinarum relatione illa admirabili. Nunc argumentationes expendamus, quæstione exposita.

Quæ diuinis sunt personis communia, illa eadē numero sunt

sunt communia. At intellectus & voluntas sunt personis communia: Voluntas ergo tribus personis est una numero. Damus totam argumentationem, si bene intelligitur: nam (vt antè diximus) vnitate rei nō tollitur respectus varietas, quæ ex relatione personarum inter se nascitur. Iam quid affectet porrò, videamus.

Rei vnus & eiusdem numero eadem est numero actio: voluntas tribus personis una est numero: & actio igitur.

Et hoc concedimus, seruata distinctione quam modò attulimus: nam re vna est voluntas, ratione distincta, vt personæ distinctæ in vnitate essentia. Sed quid tum? audiamus.

Eadem numero actio non potest simul producere & produci: At eadem numero est actio in tribus personis: Nec igitur voluntatis actio eadem numero in tribus personis, potest simul producere & produci.

Maiorem concedimus: minorem distinguimus: nam eadem est numero actio essentia ad extera, sed intus inter personas distincta ratione realiter, vt antè declarauimus. Præterea ambiguè dicitur processum Spiritus sancti voluntatis actionem esse: & (quod amplius est) secundum eam interpretationem qua tu, Samosatene, accipis, dogma est falsissimum. Quid igitur conficias hac argumentatione tua?

Quod autem postea subiicis de Scholasticorum responso, id tu quidem proponis commodo tuo: non enim actio voluntatis est simpliciter, sed naturæ est processio Spiritus a Patre & Filio, quam spirationem vocamus, etsi secundum voluntatis modum: quapropter friuolæ sunt, neq; nos oppugnant argumentationes tuæ sequentes, quum oppugnant illud. Deinde infirmæ sunt argumentationes tuæ duobus nominibus: primùm quia a ratione operû extrinsecorû

concludunt eandem esse rationem operum relationis & personalium intrinsecus, contra Physicorum & Metaphysicorum leges, qui actiones internas ab externis, & immanentes a transeuntibus in alium optimè distinxerunt: secundò quia hæc tua argumenta ad res creatas, non ad creatorem pertinent; ac ne semper quidem in rebus Physicis, ne dum metaphysicis, sunt necessaria. Sed de his philosophi amplius viderint.

SAMOSATENVS. 18.

Tertium huius vana signum doctrine certissimum est; hypostatica unio duarum in secunda Trinitatis persona naturarum: quam idololatrarum pepererunt, quum necdum tribus diuinis contēti personis, quartum quendam habere maiorem Deum cuperent, non tamen auderent eum numero diuersum personam diuinam facere, ne merum hominem diuinæ equare excellentiæ viderentur: verumtamen ut quartum quempiam, si non omnino maiorem, saltem quasi maiorem Deum haberent, imposuerunt in hypostasi diuinæ naturæ humanam propria huius hypostasis tamquam pelle prius detracta; ne cū homo tantummodo esset, non tamen purus homo esse videretur. sed Deus etiam propter hypostaticam unionem appellaretur. Fuit sanè callidissimum hoc aptissimumque ad humanum Deum faciendum, commentum: quod tamen vnum ἐκ τῶν ἀδωάτων esse maximum nullus non videt, nisi qui ignorat essentiam re non distingui ab existentia, & hanc contractā ad perfectam substantiam vocari hypostasim vel subsistentiam; ad partes verò substantiæ deductam nominari in-existentiam; ad accidens autem derivatam appellari in-hærentiam.

ORTHODOXVS.

Haftenus duo illa *κεῖμενα* tua, Samosatene, vnum ad generationem Filii, alterum ad processionem

nem Spiritus sancti pertinens, sancta illa & adoranda Trinitate duce, refellimus. Iam tertium ingressus es, quod est de verbo carne factō, siue (vt Paulus loquitur) Deo in carne patefacto. Hoc dictum Pauli re negas; partumque esse idololatrarum dicis, & illudis. Quàm piè, tu senties. ista enim verba sunt in iugulum (nisi Deus misereatur tui) æternum reditura. Hoc dicis *esse τὸν ἀδωάτων maximum* (nam cætera verba omitto de industria, quia re, non verbis pugnare statui) & quod nemo ignorat nisi principiorum natura nescius. Iam igitur exte, qui naturam eo magis peruides quo magis alii omnes fermè tot seculis cæcutiuerunt, discamus *τὸ ἀδωάτων*.

Essentia, inquis, *re non distinguitur ab existentia*, & hac contracta ad perfectam substantiam, vocatur *hypostasis* vel *subsistentia*; ad partes verò substantie deducta, nominatur *inexistentia*. Obscurè omnia: sed tamen quid efficis hoc sermone tuo? Hoc credo te velle si bene colligo. *Existentia contracta ad perfectam substantiam, vocatur hypostasis vel subsistentia*. Tum perfecte substantia nihil potest accedere, id est, hypostasi: Hypostasis diuina Christi est perfecta substantia: Ergo nihil, ne caro quidem, potuit accedere hypostasi Christi. Deinde sequitur alterum per concessionem: Si quid accedit subsistentia, id aut est *ἐννόησις*, id est *inexistentia* tamquam pars illius; aut est *inhærentia*, tamquam accidens. Neutrum autem conuenit personæ Christi: nihil ergo accessisse Christo necesse est. Antequam argumentationibus respondeam, pauca de illis vocibus dicenda sunt. Tres voces a te comparantur, essentia, existentia vel substantia, & subsistentia: tum de subsistentia enunciat *distinctio in existentia*, & *inhærentia*. Tria illa priora distinguuntur secundum triplicem

actum. natura enim quicquid est, id est, aut existit & substat, aut etiam subsistit. Esse, commune est omni enti, id est, non substantiæ solum, sed etiam accidenti: Existere & substat, id substantiæ, non accidentis est. Cum autem substantia sit prima vel secunda: communis vel singularis; illius esse duobus modis a nobis distinguitur: nam esse illud quod inter substantias commune est, dicitur existere vel substat; esse autē illud quod singularis vna aliqua substantia (quam cum Samo. fatene, substantiam perfectam vocas) habet subsistēs in sese, vocatur subsistentia. Sic esse lapidis commune est substantia; esse huius lapidis singulare est subsistentia. Ex his substantia vel suppositum commune (vt dicitur in Scholis) accidens vniuersale potest recipere, quod in subiecto est, & de subiecto dicitur; subsistentia verò semper habet substantiam cum accidentibus singularibus quæ in subiecto sunt, nec de subiecto dicuntur; subsistit in seipsa, & actu consideratur, & (si corporea est) sensu. Atque hæc illa subsistentia est, quā in rationalibus substantiis Personam Græci & Latini appellarunt. In hac autem subsistentia præter contemplationem totius, duo speciatim obseruantur, partes quas vocat inexistencias, id est, *ἐν μέρει* Græcè; & accidentia, quæ vocat inharēncias: quem in numerum proprietates characteristicæ referuntur, per quas individua notatur subsistentia, & internoscitur. Hæc faciliorem aditum legentibus ad argumentationes paratura sunt. Dicis igitur, *Existencia contracta ad perfectam substantiam vocatur hypostasis vel subsistentia*, dura quidem loquutione, sed in re conuenit. Ex hoc fundamento sic argumentaris: *Perfecta substantia nihil potest accedere, id est, hypostasi*. Negatur hæc maior, neque vera est vniuersaliter: fit enim vt accedat aliquid

quid ad perfectam siue completam hypostasim in cō-
 munionem esse completi illius. Nam anima nostra
 subsistit per se, quamuis soluta a corpore: & corpus
 tamen receptura est in die resurrectionis. Subiicis,
hypostasis diuina Christi est perfecta substantia: quod
 meruo vt sit ambiguum. Nam si perfectam substan-
 tiam accipis pro esse completo (vt loquuntur Scho-
 lastici) illius hypostaseos diuinæ, accipio dictum:
 quid enim illi desit ad perfectionem sui? Sin autem
 perfectam substantiam intelligis, cui nihil addi possit
 ad perfectionem finis, negatur. Cū enim hæc per-
 sona fuerit ordinata ad perfectionem finis, qui est ser-
 uare Ecclesiam Dei ad gloriam eius, verbum certè
 carnem fieri, vel assumere oportuit; quemadmodū
 ad perfectionem finis anima Christi recepit carnem
 suam, & in resurrectione quoque, nostræ carnem re-
 cepturæ sunt. Euerfa autem maiore, planè conclusio
 iacer, quam ausus es affirmare ad labefactandum
 mysterium salutis nostræ. Ad secundum argu-
 mentum venio. Maiorem facile concedo, si bene in-
 telligatur: nempe si quid accedit hypostasi, id aut esse
 inexistentialiam (vt est caro Christi) aut inhærentiam.
 Sed additamentum tuum, Samosatene, quum ais in-
 existentialiam esse partem illius, id non accipio. Non e-
 nim quicquid est *ὁυπόστασις*, id pars est hypostaseos
 constituens mutua coagmentatione hypostasim: hoc
 Physicum est solūm: verum etiam quicquid est es-
 sentiale, vt in principio suo & causa prima, vt est in-
 tellectus in substantiis intellectualibus. Est autem
 caro Christi *ὁυπόστασις*, subsistens in persona eius, non
 tamquam pars adæquata aut analogica ad personā,
 sed tamquam instrumentum pertinens ad vnitatem
 hypostaseos, inquit Damascenus; vel tamquam res

quædam in principio suo subsistent, & ad finem suum per principium illud suum ordinata. Illam itaque compositionem personæ ex naturis dicunt Scholastici non esse ratione partium, sed potius ratione numeri, quia natura humana subsistit in persona Christi. Sic ergo & minorem constituto priore disjunctionis membro, & conclusionem euertimus.

SAMOSATENVS. 19.

Iam ergo quis in Theologicis ita plumbeus esse poteris, ut non intelligat eandem idololatriæ causam fuisse, cur humana Christi naturæ propriam hypostasin detraberent & cur accidentia panis & vini in Eucharistia proprio subiecto propriæque existentia spoliarent? Sicut enim carnalem fecerant Deum per hypostaticam unionem, ita carnalem etiam postea comedere bibereque voluerunt Deum per transsubstantiationem. Itaque non satis perpèdunt quid credant, qui Pontificios rident, tamquam absurdissimè docentes accidentia panis & vini in Eucharistia remanere sine proprio subiecto. propriaque inhærentia: & tamen ei meisdem æquè absurdum, ne dicam absurdius, dogma amplectuntur, fouent, retinentque: nempe humanam Christi naturam esse sine propria subsistentia. Quid enim est essentia sine propria existentia? idem quod homo sine humana essentia.

ORTHODOXVS.

Argumento illi Physico, quod proximè confutauimus, video te, Samosatene, deinceps absurda aliquot subiicere ad unionem hypostaticam in persona Christi conuellendam. Ea tuo ordine persequemur. Primum hoc absurdum adfertur a te. Æquè absurdum est & ab eodem fonte propriam subsistentiam detrabere humanæ naturæ Christi, & accidentia panis & vini in Eucha-

Eucharistia proprio subiecto & existentia spoliare. Id autem vos facitis, quod in alijs ridetis. Rideant Pontificios qui imperitè quærunt quod rideant: ego me non ridere, sed gemere profiteor coram Domino, quū mihi in mentem venit istius inscientiæ ex qua laborant Pontificij. Deus opt. max. misereatur illorum & nostri. Sed ad rem. Absurdum j. esse nego simile. Nam primum comparatio fit substantiæ cum accidente. omnes carnem Christi esse substantiā agnoscimus: at in Eucharistia accidentia panis & vini solū restare affirmant Pontificij. Secundò nō negamus naturæ humanæ substantiam; sed contrā dicimus propriā substantiam esse humanæ naturæ Christi in persona diuina λόγῳ vnione hypostatica, cū hæc natura humana (quæ in Christo est ἐν ὁμοίᾳ) ne ad momentū quidē fuerit, quin in λόγῳ subsisteret. Accidentia autē illa non subsistunt in carne Christi, sed in pane: neq; vnione hypostatica in carne Christi dicuntur inhære, id est, personalia fieri essentialiter, sed miraculosè accidere: neque rum primum esse, sed iam antè fuisse in panis & vini substantia, eaq; de substantia in substantiam transuolare. Postremò si propriam substantiā, Samosatene, appellas eam qua id quod est subsistit in se, cū ipsum subsistere sit operatio naturalis, & operationes sint suppositorum; iniquè facis qui naturam humanam cuiusuis non in anima aut in corpore solo vis subsistere, sed in persona; carnem verò Christi non in persona (quod saluti nobis est) sed in natura sua. Atque hīc falleris, mi homo, nō mediocriter; tum quòd nomine substantiæ æqui uocè abuteris, tū quòd rem non tenes siue naturā substantiæ. Etenim substantia propriè duo complectitur, partes essentielles puta, & modū existendi, quem Græci πρῶτον ὑπάρξεως appel-

larunt. Partes essentielles naturę nostrę sunt corpus & anima, tamquam materia & forma: modus existendi est vnio hypostatica, illa qua istę partes subsistunt in persona. Quū autem dicis *nos propriam subsistentiā detrāhere humanā naturā Christi*, nonne vides, obsecro, nomine subsistē. ię in hac tua phrasi solū ὁ παρ' ἑωσ ἡ φύσις denotari? Nam humanę naturę partes tā agnoscimus in Christo quā tu: illum verò modū existentię, siue de Christo, siue de nobis agnoscamus ipsis, in psona agnoscim⁹. Tu q̄ in natura humana Christi statuis subsistentię modū, putares ne tibi perspectū esse modum subsistentię ex natura ipsius? Modus subsistentię est in persona, non autē in natura: neq; est cur metuas ne quid humanę naturę Christi detrahāmus, quū eā nō in seipsa, sed in principio suo, id est in persona Filij Dei, docemus subsistere. Hęc radix, hoc fundamentū salutis nostrę; quòd natura nostra, q̄ assumpsit Christus in vnitatem personę, nō in seipsa subsistit, sed immediatē in principio suo & vnione hypostatica. Quā nisi tu tenueris, non tenes fundamentum inuictum a Prophetis & Apostolis in Ecclesia expositum. *Sed detrahitur*, inquis, *naturā humanā Christi*. Detrahitur? immo verò accedit ipsi quamplurimum. Nā quemadmodū vegetatrici facultati non detrahitur, quum sensitiua perfectior aduenit, sed tota fit perfectioris; itemq; sensitiuę non detrahitur accedente intelligentia, sed tota fit animę rationalis; vel quemadmodum parue luci, accedente & assumente eam maxima, nō detrahitur, sed ea in vnā perfectionem transit. vt vna sit rei perfectio; sic humana illa natura Christi inde à primo conceptu non detrāctione minuta, sed perfectissimo existentię modo in vnitatem personę λεγται donata est. Quę res neq; absurda esse potest, sed humano generi

generi salutaris atq; gloriosa, neque sapit eiusmodi quidquā ac in fine dicis, *essentiā sine propria existentia a nobis esse suppositam*. Quod quum dicis, iniuriam facis tum capiti nostro, tum etiam corpori Ecclesiæ, in cōmunionē hac capitis sui viuenti de Spiritu eius.

SAMOSATENVS. 20.

Porrò non minus absurda est ipsa hypostatica unio, propter quam humana Christi natura sua hypostasi spoliata, in nihilum redigitur. Nā si humana natura hypostaticè unita est diuina, proculdubio tota est coniuncta cum tota natura diuina, adeò ut nihil sit diuinitatis quod sibi copulatā non habeat humanitatem. Quòd si nihil prorsus est diuina natura sine humana, necessario concluditur, ubicunque est diuina, ibidem esse & humanam: diuina autem est ubique: quare & humana in omni erit loco, omnesq; Trinitarij erunt ubiquitarij. Ad hoc quid responsuri sint, video: negabunt tanta necessitudine & tā naturali connexionē, colligatam humanam naturā cum diuina, ut hac alicubi sine illa non possit existere. Sed hoc qua fronte repudiabūt, datis ijs ex quibus, tamquā principijs & ipsis fontibus, istud necessario deriuatur? Dant enim nobis diuinam naturā esse indiuisibilem; & rei indiuisibilis hoc esse ingenium, ut cum ea vel tota, vel nullo modo quippiam iungatur: dabunt igitur nobis etiam libenter, vel inuiti saltem, naturā humanam toti esse τὴν λόγῳ iunctam, ita ut nihil sit diuinitatis extra Christi humanitatem. Nondum cogimur, inquit, hoc ἀτόμῳ dare, qui docemus totam λόγῳ hypostasin unitā quidem habere humanam naturam, sed tamen totam etiā extra naturam esse humanam; non secus ac toti animæ rationali iunctum est caput humanum, & nihilominus tamen eadem anima tota est extra caput in reliquis etiam corporis partibus. At hoc non est firmum perfugium: quoniam si tota hypostasis λόγῳ est cum humana, & tota etiam

extra humanam naturam; necessario fatendum erit, quod diuina hypostasis, quatenus tota est extra humanam naturam, non habeat sibi hypostaticè unitam humanitatem: sicque toti esset diuinitati unita humanitas, & tamen toti non unita: quod cum verum esse non possit, ne illud quidem unde hoc manat.

ORTHODOXVS.

Ad secundum absurdum venis, quod in hunc modum videris tibi conficere:

Id absurdum est propter quod natura sua hypostasi spoliata in nihilum redigitur:

Hypostatica vnio ea est propter quam natura humana Christi sua hypostasi spoliata, in nihilum redigitur:

Est itaque absurda.

Maiores vera est: nam natura corporea spoliata eo in quo subsistit, id est, anima sua, in nihilum redigitur: sed minor est falsissima; idque tribus modis. Primum enim negamus naturam humanam sua hypostasi spoliatam esse; cum omnis substantia *ἐν ὧν ἔσται* aut in natura subsistat, aut in persona: non autem in natura, ut antè ostendimus: ergo in persona. Persona autem est hic Filius æternus Dei, æterna hypostasis. Secundò negamus naturam humanam perfectiori naturæ adunatam personaliter, & in ea subsistentem, in nihilum redigi: nam quo quid subsistit perfectius, eo longius ab eo abest ut in nihilum redigatur: quapropter etiam nec caro Christi vidit corruptionem, ut perfectio subsistentiæ omnibus etiam materialiter innotesceret. Postremò negamus vnionem hypostaticam eius quod tu absurdum, Sæmofatene, dicis, esse in causa posse: nam est oppositum in appposito. Vnio hypostatica modus est subsistendi, non autem perdendi substantiam *ἐν ὧν ἔσται* siue (ut vertis)

inex-

inexistentem. Fallum igitur absurdum tuum, eoque nihil absurdius. Nunc ad firmamenta absurdi tui: pro syllogismo ponis, quem ultro concedimus, *Si humana natura Christi hypostaticè diuine unita est, tota cum tota unita est.* Verum est, sed quid tum? Arguis:

Si tota toti unita est, ubicunque est diuina, ibidem est & humana: Diuina autem est ubique:

Humana ergo ubique est, & omnes Trinitarij sunt ubiquitarij.

In maiore negatur consequens, secundum veritatem vnionis hypostaticæ, & naturarum in eam coeuntium. Vnio hypostatica non aliter fit, quàm seruatæ naturæ cuiusque proprietatibus, vt in corpore & anima nostra videre est. Cur ergo aliud de Christo sentiamus? qui naturam nostram assumpsit non vt perderet, sed vt seruaret eam. Tum naturarum in Christo proprietates diuersissimas esse si non vides, quid vides? Animæ nostræ vnio cum corpore nostro est metaphysica: & animæ quidem essentialis proprietates sunt metaphysicæ, corporis physicæ; inter quas tamè conuenit, nec aliæ aliis destruuntur. Naturæ diuinæ Christi cum humana est supra quàm metaphysica vnio: & non esset æqua in proprietatibus eorū seruandis analogia? Fabulæ. Irrita ergo, & falsa conclusio.

Hoc autem paradoxum tuum artificiosè, non verè, a nobis acceptum ferri dicis *unionis illius infirmitati*, non autem naturarum hypostaticè vnitarum veritati. Si hoc prudens dicis, malitiosè; si imprudens, ergo amplius cognosce de naturis, & vnione earum hypostatica. Naturæ quæ adunantur aut sunt analogæ proportionem quadam, aut non sunt. Proportionem quadam sunt analogæ, metaphysica natura cum physica, anima cum corpore. Analogæ non sunt diuina cum physica aut

creata vlla: nam hæc si adunantur (adunantur autem in Christo) ex gratia Dei fit, nō ex naturæ ordine: quæ propter optimè patres gratiam vnionis vocauerunt. Vnio autem hypostatica dicitur ea coniunctio, qua duæ naturæ, siue analogæ sint, siue non sint, coëunt in vnitatem essentialem vnus personæ. Atque in hac vnione hæc sunt necessaria. 1. vt singulæ naturæ integre sint, non vnione corrumpantur mutanturve. 2. vt inferior in superiore subsistat, & vtraque (vt Scholastici corum modo liceat dicere) in personalitate. 3. vt quæadmodum naturam singulæ, sic & proprietates essentielles integras, incorruptas, inconfusas habeant in vnitatem personæ. 4. vt in commune facultates suas cōferant naturæ, ex quibus suppositum vel persona operetur: quia operationes suppositi, non huius aut illius naturæ dicuntur esse. Quum ergo dicimus naturam humanam ibi non esse, vbicunque diuina est, id naturæ, non vnionis est: neq; eo infirma est vnio, quod non cōfundit aut mutat naturas; sed eo ipso vera est, quod seruat integras. Nam integras si non seruaret, iam ex facto personalis vnio esse desineret. Quod si roges, cur vbicunque est anima humana, ibi & corpus, dum subsistit persona? ratio facilis est, quia est quædam analogia quanta corporalis & spiritalis in toto, sed non in parte; cū animæ continuitas sit impartibilis, vt lib. 2. de anima definit Aristoteles tuus; corporis non itē. Contrā autem, cur vbicunq; est diuina natura Christi, ibi negamus humanam esse secundum essentiam suam? nempe quia hæc duæ naturæ nec in toto, nec in parte vllam habent inter se analogiam. Quapropter in nobis sic naturæ vniuntur vt partes personæ: in Christo vnitæ sunt propriè non vt partes, sed vt principium & principiatum (vt ita dicam) quamuis numero

meto distinguantur substantiæ vnitæ & natura sua.

Addis confirmaturus sententiam tuam: *Si quid rei indiuisibili coniungi dicitur, id aut cum ea tota, aut nullo pacto coniunctū est: Natura humana est coniuncta λόγῳ: Ergo toti.* Verissimum. *Quod si toti λόγῳ coniuncta est, inquis, ergo nihil est diuinitatis extra Christi humanitatem.* Negatur consequens: nā id quo medio vincas, obsecro? Non enim necesse est vt illud quod est totum totalitate essentiæ in aliquo, nullo modo sit extra illud. Nam etiam accidentales formæ, quæ secundum accidens quantitatem habent, sunt extra subiectū in superficie illius, vt albedo in pariete. Dices, Qua in persona duæ naturæ hypostaticè vnitæ sunt, earum vna ibi est vbicunque est altera. Conceditur de naturis ratione analogis & coniunctis naturaliter; etsi proprietate vtriusque seruata; nempe vt spiritualis natura continuiate spiritali & impartibili ibi sit, vbi est totū corpus & singulæ partes illius; corporalis verò eodem loco sit tota; partes verò illius nō secundum totum suum, sed secundum positionem ipsarum, vt modus est corporum. Ratio euidens, quia (vt dicam Scholasticè) incorporeis substantiis non est totalitas nisi secundum perfectam rationem essentiæ; secundum quantitatem minime: quumque hæ in corpore sunt, non tamen quantæ sunt, sed corpus quod sustinetur ab eis. Analogas autē esse has naturas quadam analogia, ex eo constar, quòd vtraque etiā disparata suo spatio vel loco definita est, quamuis hæ corporali, illa spiritali modo. De naturis verò quæ non sunt analogæ, negatur propositio: nā quæ naturæ per se non sunt analogæ, vnione personali non fiūt analogæ, cum vnio non cōmuret naturas, sed cōiungat solūm. Infinitū autē & finitū nō sunt analogæ:

proinde vnione personali neque infinitum finitur, neque finitum efficitur infinitum: sed infinitum capit naturam finitam, vbicunque ea est; finita verò natura capitur infinito in loco suo, nō in infinito loco. Solutionem quæ adfertur a simili naturæ humanæ nostræ, non potes refellere: ideoque tergiuersaris responso tuo. Nam simile eò pertinet, vt intelligamus spiritalem essentiam finitam corpori adunatam personaliter, esse in toto corpore & toto corporis indiuisam, siue (vt expressius loquar) esse in toto & vnaquaq; totius parte totaliter: sic esse in toto corpore, vt singulæ partes corporis habeāt totā: sic esse totā in vna parte, vt æquè sit tota in omnibus, non partibilis in substantia partibili & in singulis partibus illius: nam hæc illa est *συνέχεια* quā ipse Aristoteles definiuit; ne quid fortè a nobis confingi putes. Ex his autem sequitur per analogiā, si essentia spiritalis finita tota est in toto corpore, & tota in parte quaque totaliter propter naturam continuitatis spiritalis, eandem quoq; infinitæ rationem esse, quā spiritalis est. Sed quia ratione infinitatis non est cum corpore *ἀνάλογον*, & duæ illæ proprietates in natura diuina concurrunt, quod & spiritalis & infinita est simul, propterea etiam duo illa optimè & necessariò coniungi necesse est: vnum respectu spiritalis conditionis, quod vbicunq; est, ibi tota est totaliter: alterum respectu infinitatis, quod cum vbique sit, tota sit vbique totaliter. Est autem in corpore sibi adunato, nimirum tota totaliter, vt spiritus: est etiam extra corpus sibi adunatū, nimirum tota totaliter æquè atque in corpore, vt infinita est. Alioquin proprietatem spiritalem tolleret infinitas: quod nemo homo, nedū philosophus, si sapit, sentiet.

Ais, si tota est cum humana natura, & tota extra
huma-

humanam naturam, ergo quatenus tota est extra naturam humanam, non habet eam sibi unitam hypostaticè. Falsum consequens: quandoquidem proprietatis spiritalis est totum esse totaliter ubicunque est spiritus, ex natura spiritalis continuitatis, quam antè ostendimus: sed diuinæ proprietatis est infinitum esse, ac proinde totum non solum in corpore, aut in hoc illoq; loco, sed in toto partibusque singulis totius esse totaliter. Hic tantum discrimen est, quod natura illa diuina tota simul ubiq; est per modum causæ agentis siue principij, essentia, præsentia, & potentia sua primò & per se: in corpore autem Christi per vnionem gratiæ, qui modus in singulari & gratioſo (vt ita dicam) essendi modo summè singularis est. Quemadmodum ergo de anima nostra nemo sanus dixerit; quatenus est in capite nō esse in pedibus, quia catenus est in vtroque, quatenus est vna cōtinens substantia spiritali modo, tota in toto, tota in parte, & tota simul in vtroque, vt quæ essentia sua id proprietatis habeat, quod non sit mensurabilis secundum quantitatem: sic etiam de essentia diuina, quæ omnia etiam metaphysica transcendit, à nobis statui & credi necesse est. Nam in rebus partibilibus pars extra partem est: in spiritalibus verò quæ non sunt μερῶν, vt toto genere differt τὸ εἶναι vel ὑπάρχειν, essendi; sic etiam differt τὸ ἐνυπάρχειν siue inessendi modus. Quanto magis in diuinis discrimen tenendum est?

SAMOSATENVS. 21.

Verum vt sit tota τὸ λόγος diuinitas extra etiam naturam humanam: recipitne ea in suam quoque hypostasim aliquid quando ipsam humanitatē? si recipit, ergo hypostatica vnio toties dissoluitur & instauratur, quoties Christus ex vno in

aliū locum mouetur: ut quū Christus ascenderet in cælos, hæc unio dissoluta est in diuinitate, quatenus illa ipsa remansit in terris: eadē postea unio instaurata est in diuinitate, quatenus hæc erat in calis. Sin autē non recipit, ergo vel diuinitas, quatenus erat in terris, unā cum humanitate subuolauit in calum, vel humanitas ante ascensum iam hypostaticē unita erat diuinitati quatenus esset in calis. Si illud dederint, Deum volubilem habebimus: si hoc affirmauerint, vbiq̄uarii erunt. Et sanē mirum est doctissimos quosque Theologos Trinitarios videre, ipsa attributa diuina, ut esse omnipotentem, æternum, infinitum, &c. non posse humana communicari natura, quin ex creatura fiat creator, ex non Deo quidam exsurgat Deus: nolle tamē vel non posse videre, quod eadem de causa nec ipsa hypostasis diuina cōmunicari possit humanitati, ita ut hæc propria sua hypostasi priuata, sustentetur ab hypostasi diuina: & quidē multo magis quam accidēs à suo sustinetur subiecto, quamque subsistentia subiecti ipsi communicatur accidenti. Nam eorum quæ re ipsa sunt idem & sola ratione distinguuntur, non potest unum alicui communicari, ut non simul reliqua omnia eidem communicentur: ut totum aliquod corpus, quia realiter idem est cum suis partibus simul sumptis, non potest alicui dari sine partibus, nec omnes dari partes possunt sine toto. Atqui hypostasis diuina re ipsa idē est cum attributis diuinis: ergo ea vel non est communicata natura humana, vel certē unā cōmunicata omnipotentia, æternitas, vbiq̄ue præsentia, &c. Ad hoc quid nostri Trinitarii? Ob rationis distinctionem quæ est inter hypostasim & proprietates Dei, non valere dicent consequentiam istam, Hypostasis diuina communicata est natura humana, ergo & omnipotentia, vbiq̄ue præsentia, &c. eidem est tributa. Immo verō valet istiusmodi consequentia in omnibus iis quæ sola ratione differunt. Nam rationis distinctio hoc tantum

tantum efficit, ne una proprietas de altera dici queat, ut omnipotentia de aternitate, aternitas de sapientia, hac de subsistentia: non autem impedire potest, ut cui unum sola ratione differentium communicatur, eidem non cetera omnia tribuantur: ut de toto quouis perspicuum est, quod cum datur, omnes quoque ipsius dantur partes.

ORTHODOXVS.

Equidem te, Samosatene, non arbitror coufq; venisse impudētia, ut dum naturæ propugnator haberi vis, ipsius principia & auctoris maiestatem cupias euertere. Atq; hoc facis tamē in hac quæstione & ventilatione tua. Vt autē res fiat euidentior, quia dum totus in toto esse vis, aberras totus, de toto me coges dicere. Est totū physicum siue corporeū & materiale, est totū metaphysicū & spirituale. In reb. physicis totū dicitur respectu partiū. Pars autē duplex est; vna essentialis, ut materia & forma partes sunt compositi; altera quanta, siue quātitatis, in quam aliqua solet quantitas diuidi. Atq; hæc quanta (ut vocant) totalitas commensum habet cum loci proprii quantitate, nec aliud est quātitas locati quā loci, etsi ratione differūt. Essentialis verò quātitas aliter se habet, ut segmēto 20. antè ostendimus. In rebus autē spiritualibus & metaphysicis nō est vlla totalitas nec per se, nec per accidens, nisi secūdum perfectā rationē essentie, q̄ te ex tuo Aristotele in libris de anima & Metaphysicis oportuerat didicisse. Et ideo tū anima nostra est tota in qualibet parte sui corporis, tū verò maximè Deū totū esse in omnib. & singulis credamus necesse est; q̄ Selomo 1. Reg. & Paul. in Actis Apost. nō obscurè docuerūt. Quod si ^{Astor. 14.} homo locū capit, p̄ quantitate sui corporis, nō anima ^{& 17.} locū per se capit corporaliter, sed persona capit secūdum corpus, q̄ corp⁹ anima cōtinere, nō cōtineri ab

edicitur. Nunc ad quæstionem tuam veniemus.
 Quæris primum, vtrum diuinitas τὸ λόγῳ recipiat ali-
 quando in suam hypostasim humanitatem suam? Re-
 spondeo (etsi vix te puto scire quid dicas, aut quid ve-
 lis, respondeo tamen) non recipit, qui nunquam abie-
 cit eam: Christus nunquā abiecit eam; ex quo semel
 facta est ἐν ὁμοίᾳ, nūquam fuit ἀνυπόστατος: quid ergo
 tibi vis hoc recipiendi verbo? Assumpsit carnem non
 abiiciendam, sed beandam in æternum. Hanc quæ-
 sitionem velut feracem agrum, colis & recolis dilem-
 nate: cuius falsum prius antecedens, falsa sunt con-
 sequentia. Prius antecedens, nempe *Christum recepisse
 in suam hypostasim humanitatem suam*, negauimus: nam
 quis sanus concedat? Consequentia autem vtraque
 nihil veri habent, pura Dei & rerum diuinarum spiri-
 taliumq; ignoratione circumfusi sunt. Eadem hîc tua
 est cæcitas, ô Samosatene, quæ ante in loco de æter-
 nitate. Nesciebas quid sibi veller illud Boëthii æterni-
 tatem esse simul totā: ostendi ex Aristotele: spero te
 fidem habiturum illi præceptori tuo. Iam nescis quid
 sit, spiritum esse totum simul, ignoras spiritualium re-
 rum diuinarumque συνεχίς: & hoc ostendi ex Aristo-
 tele, quia vel diuina præ illo tibi foetet auctoritas.
 Quid illud est, quæso? quatenus diuinitas est in cælo,
 non est in terra, & contrā, & quascunq; restes ex are-
 naceo hoc principio nescis? In Deo, quum agitur de
 essentia & præsentia eius, nullum est quatenus: locis
 distinguis eum quem non capit locus: terminas inter-
 minabilem: partiris essentiam eius, cuius perfectio est
 vnica & simplicissima vnitas. Quin potius dicis? qua-
 tenus diuinitas est, tota simul est in cælo, & tota simul
 in terra, non pars hîc & pars ibi. Et in hoc tamen ἀφί-
 λατόφῳ consequentiarum genere exultat & trium-
 phat

phat oratio tua. Ac mihi quidem videtur istud Quatenus, à te non dico de metaphysica, sed de diuina essentia sic pronunciari, tamquam si legibus Physicæ aut etiam Logicæ (quod angustius) illa essentia teneretur: quod tuæ conclusiones docent, totæ ad quantitatem illam prædicamentalem (vt vocant) pertinentes. Indignè factum: cùm Dialecticorum nemo aut Logicorum istas partes fermè sit ausus suscipere: Aristoteles quidem minimè omnium. Sunt igitur falsa, (vt vno verbo dicam) quæ ex hac determinatione adducis omnia. Subiicis, *vt attributa diuina humana natura non possunt communicari, ita nec hypostasis.* Ambiguè dictum: etsi quis ita loquitur? Si communicari accipis pro eo quod est vniri in personæ unitatem, cōmunicatur hypostasis: sin autem pro eo quod est communem fieri realiter confusione, transfusione, aut exæquatione naturæ attributorumque quocunque modo, negamus. Etenim anima & corpus nostrum personam constituit cōmuniter, & vtrumq; in personam confert attributa sua; non autē substantia vna in alteram, id est, anima in corpus, vel contrā. Sic & natura vtræque in persona Christi. nō transfert, sed confert attributa sua: quæ si transferret, personalis vnio tum esse defineret. Quòd si pars in partem non transfert ad constitutionem personæ nostræ, quomodo natura assumens in assumptam transferre diceretur, id est, principium infinitum in terminum finitū, & (vt ita dicam) principiatum suum? Si ergo accipere placet communicationem pro vnione personali qua hypostasis Filii naturam humanam assumpsit sibi, bene est: etsi loquutio ambigua, periculosa, mala, fugienda. Si ampliùs statuis, negamus, & falsissimum esse contendimus. Et tu tamē, Samosatene, subtiliter

hoc modo interpretaris contrā quā dicimus: & ex hac hypothesi vel suppositione tua argumētaris strenuē. Ergo tuas ipsius cogitationes & commenta (vt facis) oppugna: sequentia enim abiurda non attingūt doctrinam nostram, sed interpretationem tuam. Et quod de distinctione inter hypostasim & proprietates adfers, etsi id suo loco est necessarium, in hoc tamen nihil ad rem: nam & hypostasim & proprietates eius vnitas naturæ humanæ in persona esse agnoscimus; communicatas, vt tu vis & falso de nobis asseris, sanctissimè pernegamus: Nec enim (vt antè diximus) quisquam de nobis hoc modo loquutus est: si fecit, error humanus est, & accipiendus humaniter.

SAMOSATENVS. 22.

Hæc tria iam enumerata exagitataque sūt Trinitatis indicia quem non mouent, cum profecto mouebunt que huius nunc subiectam, fortissima tria & in omnem mansura æternitatem inuictissima argumenta. Primum autem hoc sit argumentum. Vnitas & distinctio vniuersalis vel essentia magis dependet ab hypostasi, quam accidentis a subiecto, & corporis locati à loco. Non enim tantum inter se differunt rationalis substantia & persona, quantum accidens & subiectum, quantumque locus & corpus locatum. Atqui vnum numero accidens non posse in multis esse numero subiectis Pontifici Philosophi Theologiq; fatentur: & vnum numero corpus non posse in multis simul reperiri locis Cal. niniani nunc pugnant: & quidem meritis; alioquin enim idem esset vnum & non vnum: vnum, propter suppositionem, vt in scholis loquuntur; ponitur enim vnū esse numero accidens, vel corpus: non vnum, quod secundū multisudinē subiectorum & locorum, necesse sit multiplicari accidentia & corpora locata: esse autem vnum & non vnum, implicat contradictionem, quam nec ipse possit Deus veram face-

facere; cum alterum contradictoriorum necessario sit falsum, omni etiā Theologica consequutione necessaria. Pontificii ergo & Calviniani vel suam non intelligunt doctrinam & religionem, vel nobiscum negabunt tres in una & oīa diuinas esse & oīa oīes seu personas.

ORTHODOXVS.

Haftenus tria illa *κερθηρα* siue indicia refellimus: quæ tu, Samosatene, præfidenter inuictissima esse gloriaris; nos infirmissima esse, ac porius nulla, euidenter ostendimus: quam rem vt salutariter videre possis, faciat Deus salutis nostræ. Iam subdis argumenta tria: vsque a deo Trinitatem diuinam oppugnans, trinitate argumentorum (vt ita dicam) afficeris. Primo argumento Trinitatem ipsam, secundo Deitatem Filii, tertio mediationem eius aggredieris. Arcem ipsam fidei petis, & salutis nostræ, Dei veritatem. De primo antequam dicam, non possum satis mirari te, qui antè prædicabas religionem Christianam, tuam religionem esse hanc, nunc tantopere obliuisci tui, vt eam apertè abdicēs. Etenim quàm verè Deus est, tã verè de se loquutus est: & quàm verè de se ipse loquutus est, tam verè sermonem suum curauit per seruos suos, non idololatrias (quod principio dixisti) exarandum. Huic sermoni si non credis & huic Scripturæ; nec Deo credis, nec Deum. Et Christianam voces religionem tuam? Sed his omissis, de argumento videamus.

Vnitas, inquis, & distinctio & oīa: ve essentia magis dependet ab hypostasi, quàm accidentis à subiecto, & corporis locati à loco. Vnum autem numero accidens non potest in multis numero subiectis esse: Ergo nec essentia vna numero in multis numero subiectis, siue hypostasis. In maiore primùm falleris, quum vnitatem

opponis distinctioni: nam si unitatem de essentia dicis, non distinctio, sed dualitas aut pluralitas essentiarum opponitur: distinctio verò non ad essentiam propriè & per se, sed ad rationem in essentia respicit. Quare te hoc modo dicere oportuit, *unitas & pluralitas essentia magis dependet ab hypostasi, &c.* id est, *unius hypostaseos, una est essentia, plurium hypostaseum plures essentia.* (Hæc sententia tua, quam planis verbis & seposita comparatione visum est exponere) in Deitate una est essentia: ergo & unica hypostasis. Maiorē in rebus creatis concedimus: nam in eis essentia cōmunis, aut est species, aut genus substantiarum; ac propterea substantia secunda Logicis appellatur, quæ in subiecto est, & de subiecto dicitur: singularis verò dicitur hypostasis vel ὑποστάσις, Logicis substantia prima. Sed in vnica tamen siue essentia siue hypostasi creata suæ sunt essentialia partes, quæ ratione inter se distinguuntur: in spiritali verò & metaphysica non partes propriè (sunt enim simplices essentiarum) sed quasi partes ratione & mente sola discernuntur. Sic exempli causa, in spiritu nostro (qui subsistit per se, & dat corpori subsistere) ut qui simplex essentia est, primū est essentia simplex subsistens; deinde à philosophis duo μόρια id est partes, abusu suè habere dicitur, intellectum, & voluntatem: quæ duo vnum sunt cum Spiritu, ut simplex est, essentia; ratione tamē ab eo distinguuntur, ut sunt in subiecto. Sed negamus Deitati maiorem competere posse.

Nam primū Deus est essentia vniucō, siue entium, transcendens transcendentium, quæ non solum essentias metaphysicas tanto intervallo quanto hæc physicas atque corporeas, sed omnes infinitè omnibus modis superat. Quapropter ducte ab illis de

Deo

Deo argumentationes omnes infirmæ sunt, nisi aut necessitate principii naturalis, quatenus natura potest secundum Deum, aut scripturæ & verbi diuini auctoritate vincantur. Cum autem tu, Samosatene, documenta naturæ tam pressè teneas, & tamen Christianam religionem appelles tuam, non iniquè feres si vtrumque librum; vnum imperfectum, naturæ nostræ, alterum perfectum, Scripturæ diuinæ & verbi (quo Christiana religio traditur) consulamus.

Secundò essentiam hanc cum naturæ luce, tum Scripturæ veritate vnam esse inter nos conuenit. Natura enim & simplicitate eius perfectissima (quæ semper eodem modo se habet in sese, nec vlllo modo est extra communicabilis) & infinitate perfectionis eius (ad quam respicientes philosophi vnum tantum infinitum principium idem posuerunt) & mundi, operū, operationumque eius vnitate, vnicam esse Dei essentiam confirmat. Scripturæ loci exstant innumeri, de quibus hîc nō sum dicturus; tum quia inter nos de eo conuenit, tum quia hoc ipsum breuitatis causa, iam antè in alium locum reieciimus. Tertiò & hoc constat, vnicam illam essentiam Dei simplicem esse totaliter, nec vlllo pacto compositam in se, siue ex partibus quantis, siue ex materia & forma, siue ex natura & supposito, siue ex essentia & esse, siue ex genere & differentia, siue ex subiecto & accidente, siue alio vlllo modo: quam rem naturæ documenta confirmant ista: quod omne compositum suis componentibus posterius est, posterius sua causa, ex potētia & actu constat, & in se habet aliquid quod non est ipsum: Deus autē est primum ens, summa & prima causa, actus purus & simplicissimus, denique suum ipsius esse: quod Aposto- Iacob. 1.
lus respexit dicēs, Patrem esse luminum, apud quem

non inest transmutatio, aut cōuersionis obumbratio. Quartò vnicam illam essentiā Dei extra & supra omnia, q̄ vocant, prædicamēta esse eque agnoscimus, natura & Scriptura duce: verūtamen æqui uocē duo solum prædicamenta ex omnibus Deo conuenienter & analogicē aprari, substantiā & relationem: in Deo autem, vt essentia simplicissima, nihil nisi essentiale esse. Atq; hæc quidem sunt, de quibus inter nos ex natura Scripturaque est cōsensio. De sequentibus non item; quia in eis natura cecutiuit, aut vidit minus, homines autē à natura ita sunt, vt & plus satis naturæ fidant, & minus Scripturam quærant, intelligant, credantque. Quintò, Cū Deus sit Spiritus vel Spiritualis essentia, ex analogia spiritualium essentiarū simpliciuq; de natura eius (quamuis supra omnes sit) iudiciū fieri dicimus oportere: spiritālē autē quamuis essentiam ita se habere naturaliter, vt in se habeat esētiales facultates duas, quarū priorē, τὸν λόγον, spiritus in se & per se generat πατρίδιος, posterior à spiritali esētia procedit & λόγῳ ipsius, quā dicimus volūtātē: Esētiā itaq; diuinā tria in se habere distincta essentialia, nō vt facultates inharētes, sed ὑφισταμένα siue ὑποστάσεις, quorum primum dicitur Pater generans & cōspirans; secūdū, Filius genitus & conspirans; tertium, Spiritus S. procedens & spiratus ab utroque. Hoc natura adumbravit, Scriptura explicauit, narrauit & testificatur Deus. Sextò, In hac relatione & distinctione personarū mysteriū diuinū esse eiusmodi cōfitemur, quod partim natura rerū creatarū adumbretur, partimq; minimē. Creaturā corpoream gignere sibi simile: & à Deo Patre Filium similem semper genitū; & à Patre Filioq; Spiritum similē productum. Creaturam incorporeā vel spiritualē, gignere in se λόγον, & per se ac λόγῳ volunta-

lūratem producere. sic etiam in essentia Dei. sed discrimina multa incidere propter similitudinem istorū inæqualitatem maximam. Gigni enim Filium & procedere Spiritum similem, non essentiam ab essentia, vt gignūt res corporeæ (nam essentia vnica est & simplicissima) non facultatem à persona, vt gignunt intelligentiæ (nam Deus est purus actus, & quicquid est in Deo Deus est) sed personam diuinā à persona; non extra essentiā (nam infinita est, essentia autē infinita extra se fundi nō potest) sed in essētia, vt spirituales creaturas facere segmēto 9. ostēdimus. Proinde essentiā vnā esse, si ad substantiæ prædicamentū spectes; in hac autē substantia siue essentia vnica realiter subsistere, & secundū relationes diuinas ratione p proprietates distinguere tres illas hypostasēs siue personas, de quib. modō dicebamus: quarū personarū cōmunem essentiā Scriptura essentiali appellatione vnus Dei Iehouæ, singularē subsistētiā relatiuis nominib. vbiq; testatur, Patris, Filii, & Spiritus sancti: Patrē enim referri ad Filium, quod gignat: Filium referri ad Patrē, quod gignatur ab eo: Spiritū sanctū referri ad vtrumq;, quod spiretur & procedat à Patre & Filio, secundū proprietates, quas vocant, notionales ipsorum.

Ex his manifestū est q̄ falsa sit in reb. diuinis sentētia illa, vnitatē *uōias* ex hypostasi depēdēre. Nā in reb. finitis vera est propositio, quia aliæ extra alias subsistūt in se: in Deo autē, qui infinitus est, tres illæ hypostasēs (quas relationib. Scripturæ variè determinat) subsistūt nō extra essētiā (nā extra infinitū qd est?) sed in essētia tota singular, totaq; essentia in ipsis diuino & singulari modo. Sic vni⁹ diuinę hypostaseos, at nō solius, est tota essentia diuina, q̄ non nisi vna est: triū verò hypostasēon siue personarū nō plures sunt essentiæ; sed vnica,

tota in tribus subsistēs, tota in singulis, idque seruatis tum essentialibus essentiæ, tum relatiuis personarū in vnitate essentiæ proprietatibus, quas ex Scriptura didicimus. Sed de his alio loco.

S A M O S A T E N V S. 23.

Alterum verò sit huiusmodi argumentum: Deus Pater præter essentiam diuinam, quam eandem numero & sibi reſeruauit, & λόγῳ communicauit, dedisse dicitur distinctam hypostasim seu subsistentiam: hac autem τὴν λόγῳ hypostasis velerat in Patre quum generaret λόγον, vel non erat. Si erat, ergo vna Patris persona duæ erant persona propter duas hypostasēs: non enim hypostasis λόγῳ esse potuit διωάμεν in Deo generante, sicuti in homine gignente est filii subsistentia; sed ἐνενεγία seu actū. Sin autem in Patre præter propriam hypostasim non erat actū quoque λόγῳ hypostasis, unde eam λόγῳ accepit? Omnino autem necesse est, ut Deus Pater τὴν λόγῳ hypostasim vel ex diuina essentia, vel ex sua ipsius subsistentia, vel ex nihilo produxerit. At nō ex diuina essentia, quia hac nec generat, nec generatur: alioqui in Patre etiam genita esset, λόγῳ autē genitus dicitur ob propriam hypostasim. Neque ex sua ipsius subsistentia eam Pater desumpsit: cum enim hac sit indiuisibilis, tota data esset λόγῳ: sicque λόγῳ cum Patre vna esset persona propter vnā hypostasim, sicut vnus esse dicuntur Deus propter vnā essentiam. Si autem hypostasis τὴν λόγῳ, neque ex diuina est essentia deprompta, neq. ex ipsius Patris subsistentia desumpta, nihil certē aliud relinquitur, nisi vt ipsa sit ex nihilo procreata, ac proinde non verus sit Deus, sed quadam tantum creatura.

O R T H O D O X V S.

Quod secundo hoc argumento, Samosatene, tentas expugnare personam Filii, eo est turpius, quòd nō solum

solū in re peccas (nam in quē inuehis? vt olim Prophetā dicebat) sed etiam in modo. Dicis enim, *Deus Pater prater essentiam diuinā, quā eamdem numero & sibi reseruauit, & λόγῳ cōmunicauit, dedisse dicitur distinctā hypostasin*. Dicitur, inquis: & à quo dicitur, obsecro? certē nō à nobis: tuū ergo somniū, tuum glossēma de cætero oppugnās, ac nō doctrinam Christianam nostrā. Nam quis vnquā fando audiuit inter nos, prater essentiam diuinam Patrem dedisse Filio distinctā hypostasin? Non prater essentiam dicimus, ὁ Samolathene, dedisse, sed in essentia communi & communicata à Patre, tamquam principio? & in essentia dedisse hypostasin, non extra essentiam; non diuisam, sed distinctam hypostasin tum ab essentia, tum à persona Patris & Spiritus sancti, non secundum esse, quod cōmune est, sed secundum subsistere, quod personæ cuiusque proprium & singulare. Nam quod in mentibus nostris inexistit vt facultas, id in Deo subsistit vt Deus & ὑφιστάμενον.

Iam verò quid argumenteris, vide. *Hac hypostasis, inquis, τῷ λόγῳ uel erat in Patre, quum generaret λόγον, uel non erat*. Disiunctiuā agnoscimus, & in ea prius membrum: posterius improbamus. Itaque pergis, *Si erat, ergo vna Patris persona duæ erant persona propter duas hypostasēs*. Inconsequenter, mi homo, argumentaris, negamus consequens: & vt errorem videas, confice maiorem συλλογιστικῶς. *Quum persona est in persona, duæ personæ sunt vna persona*. Falsum: nam etiam Angelus, diabolus erit in persona altera, nec tamen diabolus & homo, Angelus & homo vna persona futuri sunt. Nonne vides oppositum esse in appposito, quum ita loqueris, & subiectum prædicato tolli, ac contrā? Nam si persona est in persona, duæ sunt per-

sonæ, nō vna: contrā si duæ sunt personæ in vna, omnino duæ sunt personæ, quamuis in vna sint. Atq; id nos dicimus, quod tu non intelligis, quia per modū creaturarum cupis res diuinas intelligere præposterè: nos inquam dicimus, personam quamq; in vnica illa essētia subsistere, & vnā in altera, non vt accidens inexistens, sed vt personam subsistētem. Nam in principio erat ὁ λόγος, & ὁ λόγος erat apud Deum, & ὁ λόγος erat Deus: hic erat in principio apud Deū. Hoc posito, velut re bene gesta, transis ad alterum disiūctionis membrum, quod negauimus. Quamobrem & tu frustra laborem in eo consumpsisti; & nos quoque, si de eo laboraremus, posito altero operam frustra ludemus. Pergamus itaque.

Ioann. 1.

SAMOSATENVS. 24.

Tertio producam loco peruulgatum quidem, sed insigne prorsus semperq; triumphans illud argumentum quod Apostolus nobis suggerit, vnum esse scribens Deum, vnum & Mediatorem Dei & hominum, hominem Christum Iesum. Nam si Mediator is est, quem & nomen & ratio cogit esse medium inter personam offensam & personā qua offendit, intercedentem apud partem offensam pro parte qua offendit: certē nō potest mediator esse persona qua offendit, neq; persona qua est offensa. Idem enim intercederet apud seipsum, idemq; simul se & iratū ostēderet & placatum: quo nihil cogitari stultius potest. At persona offensa est Deus Israël, qui vnus est: non igitur Christus est ille Deus.

ORTHODOXVS.

Triumphalem coronam per somnium geras, Samosatene, licet: experrectus videbis quoddam ecce somniū. Duo in libello reliquo cōtra Mediatorem meditaris: vnum, personam diuinā non potuisse Mediatorem.

diatorem esse: alterum, non oportuisse. De priorē sic argumentaris:

Mediator, inquit, medius est inter personam offendentem & offensam, nec altera earum esse potest.

Persona offensa est Deus Israël qui unus est; & Mediator, Christus. Non igitur Christus est ille Deus. Maiorem, quia copulatiua est, partim distinguimus, partimque negamus. Prius membrum distinguimus: nam Mediatoris nomē supponit duo, personam mediantem, & actum mediationis. Persona medians ex parte alterutra ferē non sumitur, si extra partes inuenitur qui velit & possit. Sed tamen ex parte alterutra aut vtraque sumitur, si non est alibi qui possit commodē, si pars offensa gratiose de iure suo remiserit, si inter partes conuenerit. Hoc igitur respectu propositio non est necessariò vera. Actum verò mediationis qui negat ad partes pertinere, vix scit humanitatem, charitatem certē Christianam nescit: nam eum actum Christus partibus ipsis disertē imperat. Matth. 9. Si munus tuum, inquit, attuleris ad altare, & illic memineras fratrem tuū habere aliquid contra te, omite illic munus tuum coram altari, & abi: primū re conciliator fratri tuo, &c. Et alibi, Si peccauerit in Matth. 18. te frater tuus, ito & argue eum inter te & ipsum solum: si te audierit, lucratus fueris fratrem tuum, &c. Prior actus parti offendenti, posterior offensæ imperatur, vterque verò mediationis est. Itaque posterius propositionis membrum falsissimum est: nam qui medius non est secundū personam, is testimonio Christi, medius ratione officii & œconomix fieri potest, & iubetur esse quisquis potest. Huius officii quod imperauit Christus, idem exemplum præbuit. Itaque ex falso antecedente conclusio falsa.

Hunc nodum Gordium duobus solēt modis incidere potius quā dissoluere nostri Trinitarii. Plerique eorum ad diuersas confugiunt in Christonaturas, affirmantes Christum esse personam offensam ratione diuina, mediatorem verò ratione natura humana. Verū hi non recordantur vnā cōstitui Christi personam ex natura humana & diuina, atque intercessionem omnemque aliam actionem non esse naturarū, sed ὡς ἀντιπροσώπων vel suppositorum: quare non humanam Christi naturam intercedere apud diuinam, sed ipsum Christum intercedere apud seipsum ratione natura humana & diuina, ita vt intercessio oriatur ex Christi humanitate, terminetur autem & desinat in ipsius diuinam: m: quapropter huiusmodi intercessionem non duas esse actiones, sed vnicam tantū, duos tamen respectus habentem, vnum ad humanam, alterum ad naturam diuinam: diuersos verò in eodem supposito respectus efficere non posse, quo min⁹ idem reuera intercedat apud seipsum propter vnicam personam, vnicamque actionem. Quid multa? vel Christus mediator est secundū naturam tantū humanam, vel secundū naturam etiam diuinam. Si secundū humanam tantū, quid opus erat Deum fieri Mediatorem? sin verò secundū diuinam etiam est mediator, nullo profectō modo euitari potest, quin ipsa quoque diuina natura, ea parte qua mediatrix est, intercedat apud seipsam: quod quia absurdū dicitur, cū nemo roget seipsū, fateamur etiam absurdū dici, mediatorem Dei & hominū esse illum ipsum, qui placandus erat, Deum.

ORTHODOXVS.

Et si nodum illum tuum Gordium, Samosatene, iam modò soluimus: quia tamen pergis in imaginario triūpho tuo, paucis respondebimus ad sequentia.
Solutio.

Solutionem quam hîc adfers ex duabus naturis Christi, tueantur qui probant: nos quidē probamus minime. Hæc ergo nihil ad nos. Quod autem affirmas sub finē *absurdè dici*, cum nemo roget seipsum, ipsam quæ diuinam naturam apud seipsam intercedere, bifariam peccas, re, & probatione. Re peccas; nam etiam apud se & apud nos Christus secundum naturam intercessit, & partem vnā posse intercessionem præstare antè docuimus. Probatione peccas: non enim (opinor) es nescius in iusto argumentationum modo non nisi speciebus omnibus sublatis genus tolli posse. Sic autem argumentaris, neminem rogare seipsum; ergo neminē apud seipsum mediatorem esse. Quid? an nondum vides, patēre latiùs intercedendi quàm rogandi verbum? Si patet latiùs, falsa est conclusio tua: patet autem latiùs. Quod si æquiuale re ista verba putas, falsa est suppositio: nam multi etiam non rogantes intercedunt. Et falsum igitur consequens. Sed pergamus.

SAMOSATENVS. 26.

Quamobrem alii solent Theologi respondere, quando vnicui tantum est offensa persona, non posse eandem esse Mediatorem: verum quum multi & sunt simul persona offensa, tunc nihil ob stare quin ex iis vna ipsarum cōsensu electa, officio Mediatoris fungatur: id quod illustant exemplo Regis duos filios habentis: quem Regem si turbulenti offendant subditi, vnā etiam ipsius offendunt filios: & tamē fieri posse, vt de voluntate Patris & filiorum alteruter filius deligatur, qui inter Patrem & subditos fiat mediator. Sed isti non considerant, hominem offensum propterea fieri mediatorem inter offendentē & alium quæmpia qui quoque fuit offensus, quod is posita iam ira ignouerit ei a quo fuerat laesus, quodque ipse placatus alterum similiter placat.

tum cupiat. At in rebus diuinis non ita sese res habet: non enim antè placatus fuit λόγος, quàm Pater, & Spiritus sanctus, si tres istæ personæ sunt ὁμοούσιος. Deinde nō attendunt, Regem humanum & ipsius filios ex se nunquam eligerē mediatorem, nisi minus offensi fuerint filii quàm Rex ipse: cui rei certissima fides sit ex eò, quòd nunquam ipse Rex, contra quem potissimùm excitata fuerat seditio, mediator fiat inter filios suos & seditiosos subditos. At verò omnes diuinæ personæ aequaliter offensa hominum peccatus fuere, si omnes aequè diuinam participant naturā. non igitur una magis quàm alia esse mediator potuit: vel si una earum facta est mediator, ea certè non potuit ipsa sibi satisfacere; quandoquidem satisfactio, omnisque iustitiæ actus non sit ad seipsum, sed ad alium: ob quam rem non toti satisfactum Trinitati foret, sed Patri tantum & Spiritui sancto: ideoq; altero opus mediatore fuisset, q̄ ipsi etiā λόγος satisfaceret.

ORTHODOXVS.

Etsi propositionē tuam, ὁ Samosatene, segmento 24. apertè cōfutuimus, quia tamen eadem chorda oberras, monebo paucis quod opus est. Primùm ergo negamus propositionē tuam simpliciter veram esse, vt ibi ostendimus. Secundò dicimus, si in causā sua agere quis Mediatorem potest, multo magis in causā quæ sibi & aliis personis communis est: quod illo exemplo Regis filiorumq; (est autem à Chrysostomo, aut etiam à Christo exemplum) confirmatur. Negas, & exemplum ais esse dissimile duobus argumentis: de quibus ordine dicturi sumus.

Primùm si quis offensus, inquis, mediatorem agit, oportet eum posita iam ira ignouisse: hoc autem de personā diuinā vllā rectè non potest affirmari. Iam ergo das quod antè negauisti, hominem quamuis offensum Mediatorem esse posse. De sermone autē tuo, vtrumq; falsum

sum est; sic falsa cōclusio. Falsum est eum qui fuit offensus propterea mediatorē fieri inter offendentes & alios offensos, quòd posita ira ignouerit, si propterea solum dixeris: nā fit etiam vt offensus offensionē dissimulet, nō quòd ignouerit, sed quòd animū habeat ignoscendi, si res successerit; aut quòd offendentes velint amplius reuincere omnibus officiis, & si qua sunt eiusmodi. Si ergo alię aliq̃ causę sunt, nō propterea solum mediator fiet: quod si nō propterea solum, ex indefinita & particulari nihil efficitur. Et illud quoq; falsum est, hoc de persona diuina non rectē affirmari posse. Contrā enim si hoc nō dederis de essentia ipsa & de persona diuina qua; , torā Scripturā euerteris. Deus enim offensus, inde à primo parentū lapsu irā in peccatores nō posuit, sed dissimulauit; nō simpliciter ignouit, sed sp̃s fecit cōdonationis, & ad eā rem media adhibuit ipse innumera. Quin & Pater promisit Filiū, & Filius vltro egit q̃ ad mediationē, diuinū planē opus, pertinebāt. Diuini aut̃ operis quis auctor & effector, nisi Deus, futurus esset? Cū enim mediationis duę sint partes, vna ad Deum & res diuinas, altera ad nos & res nostras pertinens; vtraq; à Deo disponi siue præparari, procurari, perfici, contineri integras oportuit: quam ad rem Patriarchæ, Lex, ceremoniæ, Prophetæ Dei verbis fuerunt in Ecclesia duces. Quapropter ait Christus, Deus tantopere dilexit mundum vt Ioann. 3. suum ipsius Filiū tradiderit, &c. Et Apostolus, Deus 2. Cor. 4. erat in Christo reconcilians mundum sibi, &c. Enimvero (vt testimonia mittamus) vide quāso quòd euadas, quū ita statuis ex neutra parte, offendente aut offensa, mediatorē fieri posse. Nemo inter Deum & homines potuit mediator esse, nisi à parte alterutra aut etiā vtraq; ab hominib. nō potuit, qui inde à peccato

nec nouerunt, nec voluerunt, nec potuerunt nouisse Deum vtiliter: Igitur à Deo. Fuit autem mediator, Filius Dei: fuit ergo a Deo, qui potuit. Misertus enim nostri Deus mediatorem dedit, quum posset in æternum carere nobis, vt à τῶν ἀπείρωνος: nos verò de mediatore quî cogitauissemus, cùm à natura fugiamus Deum? Hoc quisquis ignorat, & se ignorat & Deum.

Alterum dissimile, quòd hîc comminisceris, planè est imaginarium. Nam quod ais *hunc aut illum plus aut minus offensum esse: qui minus fuerit offensus, mediatorem hunc fieri*: nihil ad causam hanc omnia. Nam in exemplo intelligitur omnes æquè offensos esse: deinde fieri potest, vt qui plus offensus fuerit, eius animo tamen offensa minus hæreat, & mediatoris officium deponcat sibi. video te qui de rebus diuinis supra omnes tibi vidêris sapere, peritiam rerum humanarum non vsque adeò magnam adeptum esse. Sed valeant ista. Subiicis, *Ex personis equaliter offensis non potest vna magis quàm alia mediator esse: Persona Trinitatis sunt equaliter offensa: Ergo.* Quid Lectoribus illudis, Samosatene? Maiorem enim sic struis, vt hæcere nos oporteat vtro sensu neges, simpliciter, an comparatè. Simpliciter si negas, falsum: nam (vt antè dixi) potest persona equaliter offensa minus offensionis in animo continere: potest præterea (quod in hac quaestione verum est) persona vna magis esse decens, commoda, & melius disposita ad opus mediationis quàm altera, ex consensione iudicioque omnium. Certè personam Filii commodiorem fuisse, & ab æterno ad opus istud dispositam, Scriptura sacra ostendit passim. Sin autem comparatè negas, itidem falsum, eodemque iure. Addis; *Satisfactio mediationis, & omnis iustitie actus non est ad seipsum, sed ad alium: Ergo si Christus Deus mediator*

diator est, non satisfecit sibi. Pergis, Si non satisfecit sibi, non satisfecit terti Trinitati, & altero Mediatore opus: At non satisfecit sibi: Ergo, &c. Maiorem distingui-
mus, etiam auctore illo præceptore tuo ad Nicoma-
chum scribente: Nam propriè quidem communiter-
que actus iustitiæ est ad alium; speciatim verò & per
accommodationem analogicam, quam ille *μεταφο-
ρῶς* ἑμιοῦσθαι vocat, etiam ad ipsum agentem respi-
cit ferturque. Ita est mediatio Christi respectu sui.
Hoc igitur pacto & conclusionem illam tuam, &
quæ inde eruis consecutaria, simul ruere necesse est.

Li. 5. Ethic.
cap. 11.

SAMOSATENVS. 27.

*Quid? quòd Deus non solum non potuerit esse mediator,
sed neque vlla causa fuerit cur ipse agere vellet mediator?*
Nam dua potissimum huius afferrì solent rei causæ, qua-
rum neutram veram esse demonstrabo. Scholastici aiunt,
Deum potius quàm aut angelum, aut purum hominem fieri
mediatorem debuisse, quòd hominum culpa læsum fuisset
summum & infinitum bonum, ac propterea ipsa quoq; cul-
pa infinita euasisset; quæ ut delcretur, opus fuisse evan-
gelicæ virtuteque infinita: qua cum solus Deus sit præditus, hunc
solum suscepta carne oportuisse fieri mediatorem, & generis
humani redemptorem. Itane verò? peccatum infinitum
herere in homine potest finito? Non est, inquiunt, in-
finitum ratione subiecti, id est, hominis; sed ratione
obiecti, id est, Dei. At sicut peccatum hominis infinitum
est ratione Dei infiniti, ita etiam bonum opus hominis in-
finitum erit, relatu in Deum infinitum: cur igitur Deus,
si infinite potuit ab homine offendi, non infinite ab eodem
potuisset placari? Quia non est, inquiunt, par ratio boni, &
mali operis: cum homo ex se possit peccare, nō autem suapte

110 CATHOLICÆ DOCTRINÆ

natura queat bonum opus Deo gratum facere. Sed potest ne saltem homo diuina adiutus gratia tale opus facere? nemo negabit: multo ergo magis id prestare potuit homo mediator, qui omnis esset originalis culpa expertus.

ORTHODOXVS.

Aliquamdiu perdidisti, Samosatene, operā, vt personam diuinam non posse Mediatorem esse ostenderes: Nunc alterū locum ingrederis, nempe non oportuisse, nec vllam causam fuisse cur mediatorē ageret. Nos fuisse affirmamus: & has duas causas affirmamus, quas disiungis callidè, salutem nostram, & gloriam Dei admirabiliter in bonitate, misericordia, iustitia, veritate, fideque illius explicandā. Hīc priorem locū inuadis, vt Ecclesiam Dei deturbes de possessione sua, salute nostra. Hæc autē salus nostra in duobus fuit posita, malorum abolitione, & positione vel cōstitutione æterni boni. Ex antecedente Scholastici consequens intellexerunt, & Ecclesia Christiana sic sensit inde ab Apostolorū temporibus. Tu verò antecedens quum occludis, à cōsequente bono excludis pios: nam bonorū perfectio ad nos sine abolitione malorum quæ sunt in nobis peruenire quī possit? Ac primum quidē quod adfers ex Scholasticis, aliquid est, sed tamen mutilum. Duo enim cōiunxerunt illi, quæ coniungi à te oportuit, hominis tenuitatē *aduator*, & Dei maiestati. Hominis puri satisfactio, inquit illi, sufficiens esse non potuit pro peccato: tum quia tota humana natura erat per peccatū corrupta, nec bonū alicuius personæ vel etiam plurium, poterat per æquiparantiam totius naturæ detrimentum recompenſare: tum etiā quia peccatū contra Deum commissum quamdā infinitatē habet ex infinitate diuinæ maiestatis. Tanto enim offensa est grauior, quanto maior

DE TRINITATE DEFENSIO. 111

maior est ille in quē delinquitur: vnde oportuit, ad cō
dignā satisfactionem, vt actus satisfaciētis haberet
efficaciā infinitam, vtpote Dei & hominis existēsis.

Hęc Thomas: En tibi duas causas, quarū priorē omit-
tis, posteriorē laceras: Nō enim peccatū habere infi-
nitatē dicūt simpliciter, sed infinitatē quāmdā, id est,

secundū quēmdā respectū & modū. Atq; hoc tute co-
geris agnoscere, infinitū ab eis dici ratione obiecti, id
est, Dei, quē offendit peccatū. Quid? an negaturus es,

atrociora effici peccata, ex eorū qui offenduntur gra-
uitate? Hoc natura docet: ne Stoici quidē ipsi id nega-
re ausi sunt. Absurdū obiicis ex cōtrario; *si peccato, ve-*

lut infinito, ratione Dei, offenditur Deus, ergo & benefacto,
velut infinito, placari potest. Negāt Scholastici, negam⁹
omnes, parē in his contrariis rationē esse. Quid tu ad

hęc? regeris hypotheticē, *salte homo diuina adiutus gra-*
tia potest tale opus facere. Negamus de homine hīc agē-
te in terris. Nā diuina gratia hīc inchoata est, illic pfi-

citur: vt autē est radix, ita fructus inchoati; ac proinde
nō boni in nobis, sed in Christo; non per se, sed per gra-
tiosam Dei acceptationem. De homine verò in cælis

agente, agnoscimus eū posse bonū & perfectum opus
præstare, at nō quo placetur Deus: antē placari Deum
oportuit per mediatorē, quā homo eō ascenderet;

vbi qui viuunt, Deo viuunt reconciliati in sanguine
Christi, & subsistūt perfectā cōmunionē cum Media-
tore suo. Falsum igitur cōsequens *id hominē mediatorē*

purū præ, are potuisse, id est, hominē solū: nā de Chri-
sto credimus & affirmamus. Alioquin homo finitus
quo pacto sibi cōparet infinitū bonum? Quod si quis

alter dari posset præditus potestate placandi Deum,
(quod est falsissimum) nō alii, præterquam sibi, placat-
urus esset placatione æterna Deum. Hanc Christus

θεωδωρον ☉, non homo solū, comparauit.

Summ. p.

3. q. 1. art. 2.

Alii verò arbitrantur Deum non tam immensa hominum culpa, quàm infinito suo erga genus humanum amore commotum fuisse, ut ei mediatorem daret summum & infinitum bonum. Quasi verò Deus, qui ante peccatum non dederat mundo infinitum hoc bonum, per peccatum voluerit ipsi tale bonum largiri. Fatentur enim Theologi plerique, si Adam non peccasset, τὸν λόγον nunquam humanam fuisse suscepturum naturam. At sine peccato seu malo non haberi summum bonum, est contra summi rationem boni: quippe quod non ex peccato seu accidente, sed per se aliis communicatur, & communicari debet, si per se, id est verè, summum est bonum. Deinde cur nobis non maxima agenda essent gratia Adamo, quòd peccauerit, & peccato suo tantum bonū elicuerit? Tantumdem enim, aut plus etiam Adami peccato mundus deberet, sine quo infinitum istud bonum non haberet, quàm ipsi Christo; qui nec sibi, quod ad humanam naturam; nec nobis profuturus fuisset, si Adam nec sibi nec nobis peccasset. Postremo si infiniti amoris instinctu Deus Pater filium sibi consubstantialem in hunc mundum misisset; is profectò, tantum ut suum amorem declararet, maluisset sine precio omnia hominibus peccata remittere, quàm acerbissima innocentis Filii sui morte ullius peccati pœnam repetere. Experimur enim seruum aliquem ab eo magis amari domino, qui animaduersionem & supplicium, quo vsurus erat in ipsum, omnino remittit & condonat, quàm qui pœnas illius quoquo modo persequitur, non parcens innocenti, si ille ipse qui peccauerat non possit satis pœnarum dare. Videmus quoque maiore accendi amore seruum erga eum dominum qui debitam pecuniā gratuito remittit, quàm qui eam quocunque possit modo exigit, nullam partē condonans amicis; si ipse debitor non possit summam creditam solvere.

ORTHO-

ORTHODOXVS.

Hæc altera causa cum superiore coniungenda, vt in proximè præcedens segmentum diximus, nempe Dei bonitas, vt summi & infiniti boni. Hanc causam tribus argumentis, Samosatene, conaris euertere: quorum duò ex absurdo sumpta sunt, tertium ex simili.

Primum arguis absurdè dici; *Deum qui ante peccatum non dederat mundo infinitum hoc bonum, voluisse per peccatum ipsi tale bonum largiri: & ita argumentaris: Sine peccato non haberi summum bonum,*

est contra summi rationem boni: Ab homine autem docetis sine peccato habendum non fuisse summum bonum: Ergo docetis absurdum. Maior vera est simpliciter: sed distinguenda, quia quicquid habetura nobis, id habetur magis aut minus, aut habetur hoc & illo modo. Ergo sine peccato non haberi summum bonum ab iis obiectis quæ capacia sunt illius, falsum est: nam habent Angeli electi, habuit Adam in creatione imaginem Dei, id est, conuenientiam cum summo bono sibi a Deo communicatam in natura; quod tu, Samosatene, falsò negas. Sed istud summum bonum sic habuit Adam naturaliter, vt duo in isto, habere, tenenda sint: vnum, quòd habuit summum bonum in se, prout natura habere potuit, ea lege vt per se in eo subsisteret: alterum, quòd per se fuit mutabilis, potentiamque in alterutrum euentum habuit, in bono subsistendi, aut abistendi a bono. Ergo sine peccato habuit summum bonum: nunc autem ex quo peccauit, non sine peccato redhibet summum bonum, sed maiore beneficio, & ampliore modo: nam quisquis pius est atq; Christianus, habet summum bonum in Christo immutabile, & in se per Christum immutabiliter, non naturâ, sed gratiâ: deinde modum singu-

larem habet occasione peccati a Deo datum, puta Sermonem factum carnem, vel Deum manifestatum in carne, in quo nos, vt summo bono & summi boni vinculo æterno, consistimus. Sic minor omnino falsa est. Et si bellè tibi vidēris probare eam, quum inquis, *si Adam non peccasset, τὸ λόγον nunquam humanā fuisse suscepturum naturam.* Esto sane illud: sed argumentatio tua, non eo minus est inconsequens. Nam si carnem Christi diceremus summum esse bonum, rectè ex sermone nostro procederet tua argumentatio. Deus est summum bonum: caro est diuinæ personæ, in qua summum habemus bonum, essentielle instrumentum. Hoc bonum sine instrumento antè habuimus quàm homo peccasset: ex quo peccauit homo, & se orbauit bono; Deus non solùm, vt antè fuit, restituit bonum; sed voluit subsistere nobis in persona Filii, vt esset immutabile; & quidem in carne eius, vt esset a carne inseparabile in nobis, credentibus in Filium eius. Secundò arguis inepta ratiocinatione; *si ita est, plures a nobis Adamo gratias quàm Christo habendas esse:* quo genere argumentationis luisse Q. Fabium narrant historici, quū impudenter gloriaretur legatus ipsius, opera sua factum vt Tarentinam arcem reciperet: Verè dicis, inquit ille: nam nisi amisisses, nunquam fuisset recepturus. Sic tu, Nisi Adam amisisset nos; nunquā Christus nos fuisset recepturus & firmaturus præsidio suo. Annon vides esse quod tuus præceptor vocat τὸ μὴ αἰτιον ὡς αἴτιον, nō causam vt causam? Et quàm multa supponis falsa in hac argumentatione tua? vt alia mittam, quī potuit illud tibi excidere? *Christum nec sibi quod ad humanam naturā, nec nobis profuturum fuisse, si Adam nec sibi, nec nobis peccasset,* id est, si Adam non obfuisset. Nā & antè profuit Christus, &

pro-

prodesse postea non desistit, si Ioanni credis dicenti, Ioann. 1.

In ipso vita erat, & vita erat lux hominum, & lux ista in tenebris lucet, &c. quæ tu utinam omissis præiudicatis rationis tuæ cæcæ, & submittens mentem veritati Dei, semel perlegeres. Tertium argumentum a natura infiniti amoris sic habet: *Si Deus infinito amore eo fuit adductus, maluit ex amore infinito omnem culpam & pœnam remittere gratis, quàm acerbissimam pœnam repetere: Non fecit autem: Non ergo infinito amore eo adductus est.* Huic argumento duo similia subnectis, eodem pertinentia, & quæ omnia solui eadem ratione possunt. Primum ergo ex hoc ipso syllogismo connecto similem in hunc modum: *Si Deus infinito amore suo adductus est eo, maluit ex amore infinito nobis omnem culpam & pœnam remittere gratis, quàm acerbissimam pœnam a nobis (qui succubuissemus) repetere: Fecit autem: Ergo infinito amore fecit.*

Fecisse negas? probabo paucis: *Qui omnem culpam & pœnam gratis remittit alteri & luendo de suo, is infinito amore facit: Deus hoc facit: Ergo infinito amore facit.*

Quòd autem exempla dominorum & seruorum adfers, ea sunt dissimilia: non enim est proportio seu analogia inter debitum pecuniæ, & debitum iustitiæ. Nam de pecunia condonari potest, & de toto mundo condonare potuit Adamo Deus, ut ita loquamur: sed de iustitia, quæ æterna est & immutabilis, nō condonatur sine iniustitia. Quid plura? Deus 2. Tim. 2. seipsum non potest abnegare: nec iustitiam igitur, cum iustitia sit Deus. Atque huc pertinet proximè sequens responsio.

S A M O S A T E N V S. 29.

Hic omnes obstrepent, non amicitia solum, sed Dei

etiam iustitia habendam fuisse rationem: propterea quòd Deo iustissimo omnia persolueda essent quæ ipsi debebantur. At si Deus summum suum ius persequatur, quis hominum ei possit satisfacere? sin autem de iure remittat aliquid suo, eadem posset ratione totum suum ius dimittere absq; sue iustitiæ imminutione. Si denique ad summam suam firmandam iustitiam ablegare voluerit ὁμοῦσιν sibi Filium, fatendum erit, Deum sibi ipsi satisfacisse. Aut enim diuina λόγῳ hypostasis adiunxit humanam naturam in cōplendo diuinæ iustitiæ opere, aut nihil adiunxit. Si iunxit, itaquam omnium radix & causa meritorum; hac certè in ipsam λόγου hypostasin, vnde profecta fuerant, redundarunt; & ita ipsa Filii hypostasis sibimet satisfacisset. Sin autē hypostasis λόγου nihil humana largita est natura ad eam iustitiam perficiendam, cur humana natura τοῦτο πικρὸς assumpta esset a λόγῳ?

ORTHODOXVS.

Si tu tibi, Samosatene, in pietate & veritate cōstares, ac quiesceres huic rationi, memor eorū verborū quibus antea argmento 12, vsus es. Non voluntas Dei, inquis, cum bonitatis suæ pugnare potest lege: nec voluntas esse potest regula bonitatis, sed bonitas potius regula diuinæ voluntatis. Nos enim eodem argumento dicturi sumus, non voluntas Dei cum iustitiæ suæ pugnare potest lege: nec voluntas esse potest regula iustitiæ, sed iustitia potius regula diuinæ voluntatis. Sed amplius dicimus ex tuis verbis ibidem, cū iustitia diuina sit ipse Deus, imperitorum esse hominum ad nudam voluntatem Dei, tamquam in aram mutam confugere. Quid plura? Iustitiam naturalem negabat Dionysius Siculus a se conuelli: & Deus faceret? immò conuelleret suam? quæ nobis hoc men plus quàm supernaturalis est. Vt verò hoc

vin-

vincas, argumēto disiunctiuo vteris in hunc modum:

Aut summum ius suum Deus persequitur, aut de eoremittit, aut submittit vadem. At hæc disiunctio propriè membris non constat oppositis, nec sufficientem enumerationem complectitur: proinde nihil ex ea conficitur. Ego verò facio copulatiuam, Et ius suum persequitur, nempe quod veritas iustitię ex necessitate postulat, cùm ea ipsa iustitia sit Deus: & de eo re- 2. Cor. 1.
mittit, quod veritas misericordiæ postulat saluo ordine iustitiæ, cùm miserationum sit Pater: & submit-
tit vadem sapientia sua, qui ea præstet ad gloriam ipsius & salutem nostrā, quę nemo homo præstare potuisset. Itaque quod ad primum membrum subiicis, *quis hominum ei possit satisfacere?* dictum benè: pro se enim nemo potest, minus pro aliis, pro toto mundo minime: propterea stitit se Christus in locum nostrū. Quod ad secundum inferis, *posse eadem ratione totum suum ius dimittere absque suæ iustitiæ imminutione*, satisne sapias, mi homo? hoc tuis idololatriis persuade, qui fla- Rom. 1.
gitiosos Deos coluerunt. Nos quidem scimus, & luce naturę hoc scimus, cum totum ius Dei (vt Paulus vocat) sit ipsissima iustitia & perfectissima; quisquis totum ius Dei dimiserit, cum non posse facere absque iustitiæ diuinæ non solū imminutione, sed etiam abolitione vniuersa. Sic idem Deus plenissima foret iustitia & iniustitia. Horreat cælum, moueat terra; si homines, quos testes & præcones iustitiæ Deo esse oportuit, ad hanc cogitationem & hæc dicta non possunt perhorrescere. Quod ad tertium pro absurdo inferis, illud iam suprà tegmento 24. & aliis aliquot confutauimus: nec absurdum id esse quod tua sapientia absurdum putat, iam olim Scriptura docuit, Patres viderunt, & credit Ecclesia sanctissimè.

Marci 13.

Sed quid ego argumentor nullam fuisse causam, cur Deus vellet esse Mediator, cum ipsemet Dei & hominū testetur mediator se non esse ipsum Deum? Nam Christum disertis verbis se extremi iudicii diem ignorare affirmantem, ac proinde se Deum ipsum esse negantem, interpretari non possunt id respectu humanæ fuisse natura loquutum, quin eundem & mendacii & hæreseos coarguant atq. condemnent, si is quoq. Deus ipse est. Omnes enim docti agnoscunt, quod quum duo sunt in aliqua persona principia, quorum altero quispiam agatur, altero nō agatur, non verè de ipsa affirmari persona possit eam non agere, cum ex altero saltem principio agat. Ut in homine dua sunt natura, una animalis, altera rationalis: quare si quispiam aliquid ignorans animali natura, cognoscens autem illud natura rationali, nihilominus tamen simpliciter pronunciarer se id ignorare, sentiens secundum naturā animale se id nescire, is profecto magnus nugator esset, & nō verum, sed mendacium diceret: quoniam falso negatur de persona quod ei per alterā saltem inest naturā. Sic planè si Christus ultimi iudicii diem præsciuit ex diuina natura, non potuit id de sua persona verè negare propter humanā ignorantia natura. Nō enim, ut verè de toto affirmatur quod ei ex altera tantum inest natura, ita verè de eodem negatur quod ipsi per alteram duntaxat non adest naturā. Etenim verè affirmatur Christum esse ipsum Deum, si diuinam ipse habet naturam: & falsum pronunciat, Christum non esse ipsum Deum, nec per ullam dispensationem huiusmodi falsa propositio vera fieri potest, etiā si secundum humanitatem Christus nō sit ipse Deus. Simili ergo ratione, si Christus secundū diuinā naturā verè præcognouit extremi iudicii diē, falsò hoc de seipso negauit: nec minus errauit quàm is Trinitariis iudicibus erraret, qui sine ulla exceptione affirmaret Christum

stum non esse consubstantiali Patri, non aeternum, &c. Atq; hac eadem ratione omnis intercluditur ipsis via, qua ad humanam prolabi naturam solent, ubicunq; Christus aliquid de se negat quod soli vero Deo conveniat.

ORTHODOXVS.

Restat postremum tuū, o Samosatene, argumentum: quod propterea ex auctoritate dicis, ne omnia planè rationi tuæ arrogare & ipse tibi Sufenus esse videre. *Ipse Mediator*, inquis, *testatur se nō esse Deum*. Negamus. Contendis verum id esse duabus argumentationibus; quarum hæc prima est: *Quum duo sunt principia in aliqua persona, quorum altero quippiam agitur, altero non agitur, falsò negatur agere personam quod saltem per alterum principium agit: Christus negat se scire diem extremi iudicii, quæ scientia Dei vel naturæ diuina est propria: Aut igitur Deus non est, aut falsò negat quod deitatis est.* Speciosum argumentum: atque hoc eo mox redditur speciosius, quòd postea subiicis, *falsò negari de persona quod inest ei per alteram saltem naturā.* Sic enim tacitè cupis eandem rationem seruari in negandis operationibus atq; earum principiis; quod est falsissimum. Est quidem vtrumque esse, & operari, personæ a natura, sed diuerso modo. Nam esse pertinet ad constitutionem personæ, itaque habet rationem termini: vnitas verò personæ requirit vnitatē completi & personalis esse. Operatio autem est quidam effectus personæ secundum aliquam formam vel naturam: ex quo fit vt pluralitas operationum non præiudicet vnitati personæ, & operationes liberius de eadem persona affirmari aut negari possint. Verum his omissis, maiorem r. negamus veram esse, si inest expressa, aut etiam tacita naturarum

aut operationum naturalium oppositio: vt homo moritur, homo non moritur: homo dormit, homo non dormit, &c. id est non persona tota, sed corpus: quemadmodum Christus dicebat Patri, non quod ego volo, sed quod tu vis, Matth. 26. 11. negamus veram esse in figuratis loquutionibus, & iis quę non simpliciter, sed potius secundum quid enunciantur, puta ex hypothesi eorum quibuscum agitur: quod genus in Scripturis est frequentissimum, vt quum iuueni diceret Christus ex hypothesi illius, cur me vocas bonum? nemo bonus, nisi vnus Deus: item sedere ad dexteram meam, & sinistram meam, non est meum dare, sed dabitur quibus paratum est a Patre meo. Matth. 19. & 20.

Minor autem propositio de Christo secundum hypothesin discipulorum vera est. Cum enim illi neque de Christo, neque de aduentu, neque de regno eius, neque de die subuersionis Ierosolymorum, neque de die iudicii (quę omnia inscite confundebant) quicquam fermè nisi humano & carnali modo, tum adhuc cogitarent, respondit Christus secundum opinionem presentem ipsorū de persona sua. Tu verò, Samosatene, an nondum animaduertis inconsequentem conclusionem esse a dicto secundum quid (vt vocant) ad dictū simpliciter? Probatur istud cum ex Apostolorum interrogationibus confusis (vt ex Matthæo in primis constat) tum ex responsione Christi, sese ad confusa illorum postulata accommodantis, & petitionis capita ἐν τῷ περὶ percurrentis. Filium ergo quum dicit, tacita latet oppositio inter veritatem personę, & infirmam opinionem Apostolorum de persona eius: quę persona secundum veritatem vnū est cū Patre, qui scit diem illum: secundum opinionem illorum, qua tū erāt imbu-

imburi, non vnum, sed aliud a Patre esse videbatur, nempe homo diuinus, ac non Deus: vt etiam postea Christus eos amplius docuit, Ioan. 14. & 15. Patrē verò quum opponit, non dicit *ὁ ὁμοούσιος* de persona Patris, sed *ὁμοούσιος* de Deo Patre, Filio, & Spiritu sancto, essentia illa vna creatrice omnium, vt appellatur Deut. 32. Matth. 23. Alter sequitur argumentationis locus: *Nō vt verè de tota persona aliqua affirmatur quod ei ex altera tantum natura inest, ita verè de eodē negatur quod ipsi per alteram duntaxat naturam non inest: Id autem verè de natura diuina Christi affirmatur: Ergo falso negatur de persona.* Sed huius argumenti eadē planè est cum superiore ratio. Maiorē negamus esse perpetuam: nam falsa est in oppositis, in figuratis, vt si quid dicitur synecdochicè; & in hypotheticis siue sermonibus qui habentur ex suppositione aliena: vt antè diximus. Falsa igitur conclusio, qua Christus veritas a te accusatur falsi, & qui nisi respueris, a te repositurus est peccatum istud. Huius autem rei exempla sunt innumera in Euangelijs: quæ pia mens commodè ex analogia fidei debet exponere, nō prauè detorquere in suam & aliorum perniciē. Quod itaque concludis hīc, Samosatene, *omnē nobis intercludi viam ad humanam naturam recurrendi, ubicunq; Christus aliquid de se negat quod soli vero Deo conueniat*, id vides esse falsissimū: si non vides, eo non vides quod non vis: Deus quidem nobis per gratiam suam dedit videre, & videre velle: quod vt porrò faciat in nobis atque in suis omnibus ad participationem salutis æternæ, oramus sanctam æternūq; adorandam Trinitatem, illum Deum vnicum, Patrem, Filium, & Spiritum sanctū: Amen.


- 32 Ioannes testatus est dicens, Conspexi Spiritum descendentem quasi columbam de celo, qui etiam mansit super eum.
- 33 Et ego non noueram eum: sed qui misit me ut baptizarem aqua, ille mihi dixerat, Super quem uideris Spiritum descendentem ac manentem super eum, hic est qui baptizat Spiritu sancto.
- 34 Ego igitur vidi, & testor hunc esse Filium illum Dei.

1. Ioann. 5.

- 5 Quis est qui vincit mundum, nisi qui credit Iesum esse Filium Dei?
- 6 Hic ille est qui venit per aquam & sanguinem, Iesu Christus: non in aqua solum, sed in aqua & sanguine: & Spiritus is est qui testificatur Spiritum veritatem esse.
- 7 Nam tres sunt qui testificantur in celo, Pater, & Spiritus, & Spiritus sanctus: & hi tres unum sunt.
- 8 Et tres sunt qui testificantur in terra, Spiritus, & aqua, & sanguis: & hi tres in unum sunt.

FINIS.

Reg. 4, versu 1, lege expressam. 80, 1, subsistens.



IL
DEFENSIO
CATHOLICAE
DOCTRINAE

DE S. TRINITATE PERSONARVM
IN VNITATE ESSENTIAE DEI, AD-
uersus Samosatēnicos & alios errores specie auctori-
tatum Scripturæ falsò adductarum in Polonia exun-
dantes, & epistola quadam comprehensos, quam ab
hinc paucos annos discipulus (vt vocant) Aria-
nus scripsit præceptori orthodoxo, &
disperfit in vulgi manus.

Opera FRANCISCI IVNII Biturigis.



HEIDELBERGÆ,
CIO IO LXXXXI.

DE RECTO
CATHOLICAE
DOCTRINAE

DE S. TRINITATE PERSONARUM
IN VITAE ESSENTIAE DE AD-
notas sanctas et alios et alios
transcripturas suas addit in Polonia ex-
dantes, et epistolam quadam comprehensam, quam ad
hinc paucos annos discipulus (ut vocant) Asia.
hunc scriptum prope non orthodoxo, et
dilectum in viginti annis.

Opus Francisci Ianni Bimberg.



HEIDELBERG
MDCCLXXVII

ILLVSTRI ET MAGNI-
FICO DOMINO, Dn. CHRISTOPHO-
RO MONIVVIDO DOROHOSTAISKI, INCISO-
ri magni Ducatus Lituanix, Capitaneo Vvol-
kovviensi, &c. Domino summè ob-
seruando Franciscus Lu-
nius S. P.

QUum proximo superiore anno, Illustris & magnifice
Domine, libellus quidam qui Præcipuarum enume-
ratio caufarum, &c. inscribitur, ἀπεφάσιτος allatus ef-
set, mihiq; legendus datus, perhorrueram tantopere adle-
ctionem illius, ut sepeliendum potius æternis tenebris obliuio-
nis atque silentij iudicarem eum, quàm committendum, ut
in lucem unquam aut in ora hominum amplius dimanaret.
Videbam enim sic à natura fere comparatum esse, ut pleriq;
omnes magis ea quæ praua quàm quæ recta sunt amplectan-
tur, & ex bonis etiam suauibusq; floribus materiam veneni
potius ut aranea imbibant, quàm mellis salutaris, ut apes,
alimentum exsugant ad utilitatem suã. Sed ubi contrã in-
tellexi vestram illam Poloniam vtramque & Lituaniam
fautoribus studiosissimis cultoribusq; accerrimis horrendi
illius dogmatis abundare, quorum opera scriptum illud ad-
huc impressum exstet, prostet, defendatur, promoueatürg; &
imperitis etiam qui aliud ab eo sentiunt obtrudatur: passim
vagari, occurrere, atque obtinere illud doctrinæ genus, quo
certissima arx pietatis, veritatis, fideiq; nostra à Deo in Ec-
clesia tradita funditus evertitur: non esse positam in manu
nostra facultatem supprimendi illius scripti quod tot misera
& veri inscientes anima tanta contentione retinent, ser-
uāt, coluntq; etiamsi quamplurima istius mali exemplaria
tollis de medio curaremus: denique hoc si fieret, fore ut isto-
rum hominum redardescerent animi suo illo præpostero ze-

P R E F A T I O.

lo cum ignorantia miserabili coniuncto, itaq; accensi ve-
mentius, velut ex equo Troiano (quod aiunt) recoctum
malorum examen, ut solent, & auctum proderent, im-
peritorum verò mentes, ut qua nullo singulari amuleto in-
structa & fulcro confirmata essent, in eandem perniciem
raperentur: equidem sui paulatim in sententiam diuersam
perductus: praesertim cum me afficeret iustissima ouium Chri-
sti commiseratio, qua numero (ut mihi quidem narrabatur)
maximo tum sua ipsarum culpa, tum etiam forte nostrorum
hominum quorundam ignauia & inscientia (ut fit) tum de-
nique praestigijs fallacibus istorum pereunt. Quapropter vi-
rum aliquem bonum, pium, eruditum, fortem, & accuratum
inde ab eo tempore optavi existere, qui istam Lernam malo-
rum, fretus ope diuina, instrumentisque ad istud tantum o-
pus necessarijs commode instructus, debellandam & expu-
gnandam susciperet. Accedebat eodem quoque bonorum quo-
rumdam iudicium: qui quum sese ante aliquod tempus de-
dissent in familiaritatem meam, idem suum iudicium &
optatum esse non obscure ostendebant. Suorum enim ciuium
Christiana misericordia miserebat eos, & germanis Christi
membris Ecclesiae, catholica & orthodoxa alumniis stude-
bant religiosissime. Ita factum est tandem, ut quod sanctum
opus officiumque ab alio aliquo instructiore viro desidera-
ueram, id illi a me tamquam amico flagitarent, de cuius fide
diligentiaque confirmati sibi iam satis videbantur. Ac mihi
quidem per graue illud susceptu fuit, qui tum occupationes
alias quibus distinebar inuitus, tum amplitudinē illius ar-
gumenti cum animo meo expenderem. Sed postquam ex of-
ficio charitatis, qua constricti in Christo sumus, quampluri-
mas ex isto velut communi incendio animas eripi statui o-
portere, nec oblatum mihi laborem molliter refugere: pra-
tereā ubi certò intellexi eundem qui auctor est impuri
at impij libelli istius, argumenta illa in Mosem & crea-
tionis

P R Æ F A T I O.

tionis historiam nefariè vomuisse quæ ante biennium cõfutaeram: victus monitis precibusq; illorum, ad propugnationem diuinæ veritatis comunisq; salutis nostræ, adeoque vestrorum imprimis popularium (quos hoc malum infestat) ædificationem, primum illum Defensionis locum aduersus rationes humana mentis ἀσὸφες exaravi: id omnino futurum sperans, ut Deus opt. max. turrilli instituto meo, tũ sanctis illorũ precib. votisq; benediceret. Ecce autem, sub idem tempus, quũ vixdum è manibus meis scriptum illud effugisset, duo alia scripta non dissimili consilio, sed argumento dissimili ad me fuerunt perlata: quorum unum satis recens ortu & νεωτάτωρ est: alterum paulo vetustius, & ab auctore non obscuro profectum, cuius nomen de industria dissimulare malo planè, quàm macula nominis illius chartam inficere, aut memoria hominis (vixit enim) piorum mentes verberare. Ac huius quidem utriusque scripti cõmune hoc consilium est ut orthodoxa fides evertatur de sancta Trinitate personarum in unitate essentia Dei, quam fidem olim a Deo traditam & sanctè in Ecclesia seruata[m] cõstãter retinemus. Miscella in utroque est cunctorum errorum accumulatio, quibus Samosatenus, Photinus, Arius, Macèdonius, Sabellius, & alij id genus adoranda Trinitatis hostes in Ecclesiam Christi exundarunt. Sed in argumentorum genere differunt, & scriptionis modo. Nam prius orthodoxam de Trinitate doctrinam oppugnat rationibus interdum, plurimum auctoritatibus è sacra Scriptura ductis, posterius sanctissimi illius primi capitis in Euangelio Ioannis interpretationem: prius per epistolam populariter, posterius scholasticè per modum commentarij. Postquàm itaque humanas illas rationes & philosophicas ad sanctissimum illud augustissimũq; Trinitatis mysteriũ demonstrauimus nihil attinere, ordo visus est & commoditas docendi postulare, ut priore loco epistolicum illud scriptũ excuteremus ex Dei verbo, quia

P R Æ F A T I O.

paulo plus coniunctionis habet cum antecedente scripto quod superiore anno confutauimus: ut quisquid humana ratio cecitatem suam tenebrasque, anteponebat luci & veritati Dei in medium protulerit, id continente quodam contextu restringatur: & videant imperitiores quique, utut belle rationis lumines diuinas isti peruestigare se putent, iniquissimè tamen facere qui res spirituales, summas, inopius nec spiritualiter diiudicare possint praeter infirmitate natura, nec possint discere praeter erroribus consiliorum & ceca voluntatu sua. Id autem ut assequeremur & fidem nostram in retexendi epistola istius argumentis cum apud omnes, tum apud eos maxime qui aliud sentiunt praebaremus, eundem modum & ordinem, quem praecedente scripto institueramus, sequuti sumus. Nam primum epistola illius verba suo loco, fide optima posuimus: deinde sermonibus eius ad syllogismum unum aut alterum contractum breuitatis causa & euidentia, prout ex verbo Dei edocti sumus & sanctè docemus in Domino, ad singulas propositi & argumentationis partes respondimus: & si qua illustrationi egere videbantur (ut inter disputandum vsuuenit frequentissimè) ad rei euidentiam plus opera occupauimus quam solemus. Atque hoc totum eo consilio feci, ut veritatem Christi Domini & Seruatoris nostri propugnarem, & saluti eorum praecipue consulerem qui tum in medio omnium doctrinarum aestuario miserè fluctuant, tum ventis doctrinae falsae agitati eam pro vera amplectuntur & in fiducia inani sua conquiescunt. Ad hanc salutis viam si qui Deo auctore (ut spero) facem praeferebant me contenderint, si auersi ab ea reuerterint, si aliud agentes aduerterint, si denique serui Dei & pastores gregis Christi aliquid fructus ex hoc labore meo industriae, perceperint, quem suis proponant fruendum in Domino, bene erit, Deo gratias agam auctori salutis nostrae & veritatis suae vindicti potèntissimo: si non (quod gratiosè auertat Deus) saltem animum meum in omnem pietatem in Deum, charitatem

P R Æ F A T I O.

tatem in miseras illas animas quæ veritatem non tenent ostendero, officiumq; meum Deo, cui seruo ex animo, Ecclesia, & bonis omnibus in quibus reuelatur Dei veritas, probauero. Cum autem ad sanctissimum hoc Dei opus, Illustris & magnifice Domine, animus tuus per Dei gratiam informatus feratur atq; cõtendat religiosissimè, qui apud gentes etiam exterar pietatis, zeli, constantiæ, sanctæ & inuictæ documenta præclara edidisti, causa huius orthodoxæ religionis nostræ res aduersas fortiter superans, secundis moderatè utens, in omnibus denique re ipsa demonstrans quàm altè radices in corde T. M. egerit inculpata illa & nunquam satus laudata Deo & Ecclia: qui nunc apud tuos etiam fidelissimè ὁ Θεοδόσιος cœlestem illam veritatem sic tueris, ornas, colis, & promoues, ut isthinc ad nos vsque fama tua pietatis, fidei, constantiæ, virtutis celebretur magno bonorum gaudio: officij mei esse duxi, quod tua pietas iubet, exempla virtutum in publicum ponenda flagitant, & mos receptus obtinet, ut T. Ill. M. nomen in huius mei operis limine appellarem: quod Deo sit gloria, Ecclesia commodo, & T. M. ornamento. Itaq; oro T. M. ut tenuè hunc laborè meū sibi inscriptū accipiat aquo animo, & hac mea Θεοφωγῶτα ac velut acclamatione communi bonorum omnium laudem tua virtute merituq; amplissimis partā apud omnes statuas & sentias eodem labore tuo, subsidioq; piarum precum & orationum nostrarum, hac præcipuè in causā (qua Dei causa est Patris nostri) apud gentem tuam (quam hoc tempore venti doctrinarum infestant aduersissimi) conseruatum iri. De me hoc polliceor me omni tempore, omni studio labore atque industria Ill. M. T. commodis apud Deum prece, apud homines officio & opere ad laboraturum in Domino.

SECUNDA DEFENSIO
CATHOLICAE DOCTRINAE
DE S. TRINITATE PERSONARVM
IN VNITATE ESSENTIAE DEI.

SUPERIORE libro mysterium illud augustissimum sanctæ & adorandæ Trinitatis a rationibus humanis defendentes, hæc duo capita summarim docuimus: neq; a natura Dei alienam esse hanc sententiam nostram, quam freti veritate & Dei præsidio defendimus, neq; in hac rerum natura quicquam existere, quo Trinitas illa personarum in veritate essentia conuelli possit, vt quæ res omneis infinitè transcendat per omnia. Exposita igitur ratione documentorum illorum quæ ex natura ad labefactandam veritatem doctrinæ huius depromuntur, euictaque eorum vanitate, alter iam nobis assurgit labor, vt de locis Scripturæ videamus: quorum alios Samosatreniani solent obducere vt diuinum dogma de Trinitate oppugnent vnitatis essentialis argumento, alios e manibus nostris tentant eripere suarum interpretationum fucis, vt illudant imperitorum mentibus. Vtrumq; enim opus est, prout a nobis videmus postulari: tum arma de manibus illorum extorqueri quibus ad suam & aliorum perniciem abutuntur miserè, tum adimicis & discuti præstigias interpretationum. Atq; hoc quidem consilium illi cum varijs & multiplicibus scriptis iam olim aggressi sunt, tum hoc tempore maximè, subiectis & obtrusis in manus multorum epistolis & libellis clanculum perfecerunt. Cum autem Epistolarum istarum vnâ, de qua maximè exultant atq; gloriantur, sub idem tempus quo priorem libellum conscripseram

vir bonus mihi exhibuerit, & alij quoq; libelli eodem argumento ad me sunt perlati, quibus simplex in Polonia, Lituania, Transilvania, alijsq; locis vulgus plurimum fascinetur, aut certè in dubio hæret, & paulo momento huc illuc impellitur: visum est hac secunda opera ad Dei gloriam, commune Ecclesiæ bonum, & fratrum laborantium ædificationem, salutemque omnium, alterum istud opusculum eodem quasi spiritu contexere, & vanitatem interpretationum quas illi adferunt, quàm simplicissimè fieri a nobis poterit, demonstrare. Illius verò Epistolæ etsi non præfatio solum, sed pars quoque non parua in ijs rebus consumitur quæ ad veritatem doctrinæ confirmandam aut etiam infirmendam nihil per se faciunt: placuit tamen singula quæ in ea sunt exprimere bona fide, ne quid a me dissimulatum aut hominum nostrorum causa, aut odio sui ipsorum Samosatreniani criminetur. Itaq; τὰ ἱστορῶμενα vno aut altero verbo, quum opus videbitur, sobriè destringemus: τὰ δογματικὰ accuratiore opera industriaq; refellemus. Nam quòd illi in suis scriptis solent triumphare de mundi huius abnegatione, de singulari Dei gratia cum ipsis cōmunicata, de nostrorū cæcitate, de vitijs indignis, quibus (proh dolor) Ecclesia Dei plus satis hoc tempore, vt quum maximè, circumfluit: quòd deniq; de his omnibus sic agunt & sese ipsi venditant, vt si penes ipsos veritas, charitas, sanctitas, religio ipsa rediuiua existeret, a nobis deposita, extincta, & sepulta esset: semper equidem gloriatiōnem istam sum relicturus illis, ac lubens, vt gloriè in Domino: pios verò omneis, qui de veritate diuina nobiscum sentiunt, confido ad laboraturos diligentissimè, vt vitam suam instituunt secundum Deum, ne propter ipsos blasphemetur nomen illius: & perfacile
istis

DEFENSIO II

3

istis permissuros, ut suam hinc gloriolam quam tantopere affectant metant, dum nos optatissimum illum expectamus diem quo vita nostra patefiet cum Christo in gloria. Hæc igitur omnia, & si qua sunt eiusmodi ad personas, non ad rem doctrinamque fidei pertinentia, faciemus missa plurimum: & de rebus simpliciter, quemadmodum fuerunt in ea epistola comprehensæ, videbimus, easque ex verbo veritatis, quod falsò sibi in hac causâ Samosatensiani & Arianiarrogant, expendemus.

EPISTOLA

Discipuli Samosatensii ad præceptorem
Orthodoxum.

I.

PAVCIS, mi præceptor, causas, cur potius priuatim dami quam in istis impijs aulis vivere malim (qua etiam in retotum me submittam iudicio tuo) tibi aperiâ. Nam Deus optimus immensa sua misericordia oculos interea aperuit mihi, & ostendit quàm lubrico in loco fuerim constitutus: maxime quum pravi istius mundi cupiditatibus indulgerem, & lata via ad exitium (ut nosti) contenderem, immemor omnium comminationum eius: quibus ille in omnibus ita delinquentes, horrendas verbo suo pœnas denunciat, ut contra qui rectè faciunt & custodiunt mandata ipsius, is è diverso præmia æterna pollicetur. Horum ergo immemor non perpendebam apud me verum finem propter quem a Deo fueram conditus: non (prout tum putabam) fuisse conditum, ut me voluptatibus darem, aut hanc mortalem vitam hic pro arbitrio degerem sed ut incederem secundum mandata eius, & in omnibus ei obsequerer. His ego in rebus quamvis securè in aurem utramq; dormire; voce tamen diuina, qua ille totum mundum appellat, excitatus, Quam-

DE S. TRINITATE

primum audieritis vocem meam, nolite obdurare corda vestra: horrendum enim est incidere in manus Dei viventis: hac inquam voce illius quasi ex somno excitatus & perterrefactus, animaduerti me hucusq; sine Deo, sine fide, sine ulla conscientia, ut brutam pecudem, hic vitam transegisse, maioremq; curam rerum terrestrium quam caelestium & aeternarum, gratia deniq; humana & benevolentia captanda quam retinenda diuina habuisse. Verum Dominus ille meus qui omnino me noluit perire in ista dementia mea, commonefecit me per doctrinam puram Euangelij de Filio suo: cui contradicere me & recalcitrare diutius nefas esse ducens, iugo eius me totum submisi. Spretis itaq; & neglectis omnibus ijs quae corpus & animum titillabant stimulantq; meum, perpendens apud me perbreue huius vitae curriculum, aliam viam hac ipsa vita multo certiore maiori deligere. Non enim qui dicunt, Domine Domine, nonne in nomine tuo, &c. sed qui audiunt & faciunt voluntatem Patris caelestis, ihereditatem regni caelorum obtinebunt. Altera vero ex parte perterrefactus terrore cruciatuum qui impijs sunt preparati, caepi diligentius inquirere de voluntate Dei: qui eam mihi indigno satis abundanter in conscientia mea demonstrauit, & ostendit mihi nullam me adhuc cognitionem eius, ac ne fundamentum quidem vllum vel scintillulam aliquam verae fidei habuisse immo sine vero Deo vixisse me, & tantopere fallacem hunc mundum adamauisse, ut aeterna eius mandata floccifecerim, nihilq; de illis fuerim sollicitus, idq; adeo ut me ad veram respicientiam testimonia Spiritus sancti non possent commouere. Qua res quam per se horrenda sit atq; terribilis, homo quilibet (qui modo in se nemicam timoris Dei habeat) potest animaduocare.

ORTHODOXVS.

Si mihi tecum solummodo, Samosatene aut Arianæ, quisquis es (nam de nomine non admodum laboro)

boro) res esset, aliam omnino viam putarem in-
 eundam esse, & priuatim animum tum ad meliorem fru-
 gem & respicientiam dignam Christiano homine
 reuocandum, vt hac charitatis via meum erga te stu-
 dium & charitatem verè Christianam, qua ad scriben-
 dum adducor, ostenderem. Sed quia epistolam inscri-
 bens præceptori tuo, tam longè latèq; differri eam &
 spargi curauisti, vt in Polonia vtraque (vnde huc allata
 est) exempla volitent quamplurima, id te in bonam
 partem opus est accipere, si hoc meo facto veritati si-
 mul & charitati cupio consulere. Veritati consule-
 mus, demonstrato & discusso falso quod palàm spar-
 sum est: charitati verò, procurata salute communi, &
 tuo dissimulato nomine, cuius memoriam esse ma-
 lumus benedictam, nisi proteruè ipse voles obistere.

Si ex breuitate exordij de simplicitate mentis tuæ
 licet concludere, quis te non statuatur esse omnium ho-
 minum quos hæc nostra fert ætas simplicissimum? sin
 autem ex veritate, mihi quidem videris a simplicitate
 illa quàm longissimè abscedere. Nam neque *priuatam*
domi vitam agis, neque te (quod sermone dicis) *totum*
submittis iudicio præceptoris tui. Qui enim publicè do-
 cet, ecquì agat vitam priuatam domi? Qui in manus
 omnium, quàm longè latèq; vtraque Polonia patet,
 submittit hanc ipsam epistolam, & imperitis insultans
 disseminat, ecquì se totum, totum inquam, submit-
 tit iudicio vnus præceptoris sui? De priore, fortasse
 futura est in promptu excusatio, te priuatim egisse do-
 mi quo tempore hanc epistolam dedisti ad præcepto-
 rem tuum: quod facillè credo. Et si vtrum verum sit,
 necne, aliorum iudicium esto. At nullo certè manti-
 li maculam illam absterfurus es, quòd quam rem mo-
 destè iudicio vnus vidèris submittere, eam subdem

tempus transmittis in manus omnium, sine iudicij illius cui te submittere fingis, expectatione. Nihil dicam de eo quod *aulas* appellas *impias*: nam mihi quidem vnquam non placuit suscipere aularum pratoriorumque patrocinium. Sed tu videris. Misso exordio ad narrationem, quam de te prædicas, veniamus.

Animaduerto, Samosatene, duo de te à te prædicari, abdicationem anteaestæ vitæ ac infidelitatis tuæ, & præsentem sensum voluntatis Dei cui obsequaris. Vtrumque factum bene, si factum: est enim graue, multumque laudabile, si verum, si sanctum. Nam alioquin putaresne hominem esse quemquam adeo hebetem, adeo dementem, qui eadem verba non occinat, quum mutationem institutæ vitæ fideique suæ cupit defendere? Hæc communis est defensio omnium qui vitam in ytramuis partem mutauerint, bonam vel malam: hæc communia tela quibus alios appetunt. Alij ergo, si sapiunt, non verbis habent fidem, sed prudentem rerum probationem & explorationem adhibent: si non sapiunt, quis homo seruet hominem, qui nec sibi, nec alijs didicit sapere? Ne ergo desipiamus, Samosatene, rogo sinas bona pace tua excuti a nobis duo illa breuia dicta quæ antè posuimus, si verum est, si sanctū, quod dicis. Ac verū quidem esse quod de abdicatione adfers anteaestæ vitæ, facile crediderim: dicenti credo: maxime si in aulis impijs diu versatus es, & abreptus malorum omnium, quæ regnum in eis obtinent, consuetudine. Hæc qui discunt perhorrescere, *non procul absunt a regno Dei*, vt verbis vtamur Christi: sed nondū tamē in eo regno sunt, nisi aliud præterea accesserit. Video quid dicas, inquires: nempe quod dicebat Christus, *abi, vende omnia quæ habes, & da pauperibus*. Ne hoc quidem satis. Clausula, clausula illa po. ðrema

opus est, & *sequere me*: sine qua non recta itur, sed ab errore vno in alterum deflectitur. Posteriores autem errores plurimum eo sunt grauiores, quo magis qui errant eos a se videri bellissime in vita antea acta putant. Errauisse te antè confiteris: factum benè: omnes enim oues errantes sumus. Sed nisi Christum sequeris, siquid aliud pro Christo sequeris, adhuc erras, & erras grauius. Sequor, inquires. Si sequeris, duobus modis sequaris necesse est, fide, & obsequio fidei. De vtroq; videamus. Is Christū fide sequitur, qui abdicata ignorātia, errore, infidelitate sua, integrè (id autem est, in fide & bona conscientia) Christo se docenti credit, & doctrinam eius certam certa persuatione fidei amplectitur. Certam dico, quam Spiritu & verbo suo reuelauit Dominus. Nam quicquid in causa salutis præter hanc reuelationem est, id non doctrina certa, sed opinio incerta, commentum incertum est. In hac igitur affirmatione tua de te, hæc duo quærenda sunt: vnum, in præcedente sententia tua vtrum fuerit, necne, infidelitatis error: alterū, in hac quam modò tueris, vtrum certa doctrina Christi compareat. In priore si dogma illud de Trinitate personarum in vnitae essentia Dei, quem colimus, fidem non veram & errorem putas; pro eo quod non errabas, erras, & certæ illius doctrinae luce deficeris: in posteriore, itidem erras, & eodem argumēto. Vtrumque negas: at nos affirmamus: & quia opinionis tuæ firmamenta postea accumulās, probationem dicti huius nostri, refellendo adferemus.

Is Christum sequitur obsequio fidei, qui corpus purificatus fide, vitam suam instituit eadem fide ex præscripto Christi Domini & imperatoris nostri. Illam fidem fuisse negas, hanc adseueras esse quam nunc doces: nos contrā. Ex probationum ergo tuarum qualitate re-

cognoscemus deinceps tum narrationis tuæ veritatem, quam effers magnificè, tum facti tui sanctimoniam, remque habere te aliter quàm dicis, ex definitione huius controuersie ostendemus, volente Domino. Alioqui credo ego te, Samosatene, quod hîc dicis de rebus tuis & constitutione tua, ita dicere vt sentis: sed alius est sensus iudicii, alius morbi. Nos autē ex animo intimisque præcordijs, tui ipsius & morbi tui miseret; quæ miseria affectus patieris hebetatum & deprauatum sensum tuum demonstrati a nobis secundum Deum, & a Deo (speramus) corrigi: & vtrique exerceri erga te in hac miseria tua salutarem misericordiam. Faxit ille miserationum Pater, vt animum aduertas serio ad hanc veritatem ipsius, & alij exemplo tuo: vt tanquam verè discipuli Christi cognoscatis veritatem, vosque liberos efficiat veritas. Et si autem cum in narratione hac, tum in sequente disputatione tota multi sermones incidunt, quos meritò debemus improbare, & possumus refellere: dabimus tamen operam in hac scriptione, vt minutias istas singulas (quoad eius fieri potest) transsiliamus, & in capite solum controuersie recognoscendo occupemur, ne morbo aliquo potius animi, in hominem odio, in res curiositate, in scriptum fastidio putemur abripi, quàm certo iudicio & compassione miserie cum ægrotantibus agere.

SAMOSATENVS.

2

SECUNDO unicum illud & præcipuum fidei meæ fundamentum præ omnibus alijs agnoui mihi sine dubitatione vlla amplectendum esse: non plus hominum opinionibus quàm doctrinæ Prophetarum, Christi, & Apostolorum tribui oportere; maxime autem cum de illo trino Deo, ab
Ani-

DEFENSIO II.

Antichristo confecto, nusquam, ac ne minima quidem in sacra literis mentio facta sit. Quod si tibi videtur secus, facile me submittam iudicio tuo. Vnum tamen hoc excipio, ut omni seposito odio, quod Satanas in doctrinam Christi & Apostolorum excitare solet, æquum te mihi prabeas iudicem. & qua proferam, fideli aure animi excipias. Nec dubito, si diuinum auxilium imploraueris, quin facile in hoc dogmate prestigias sis animaduersurus: nempe hoc figmentum cum ab hominibus ex Antichristi semine profectis dimanasse, nec a pura doctrina duxisse suam originem, tum verò a Concilijs Constantinopolitano, Nicæno, alijsq. initium suum habuisse. Deinde pleraq. vetustissimorum Patrum scripta ipsam euerunt Trinitatem: utpote qua prius auctoritatem suam in Ecclesia non poterat obtinere, quàm Euangelij puritas laborare cœpisset vehementius. Denique cordatus quiquis est per se animaduertit hoc dogma Antichristi (Trinitatis dico) omnino esse doctrinam Christi, Apostolorum Prophetarumq. aduersum, quorum tamen ore Deus ipse loquutus est. Cuius rei, si placet, pauca hic producam exempla, ut eo modo falsitas doctrinæ istius fiat manifesta.

ORTHODOXVS.

COGITANS ista, audiens, legens, animo totus perhorresco. Sed memor æquanimittatis illius qua nos erga ægrotantem animam tuam vsuros spopodimus, dissimulato affectu animi nostri, rei veritatem explicabimus, ut tibi medicina sit a Deo salutaris.

Ac primùm quidem, Samosatene, non possum non probare & laudare illud, quod vocas fidei tuæ fundamentum. De eo optimè sanè inter nos conuenit, si quidem tibi conuenit cum hoc fundamento, non plus hominum opinionibus quàm doctrina Christi, Prophetica

& Apostolica tribui oportere. Amplius dico, & tu (opinor) suffragaberis, in cognitione vtili rerum diuinarum nihil hominum opinionibus, omnia soli Prophetica & Apostolica doctrina (hæc autem est Christi) tribui oportere. Constat enim, æternumq; constabit illud Pauli dictum, Etiam si nos, aut Angelus e cœlo euangelizet vobis præter id quod vobis euangelizauimus, anathema esto. Deinde verò & illud probo, quod doctrinæ Christi, Prophetica, & Apostolica oppositionem instituis cum hominum opinionibus. Sic enim apertè id nobis vidèris & vltro dare, quod athei quamplurimi in controuersiam vocant: nempe doctrinam Christi in scriptis Prophetarum & Apostolorum comprehensam non humanam dici, sed potius diuinam haberi agnosciquè oportere. Quo nomine & Deo gratias ago, quod persuasionem hæc animo tuo indiderit, & tibi ex animo gratulor, si modo quod vna manu das (vt aiunt) altera non adimas. Quid? me hoc facere? inquires. Ego verò vt de te hoc affirmem, absit: neque ita sum in iudicando inconsideratus, neque in pronuntiando præceps, vt tibi hoc, siquidem peccatum alienum est a te, velim adscribere. Sed quia vidi & audiui nonnullos ex eodem hominum genere tam bellè simulantes, vt doctrinam quidem Christi Prophetica, & Apostolica esse diuinam plenis buccis prædicarent, hanc verò scripturam, quam Ecclesiæ Christus, Propheta, & Apostoli per manus tradiderunt, quamque vocamus canonicam, hanc ergo negarent eam ipsam doctrinam esse: propterea cautionem hanc principio visum est addere, non animo criminandi (a quo absum quàm longissime) sed optimo studio, te ab ijs impuris hominibus, qui adhuc in corpore vestro latet, discernendi. Quam cautionem, si vir

bonus

bonus es, certè probabis: si non, co ipso latebras ostendes, ac non simplicitatem Christi, a te procurari. Sed hæc ita accipio, mihi crede, hoc dici abs te in meliorem partem: propterea deinceps tecum sic statui agere, vt cum eo homine qui Scripturam sacram communiter nobiscum, velut fundamentum fidei suæ (quod ais) verè profiteatur sese agnoscere.

Iam igitur (vt ad rem ipsam aggrediar) principio sermonis tui sic mihi visus es argumentari:

Non plus oportet hominum opinionibus, quàm doctrina Christi, Prophetica, Apostolicaq; tribuere: In hac autem, id est, in Scripturis sacris, ne minima quidem est usquam Trinitatis mentio: Doctrina ergo de Trinitate non oportet quicquam tribuere.

Si putarem te, Samosatene, a iusta differendi & docendi via aut propter certum animi institutum, aut propter inscientiam abhorrere, non essem dicturus ea quæ iam adferre in medium statui, sed tecum agerem crasse, ruditer, populariter. Cum autem ipse alios cupias instituere, tentes, audeas, profitearis: non feres indignè, si tantum cum homine alios erudiante egero tecum, vt ita dicam, λογικώτερον. Tuam igitur istam argumentationem video tribus modis esse vitiosam: itaque si ad formam respexeris, nihil: si ad materiam, falsum concludere. Primum vitium est in forma ipsius, vt vocant, quod ex puris negantibus videris bellè tibi argumentationem conficere. ἀτέχνως, ἀλογίως. Quis enim sic argumentatur? obsecro.

Secundum vitium est, maioris tuæ propositionis imperfectio. Nam siue negatiuam oppositionem institueris, siue affirmatiuam, vtrumuis egeris, tamen imperfecta est propositio. Neque enim hoc dictum est satis, *non plus hominum opinionibus, quàm doctrina Christi tribuendum esse:*

neque illud satis, si dixeris, *plus tribuendum esse doctrinæ Christi quàm hominum opinionibus.* Cur autem? primum quia rerum toto genere differentium nulla bene institui potest oppositio aut comparatio ἀνάλογος, id est, conueniens & proportionata, vt loquuntur scholæ. quæ autem differentia maior, quàm doctrinæ Dei & opinionum humanarum, potest existere? deinde quia de materia diuina agitur, quàm humana opinio non potest attingere, Natura & Scriptura teste

Ioan. 6. Natura: quia scientiam diuinam aut Deum docere necesse est, aut diuinum hominem, quem Christus vocat Θεοδιδάκμν, vt in antecedente Defensione ex Aristotele ipso in tuum illum philosophantem proba-

1. Cor. 2. uimus. Scriptura: quia *vt nemo hominum nouit ea quæ sunt hominis, præterquàm Spiritus hominis qui est in ipso: ita etiam ea quæ sunt Dei nemo nouit nisi Spiritus Dei.* Itaque vt demus plus alijs in rebus doctrinæ Christi, Propheticæ, & Apostolicæ tribui oportere quàm hominum opinionibus: in diuinis tamen rebus illud ipsum minimè sufficit, aut satisfacit iustę pietatis legi. Soli enim, soli inquam doctrinæ Christi Propheticæ & Apostolicæ in diuinis rebus omnia tribui & ferri accepta necesse est, opiniones hominum hinc omnino explodendæ. Quod si hanc partem, vt adfertur a me, placet accipere, vide quàm tibi sim futurus facilis. Refundas per me licet illam argumentationem tuam: non impediam, quominus hanc eamdem propositio- nem adhibeas institutæ argumentationi tuæ, hoc modo: *In rebus diuinis omnia soli doctrina Christi, Prophetica, & Apostolica oportet tribuere: Doctrina de Trinitate non est doctrina Christi Prophetica & Apostolica: Ergo doctrina de Trinitate nihil oportet tribuere.* Hic iam quidem purgata fuerit maior propositio tua: sed vitiosa est

facta assumptio, quia falsum dicitur, ac proinde falsum ex falso concluditur. Dices fortasse, probationem mihi incumbere : agnosco id quidem. Sed ne me fortè in hac quæstione tergiuersari putes, optionem tibi & tuis daturus sum, vtrùm ex vetere, an ex Nouo testamento velis probationem dari. Id enim optima fide confirmare ausim, vix vllam paginam, præterquàm in narrationibus quibusdam historicis, deprehendi posse, vbi valde luculenta sanctæ illius & adorandæ Trinitatis non existent testimonia. Entibi apud Mosem, *In principio creauit Elohim*, id est, Deus Pater, Filius, & Spiritus sanctus: post, & *Spiritus Elohim*, id est, Dei Patris & Filij, *incubabat aquis*. Deinde, *faciamus hominem ad imaginem nostram, secundum nostram similitudinem*, &c. Postea, *ecce homo tanquàm vnus ex nobis*, & alia innumera, Gen. 1. quæ mox de sancta Trinitate personarum dici demonstrabimus. De nouo Testamento æquè multa & luculentiora, si voles, spondeo. Quid dico, si voles? Spondeo verò, etiamsi nolis & nolit cœtus tuus, me tamen breui (annuente & adspirante Domino) effecturum, vt comparata existent luculentissima grauissimæque sanctæ huius doctrinæ in corpus vnum testimonia, quibus freti ex certissima Dei veritate negamus assumptionem & totam argumentationem tuam.

Illam verò præfidentem propositionem tuam optimè vidèristibi in tua hac Epistola tribus argumentis constabiliuisse: quorum hæc summa est: *doctrinam de Trinitate a semine Antichristi, ab hominibus, a Concilijs esse: a prisca Patribus euerit: & ipsi Scriptura sacra Prophetarum & Apostolorum aduersari*. Quæ omnia si vera essent, væ docentibus doctrinam illam Trinitatis, proclamarem vtrò: sin falsa, (vt sunt) eripe te, quæso, ab illa maledictione quam in effractores suæ veritatis

pronunciat Deus. Mitto quæ ad hanc rem assequen-
dā *πρὸς τοὺς* adfers tuis literis, vt seponatur odium, æ-
 quitas animi adhibeatur, inuocetur Deus. Speciosa
 quidem monita & bona, sed quæ prudenter in tantis
 rebus vtenda sunt, nec apud omneis, vt apud tuum
 præceptorem facis (quem odio vacansem, quem æ-
 quanimus, quem Dei timentem noueras) occupa-
 da. Nos doctrinam falsam, vt tua est, Samosatene, o-
 dimus, non hominem falsum & errantem, cuius nos
 in veritate miseret coram Domino: æquo animo er-
 rantem, vt morbo animi iudiciique laborantem feri-
 mus, expectantes si quando eum Dominus det respi-
 scere; et si erratum eius quo grauius, eo ampliùs exse-
 cramur: denique oramus religiosè Deum & Patrem
 luminis, vt tollat malum, hominem seruet liberetque
 a malo. Quid magis alienum ab odio & perturbatio-
 ne animi desideras? quam aliam æquanimi-
 tatem adferri iubes? quod genus orationis putas magis præce-
 ptis Dei, pietati, & charitati, quam a nobis oportet
 coli, respondere? Hac nos charitate, hoc animo, his
 precibus expugnamus errorem tuum: & salutem tuam,
 dum adhuc es in via, propugnamus. Ad probationes
 ordine transeo. Doctrinam de Trinitate conten-
 dis non esse a Deo; cum a semine Antichristi, ab hominibus,
atque a Concilijs profecta sit. Nos eam contrà asseuera-
 mus, a Deo esse, ac non ab Antichristi semine, neque
 ab hominibus, neque Concilijs. Prius illud quod affir-
 mamus, iam modò demonstraui-
 mus, & certo ac sin-
 gulari opere, si Deus dabit, ex puris putis Scripturæ lo-
 cis euincemus. Posterius tuum, in quo te delectat
 valde *πρὸς τοὺς*, ex priore falsum esse quis homo non vi-
 det? ti Est a Deo, non ergo ab Antichristo, aut a semi-
 ne illius mediata aut immediata, vt loquuntur vulgo:

est

est a Deo, non ergo ab hominibus, non a priuata hominum auctoritate vlla, non a publica, non a ciuili, non ab Ecclesiastica, ne Conciliorum quidem illorum quæ ad auctoritatem ampliore[m] Oecumenica appellatur.

Immo verò, inquis, a Concilio Constantinopolitano est, Nicano, alijs: inde sum sit initium suum. Falsum: nam quod ante hæc Concilia fuit in Ecclesia receptum, id non potest ab ijsdem sumfisse initium suum. Antè fuit autem doctrina Trinitatis, quam Ecclesiæ nostræ profitentur: quæ ergo principium suum ab eis duxisse potest? Antè fuisse, ex Scripturis sacris iã olim probatū est satis, & a nobis suo loco adhuc probabitur, volente Domino: ex antiquioribus Patribus probare, facillimum. De multis itaque paucos locos adferam, idque ex ijs auctoribus & libris, quorum non fuit controuersia vnquam apud bonos auctoritas, & quos ante memoriam Conciliorum illorum constat exstitisse.

Iustinus Martyr Apologia ad Antoninum, *Profitemur*, inquit, *nos talium qui habentur Deorum expertes esse, & alienos a dijs: sed non a verissimo illo Deo Patre iustitie, & castitatis, & virtutum aliarum. Verum hunc ipsum, & Filium qui ab eo venit, & Spiritum propheticum colimus & adoramus cum ratione & veritate venerantes, &c.* Et libro de recta fidei explicatione inquit, *Vnus reuera est huius vniuersitatis Deus, qui in Patre, Filio, & Spiritu sancto agnoscitur. Nam cum ex substantia sua Pater Filium genuerit, atque ex eadem Spiritum produxerit, iure optimo quæ vnā habent eandemque essentiam vna atque eadem dignantur diuinitate. Vnam Dei patris, Filij, & Spiritus sancti essentiam, vnā diuinitatem audis.*

Athenagoras in Apologia ad Antoninum, *Quis non obmutescat, si Atheos vocari nos audiat, qui dicimus Deum Patrem, & Filium Deum, & Spiritum sanctum Deum.*

illorum & in unione virtutem, & in ordine distinctionem demonstrantes? Et longè post illa verba, ut aquali honore & potestate cognoscamus Deum, & Verbum eius, & Spiritum sanctum. Quæ verba confessionem habent sanctæ Trinitatis in unitate essentia Dei euidentiſſimam.

Irenæus libro 1. aduersus hæreses, cap. 2. Ecclesia, inquit, per vniuersum orbem usque ad fines terræ seminata, & ab Apostolis & a discipulis eorum accepit eam fidem quæ est in vnum Deum, Patrem omnipotentem qui fecit cælum, maria, & omnia quæ in eis sunt, & in vnum Christum Iesum Filium Dei incarnatum pro salute nostra, & in Spiritum sanctum, qui per Prophetas pradicauit dispositiones Dei, & aduentus, & eam quæ est ex virgine generationem, &c. Nam illa verba, vnum Deum, communiter ad sequentia quoque membra, quamuis distincta, pertinere ostendit idem Irenæus, tum ab eo quod fidem Ecclesiæ tradit esse in Filium Dei & in Spiritum sanctum æquè ac in Patrem, tum verò luculentissimè ex aliorum locorum comparatione, vt cap. 1. eiusdem libri: itémque lib. 3. cap. 6. quum ait, Neque Dominus, neque Spiritus sanctus, neque Apostoli eum qui non est Deus, definitiuè & absolutè Deum nominassent aliquando, nisi esset verus Deus: neque Dominum appellassent aliquem ex persona sua, nisi qui dominetur omnium Deum Patrem & Filium eius. Et capite 12. Annunciauerunt Apostoli hunc esse Christum Filium Dei æternum eorum Regem. Sic etiam cap. 16. & 20. & alibi. Clemens Alexandrinus libro 1. Pædagogi, cap. 6. Annon vel inuiti fatebuntur, verbum perfectum ex perfectò Patre natum? & in fine libri 3. euidentiſſimè: Laudemus vnum Patrem & Filium vnà cum sancto Spiritu, qui vnus est omnia, in quo omnia, per quem omnia, qui est vnde quaque bonus, vnde quaque pulcher, vnde quaque sapiens, vnde quaque iustus, cui

cui gloria nunc & in secula seculorum. Amen. Origenes lib. 7. in epistolam ad Rom. *Miror, inquit, quomodo quidam legentes quod Apostolus dicit, unus Deus Pater, ex quo omnia, & unus Dominus Iesus Christus, per quem omnia, negent Filium Dei Deum debere profiteri, ne duos Deos dicere videantur. Et quid de hoc loco Apostoli facient, in quo aperte Christus super omnia Deus esse perscribitur? Sed non aduertunt qui hac ita sentiunt, quod sicut Dominum Iesum Christum non ita unum esse dominum dixit ut ex hoc Deus Pater non esse dominus dicatur, ita etiam Deum Patrem non ita unum Deum esse dixit ut Dei filius non credatur Deus. Unus autem uterque est Deus. Iterum aliquando post, Qui autem est super omnes, supra se neminem habet: non enim post Patrem Filius, sed de Patre. Tandem verò subiicit, manifestò ostenditur natura Trinitatis & substantia una, quæ est super omnia.* Gregorius Neocæsariensis, *Trinitas perfecta, inquit, maiestate, eternitate, & regno minime diuiditur.* Theognosti, & vtriusque Dionysij, Romani puta & Alexandrini, addo etiã Origenis verba cudentissima quisquis volet cognoscere, is apud Athanasium plurima cõperturus est in epistola quæ est de sententia Dionysij Alexandrini, & in altera epistola de decretis Nicænæ Synodi contra hæresin Arianam: & apud Eusebium libro 7. histor. Eccles. cap. 6. exstat non obscura eiusdem Alexandrini Dionysij de hac re testificatio. Quid de Tertulliano & Cypriano dicam? nam & horum fides iam diu ante Nicænæ Synodi tempora perscripta fuit, quæ Deum constanter essentiam vnã, treis personas in vnitæte essentiæ fatebantur. Quid de Eusebio? cuius verba post in segmentum 25. sumus relaturi. Sed iam horum Patrum aliorumque testimonia in hac re omnino consonantia, studio breuitatis missuri sumus. His ita constitutis, præ-

fidenter istam tuam, Samosatene, audaciam mirari satis non possum: qui non dubites affirmare, sanctum illud dogma, quod ex Scriptura credimus & ex animo profiteamur, quodque ex eadem Scriptura creditum a Patribus orthodoxis fuisse scripta singulorum clamant, illud inquam a Concilijs Constantinopolitano, Nicæno, aliisque suum initium summis. Quam rem vel v. nico Theodoriti loco (vt alia taceam) facile est confutare, dicentis, *Nam ij veteres Episcopi erāt tum magna Roma, tum etiam ciuitatis nostræ, ante annos ferme centum triginta, qui criminati sunt eos a quibus Filius factura dicebatur, ac non consubstantialis Patri. Atque hoc agnouit Eusebius qui Episcopus fuit Cæsareæ. Is quamquam deflexerat antè ad Arianam hæresin, postea tamen Concilio Nicæno subscripsit, & suæ Ecclesiæ rem per literas confirmauit dicens, Comperimus a quibusdam veteribus Episcopis scriptoribusque disertis & illustribus de Patris & Filij deitate nomen ὁμοούσιον, siue consubstantialiale usurpatum esse.*

Quod si hæc tam diu, Samosatene, contrā quā dicitis, ante Nicænum Concilium inualuerunt in Ecclesia Dei: nemo certè, nisi qui planè sit ἀνὴρ, historiæ expers, aut malitiosus, infirmabitur eadem quoque diu ante Constantinopolitanum Concilium obrinuisset, cum huic Nicænum antecesserit, ampliùsq; ab hoc doctrina Nicænæ Synodi fuerit illustrata: prout tum adiectione facta ad Symbolum Nicænæ illius Synodi, tum verbis ipsis Patrum qui interfuerunt Constantinopoli ostenditur. Nos enim, aiunt illi, siue persecutiones afflictionisque, siue Imperatorum minas magistratuumque feritatem, siue etiam aliam tentationem quampiam & periculum ab hæreticis sustinimus, pro Evangelica fide Nicæa apud Bithynos a ccc. xviij. Patribus confirmata, quicquid id fuit, pertulimus. Eam enim & nobis; & vobis, adeoque alijs omnibus,

Lib. I.
hist. Ec-
cles. c. 8.

In epist.
ad Con-
cil. Rom.

omnibus, qui vera fidei verbum non peruertunt, simul placere necesse est: quippe qua antiquissima sit & baptisimi confectaria, credere nos docens in nomen Patris & Filij & Spiritus sancti: videlicet ut diuinitas & potestas una Patris & Filij & Spiritus sancti, & eiusdem honoris dignitas, & coeternum regnum in tribus perfectis subsistentijs, siue tribus perfectis personis credatur, &c. Quòd itaque Constanti-
nopolitanum prius quàm Nicænum Concilium obij-
cis, vtrum sit ἀνισοψησίαις, an verò consilij certi, tu vi-
deris: omnino tamen factum est præposterū, & ab hoc
loco alienissimum. Et hoc tibi, mi homo, semen An-
tichristi, figmentum Antichristi, nouitius Cōciliorum
partus, impura doctrina futurum est, quod Christus,
Prophetæ, Apostoli, Euangelistæ tradiderunt, quod
viri Apostolici ab illis hausserunt, crediderunt, quod
denique Orthodoxi Patres, & prisca Ecclesia ante ho-
rum Conciliorum tempora fide perceptum, instituto
vitæ, perpeffionibus, sanguine, morte confirmarunt,
literarumque monimentis in posteritatē obfignarunt?
 Bona verba, quæso.

Secunda quæ adfers ratio eodem telo confixa atque deiecta est. Dicis, *Quæ doctrina prius auctoritatem suam nō potuit obtinere in Ecclesia, quàm Euangelij puritas laborare cepisset vehementius, ea ipsa vetustissimorum Patrum scriptis euertitur: Eiusmodi est doctrina Trinitatis: Ergo euertitur illis auctoribus.*

Maiorem tuam vltro concedimus. Etsi aliqua latet æquiuocatio (vt loquuntur) in euertendi verbo. Nam aliæ doctrinæ siue dogmata euertuntur expressis verbis, aliæ vel solo Patrum orthodoxorum silentio euersæ intelliguntur. Horum autē neutrum de hac doctrina sacra, quam profitemur, verè affirmari potest: quæ Christus, Prophetæ, Apostoli, & Euangelistæ docuerunt, quam Ecclesia Apostolica credidit & tradidit, &

quam sancti quique & orthodoxi Patres constantissime exposuerunt, & sine dissimulatione aut tergiuersione vlla testificati sunt. Vel vnum de sanctis illis & orthodoxis Patribus, Samosatene, producas velim, qui Apostolos proximè sequuti sunt; si quem fortè nōsti qui sanctum hoc Trinitatis diuinæ mysterium dissimulauerit eo quod non crederet ipsum, ac non apertè ostenderit se credere, fortiterque propugnauerit hoc communis nostrę religionis caput. Secunda verò propositio tua negatur planè, quia cum vero pugnat, vt antè ostendimus. Nam hæc doctrina inde a principio auctoritatem suam obtinuit in Ecclesia Dei: Prophetæ, Apostoli, Euangelistæ, Patres eam Ecclesię tradiderunt, prout a Christo acceperant, quemadmodum ex singulorum scriptis a nobis potest confirmari: non autem solùm inualuit ab eo tempore, quo Ecclesia ex varijs erroribus vehementiùs cœpit laborare, vt tu, Samosatene, sine probatione vlla, sine specie verisimili audes affirmare. Sed de his postea. Quandoquidè verò sic placuit argumentari, age, hanc ipsius argumentationem in Samosatenum, & iure optimo, torqueamus. Quæ doctrina priùs auctoritatem in Ecclesia non potuit obrinere quàm Euangelij puritas vehementiùs cœpisset laborare, ea ipsa verustissimorum Patrum scriptis euertitur: Doctrina Samosateni & Arii, quam vos compingitis, non priùs auctoritatem in Ecclesia potuit obtinere, quàm Euangelij puritas apud multos vehementiùs cœpisset laborare: nam (vt ex Theodoriti & Eusebij verbis antè demonstrauiamus) per annos amplius centū sexaginta fuit inaudita: post autem annos fermè centum quinquaginta clam ante Nicænam Synodum insinuata est per fautores suos irreperentes ad cōturbandum ouile Christi, & per sanctos

Patres

Patres diligentissime confutata. Quapropter illi vocē *ἰουδαίου* & religiose soliti sunt obseruare, & serpenti huic Samosatēnicæ Arianaeque nouitati eam vno cōsensu opponere. Vestra igitur doctrina, Samosatene, ea ipsa doctrina est quæ sanctorum Patrum vetustissimorumq; scriptis euertitur, & quæ prius auctoritatem vllam in Ecclesia non potuit obtinere quàm Euangelij puritas cœperit labascere. Sic dictum illud tuum attribui falsissime orthodoxæ doctrinae, quam profite-mur, vides: de ista autem vestra doctrina quàm verissimè hæc singula prædicari; non habuisse auctoritatem in Ecclesia: si fortè, si quando, si ubi habuit, non antè habuisse, quàm quum, & vbi collapsa erat plurimum veritas Euangelij: omni tempore, ex quo emerit primum, a sanctis illis & orthodoxis Patribus eam fuisse euersam atque expugnatam: annos verò ad centum septuaginta fuisse inauditam in prisca illa & Apostolica Ecclesia. Nunc venio ad probationem tertiam, quæ est huiusmodi: *Quod dogma doctrinae Christi, Prophetica, & Apostolica omnino est contrarium, id dogma est Antichristi: Hoc autem est dogma Trinitatis: Igitur Antichristi est.* Maiorem damus, si rectè distinctèque intelligitur. Etenim tum demum vera est, quū enunciatum de eo dogmate quod est (vt loquuntur vulgo) in gradu excellenti contrarium, vel summo gradui ex aduerso oppositum, & quod ad summam rei pertinet: id est, si & contradictoria affirmatio aut negatio aperte propugnatur, & præcipuum caput summisq; fidei articulus (vt hîc fit) inter contententes agitur. Dogma falsum, quo arx fidei oppugnatur, dogma Antichristi est propriè & necessariò. Si quod autem inferius dogma, nec ita ad fidem propriè simplicitérque necessarium, ab vilo homine oppugnatur, etsi hic error

ab Antichristo est secundum communem significationem appellato; nunquam tamen commitemus, ut hominem propterea anathema, Antichristum, &c. aut eius dogma Antichristi dogma præcisè appellemus. Hic enim error est hominis miseri in via a via aberrantis, sed retinentis caput; ac proinde cadentis suo domino (ut loquitur Paulus) & suo domino surrecturi: potest enim Deus eum stabilire. Hunc ergo hominem nec veritas Antichristum vocat, nec debet charitas, nec Domini iubet auctoritas. Minorem propositionem tuam, Samosatene, contestante Dei veritate in mentibus nostris, negamus quam simplicissimè. Sed quia exempla (id autem est testimonia) te allaturum spondes manifesta, quænam ea sint, deinceps videamus.

SAMOSATENVS.

3

Ac primum quidem locum de vno Deo habes inuictum Deuteronomij 6. Audi Israel, Dominus Deus noster, Deus vnus est. & alterum 1. Corinth 8. Scimus non esse Deum alium, nisi vnum. Et hæc est confessio Prophetarum Christi, & Apostolorum. Quid autem ad hæc Antichristus? (vnus autem est Roma, Calvinus Geneva, Musculus Berna) Qui ita senserint, eos igne gladioque tollit ac perimit, omnibus minatur qui ab illa sua confessione vellent recedere, & seuerè mandat ut non modo vnum confiteantur Deum, verum etiam trinum: & quamuis vnum Deum verum reipsa neget, verbisque duntaxat (ne eius puta animaduertatur impietas) vnum fateatur Deum, loco tamen illius treis distinctos Deos reuera ponit, eiusdem æternitatis, potentie, maiestatis: atque hoc efficit vna voce simplici Trinitatis, cuius vocis auctor & fautor Antichristus ipse est. Quum autem quis dicit, Deus vnus & trinus est, non aliter hæc sonant atque

que conueniunt inter se, quàm si quis diceret Deum esse spiritum & corpus, esse aeternum & terrenum, esse bonum & malum.

ORTHODOXVS.

PROXIMA argumentatione tua, Samosatene, quum Trinitatis dogma planè contrarium esse sacris Scripturis affirmasses, id a nobis negari diximus quàm simplicissimè. Iam verò vt probes, niteris, ac non enteris. Duo igitur hîc adferuntur loci; vnus ex Testamento vetere, & alter ex Nouo, vt Trinitatis dogma conuellatur. Atq; hi quidem loci omnino inuicti sunt (diuini enim) sed non inuicta istorum hominum, qui abutuntur locis, interpretatio. Vtrumque locum accipimus: Deum vnum esse credimus, id est, vnâ diuinam essentiam, ac non plureis. Sed non sequitur inde, ergo treis non esse personas in vnitâte essentiae. Agitur enim his locis de esse vel essentia Dei in hac prædicatione, Iehoua vnus est, & de personis subsistentibus quâ sunt vnum esse, vt ita loquamur. Sed de vtroque loco præstat suo ordine videamus. De loco Deuteronomij, ne longè abeamus, ex eo ipso demonstraturus sum duobus modis veritatem doctrinæ nostræ. Nam primùm cum nomine *Iehoua*, quod essentiale est, hîc semper alterum iungitur, *Elohim*, quod personarum est *Ἀνθρωπίνον*. Secundò præcessit eodem in loco personarum distinctio euidentissimè, quum Moses diceret principio capitis, *Atque hoc præceptum, statuta, & iura, quæ præcepit Iehoua Elohim vester vt doceatis, ad faciendum ea in terra quò vos transitis possessuri eam iure hereditario: vt reuerearis Iehouam Elohim tuum, &c.* huic verò distinctiõni commodè Moses subiicit cautionem illam pernecessariam de vnitâte essentiae, di-

cens, *Audi Israël, Iehoua Elohim noster, Iehoua unus est*: quasi dicat, nobis quidem in tribus personis distinctè reuelatus, at in essentia tamen Deus vnicus, non tres essentia.

Priorem nostræ demonstrationis, Samosatene, locum eo fortasse reiecturus es, quòd voces pluralis numeri (plurale autem est *Elohim* Hebræa forma) de singularibus enunciantur honoris causa, vt Hebræi tradunt, & multis exemplis potest cõfirmari. Sed figurata loquutio illa est, quum ita plurale de singulari dicitur: siue honoris causa, vt fit vulgo, siue per syllepsin, vt vocant, omnibus propè linguis frequentatam. Nam quum Esaias dicit: *Nouit bos possessorem suum, & asinus præsepe dominorum suorum*, id nō est honoris causa dictum, sed ratione sylleptica; pro eo quod est asinus quisque nouit præsepe cuiusque domini sui, nullus non cognouit asinus: & sexcenta alia. Non sequitur autem, Samosatene, si illic figuratum est loquendi genus, ergo & hīc figuratū dici oportere: argumentans in hunc modum, principium petis.

Dices, nos quoque principium petere, siquidem loquutio ex cōmuni linguæ Hebrææ vsu propria vel figurata est. Ego verò, mi homo, agnosco alijs in sermonibus vel propriam vel figuratam esse, idque pro ratione locorum de quibus agitur distingui oportere: sed in hoc loco atque argumento faciendum nego. At similiū, inquires, ratio est similis. Negamus esse simile: nam hīc propriè de vna essentia singulare dicitur, & plurale de personis pluribus, propriè inquam, conuenienter naturæ & veritati rei; illa autem alia dicuntur figuratè: non ergo simile. Quòd si probari a nobis dictum petiueris, eodem axiomate illo tuo probaturi sumus; Similiū similis est ratio, dissimiliūque dissimilis. Ex indubitato hoc axiomate sic argumētabor: *Plurale de singulari Hebræicè in pri-*

Esai. i.

in prima persona dici nunquam potest, in alijs personis potest, elegantérque dicitur: Plurale autem de Deo etiam in prima persona dicitur Hebraicè: hoc ergo non simile, sed dissimile est: ac proinde ratio dissimilis. Priorem propositionem cum Hebræi confirmant, tum Hebræorū Grammaticorum facilè princeps Abben Hezra docet luculentissimè: & loci quoque Scripturæ euincunt manifestó. Primus huic certissimè exploratissimèque regulæ est aduersatus R. David Kimchi, abreptus sanctæ Trinitatis odio: nam & Trinitatem passim negat oppugnátque, & ad infirmandum hanc regulam nonnullis exemplis in suo Miclol abutitur. Exempli autè quæcunque adducit in hanc sententiam, falsò accommodantur huic argumento: nam aut dicuntur ab vno (vt vocant) indiuiduo communiter, id est, secundum rationem communis: aut dicuntur tamquam ab vno syllepticè: hæc ratio locorum omnium. Verbi gratia, quum Bildad in libro Iobi diceret, *intelligentiam adhibe* Job. 18. *be*, ac postea eloquar: & paulo post, *reputamur vt iumentum*, immundi videmur in oculis nostris: quum item Absalom, *date consilium quid simus facturi*: quum Daniel Dan. 2. similiter ait, *interpretationem eius dicemus coram Rege*: hæc ergo singuli quidem illi dicunt, aut dicuntur singulis; sed qui dicunt, ij de se dicunt & socijs suis; & quibus dicitur, ijs pari ratione dicitur, vt res ipsa ostendit. Nam Bildado amici quoque alij præter Iob aderant, Absalomo consiliarij & copiar, Danieli socij, qui coniunctis cum eo precibus reuelationem a Deo exorauerunt. Hæc igitur, Samosatene, propria, non figurata sunt. Quum autem in Cantico illo Canticorum scriberet Selomo, *trahé nos, curremus post te: exultabimus* Cant. 1. *& letabimur: recordabimur amorum tuorum præ vino*, & similia multa: hæc dicuntur quidem a pijs singulis, sed

tamquam in vno atq; ab vno corpore syllepticè, quod corpus est Ecclesia Dei. Quicquid ergo audacter affirmet Kimchi (nam hæc exempla sunt omnia, quæ summo studio diligentiaque potuit ex Testamento veteris corradere) certè ex dissimilibus exemplis nunquam certissimam hanc verissimamque regulam labefactururus est: sed axioma illud immotū permanet, plurale Hebræis nunquā de singulari indiuiduo in prima persona loquutione propria prædicari. Plurale autē hoc nomen aliāq; in persona prima ab ipso Deo enunciari o-

- Genes. 1. minino constat: vt quū Deus diceret *faciamus hominem*
 Genes. 3. *ad imaginē nostram. secundum nostram similitudinē. Ecce homo sicut vnus e nobis: agite descendamus, vt cōfundamur.*
 Genes. 11. *linguam eorum, &c. Ego sum Iehoua Elohim tuus, &c.*
 Exod. 20. nonne vides, Samosatene, loquutionem esse dissimilem, eamque ex dissimili ratione profectam? Quæ autem dissimilitudo est, obsecro? Non est hæc dissimilitudo loquutionis solum (nam etiam in loquutione si qua interuenerit dissimilitudo, ei rationē suam inesse opus est dissimilem) sed dissimilitudo hæc rei & rationis est, quia vnica illa essentia Dei substat in tribus personis, & tres personæ subsistunt in vnitæte essentia. Ac propterea plurale de singulari, & singulare de plurali verè atque propriè enunciat: quæ res in cæteris *λογισμοῖς* non potest obseruari, quia eorum omnium quæ sunt, aut quæ dicuntur, nihil est cū hoc argumento simile. Posterior demonstrationis iocus, quem antè diximus, est illa ipsa distinctio a Mose posita duobus versibus euidentissimè, quum inquit, *Hæc sunt quæ præcepit Iehoua Elohim vester, &c. vt reuerearis Iehouam Elohim tuum.* Nō enim dicit Moses, vt reuerearis ipsum, sed repetitis vocibus ijsdem vtitur, ac non earum vnica, vt mysterium istud ostenderet. Dixeri fortasse: ita

mos Hebræorum est antecedens vsurpantium pro relatiuo ipsius, & vocem eandem hoc modo repetentium. Verum est: sed hoc tamen nihil ad rem facit. Nō enim promiscuē apud Hebræos vsus iste repetitionis est, quemadmodum Iudei inscienter & malitiosē narrant: sed quatuor omnino sunt, non plures (si bene obseruari) causæ, cur figuratē voces eadem in scripturis sacris repetuntur, nempe vehementia, ἀναμφίβολον, distributio, & hyperbaton, quod postremū causarum generis etiam τῷ ἀναμφίβολῳ coniungi potest. Extra has causas semper quamlibet repetitionē propriē oportet accipi. Vehemētia: vt quū Propheta inquit *Cōsolamini*, Esai. 40. *cōsolamini populū meum*; & alter, *o terra, terra, terra*: quū Ierem. 22. Deus vocat *Abraham Abraham, Iacob Iacob, Moſe Moſe*: & quum illi gloriabundi occiderent, *templum Iehoue, templum Iehoue*, &c. Vitatio amphiboliæ: vt quum diceret Moſes, *Adamo non adfuit auxilium secundū ipsum*: item, *ad imaginem Dei creauit ipsum*; & similia multa, in quib. si relatiuū simpliciter fuisset positū, ambigua fuisset futura oratio, & præ obscuritate ambigui etiam aliquo modo vitiosa. Atque huc pertinent ij Scripturæ loci, in quibus rei generatim dictæ fit singularis aliqua circumscriptio: vt quum dicitur, *alloquutus est Isaac Abrahamum patrem suū, & dixit, pater mi*: item, *& abierunt tres filij Isai maximi, abierunt post Sāulum*, &c. 1. Sam. 17. Distributio: vt quum Propheta dicit, *& omnes hostes tui, omnes ipsi* (id autem est, quotquot sunt) *in captiuitatem abitura sunt*: itēque *Israēlitæ, in via, in via ituri sumus*, &c. Hyperbaton denique, vt in omnibus fermē linguis solet obseruari. Quemadmodum Iotham Sichemitis, *Similiter nunc*, inquit, *si seriō & integrē fecistis*, quod constituistis Regem Abimelecum, &c. deinde tertio post versū, *Si igitur seriō & integrē fecistis erga Ie-*

Nehc. 4.

rubhabalem & erga familiam eius in hoc tempore, &c. similiterque Nehemias, Ac minimè ego, inquit, & cognati mei, pueriq; mei, & viri custodia qui prosequébantur me, minimè inquam nos exuturi sumus vestes nostras, &c. lam ergo, vt paucis rem totam complectamur, Omnis repetitio in Scripturis aut propria, aut figurata est: Quæ autē figurata est, propter vnā aliquā ex quatuor hisce causis adhibetur: Si quæ ergo vnā harum causarum non habet, ea propria est repetitio. In hoc autem loco nulla planè harum causarum commodè adtexi potest: restat igitur, vt propriam repetitionem hanc dicamus esse, & propriè accipi oportere. Quomodo autem propriè, si placet, videamus. Duplex est interpretationis modus, vt ampliùs segmento sequè demonstrabimus: vnus, quo persona vnā sanctæ Trinitatis de personis duabus alijs, vt de sua ipsius, testari dicitur: alter, quo personæ singulæ idem dicuntur facere communi operatione. Secundum priorem modum Christus, vt Sermo æternus Dei Patris, præcipere & docere dicitur: secundum posteriorem verò Pater, Filius, & Spiritus sanctus in vnitate essentiæ operationisq; præcipere dicitur & docere, vt reuerentis Iehouam Elohim tuum, &c. nam in vna eademque operatione Pater nos docet iura sua, vt reuerentur Filium & Spiritum sanctum, sicut personam suam: Filius item, vt reuerentur Patrem & Spiritum sanctum, vt personam suam: Spiritus sanctus denique, vt reuerentur Patrem & Filium eodem modo, tum in vnitate essentiæ, vt Iehoua est, tum in trinitate personarum, vt est Elohim Deus noster communis omnium, & singularis propriusque fidelium electorumque singulorū ex federe. Atque hic posterior est interpretationis modus, quem & Moyses videtur sensisse, & hac ipsa repetitione

tionem expressit conuenientissimè. Cur ergo, inquires, nõ dixit Moses simpliciter, vt reuerearis ipsum? Nempe vt hanc ipsam distinctionem personarum & economiam seu dispositionem diuinam inculcaret: quia Deus non solum vt essentia vnus præcipit & docet iura sua vt reuereamur ipsum; sed Deus Pater, Filius, & Spiritus sanctus, vt personæ distinctæ sunt, iura diuinæ essentia personarumque docet, quò reuereamur personas ipsas in vnitatem essentia. Sine hac autem repetitione quam adhibuit Moses, tota hæc distinctio, quamuis pernecessaria, vix animaduersa a pijs esset: quanto minus ab impijs & contradicentibus credita? vt contrà, nisi mox sapientissimè *Ἐν ἑνὶ θεῷ* adhibuisset cõprehensam illis verbis quæ proximè sequuntur, dicens, *Ἀκούε Ἰσραὴλ, ἰεὸνὰ θεὸς ἑὺν, θεὸς ἑὺν ἐστίν*, proclius fuisset imperitiorum lapsus in trium Deorum & essentiarum cogitationem, & periculosa aduersantium sanæ huic doctrinæ (vt tu Samosatene facis) criminatio. His verò coniunctis in hunc modum, & optimè vera doctrina de vno illo vero Deo statuitur, & splendidissimè tres personæ circumfulgent in vnitatem essentia Dei. Quòd itaque, Samosatene, ex illo Moses serui Dei loco vnitatem essentia diuinæ asseris, rectè est, & nos facimus: quòd autem ex essentia illius vnitatem Trinitatem personarum tentas conuellere, indignam iniuriam facis Mosi, veritati, & Deo ipsi auctori veritatis: qui scribenti Mosi ista inspirauit dictauitque, tamquam seruo publico a se & ab Ecclesia Israëlitarum conspirantibus animis instituto, quum discerpis tam euidẽtem locum illius, & res diuidis coniunctissimas, contra iustas interpretationis leges. Nam quicquid hoc argumentationis genere & fallacia hac adstruitur, id esse inconfutens omnes sentiunt qui luce rationis vel minimũ

vti possunt. Atque hæc de priore loco. Secundus locus e Nouo testamento productus non dissimili est argumento. Id solum interest, quòd de essentia diuina duntaxat agit, non autem de personarum distinctione in vnitatem essentia. Demonstrat illud sermo Apostoli: docet enim Corinthios ex natura idolorum, quidnam iudicari de idolothytis oporteat. *Scimus*, inquit, *idolum nihil esse in mundo, & nullum esse Deum alium nisi vnum*. Sensus est, quod nihil est in mundo per se, nimirum secundum essentiam, potentiam, & operationem ipsius, id rei sibi (vt putatur) applicatae naturam non potest ratione vlla (quantò minùs diuina?) afficere: etenim (vt loquuntur vulgo) non entis non sunt accidentia: Idolum autem nihil est in mundo, secundum ea quæ modò perstrinximus: Idolum erga idolothyta sibi applicata nequit vel ratione minima afficere. Si nulla, quanto minùs diuinâ afficere, siue diuinitus, id est, ea sanctificare, vt Deus, ex quo sunt oblata? Quis ergo res sibi oblatas afficiat diuinitus, si cupis cognoscere, *nullus est Deus alius nisi vnus*, inquit Apostolus, qui hoc efficiat: vnica illa essentia diuina est, quæ hanc proprietatem diuinam, id est, potentiam operationemque per se habeat aut habere possit. Atq; hoc nos quidem sanctissimè cum Paulo affirmamus: quod tu, Samosatene, euertis imprudens, quum Dominum nostrum & Seruatorem Iesum Christum non Deum genitum, sed Deum factum vocas, id est, non essentialiter Deum, sed Deum accidentaliter: hoc enim pacto, alius sit Deus necesse est. Tu verò, Samosatene, iam vide quid ex hoc loco efficias. *Vnus est Deus*, inquis; *ergo vna solum persona deitatis est*. Negamus consequens. Est quidem antecedens tuum confessio Prophetarum Christi, & Apostolorum; consequens verò minimè.

Hi enim

Hienim confitentur personas esse treis vnius essentia, Patrem, Filium, & Spiritum sanctum: hæc autem tria sunt nomina trium personarum *ἰμωσθίων*, id est, cōsubstantialium siue coessentialium, quarum personarum vnaquæque est coæterna, est vna apud alteram, & est Deus (vt de filio loquitur Ioannes) in vnitæte essentia. Ioan. i.

Consequens verò illud tuum vnde eruis, obsecro? Si fallax enthymema tuum iustis partib. instruat, quas syllogismorum ratio postulat, sibi profectò constare non potest. Nam si dicas, *Quorum vna est essentia, vna est persona*, falsa propositio est: cum omnium hominū sit vna essentia, personæ quàm multæ? Si dicas, *Quod vnum est essentia, vnum est persona*, æquè fallum: natura enim humana est vnum essentia, personis seu indiuiduis multiplex. Si dicas, *Qui vnum sunt essentia, vnum sunt persona*, itidem fallum: nam eo ipso quod plurali numero vtēris, *qui sunt vnum*, singularia subiecta siue indiuidua pones, de quibus vnum commune prædicatur: qua ratione dicebat Christus, *Ego & Pater vnum sumus*. Ioan. iō.

Si denique tibi placeat dicere, *Qui vnus essentia est, vnus est persona*, aut illudis, mi homo, aut inscientiā tuā tibi illuditur. Quam enim dicis *vnus*, vel *qui vnus est*, indiuiduum notas atque suppositum, vel personam aliquam indiuidualem vnā; sic nomē essentia, quod communius est per se, restringis atque determinas (vt ita loquar) personalitate vnā. Ergo subiectum & prædicatum huius enunciationis tuæ sic adæquas, vt res vna sit, & idem per idem exponatur: sed ratione peccas, & eo in vitium incidis, quòd angustio rem vocem in prædicato quàm in subiecto ponis, pro eo quod te oporteret dicere, qui vnus est persona, vnus est essentia. Vidēsne, Samosatene, vtcunque maiorem formes statuminando enthymemati quod obtrudis, meras

præstigias, mera monstra esse? De minore, quæ prior pars est enthymematis, videamus. *Vnus est*, in-

quis, *Deus*. Verissimum: sed rectè intelligendum: nam & in subiecto & in prædicato positæ sunt aduersus im-

prudenteriores tendiculæ, nisi attenderint: & ex ijs falsa conclusio adstruitur. *Deus* enim aut absolutè & indeterminatè dicitur, aut etiam determinatè. Priore modo de essentia, posteriore de aliqua vna persona dicitur.

Ioan. 4.

Ephes. 4.

Secundùm priorem modum Christus dicebat, *Deus est spiritus*: secundùm posteriorem Paulus, *vnus Deus Pater omnium*, &c. Hic autem *Deum* absolutè & indeterminatè enuncias: de essentia igitur prædicatio est,

& ita accipimus: tu de persona accipis æquiuocè, & idè concludis, contra prædicationum & argumentationū leges. Quod si de persona negas a te accipi, sed potius te ab vnitæte essentiæ de vnitæte personæ affirmas con-

cludere, rursus imperitos circumuenis prædicationis modo, quia non distinguis rem, sed de industria dissimulas mentem tuam. Tibi ergo dicendum fuerat,

Deus vnus est essentia, igitur & persona vnus. Atque hæc tua mens, quam nullo pacto confirmaturus es, siue auctoritates Scripturæ, siue naturæ vsum peruestigaueris.

Hoc enim vt assequaris, necesse est probes paradoxum istud, *vnus essentia & vnum persona* idem esse, & terminose esse (vt vocant) conuertibiles. Si non, alterum necesse est vincas, nempe vnum personā latiùs parère quàm vnum essentia, quia de hoc illud enuncias. Alioquin, Samosatene, quis vnquam fando audiuit angustius de latiore iustè prædicari posse? Posterius, opinor, non dices: prius quomodo efficias, si placet, circumspice. Omnino aut idem sunt essentia & persona, aut non sunt. Si idè sunt (vt certè quodammodo sunt) aut genere sunt idè, aut specie, quæ vocant synonyma,

aut

aut numero, quæ polyonyma. Numero autem essentia & persona idem solum esse possunt in ijs rebus, quæ secundum essentiam & hypostasim suam (hypostasis autem in ijs quæ ratione prædita sunt persona dicitur) singulares sunt in natura rerum. Exempli causa, in mundi primordio, quum Adam primum a Deo fuisset conditus, una fuit essentia & persona numero, donec coniux Eva ipsi adiecta est. Rursum essentia & persona inter se, secundum rationem communem, specie & genere sunt idem, nimirum quatenus essentia de persona dicitur, ut homo de Petro, Ioanne, Paulo, cæteris: at secundum rationem subsistentiæ, vel singularem illam, quam indiuidualem vocant, idem dici non possunt. Nam vocabulum essentiæ latius patet, & de personis seu hyphistamenis dicitur numero differentibus: personæ verò seu hypostasicos vocabulum est angustius, & rem numero unam significat. Nec essentia igitur est hypostasis: nec una essentia est una hypostasis: nec unum essentia est unum hypostasi propriè, solum, semper, atque simpliciter: sed ea solum essentia est hypostasis quæ circumscribunt determinantque suæ differentiæ, non dico specificæ, sed idiomaticæ, quas Græci characteras siue proprietates characteristicas, nos etiam indiuiduales nouè, & in ijs quæ ratione instructa sunt personales proprietates appellamus. Contrà verò & hypostasis siue persona est essentia, & una hypostasis una essentia est, & quod unum est hypostasi, idem essentia unum. Vides igitur essentiam aut unius esse hypostasicos, ut Solis est, ut fuit Adami in principio creationis, aut pluriū hypostasicon sub vno genere aut specie una conuenientium. Quod autem in Adamo fuit potentia, ut plures videlicet hypostases ab eo in essentia una existerent, id in Deo Patre est natura (licet non extra

se producat, vt homo producit extra se) quia est actus purus & simplicissimus. Sunt itaque tres personæ in vnitatem essentia: Pater, qui est principium & origo sine tempore: Filius, qui est genitus & ortus a Patre sine tempore: & Spiritus sanctus, qui procedit a Patre & Filio sine tempore: id autem est, genitura & processione sempiterna.

Ergo, inquires, diuise sunt hæ tres personæ inter se futura, Pater, Filius, & Spiritus sanctus: quemadmodum homines, quos esse dicis essentia vnum, diuisi sunt personaliter: ex quo propterea singulæ personæ indiuidua singula vel supposita appellantur. Negamus consequens: nam est quidem communis ratio, qua essentiam a persona distingui necesse est, ad res diuinas & humanas pertinens: sed non continuò per omnia ratio communis in rebus ipsis colligenda & cõfirmanda est. Sux enim propriæ speciei cuique, suæ indiuiduis singulares sunt differentia. Sic vnaquæq; essentialis vel substantialis species ratione diuersa est ab altera specie per differentiam specificam ipsius, indiuidualis verò per differentiam indiuidualem siue characteristicam. Hæ autem communes voces, quæ λογικῶς de omnib. quæ sunt a nobis prædicantur, non tollunt singularem earum rerum veritatem de quibus prædicantur. Sed tamen in rebus naturalibus Physicè, in supernaturalibus Metaphysicè, in diuinis autem diuino quodam modo accipiendæ sunt, quia res sunt toto genere differentes. Itaque propriè quidem voces prædicamentales (vt vocant) siue κατηγορίαι ad res corporeas & materias pertinent, quarum causa fuerunt institutæ: sed per quamdam communicationem, licet impropriè, ad metaphysicas etiam analogicè transferuntur, & inde ad diuinas κατὰ θεολογικῶς. Quamobrem inconsequens illud dictum est, si persona humana est vna extra alteram

(vt

(ut est) ergo & personam diuinam vnā cum altera eodem se habere modo, vnāque extra alteram subsistere: nisi duo hæc primū statuantur probenturque a te: nempe cum essentia, tum personæ eandem rationem in rebus diuinis esse quæ in humanis est. Non est autem eadem ratio: quis enim essentiam Dei cum humana compareret? quod si essentiam nefas est comparari (ut tota Scriptura clamat, ipsaque adeo natura reluctatur) quis personam cōpareret, cui tota inest essentia? Est autem infinita essentia Dei: quod autem infinitum, id secundū esse vnicum est: non ergo persona extra personam est, sed altera est in altera, vel apud alteram infinitate essentia. Ac proinde in diuinis personæ ex factō diuidi non possunt, sed ratione & re in vnitāte essentia distingi debent: nam Deus est apud Ioan. Deum, & vnaquæque persona Deus. Dices fortasse, *Ergo Deus est species, personæ autem sunt indiuidua, quæ comprehenduntur Deo tamquam specie sua.* Negatur vtrumque: nam in rebus creatis, siue Physicis siue Metaphysicis, quarum altera extra alteram est aut esse potest, & in quibus suum singulare & proprium esse disparatum habent singula ὁμοειδή, certè vera est hæc consequutio. Sed alia est omnino diuinitatis ratio, & supra omneis res creatas summe admirabilis. Deus enim, ut secundū essentiam vnus est numero, est, loquitur, agit per se: species autē non est aut subsistit per se, (ideoque secunda substantia Logicis appellatur) nō loquitur, non agit per se: Deus igitur non est species. Secundū rationem verò atque realiter (ut loquuntur vulgo) tres sunt personæ subsistentes in vnitāte essentia Dei, non tamquam in specie, sed potius tamquam in toto essentiali, cuius essentia tota est in qualibet persona deitatis secundū perfectionem suam,

prout se habet ratio totius siue totalitas in incorporeis & spiritualibus substantijs. Itaque & vnaquæque persona deitatis subsistit ipsa, loquitur, & agit per se (persona enim) & tres personæ singulariter communitèr. ut, pro ratione operis quod efficiunt, in vnitæte essentia; quia vna infinita & indiuisa est, quamuis personis distincta essentia. Quòd si sententiæ huius nostræ, Samosatene, exemplum desideras, illudis Deo: nam quæ parem faciamus Deo? aut quæ cõparemus ipsi? Deum non ab exemplis credimus, sed ex auctoritate ipsius. Quisquis autem exempla essentia; diuinæ aut proprietatum petit, is alios Deos sibi dari petit: quod nulla pietatis aut etiam naturæ lege permittitur. Vides igitur vtrumque verum esse, & verè a nobis ex Dei verbo affirmari: nempe & vnum Deū esse essentiam vnā, quod tu vis, & treis personas diuinas in vna illa essentia Dei subsistere, quod negas. Et te, Samosatene, non pudet Antichristos appellare eos, qui sacram hanc doctrinam a Deo acceptam tradunt tuenturque? non varia hominum genera arte veteratoria permiscere, vt omnib. communiter eandem adspergas labem? Romanum Pontificem cum Caluino, Musculo componere? Humana quidem iudicia sunt hæc, a fidelib. Dei seruis contemnenda: quæ tamen a te non miror fieri de illis hominibus quorum spectata est fides, nec labor inanis in Domino: cū etiam de essentia & veritate Dei præter Scripturam audeas statuere, ponens quod negat, quod affirmat negans. Sed hæc nos faciemus missa quæ ad homines spectant: nam omnino illud fore confidimus, vt re & veritate Dei a criminationibus tuis vindicata faciliè omnes videant hos pios viros, in eo ipso quod reprehendis, ab omni culpa alienos esse. Quæ communia sunt, ea solū quā breuissimè perstringe-

fringemus.

In his ergo omnibus cōmuniter duo habes quæ reprehendas, factum, & causam illius. De viroque verò respondebo paucis, quantum quidem ad hanc causam iudico pertinere. De Pontifice Rom. nihil dicam, cuius factum apud bonos est odiosius, & qui redemptas operas habet quàm plurimas, quæ patrocinentur strenuè ipsius tyrannidi. De Caluini & Musculi facto aliquid sum dicturus, quia propter singulare factum eos non dubitas Antichristos appellare. Sic ergo ratiocinaris: *Qui secus sentientes igne gladiòque perimit, omnibus minatur recedentibus ab hac confessione, & hanc vnā seuerè coli mandat, is Antichristus est: Ista Caluinus Geneva facit, Musculus Bernæ: Est igitur Antichristus.*

Maiorem propositionem, vt indefinita est, tibi concedere non dubitauerim, si rectè intelligatur: nam etiā confirmari potest Ioannis Apostoli in Apocalypsi testimonio. Sed tamen dissimulari bona fide a nobis non potest, Antichristum dici æquiuocè. Nam aut singulariter & κατ' ἐξοχὴν appellatur filius ille perditionis, de quo plurib. ad Thessalonicenses scribit Apostolus: aut 2. Thess. 2 communiter significatur quisquis aduersatur doctrinæ Christi, personæ, & officio eius: quemadmodum & seipso hæc distinctio segmento 27. postea adducitur. At verò, Samosatene, in posteriore significato potius accipi confidimus Antichristi nomen: præsertim quia duo iungis hominū genera plurimū inter se discrepantia, & Caluino Musculòque adaptas Rom. Pontificem: & hoc tu ipse non obscurè eodem in loco pronuncias. Minore autem propositione tua quod affirmas, id certè falsò Caluino, Musculòque tribuis. Nā primum eos perimere, minari, mandare, aut vnquam fecisse, falsum est: id magistratus politici est officiū, quod neuter vnquam sibi vsurpauit, nec pius Dei seruus vl-

lus, si sapit, sibi arrogaturus est: hæc iam triplex est criminatio. Secundò ne id quidem verum est, *eos curare aut curauisse vt perimerentur secus sentientes, minaq; insunderentur ijs, & mandata seuerè in eos confecisse*: hæc quoque falsò pariter & odiosè dicta. Terriò si id etiam dicas, docuisse illos quòd qui secus senserint eos igne gladiòque perimi, & minis mandatisque obrui oporteat, id quoque a vero est alienissimum, nisi distinxeris. Scilicet hoc illud est: tibi, Samosatene, ita placuit (quod animi exulcerati solent, aut incompotit) inuidiosè omnia in illas innocenteis animas producere. Hi autem nunquam profectò omneis aliud a se sentientes morte, minis, aut mandatis acerbis vexari voluerunt (nam plurimæ sunt oues) sed eos demum qui docent: neque docentes omneis, sed eos qui incurrunt in ouile Christi, vt fascinent & corrumpant ipsum: neq; promiscuè omneis qui Ecclesiam Dei fundatam in veritate & suo ordine educatā turbant falsis suis dogmatibus, quæ imperiti nesciunt & periti horrent, sed cognita causa legitimè, auditos, monitos, cuiusq; quādo pertinaciter cū omnia monita cōtemnunt, tum contra salutem ordinēque publicum obnituntur, omnem operam occupantes vt omnes oues Christi, quoad eius fieri potest, fermento impuro suæ exitialis doctrinæ corrumpantur. Hoc ergo genus hominum in societate humana pestilentissimum, non veritati diuinæ solū in grauissimis & substantialibus fidei articulis, sed ordini quoque humano in mundo & Ecclesia perneccessario cōtra omnia monita, cuiusq; preces, interdicta obnitens peruicacissimè, hoc inquam tandem supplicio afficiendum esse tradiderunt: neque hoc illi tamquam de principali folio pro auctoritate pronunciauerunt, sed consulti de iure diuino in hac causa,

causa, simul suffragium suum cum alijs viris bonis, & Ecclesijs quamplurimis iunxerunt religiosissimè, ne constitutæ in Christo Ecclesiæ iamdiu, & pij in eas collecti detrimentū a malis operarijs in alienam messem & Dei hæreditatem irruentibus acciperent. Sunt enim ~~multi~~ homines eiusmodi, a quibus diuinus pariter & humanus ordo, potestatesque contemnuntur: ac proinde omni iudicio, diuino, humano, & suo ipsorum sunt damnabiles. Eos verò qui a fide aberrauerint, si tamen in ordine contineant sese, nec alienas mentes in exitium sollicitauerint, nec suas vltro pertinaciterque proiecerint, eos inquā ab illis repulsam passos, nedum adiudicatos morti, nunquam quisquam ex sermonib. aut scriptis illorum probaturus est. *At hoc, inquires, Antichristi opus est, propter causam fidei homines perdere.* Si hoc simpliciter, Samosatene, tibi velis, iniustum esse, Antichristi esse, propter fidem homines perdere, tibi profectò Deus iniustus & Antichristus est (horrendum dictu) nam Dei opus proprium est, vt homines ea causa perdat, vt qui solus sit fidei atque infidelitatis cognitor certissimus & iudex optimus. Sed quod Deus certo iudicio facit, id Antichristus arrogat impio & nefario studio, conatu (si voles) Giganteo. Quum verò operibus infidelitatis ipsum pietatis mysterium, omnis diuinus & humanus ordo, alienaque salus peruicaciter oppugnantur, reum istius sceleris hominem reprimi, & ubi repagula omnia perumpit contumacissimè, etiam morte affici, non propter infidelitatem ipsam, sed propter importunæ & cōtumacis istius infidelitatis opera, id verò non est opus Antichristi (vtcunque videatur tibi) sed germanum Christi: qui per Apostolum suum pios his verbis alloquutus est, *Magistratus non sunt terrori bonis operibus, sed Rom. 13.*

malis. Vis autem non metuere potestatem? quod bonum est facito, & laudem ab ipsa obtinebis: Dei enim est minister tuo bono. Quod si feceris quod malum est, metue: non enim temere gladium gestat: nam Dei minister est, ultor ad iram ei qui fecerit quod malum est. Non quia crediderunt malum (nam hoc nouit & punit Deus) sed quia fecerunt malum, idque grauiissimum, impiè importunèq; pijs animas & piorum coetus sollicitando; propterea in manus Dei uiuentis, qui humanas potestates suo mandato instruxit, & auctoritate armauit, inciderunt. Cur enim hoc ego non dicerem de ijs ad quos tu, Samosatenene, tacitè respexisti, quum ista scriberes? Michaëlem Seruetum Senatus Geneuensis, ac non Caluinus; Valentinum Gentilem Senatus Bernensis, non autem Musculus, sententia lata e medio sustulerunt, postquàm omnia quæ ad priuatam ipsorum correctionem salutemque, & quæ ad commune Ecclesiæ bonum iudicauerunt pertinere, experti essent diligentissimè. Iudiciū exagitas, quo sunt damnati: causam, cur sunt damnati, dissimulas. De vtraque re Magistratus vidit, cuius ante oculos dies noctesque obuersari legem suam præcepit Deus, & qui lege ipsius cognouit hæc mandari sibi, Quum exsistet in medio tui Propheta aut somniorū artifex, qui edat tibi signum aut prodigium: Etiam si euerit signum & prodigium illud quum alloquetur te dicendo, eamus post Deos alios quos non cognouistis ut colamus eos, Non es auscultaturus verbis Propheta illius, &c. Et paulo post, Post Iehouam Elohim vestrum itote, eumque reueremini: & præcepta eius seruate, & auscultate voci eius, eumque colite, & ei adhereſcite. Propheta verò ille aut somniorum artifex ille morte afficitur, quia loquutus fuerit apostasiam contra Iehouam Elohim vestrum, qui eduxit vos e terra Egypti, vosque redemit e domo seruorum, ad depellendum vos a via illa

Deut. 17.

Deut. 13.

illa in qua praecepit tibi Iehoua Elohim tuus ambulare te: ita exemeris malum e medio tui: & quae sequuntur. Neque verò moueri nos vestris illis rationibus conuenit quae in vulgus adferuntur, vt vñum illum gladij eripiamus potestati, quem iubet Deus: nempe *haec veteris Testamenti esse*; *causam dissimilem: non haec imperauisse Christum: contrarium ab eo fuisse factum.* Primum enim *vetus Testamentum* accipitis ipsi, & eius auctoritatem maximè in neganda personarum Trinitate soletis obtendere: quod autem iuris est in vna causa, idem quoque in altera opus est obtinere. Tum si dicitis antiquatum, iniqua est sanè a parte ad totum argumentatio, responsum falsum. Antiquata sunt quidem ea umbracula rerum futurarum, quarum corpus & veritas est in Christo: sed ratio earum substantiâq; integra permanet. Quarum verò legum communis in se ac constans ratiocinatio & fundamentum est, & licet forma externa tenus mutationem aliquam in circumstantijs nonnullis subeant, re tamen ipsa permanent iure & veritate in omne æuum immutabiles secundum substantiam ipsarum. Atque eiusmodi est lex de non audiendis auctoribus apostatæ, & ijs, si pertinaciter Ecclesiâ Dei infestauerint moniti, deterrendis etiam (vt cum Apostolo Iuda loquar) atque puniendis. *Causam dissimilem* negamus esse. Nam qui negat id quod Deus est & se declarat esse, auctor est apostasiæ, siquidem sese in Ecclesiam infert & piorum animos in ea versantium sollicitat obfirmatè: Deus autem est Pater, Filius, & Spiritus sanctus, tres personæ, essentia vna, & ita Deus se declarat esse: Hoc ergo qui negat in Ecclesia Christi (nam eorum qui apud suos agunt, alia est ratio) & fidem Ecclesiæ fideliumque membrorum eius pertinaciter contendit labefacere, quod Seruetus &

Gentilis fecerunt palàm, is auctor est apostasiz. Quod si est, manet profectò sententia a Deo lata. *Non hoc imperauisse Christum* qui dicit, falsum dicit. Nam quicquid facit Pater, id Filius facit consimiliter: Hoc ergo si imperauit Pater (imperauit autem lege) quis probet non imperauisse itidem Filium? Quid, quòd Filij manu vel Mediatoris (si ita mauis) lex ordinata est? Ergo & hoc mandatum eiusdem manu fuit ordinatù. At *non imperauit*, fortasse dixeris, *in Testamento nouo*. Verum id quidem: nam imperauerat semel in vetere, quod fuit satis: actumue agi a Christo propter omnes qui contrà sentiunt oportuit? Deinde non imperauit disertis verbis: at imperatum tamen satis confirmauit verbis Apostoli dicentis, *Magistratum Dei ministrum esse*, ultorem ad iram ei qui fecerit quod malum est, vt antè adduximus. Iraque duplex a te, Samosatene, peccatum committitur in hoc argumentationis genere: vnum, quòd concludis ab auctoritate negatiue (vt loquuntur vulgo) qua ratione nihil omnino confici aut probari potest: alterum, quòd hæc ipsa auctoritas particularis est, & ex ea tamen cōcludis vniuersè hoc modo: *non imperauit Christus in Testamento nouo, non ergo imperauit*. Nam Christus imperandi officio vsus est etiam in vetere, vt antè docuimus. *Contrarium a Christo fuisse factum quàm Lex precipitur*, constanter nego. Lex præcipit suasorem apostasiz non audiri, & contumacem vltimo supplicio affici: huic cōtrarium est audiri suasorem apostasiz, & defendi aduersus eos qui vitam ipsius petunt. Hoc non fecit Christus, ne vltquam fecisse aut docuisse legitur, qui vā grauiissimum hypocritis & seductoribus passim pronunciat. Atqui non damnauit scortum, vt in Euangelio narratur. Nouimus: sed aliud est de scorto agere, aliud de apostata & prin-

Ioan. 5.

Galat. 3.

Rom. 13.

Ioan. 8.

& principe apostasiæ: neque solum aliud, sed etiam
 dissimile, ex quo nihil possis concludere. Præterea ne in
 hoc quidem exemplo contraria sunt hæc, damnare, &
 non damnare. Etenim damnare, est iudicium; non
 damnare, est omnium, quamuis non sint iudices: sed
 absoluerè, quod iudicium est, id contrarium dampnandi
 verbo. Damnat igitur vel absoluit iudex, quia ciuilitè
 eius est dampnare vel absoluerè: hinc iusta demum est cō-
 trariorum ratio, quum damnationem & absolutionē
 dicimus. Quisquis autem non est ciuilis iudex, nec da-
 mnat, nec absoluit reum iudicialiter: hinc iusta est pri-
 uantium ratio, non autem contrarietas. Atq; hoc pa-
 tro Christus, dum hinc in forma serui ambulauit, nec
 dampnauit scortum, nec absoluit etiam ciuilitè (non
 enim ad hoc missus aut vocatus fuerat, neq; ad hoc fa-
 ciendum venerat) sed abstinuit a iudiciali cognitione
 ista, sceminamque peccatricem (prout erat vocatio &
 officium Christi) a peccato ipsius ad sanctam resipi-
 scientiam gratosè reuocauit. Quinetiam vt esset hoc
 exemplum aliquo modo simile, eo saltem foret dissi-
 mile, quod de scemina quidem peccatrice agitur, sed
 quæ primùm deprehenditur, quæque ad resipiscētiam
 reuocatur primùm: nulla sit contumaciæ illius men-
 tio. Quæ autem exempla obijciuntur, Seruati & Gen-
 tilis, ea sunt exempla hominum tam contumacium
 quam qui maximè: quibus hominibus si fuisset parci-
 tum, verè illud Ciceronis dictum fuissent dicturi boni,
Salutaris seueritas vincit inanem speciem clementia.

Quapropter tuæ illius, Samolatene, argumētationis
 loco duas alias a nobis hoc in loco oportet succedere;
 quarum altera bonorum virorum operam, quamuis
 immeritò a multis vellicatam, iudiciūque probatu-
 ri sumus, altera sententiam aduersam labefactaturi.

Epist. 2.
 ad Bru-
 tum.

Prior: *Quicumque parent legi Christi, ij aguntur Spiritu Christi: Quicumque autem eos homines qui sanctam Trinitatem personarum in unitate essentia Dei negant, & oppugnant, & contumaciter fidem imperitiorum in Ecclesia contra publicum ordinem, quamvis moniti, eniſti, vetiti, aumnaxipiti, conantur euertere, eos inquam morte pleſtendos omnibus remedijs tentatis statuunt, parent legi Christi: Hi ergo aguntur Spiritu Christi: ac proinde nullo iure, adeoque nulla specie iuris Antichristi dici possunt. Nam penes hos seueritas illa salutaris est, de qua modò dicebamus. Posterior ex contrario, in eundem modū: *Quicumque non parent legi Christi, aguntur Spiritu Antichristi: Quicunq, autem istos homines, quos modo circumſcripsimus, non esse tandem morte afficiendos statuunt, non parent legi Christi: Hi ergo aguntur Spiritu Antichristi.* Sed hæc alibi a viris doctis copiosè fuerunt exposita, quæ sermones tui nobis extorserunt, libentius in alio exercitationis genere operam consumituris. Subjicis, *unum verum Deum reipsa negari a nobis, verbisqueduntaxat agnosci, cum loco illius reuera tres distincti ponantur Dij.* Ergo, vir bone, sic argumentaris, vt verè dicamus omnia, & euidenter ad omnia: *Quod unum est, id trinum esse non potest: Deus vnus est: Deus igitur trinus esse non potest.* Hic sensus mentis tuæ: quem miror a te esse, qui alios doces: a Deo certè nō esse, optimè noui. Iam quid respondeamus, attende. Tua ista, Samosarene, argumentatio multis modis fallit, & falsa est. Illudis enim, tum æquiocatione (vt vulgo dicitur) tum etiam elenchi ignoratione: quæ vitia quum incidunt, incohſequenti conclusioni simplice negatione tu ipse, scio, responsurus esses. Æquiocationem committis, quum dicis, *unum*. Vnum? inquires: ecquid minùs æquiuocum esse quàm vnus potest? Tibi fortè non videtur:*

detur: sed tamen, si veritati credis, me demonstrantem audies. Vnum duobus modis dicitur, absolutè, & relatè. Vnum absolutè dicitur, quod simplicem negationem vel remotionem omnis diuisionis statuit, & nihil aliud significat quàm ens indiuisum, vt loquuntur Scholæ: ac propterea vnum hoc cum ente conuertitur, quia videlicet vnumquodque ens tam diu conseruat suum esse, quam diu conseruat vnitatem suam. Relatè verò appellatur vnum, quod est principiū numeri, & respicit additionem ad ens, de quo modò loquuti sumus, per multiplicationem vnitatum. Itaque vnum quod cum ente conuertitur, siue absolutè dictum, multitudini opponitur per modum priuationis seu remotionis, vt indiuisum diuiso: vnum verò relatè dictum multitudini opponitur per modum adiectionis, quæ adiectio nihil est aliud quàm numerus: & numerus ipse nihil nisi multitudo per vnum vnitatē me mensurata. Deo autem prior modus maximè propriè; posterior non nisi figuratè & catachresticè tribuitur, si ad essentiam respexeris: ausim etiam dicere, nunquam bene, si ad excellentiā diuinā illius essentiae aliquid contuleris, cum omnino transcendat omnia. Quid enim iusta analogia per numeros componas cum Deo? Sed metuo vt hæc tuus fortè popellus intelligat, quem certè (vt mos est tuorum hominum) appellabis. Aliter itaque hoc idem mysterium tentemus dicere. Quodcunque vnum est, aut secundum essentiam est, aut secundum rationem vnum: nec vlla ratione id vnquam fieri potest, vt res eadem vna simpliciter secundum essentiam aut rationem ipsius sit vnum & multa, nisi alium modum respexeris. Vnū secundum rationem, mathematicè in numeris obseruatur, & numeri in rebus numeratis. Quod autem secundum essentiam vnum est, id

aut singulare indiuiduum est, quod subiectum vocant Logici: aut vnum commune, vt sunt totum, species, & genus: aut communissimum, vt est processio eorum quæ sunt ab vno. Hæc autem quæ in rerum natura sunt & dicuntur vnum, siue indiuisa, siue diuisa sint, hæc alio modo dicuntur multa. Nam ex eo quod subiecto vnum est, pro modo accidentium constituuntur multa: quod toto vnum est, secundum partes in multa diuiditur: quæ specie sunt vnum, differunt numero: quæ vnum genere, differunt specie: quæ vnum principio vel causa (vt Græci olim dixerunt) multa sunt processionibus. Quid? nonne adhuc vides (si homo natus es) ea quæ re ipsa sunt vnum, esse & dici ratione multa & multiplicia? qui hoc nescit, naturam nescit. Nihil enim est in rerum natura, quod a lege ista possis eximere. Atque hæc Physica sunt: quibus non secundum idem, quia toto genere hæc ab illis differunt, sed potius secundum analogiam respondent Metaphysica. Spirituales enim intelligentiæ, si ad singulas respexeris, singulæ vnum subiecto sunt: si ad commune, suum illis totum, suæ species, sua genera, sui processus tribuuntur iure: sed omnia spiritalia ac supernaturali, non materiali, corporeo, & naturali modo. Iam verò cum res diuinæ nō solum Physicas, verum etiam metaphysicas omnibus modis superent, profectò deitas non genere aut specie cum re creata vlla conuenit (nam vnum absolutè est illius esse, infinitum vnum; non ergo vnum genere aut specie cum re creata vlla) sed esse illius est deitas, & totum infinitas simplicissima, quæ ratione solum secundum processionem, siue in ipsa, siue extra ipsam sint, vnitatem integram permanente, distinguitur: vnitatem autem prorsus indiuisa est secundum essentiam & totam perfectionem eius. Hoc igitur pacto essentia Deus vnus esse,

esse processionis verò ratione trinus vel ternus dicitur crediturque in Ecclesia Dei. Iamne vides, mi homo, propositionem tuam partim æquiuocatione vocis, *unum*, partimque ignoratione elenchi laborare? subiectum enim & prædicatum quis iam non videat alio modo dici, cum prius de essentia sit, posterius de ratione secundum processum, quæ in essentia distinguitur? Dixeris fortasse, *Atqui unum hoc est simplicissimum: quod autem est simplicissimum, id neque compositionem, neque processionem habere potest: nam quod compositionem aut processum habet, id non est simplicissimum.* Respōdeo, omnino quidem verum axioma esse, quicquid est aut simplex esse, aut compositum: præterea quicquid est simplex, id & actu & potentia indiuisum esse; & quo simplicius, eo plus indiuisum dici oportere: postremo Deum esse simplicissimum simplicitate perfectissima atque incomparabili. Sed propositio ista de natura simplicium, quod neque compositionem, neque processionem habeant, ex parte vera est, ex parte falsa: plura enim habet interrogata (vt cum Logicis loquar) & differentia. Prius membrum verum est, quod unum est simplicissimum, id esse compositionis expers actu & potentia: simplicissimum enim est illud, quod semper ita est vt est, nec aliter se habere potest: quæ proprietates rebus compositis non potest cōpetere. Posterius falsum, quod unum est simplicissimum, id processionibus distingui non posse. Nam simplices sunt intelligentiæ seu spirituales formæ: hæc tamen processionibus essentialibus distinguuntur, quos processus, quia essentialia sunt, ipsi etiam philosophi per abusionē partes ipsarum, Græci *μέρη*, appellarunt. Sic de esse illarum (vt ita loquamur) procedit intellectus agens, & ab eo gignitur actio (vt vocant) immanente, nec ad

res exterarum transeunte: de utroque verò, id est, de esse & intelligere, procedit velle secundum processum spiritualis modum. Quis autem ita desipit, ut propter hos processus simplicitatem intelligentiarum spiritualium audeat tollere, aut contra processiones istas ab ipsis & in ipsis fieri negare propter simplicitatem illarum? Idem ergo simul & simplex esse sua essentia potest, & processione multiplex, tamquam a principio vno. Iam de Deo utrumque videamus. Simplicissimum esse Deum in æternum, & omnis compositionis expertem, pie agnoscimus atque confitemur, nec in eo deprehendi ullum posse compositionis modum: non compositionem partium quæ quantitate finiantur (non enim corpus est) non formæ & materiæ; non generis & differentiarum; non subiecti & accidentis; non naturarum inter se differentium, ex quibus aliud natura sit, aliud suppositum in ipso; non denique essentiarum & esse ipsius, quæ tamen in formis intelligentibus & Metaphysica materia (ut ita loquamur) distinguuntur. Atque hi omnes sunt compositionis modi, qui in rebus creatis observantur, & quorum nullus in Deo existit: simplicissimus igitur. Deum verò, qui est simplicissimus, nihil de sua simplicitate illa deperdere per processionem ipsius, ratio euincit manifestissime. Nam cum omnis processio sit secundum aliquam actionem, certè secundum actionem quæ fertur ad res externas, processio aliqua est ad externa: secundum actionem verò quæ manet in agente, processio quædam interna est, nihil de simplicitate agentis minuens, ut iam exemplo formarum intelligentium ostendimus. Hac autem processione, quæ fit secundum agentis modum, Deum essentia vnum distinguimus. Est enim in illa vnica essentia subsistens principium, Pater; subsistens intelligere apud princi-

principium, Filius; & subsistens velle a Patre & Filio, Spiritus sanctus, tres personæ, Deus vnus benedictus in secula. Amen.

Sed non est, inquies, eiusdemmodi processio, cum hic processus a què dicas subsistere ac principium ipsorum, in illis verò formis intelligentibus non item.

Atqui, mi homo, satis est in vno aliquo conuenire, vt sit processio: nam si per omnia conuenirent, eadem essent. Non sunt autem eadem, sed in vno aliquo conueniunt tamen, secundum quod processionibus sunt atque appellantur. Etenim exempli causa, in rebus creatis processionum aliæ feruntur extrà, aliæ fiunt intrus in agente & processionis effectore: an tibi propterea hæc aut illa minùs digna est processionis nomine? Ergo quid commune inter ipsas, quid singulare, videndū est, non rerum & verborum proprietas propter ignorantem oppugnanda. Ac processio quidem ad extera, corporum est, nec ad hunc locum propriè pertinet: quod enim secundum eam procedit extrà, ab eo a quo procedit diuersum est. Altera verò processio formarū intelligentium est propria: a quib. quicquid procedit, intelligibili emanatione procedit, nec procedit foras, nec ab eo a quo procedit diuersum est; sed cōtrà quanto perfectiùs procedit, tanto magis cum eo a quo procedit vnum est. Id tantum interest, quòd in illis ea quæ procedunt non subsistunt per se: quia neque intelligere, neque velle illarum est substantia ipsarum, sed manet in ea tamquam in principio suo. In diuinis verò ea quæ procedunt, subsistunt per se: subsistit intelligere, subsistit velle, quia intelligere & velle diuinum est ipsa substantia intelligētis & volētis Patris. Alioquin si Dei intelligere aliud esset quàm substantia eius, oporteret aliquid aliud esse actum & perfectionem substantiæ diuinæ, ad quod se ita haberet diuina substantia vt poten-

tia ad actum: quod impium est & blasphemum dicere. Est igitur in rebus creatis suus processiois modus, est in diuinis suis: sed cum vterque ita sit contemperatus naturæ agentis, vt processio tota & quæ procedunt ei a quo procedunt respōdeant, nemini certè qui cum ratione iudicaturus est mirum videbitur, si creati spiritus simile quid & conueniens sibi, sed diuersum tamen, dicuntur producere: Deus verò Pater simile & idē planè, vt certa fide ex sacris Scripturis confitemur.

Atque hæc de maiore propositione tua (vt finem faciamus) satis. Ex his autem quid iudicij sit de minore tua faciendum, vides. *Deus vnus est*, inquis. Est certè essentia vnus, sed processione trinus, vt modò ostendimus: vnus absolutè, vt Ens indiuisum & simplicissimū, & ab omni diuisione & numeratione alienissimū: trinus verò, relatè, secundum suum processiois modū, in vnitæte essentia, Deus Pater, Filius, & Spiritus sanctus. Quamobrem conclusionis tuæ inanitatem vides: quam si cupis assequi (quod frustra cupias) alia tibi, mi homo, principia, aliud medium quærendum est.

Quæ pōst in vocem Trinitatis (vt antè) euomis, dissimulabo misertus tui, nec porrò exagitaturus sum: quia certum est mihi de rebus, nō de verbis audacter & licentiosè (ne quid grauius dicam) profusis agere. Veniam itaque ad ratiunculam illam humanā tuam, qua affirmas satis pro auctoritate, *Quum quis dicit, Deus vnus & trinus, non aliter hæc sonare atque concordare, quàm si quis diceret Deum esse spiritum & corpus, &c.* Nempe concludis hoc corollarium ex præcedentibus, quæ modò falsi reuicimus. Sed vt de hoc auctario tuo seorsim dicamus, negamus similia adferri a te in hac affirmatione. Et quia te, hominem in disputando acerrimum, video astu animi abreptum nō satis attendisse

disse ad contrariorum modum, quum æterno terrenum opponeres, vt ἐν κεφαλῇς complectar omnia, hoc esto argumentum tuum: Non possunt contraria gradibus excellentibus in eodem subiecto simul existere: Deum autem unum & trinum esse tam sunt contraria, quàm spiritum esse & corpus, æternum & non æternum, bonum & malum: Deus ergo unus & trinus simul esse non potest. Tu verò, Samosatene, replica quæro, memoriam earum rerum quas modò respondimus: & actum esse de tuo argumento senties. Maiorem vt negemus absit: Sed assumptio tua æquiocatione, & elenchi ignoratione fallit eadem planè quam in superiore tua argumentatione reteximus. Quid ergo est quod ita possis concludere? Dicerem etiam in similibus adferri dissimilia. Sed nunquam mihi placuit esse in alienis rebus curiosum. Quamobrem ad alia contendamus.

SAMOSATENVS.

4.

VERVM his omisiss aduersus Antichristum probationibus, producam verba ipsius Athanasij in celebri illo (si Deo placet) symbolo Nicæno: fides catholica hæc est, vt vnū Deum in Trinitate, & Trinitatem in unitate veneremur. Similiter testantur libri Hieronymi Zanchij de tribus Elohim. Iam quæso ipse animaduerte, an non hîc ipso titulo profiteantur tres Deos, cùm tres Elohim nihil sit aliud quàm tres Dij. Djudica iam, quæso, apud te, num hæc conueniant cum sacra Scriptura: quæ multo veriùs nos docet 1. Corinth. 8. Etiam si sint qui dicantur dij & in cælo, & in terra (sicut dij multi, & domini multi) Nobis tamen vnus est Deus. (nota) Pater ille, a quo omnia, & nos in ipso. item Ioan. 17. Pater, hæc est vita æterna, vt te cognoscant esse illum solum verum Deum, & quem misisti Iesum Christum. Hæc duo Nouite-

stamenti loca longè omnium clarissima nōne euidenter ac velut in specie declarāt, quis sit vnus ille Deus Israël, quem Moses & Propheta veteris Testamenti, itēmque Christus & Apostoli in Testamento nouo annunciarunt? Quapropter ego iam ingentes ago gratias Deo seruatori meo, quod me pro sua ineffabili bonitate ab huiusmodi erroribus liberarit & eripuerit, atque ad veram cognitionem sui voluerit pertrahere.

ORTHODOXVS.

E ADEM chorda oberrat Samosatenus, quū binos locos inter se comparat, vt hac confirmatione antecedentium sermonum suorum, veritatem Dei, quæ est a nobis, arietet. Symbolum Nicænum adfert, & inscriptionem Zanchiani operis: atque hæc contendit cum duobus Scripturæ locis. Athanasij & Nicænorum patrum, sanctissimorum hominum, auctoritatem suggillat exagitans symboli de Trinitate verba. Nos autē proximè præcedente loco satis ostendimus & vanitatem obiectionis istius, & orthodoxæ affirmationis illius a Nicæna Synodo veritatem. Non illudens, Samosatene, sed credens veritati, viceris: quin potius vicerit Veritas. De Zanchiano opere, dic bona fide, mi homo, legisti aliquando librum? Si legisti, quid verba vellicas? quid aucuparis? nam mentem suam aperit euidentissimè contra mentem tuam. Si non legisti (quod ego quidem magis putem) quo tandem iure ex nuda inscriptione de opere viri eruditissimi iudicium facis? Sed vt misso libro, in quo ex professo errores tui euertuntur, ad tua veniam, sic argumentaris. *Qui tres Elohim dicit, nihil aliud dicit quàm tres Deos: Zanchius dicit tres Elohim: tres Deos igitur. Sed heust tu, Samosatene, quid sic diuerso regeram? Qui tres Deos negat & re-*
ligiosè

logice oppugnat certissima auctoritate Scriptura, is alia mente dixisse tres Elohim putandus est; Zanchius treis Deos negat: Ergo alia mente treis Elohim dixerit Zanchius. Negat autem operosissime in eo ipso opere, & oppugnat doctrinam istam $\omega\lambda\upsilon\theta\acute{\iota}\omega\mu$ & diligentissime: adeo vt quisquis tres Deos a Zanchio affirmari dicit, eum hominem aut non legisse, aut non meminisse oporteat, aut denique mente non esse integra. Quia verò tam bellè, Samosatene, tendiculas verborum didicisti ponere, age, loquutionem istam expendamus. Elohim nomen esse commune, ac non Dei proprium, significatione docemur & terminatione ipsius. Principem, magistratûmque significat, cui iureiurando & execratione populares obstricti sunt, vt ipse Paulus non paulo melior Hebræus quàm ego aut tu, interpretatus est Act. 23. sed καὶ ἱερόχλω propter officium dignitatémq; Deo tribuitur. Plurale est terminatione, vt antè principio proximè præcedentis loci docuimus, numero plurali commune aliquid denotâs inter personas pluris, quarû hæc principatum æquè ac illa obtinet. Sed essentia vna, maiestas vna, principatus vnus & idem harum personarum, quæ distinctæ sunt inter se in vnitare essentiæ, vbique fermè in Testamento vetere appositione adiuncti nominis, verbi, aut vtriusque, demonstratur. Exempli causa, in principio creauit Elohim Genes. 1. celum & terram: qua die Iehoua Elohim fecit terram & Genes. 2. celum: praiturus est vobis Iehoua, & extrema acies vestra Esai. 51. erit Elohim Israël: & similia. Cùm igitur voce Elohim officium essentiæ proprium, personarûmque commune in vnitare essentiæ denotetur: quid est, cur tanto opere inscriptionem istam, de tribus Elohim, exagites? Elohim vnus si dicitur, ad vnitatem essentiæ reducuntur personæ: si tres, personæ distinguuntur, vt interdû etiam

Genes. 20 in vetere Testamento factū. Sic enim Abraham, *quum*
 Iosue 24. *facereut Elohim ut errarem e domo patris mei.* Sic etiam
 Esai. 54. Iosue, *non potestis*, inquit, *colere Iehouam: quia Elohim*
 Ierem. 10 *sancti est.* sic Elaias, *Coniuges tui erunt opifices tui, cuius*

nomen Iehoua exercituum: & vindex tuus sanctus Israël,
Elohim totius terra vocabitur. & Ieremias quoque, *Ieho-*
ua Elohim veritatis, Elohim viuentes, & rex sempiternus:
 & alia non pauca in eundem modum. Noli, quæso, Sa-
 mosatene, tam fastidiosus esse, vt in alienis verbis cu-
 riosus, in interpretationis morosus, in iudicijs durior
 videre, & in aliena scriptione, tamquam in mensa,
 μαηουλιχός. Ego certè non statui is esse erga te, quem
 te in alios exhibes: vt in tuo illo errore, quem video,
 horreo, & lugeo, æquitatem animi mei experiaris, &
 sentias lenitatem Christi capientis de te mise. cordiã,
 sit te misereat tui.

Vides hanc loquutionem a Scri-
 ptura sacra nō aberrare: vides æqua solū mentē opus
 esse ad interpretationem illius: vide igitur, a mabote,
 ne porro (vt facis) neges hæc cōuenire cum Scriptu-
 ra sacra. Tam enim conueniunt cum Scriptura sacra,
 quā scriptura ipsa secum, quia ex Scriptura sunt. Ex
 ea autē quæ dicuntur, dicuntur rectè, nec nisi insidiosè
 in alium sensum, quā quia Scripturis est, traducun-
 tur.

Venio ad locos testamenti noui, quos Nicæ-
 no symbolo & Zanchianæ inscriptioni dicis aduersari:
 nos negamus. Prior locus est 1. Cor. 8. *nobis vnus est Deus*
Pater, &c. Hic verò, Samosatene, vtum magis in te
 desiderem, nescio, iudicium, an fidem. Ad argumen-
 tationem Pauli te attendere oportebat, ad contextum
 verborum, ad membrorum quæ in eo versu sunt ana-
 logiam, vt commodè loco hoc atque ex veritate vte-
 reris. Quamobrem hæc agamus. De idolothyris agens
 Apostolus ostendit, sciencibus timentibûsque Dei non
 obesse

obesse idolothyta, sed nescientibus Deum obesse, & ijs qui scientia sua, neglectis alijs fratribus suis, abutuntur. De pijs scientibus ita statuit versu 4. *Qui sciunt idolum nihil esse in mundo* (nimirum re, virtute, efficacitate nihil) & *nullum Deū alium esse nisi vnum*, vt qui vnus re, virtute, efficacia in mundo sit, possit, & præstet omnia, ij non afficiuntur idolothytorum conscientia, sed libertate Christiana gaudent. Hoc dictum enarrat duobus vers. sequentibus, sublata æquiocatione nominis, *Deus*, & oppositione seruata. Nam *qui dij*, inquit, & *domini dicuntur* & non sunt, ij vt reipsa nihil sunt, sic virtute nihil possunt, nihil præstant opere; vt qui ex sola hominum opinione dij sint, & nuncupatione sola per impiam abusionem ipsis attributa dij & domini censeantur: *nobis verò* scientibus atque in veritate institutis *non est Deus alius nisi vnus*, Deus inquam & Dominus essentia vnus, personæ plures, vt vers. 4. & 6. ostendit comparatio. Contextu verborum luculentissimè demonstratur hæc interpretatio. Nā quod vers. 4. vnica Dei appellatione enunciauerat, dicendo, *nullus est Deus nisi vnus*, idem postea duabus vocibus exprimit, tum æquiocationem soluendo in vers. 5. dicendo, *prout sunt dij multi, & domini multi*, tum illū vnum verum Deū asserendo qui Deus & Dominus est, vers. 6. non duo dij & domini, quum inquit, *Nobis tamen vnum est Deus Pater*, &c. Sed inquires, distinctè *Deus Pater*, & *Iesus Christus Dominus* appellantur. Distinctè quidem, ita est; sed non oppositè siue disparatè: nam Pater & Filius sunt vnus Deus, vers. 4. aut (si placet Christi verbis vtj) Pater & Filius sunt vnum: sunt ergo vnus Deus, Ioan. 10. & Dominus vnus, quod Syrus interpres commodè obseruauit. Analogia verò membrorum in hoc versu, omnino vincit hæc ita accipi oportere. Vt enim quum

Iesus Christus appellatur *unus Dominus*, Pater non excluditur, sed vnum commune dominium sanctè intelligimus Patris & Filij: sic e diuerso, quum *unus Deus* appellatur Pater, non excluditur Filius, sed vna communis deitas intelligenda est: quam analogiam suprà in segmento 2. Irenæi & Origenis verbis ostendimus. Stabilitur ergo, non infirmatur symbolum Athanasij, & Nicænæ Synodi sententia, huius loci, quem obijcis, cōparatione. Secundi loci Ioan. 17. eadem ratio. Ac primùm quidem figura dictionis te, Samosatene, falli res ipsa loquitur: nam illa verba, *esse solum verū Deū*, communia sunt vtriusque membri, quam figuram populariùs (si placet) expresseris in hunc modum, *Hec est vita aterna, ut cognoscant te, & quem misisti Iesum Christum, esse solum illū verum Deum*, personas quidem distinctas, sed in essentia tamen vnitatem. Verumtamen etiam si res non ita esset, vt dicimus, sed hoc attributū de Patre solum in eo loco prædicaretur: quæ noua sciētia, quæ ars te, Samosatene docuit ex particulari siue determinatione aliqua restringente rationem cōmunis diminui aut dilatari oportere? Hoc certè nouum & inauditum axioma est, *Deus Pater est solus verus Deus, ergo Deus Filius non est solus verus Deus*: nam Pater & Filius sunt vnum, id est, vnus Deus, qui solus est verus Deus. Cur ergo dicitur *solus*? Nempe dictione *solus*, nō opponitur categorematicè persona vna alteri quæ essentiā diuinā communicet: nam prædicatum, *solus verus Deus*, ad essentiam respicit quæ prædicatur de Patris persona, quæ persona est Deus, & ea quidem deitate quam habet solus verus Deus: sed Deus solus verus omnibus falsis opponitur, qui verè non sunt, sed falsò dicuntur dii, vt præcedente loco distinxit Paulus. Quapropter etiam Christus simpliciter non dixit, *solum Deum*,

Deum, sed *solum verum*, vt falsos omnes Deos exclu-
di hac voce *solus* ostenderet syncategorematicè. Tu
verò, mi Samosatene, si te iuuat fallaciam diuisionis
& compositionis struere, dicendo voluisse Christum
aliud, nempe, vt *te solum cognoscant esse verum Deum*, &
ad solam personam Patris restringere, quid assequêris?
nempe concludes Christum non esse verum Deum.
Ergo falsum Deum, ergo non Deum esse dicito; nec
porrò tergiuersatione vtitor. Absit, inquires, vt hoc di-
cam: sed verum Deum accipio pro essentialiter Deo,
qui natura sit Deus (is autem est Deus Pater) & huic
vero Deo oppono Deum factum, nimirum Christum
(quem Deum & Dominum fecit Pater) & quorquor
dij falsi sunt. Horreo audiens, vel cogitans: sed ad rem.
Nonne vides, Samosatene, te hoc pacto nomen illud,
verus, semel positum in ynica sententia accipere æqui-
uocè? Nam ex contrarijs cōtrariorum naturam disci-
mus. Vero autem statuis contraria duo, id est, essentia-
li, vt tu interpretaris: huic factum, & falsum opponis,
id est, quorum prior Deus est, at non essentialiter; po-
sterior non est Deus. Hæc autem non sunt in eodē ge-
nere: contrarium igitur, *verus*, æquiuocum est tibi, se-
mel dictum, & in vno eodémque membro. Hæc qui-
dem certè inaudita Logica. Deinde si Christum Deum
factum putas, an non verum Deum propterea putas
quòd factus sit? Hoc verò, mi homo, nulla ratione,
nullo exemplo confirmaturus es, nulla auctoritate
scripturæ. Etenim cum multa esse vera nouimus quæ
non sunt essentialia, tum nihil a Deo factum quod non
sit verum, & verum a nobis haberi oporteat. Sed de
veritate deitatis in persona Christi retinenda, commo-
dè in primum caput Ioannis dicturi sumus. Concludi-
mus ergo vnum illum Deum Israëlitis testamēto vctere

& nouo annunciatum verè vnum esse vnitatem essentię, quam affirmas: sed eandem vnitatem Trinitati personarum, quam ex Scripturis didicimus, minimè aduersari, quàmque orthodoxi illi prisci Patres & homines nostri vno consensu tradiderunt. Ac propterea gratias Deo vni trino agimus, quòd se nobis tam gratiòse reuclarit, rogamusque vt de salute multorum ab ipso aberrantium deinceps eas ampliùs possimus agere per misericordiam ipsius.

SAMOSATENVS.

*Q*uo autem melius mentem meam possis perspicere, proferam adhuc aliquot locos ex monumentis diuinis, quamui sint innumeri, de vno & eodem vero Deo. Horum primus est Ioannis 8. quum Christus Iudais inquit, Quem vos dicitis Deum esse vestrum, is Pater meus est. & Act. 3. Deus Patrum nostrorum, Deus Abraham, Isaac, & Iacob, excitauit Filium suum. Romana autem Ecclesia & eius affecla negant Patrem esse Deum Abraham, Isaac, & Iacob, & loco huius vnius Deum trinitatem collocant: immo sacrilegium committi putant, si quis solum Patrem Iesu Christi fateatur esse Deum Abraham, Isaac, & Iacob. Hoc autem, si Trinitas indiuidua esset, inde sequeretur, quòd Christus Iesus homo esset suus ipsius pater & Abrahami pater. Itaque iam quaternitas, ac non Trinitas constituta est.

ORTHODOXVS.

*I*dem saxum versas, Samosatene, quòd paulo cõmouisti antea. Responsio eadem. Quid in re probata & confessa ampliùs probanda operam consumis? De vno & eodem vero Deo, inquit. Hunc nos æquè predica-

mus

mus actus: credimus melius quàm tu: spondere audeo. Ergo vnus Deus est, vna essentia Dei: hætenus inter nos conuenit. Si vnus, indiuisus est: & de hoc conuenit. Sed hoc affectas, hoc nos docere vis: Si vnus, ergo indistinctus personis vel hypostasibus. Negamus consequentiam: & iustè negari segmento 3. antè docuimus. Sed probationes audiamus. *Christus Iudæis dixit, Quem vos dicitis Deum esse vestrum, is Pater meus est. & Act. 3. Deus Patrum nostr. &c.* Hinc sic argumentaris, iudicio meo: Deus Patrum, Deus Abrahami, Isaaci, Iacobi, & Iudeorum Deus est Pater Christi: Trinitas non est Pater Christi: Trinitas ergo non est illorum Deus: sed e conuerso, Pater Christi est essentia & persona vnicus: Vnicus igitur est essentia & persona illorum Deus. Maiorem non grauati daturus essem, si commodè intelligeretur. Sed tria sunt tamen, quæ in ea cogimur desiderare. Primùm enim vitiosa est propositio, in qua singulare de communi prædicatur. Illud autè, *Pater Christi*, singulare est personæ: *Deus Patrum*, &c. commune Patris, Filij, & Spiritus sancti. Vt ergo iusta sit Propositio, conuersis terminis dicendum est, *Pater Christi est Deus Patrum*, &c. atque ita se habere propositionem Christi verba Ioannis demonstrant luculentissimè, in quibus subiectum propositionis illud est utroq; membro: *Pater meus est*, inquit, *qui glorificat me, quem vos dicitis Deum vestrum esse*. Subiectum propositionis est *Pater*, prædicatum *Deus vester*: quod te non vidisse miror. Secundò iniqua est argumentandi ratio a dicto secundùm quid (vt loquuntur) ad dictum simpliciter, ab eo quod secundùm relationem dicitur ad dictum absolutè, cùm relatio sit personarum, enunciata verò de essentia absoluta sint, vt antè ostendimus: aut etiam (si mauis) ab affirmatione particularis ad negationem

communis: *Pater est Deus; ergo nec Filius, nec Spiritus sanctus Deus est*: tamquam si dixeris, Petrus est homo, vel est Apostolus; ergo Ioannes, Iacobus, Paulus, non sunt homines, vel non sunt Apostoli. Relatè autem illa verba dici qui non videt, cæcus est: qui videns negat, impudens. Nam persona Christi est quæ loquitur, & loquitur de Patre suo: relatè igitur de Patre & Filio. Terriò restituta maiore per conuersionem, quam fieri demonstrauimus oportere, nihil efficitur vtraius argumentatione, quam antè adduximus. Priore nihil, quòd dicitur, *Trinitas non est Pater Christi*: ergo. nam in prima figura syllogismorum, vt loquuntur Logici, nihil sequitur, quum minor negatiua est: & meritiò, quia prædicatum latius subiecto oportet esse: ex remotione autem subiecti (quòd est angustius) vel positione illius, non potest generis aut communioris prædicari fieri iustè remotio; vt tu, Samosatene, per nouam quamdam Logicam vidèris facere. Posteriore cõsimiliter nihil assequèris: nam vt illa duo taceam quæ antè posui, maiorem vitiosam esse; tum si conuèrteris, non sequi ex particulari negationem communis: id etiam accedit, quòd iniqua est argumenti forma atque incosequens, quia in tertia figura & syllogismo expositorio (qui partus est illius) nulla vnquam ratione potest vniuersalis esse conclusio, aut vniuersali consonans. Quid ergo istis miseris argumentationibus facias? Vt eas reformes in melius, Deum oro vt te reformet sapientia & misericordia sua. Quæ postea dicis, Samosatene, verba sunt: *negari a nobis, Patrem esse Deum Abraham, Isaac, & Iacob*: falsum crimen, & a malitiosis auctoribus confictum. *nos loco vnius Dei Patris collocare Deum Trinitatem*: falsum, nam & persona est vna Trinitatis Pater, & extra relationem personarum vnus est sanctæ Trini.

Trinitatis locus (vt tuis vocibus vtamur) quia Deus est vnicus in vnitae & infinitate essentiae suae. *Putare nos commisti sacrilegium, si quis solum Patrem Iesu Christi fateatur esse Deum Abraham, Isaac, & Iacob: captiose dictum.* Nam si *solum* illud tuum opponis dijs opinabilibus aut creataris omnibus, non est sacrilegium: nam solus ille Deus Pater, in quo est Filius & Spiritus sanctus vnitae essentiae infinitae atque indiuisae; ille solus est Deus: si personam Patris opponis personae Filij, vt excludatur dictione *solus*, hoc demum sacrilegium esse agnoscimus: in quod tu, Samosatene, ruis miserrime, quum ex diuersitate personae diuersitatem struis essentiae. Quid autem? nonne vides ex illis ipsis locis, quos adducis, contrariam tuam sententiam, id est, orthodoxam nostram confirmari? at tam clarè & apertè id loquuntur verba, vt ipsi Iudaei senserint, viderint, inuiderint, & de lapidatione ipsius (vt antè cap. 5.) cogitauerint. Nam & Patris nomen habetur & Filij. *Quisquis autem verè est pater, is verè gignit filium eiusdem se-cum essentia, quamuis persona distinctum diuersumque; & contra quisquis verè filius, eadem essentia verè est genitus, persona alius, non aliud essentia: Pater autem verè est pater Filij, & hic vicissim Filius Dei Patris: ergo Deus Pater & Filius eadem essentia sunt, persona distincta.* Recurres, scio, ad æquiuocationem, qua verissimum hoc argumentum putas eludere: at nos in diuinis æquinocationem hanc negamus esse, in nostris concedimus. Exemplo dissimilimo certissimam argumentationem nunquam dissolueris. Postremò absurdus pugnas, in hunc modum, si quis tamen modus est argumentationis tuae: Si Trinitas, inquis, indiuidua est, Iesus Christus homo est pater suus: est pater Abrahami: denique iam quæritas, ac non Trinitas est. Negamus consequentias

tuas, Samosatene, cum nullo iusto medio antecedenti aptari possint. Verbi gratia, ut primum absurdum obtineas, sic statuis: *Trinitas indiuisa est* (hoc enim malo quam indiuidua, ut caueatur æquiuocatio) & *re mirum ipsa & operatione: quod ergo est vnius personæ, idem & alterius*. Ex hac arena prosyllogismi tu: huncnectis alterum: *Pater est pater Iesu Christi hominis: ergo Christus Iesus homo est Pater suus*. Quam multis modis peccas, Samosatene, dum tibi ipse vidēris sapere! Primum capiosa est propositio, *Trinitatem indiuisam esse*: quam alioquin propriè simpliciterque sumtam concedimus atque affirmamus religiosissimè: Atque hoc modo sumta nihil ad tuam mentem argumentationemque pertinet. Tum *operationem indiuisam esse*, ut essentia indiuisa est, ex parte negatur, ex parte datur. Nam operationum aliæ sunt essentielles, aliæ personales & œconomicae: omnes binis terminis circumclusæ, a quibus distinguuntur & diuisionem habent: nempe termino a quo, (ut vocant) & termino ad quem. Essentiales sunt, quæ a termino cōmuni proficiscuntur, id est, ab essentia Dei, & in termino cōmuni desinunt, id est, in creatura Dei. Hoc genus Patres, breuitatis causa commodatiusque, opera ad extra nominabant. Personales vel œconomicae duū sunt generum: nam aliæ terminū vtrumque singularem habent, aliæ a termino singulari ad communem deferuntur. Terminus singularis est persona vna: modus operationis œconomia vel dispositio Patribus dicta est, alijs etiam dispensatio. Prius œconomia genus ad ea opera pertinet quæ ad intra vulgo appellantur. Hæc autem opera illa sunt, quæ intus persona vna deitatis in alteram nullo foris interueniente medio operatur: ut Pater gignere & mittere Filium, Pater & Filius Spiritum sanctum spirare dicitur & mir-

&mittere. Posterius genus œconomię ad ea opera per-
 tinet quę ad extra quidem sunt, sed tamen suum habēt
 terminum operationis ab vna aliqua persona sanctę
 Trinitatis secundum rationem illius œconomię: siue
 in quibus principium actus est virtus diuina commu-
 niter ad omnes personas se habens, terminus autem
 est persona. qua ratione Patrem Creatorem, Filium
 incarnatum, & Redemptorem, Spiritum sanctificantē
 appellamus, & similia multa. Hęc enim opera etsi a
 communi principio operante, id est, ab essentia ma-
 nant, tamen commodē etiam præeunte Scriptura se-
 cundum principalem terminum (vt ita loquamur)
 distincta sunt. Ergo & personales actiones secundum
 se diuisas esse inter personas iā vides, & in ijs quę essen-
 tiales sunt, etiam distinctionem a Scripturis sacris se-
 cundum principalem terminum adhiberi. Quod si est
 (vt profectō est) quis sanus hanc tuam propositionem
 concesserit? Prætereā omissio antecedente, consequens
 illud tuum, Samosatene, verum negamus esse, nec vl-
 lo iusto medio probari posse. Si quod enim est, hoc cer-
 tē futurum est, *inter ea quę indiuisa sunt, omnia sic esse
 communia, vt quicquid opus vnius est idem sit alterius.* At-
 qui hoc ipsum medium falsum est. Nam, exempli cau-
 sa, in homine corpus & anima indiuisa sunt: an verō ti-
 bi, Samosatene, tam vidēris corpore aut calcaneo co-
 girare & ratiocinari, quàm mente? corpus vnum est:
 an continuō tam vides auribus quàm oculis? an æquē
 postica corporis tui parte articulīsve pedū quàm nari-
 bus odoraris, aut prendis manibus? En tibi vires pro-
 syllogismi tui. De syllogismo, quid? *Quod est, in-*
quis, vnius persona, idem ē alterius. Negare possem in
 alijs rebus: in hoc argumento si rectē intelligitur, con-
 cedo dictum. Rectē autem intelligitur, si distinctionē

hanc adhibueris, verum esse dictum, extra quàm si de ratione personę siue personalitatis (vt vocant) & rerũ personalium egeris. Hac enim exceptione sublata, non iam duę personę, sed vna persona dicenda est. Hic verò, amabo te, attende ad assumptionem tuam. *Pater*, inquis, *est pater Iesu Christi hominis*: quid magis personarum definitiuum est, quàm Patrem & Filium appellari? hoc autem nos excepimus; & pueruli, quum primum ratiũcula abuti possunt, excepturi essent, si apud eos argumentareris hoc modo. Nam proprium est patris, vt sit pater: filij, vt filius. ita est apud nos. Deinde illud tuum, Samosatene, additamentum *hominis*, quid ad rem facit? Nam siue intelligas, qui est homo, siue quà homo, vtrumuis dixeris, æquè claudicat tua argumentatio: mera plocis, non verus syllogismus est. Valeat igitur conclusio tua, & prout falso tibicine & confuso fultra est, vel te iudice sinatur ruere. Ad alia veniamus. Sequentia absurda duo ab eodem fonte, eodem modo, id est, ἀσυνλογίᾳ profluxerunt. Ergo, inquis, *Iesus Christus homo est pater Abrahami*. Negatur consequens ex mente tua intellectum, vt antè: falsum enim. Quòd si tibicinem illum tuum aduocaueris, vt facis, eundem modò nos, te vidente & dolente, subruimus. Quid ergo miseris tuis argumentationibus facias? quid ambiguis enunciatis & versatilibus? nam quum dicis, *Iesus Christus homo est pater Abrahami*, illudis ambiguo. Etenim *Iesus Christus homo*, id est, qui homo est, idem est *Abrahami pater*: nimirum quà Deus est. Nam Deus Pater noster est omnium; secundùm naturam, omniũ hominum; secundùm gratiam, electorum. Sed *Iesus Christus homo*, id est, quà homo, non pater Abrahami, sed filius eius dicendus est: quod Apostolus quàm plurimis in locis dicit, *secundùm carnem*. Vtrum.

Virumque rectè de eodem, sed non ratione eiusdem prædicatur. De altero absurdo, iudicium idem. Ergo, inquis, iam quaternitas, ac non Trinitas constabit. Quousque tandem nos, Samosatene, amplissima illa mysteria mediâq; abstrusissima tuarum argumentationum celaturus es? excute sinum tuum, & opes effunde ingenij tui, vt aliquo saltem contextu rationum istarum collustremur. Vnde enim conclusio hæc? si ex antecedentibus principijs, euersa sunt: si ex alijs, at ea mersa sunt in tuo pectore, neque ex vlllo tuarum literarum vestigio a nobis quidem deprehendi possunt. Verumtamen sic mihi vidèris argumentari: *Trinitati vnum si addideris, est quaternitas: Isti autem homines Trinitati personarum, quam eternam in diuinis statuunt, addunt vnum, Iesum Christum hominem: est igitur quaternitas.* Fallacia multiplex. Primum ambigua maior, quia vnum indefinitè dicitur, etiam de re quæ iustam conuenientiam non habeat cum reliquis quæ simul ordinantur: quo sensu falsa est propositio. Nam tribus hominibus vnà stantibus si scamnum admovebitur, non est propterea dicenda quaternitas, cum rerum conuenientium, ac non alienarum instituaturs comparatio. Sed illud concedimus, Trinitati personarum vnâ si addideris, tum earum quaternitatem esse. Minor verò propositio alium terminum adfert, ex quo exsurgunt termini quatuor in ista argumentatione, & simul falsa est, ne longiores simus. Falsum est, Trinitati personarum addi a nobis Iesum Christum hominem: nam Iesus Christus ille, qui idem homo est in assumpta natura nostra, ac non alter, de illa Trinitate est, secunda persona eternum genita a persona Patris. Malè autem eadem secunda persona & quarta dicitur, vt quaternitas falsò nobis impingatur. Personam vnâ esse & indiui-

sam credimus: quomodo ex vna faciamus duas? Termini quatuor sunt in ambiguo loquutionis, quum Samosatenus dicit, *Iesum Christum hominem*. Nam si intelligit, Christum qui est homo, negamus personam vnā Trinitati additam, vt modò diximus: si Christum quā homo, id est, humanitatem Christi intelligit accessisse: primū negamus accessisse, assumptam dicimus: secundò negamus a Trinitate assumptam, a persona dicimus assumptam in vnitatem personæ: tertio negamus humanitatem personam esse, sed tantū naturam *ἐνυμώσαν*: postremò negamus humanitati Christi eam conuenientiam esse cum deitate & sancta Trinitate, qua simul ordinari cum ea ex æquo possit, vt dicatur quaternitas. Si enim humanitatem hanc, quamuis adunatam personaliter, cum diuinitate personæ Christi nullo pacto comparari posse iudicamus, qui singularem illam vnionis gratiam admiramur: qua fronte dicemur eam Trinitati personarum addere, & quaternitatem efficere? Conclusio igitur falsa, nugæ magis theatri redolens, quàm deriuus fluens sapientiæ.

SAMOSATENVS.

6.

ITEM Apostolus Colossens. 1. *Christus, inquit, est imago Dei inuisibilis. & Hebræ. 1. Christus est splendor gloria Dei, & figura substantiæ eius. Trinitarij vero contra Christus est, inquit, ipsemet Deus inuisibilis, & illa ipsa Dei substantia. Ergo secundum Theologiam istorum Deus ipsemet & imago Dei sunt idem: quæ duo tantum inter se differunt, quantum cælum & terra. Itaque cælum terre miscunt isti Theologi, quum filium altissimi habent pro ipso altissimo, cum ipsa etiam Scriptura hic constituat discrimen maximum.*

ORTHO-

ORTHODOXVS.

Quæ duo testimonia hoc loco, Samosatene, ex Scripturis adfers, sunt metaphorica: ideóque ad proprium loquutionis & interpretationis modum reuocanda, vt iusta existet eorum interpretatio. De vtroque, si placet, videbimus. Ex priore loco sic argumentaris: *Quod expressum est imagine, & imago exprimens, non sunt idem: Christus est imago Dei inuisibilis: Christus ergo & Deus inuisibilis non sunt idem.* Maior si fiat vniuersalis, negatur simpliciter: si indefinitè acceperis, ex puris particulari-
 bus nihil consequéris. Sed vt ampliùs rem & rudiùs demonstramus, hæc ipsa maior, prout indefinita est, opus habet distinctione, cum ex parte vera & ex parte falsa sit: præterea æquiocationem habet vitiosam. Distinctio pendet ex *imaginis* intelligentia: nam imago aut perfecta, aut imperfecta est. Perfecta est, cui nō deest aliquid quod insit illi de quo expressa est, sed ei respondet similitudine plena & æqualitate simul. Atque hæc mens fuit Hilarij, quum diceret, *imago est eius rei* Lib. de
ad quam imaginatur, species indifferens. Hęc enim imago synod.
 essentialis est, in identitate (vt loquuntur) naturæ posita. Imperfecta imago est, quæ non perfectè respondet exemplari de quo expressa est, sed aliqua similitudine, ac non secundum æqualitatem plena. Æquiocatio verò in nomine, *idem*, manifesta est. Nam aut idem essentiâ dicitur, neutro genere; aut idem personâ, masculino. Secundum illud perfectum genus imaginis exemplar & imago sunt idem essentia, *unum sunt*, vt Ioan. 10.
 loquitur Christus; quamuis non idem persona aut subsistentia: Secundum hoc imperfectum, vtroq; modo vera est propositio, hoc & illud non esse idem: nam quæ huius sunt generis, ea propriè non sunt idem, sed tantum æquiuocè. Hinc facilis est minoris propositi-

tionis intelligentia: præsertim si hoc animaduertamus quod citra omnem exceptionem est verissimum, in rebus diuinis nihil nisi in summa absolutissimâq; perfectione iustè cogitari, credi, aut dici posse: Cùm autē hīc res planè diuinæ agantur, propterea imaginem nō istam imperfectam & rudem, sed illam perfectam absolutamque oportere intelligi. Secundum hanc ergo rationem *Christus est imago Dei inuisibilis*, alius a Deo Patre secundum personam (imago quippe est) non aliud secundum essentiam, sed idem cum Patre: nam imago perfecta est. Imago igitur Dei (vt cum Augustino loquar) est in filio primogenito ipsius Christo, sicut imago regis in filio eius est, cōmunis naturæ cum patre, secundum rationē perfectæ imaginis: in homine autem est imago Dei sicut in natura aliena, vt imago Cæsaris in denario, vel regis in nummo argenteo, secundum imaginis imperfectæ modum. Cōclusionem ergo accipio rectè intellectam, & sublata ambiguitate. Nam Christus & Pater Deus inuisibilis non sunt idem, masculino genere: nō sunt vna eadēque persona. Sed diuerso genere veram esse nego, si quis dixerit non esse Patrem & Filium essentia idem; cū Christus apertè dixerit, *ego & Pater vnum sumus*. Ex posteriore loco vidēris sic argumentari: *Qui splendor est gloriæ alterius, & figura substantiæ eius, nō est idem cum illo: Christus est splendor gloriæ Dei, &c. non igitur cum Deo Patre idem*. Non est ouum ouo similis, quā hęc argumentatio præcedenti proximè: & solutiones eadē planè, si modò ista figuratè dicta ad loquutiones proprias commodè reuocentur. Nam primū maiorem propositionem illam si vniuersè acceperis, falsa est: si indefinitè, nulla est argumentatio. Deinde vt imago, sic splendor gloriæ aut perfectus, aut imperfectus est: perfectus, essentialis,

Ioan. 10.

tialis, similis principio suo cum æqualitate: imperfectus contrā. Præterea in nomine *idem*, eadem æquiuocatio, quam supra ostendimus. Postremò minoris eadem ratio: ergo & conclusionis est. Id tamen observatione dignum, secundi similis interpretationem Græcorum verborum fidei non satis respondere, *καὶ ἐκ τῆς ἑνότητος αὐτῆς*. Nam primùm *hypostasis* aut essentiam significat, quod isti volunt, aut subsistentiam, hoc loco: non autem essentiam simpliciter, sed essentiam determinatam in vno indiuiduo, Patre: dicit enim, *hypostaseos eius* Essentia autem determinata in vno aliquo indiuiduo nihil aliud est quàm hypostasis vel subsistentia, quam nos (si quidem est ratione prædita) personam appellamus. Et substantiæ nomen ambiguū est plus satis in hoc argumento. Deinde verò *character* quam figura dicitur, non satis vis vocabuli illius exponitur. Est quidē omnis character figura, vt omnis imago (inquit Augustinus) similitudo est: sed non omnis figura character. Quemadmodum ergo ad similitudinem, vt rectè imago circumscribatur, duo oportet adijcere: vnum, vt ad exemplar expressa sit cuius imago est: alterum, vt æquiparata sit exemplari suo, si perfecta imago & essentialis est: sic etiam ad figuram siue imaginem (figura enim latiùs patet imagine) vt rectè character circumscribatur, illæ ipsæ proprietates duæ omnino sunt adscribendæ; vt sit expressus ad archetypum & principium suum, & vt adæquatus perfecti usque essentialiter. Ex quo fit illud tertium, vt possit *καρὰ ἑαυτὴν*, id est, res alias foris notet eadem imagine, càmque illis imprimat, quamuis non adæquata similitudine & perfecto illo modo quem antè definiuimus. Optimè igitur & proximè verba Apostoli rem totam expresse, vt fecerunt nostri, *character subsistentia vel persone*

illius; & horum certissima est illa, quam attulimus, interpretatio. Postremò autem, Samosatene, bellè tenobis putas illudere, quum dicis *Theologos istos calum terram miscere, quum Filium altissimi habent pro ipso altissimo*, &c. Argutè sanè, pro more: neimpe *Filius non est Pater, Pater est altissimus, Filius ergo non est altissimus*. Siccine argumentaris, mi homo? ad eòne peregrinantur in literis aurès tuæ, vt dictum illud nescias, Ab eo quod inest per se, ad aliud quod per accidens, non valere consequentiam? exempli causa, Filius non est pater, Dionysius Siculus pater est tyrannus, filius ergo nō est tyrannus. Quin potiùs id respicis, essentialia filij & patris esse communia, & ad personalia solùm, id est, sua siue characteristic Græcis dicta, suas certas distinctiones pertinere? Quum ergo dicis, Filius non est Pater, ad personalia restringitur tota propositio, estque verissima, quia propria de suppositis dicuntur per se: est autem proprium Patris, quòd sit Pater; & Filij, quòd filius. Quum autem dicis, Filius non est quod Pater, secundum personam verum est: respectu verò essentia falsum; nam communis est vnicaque essentia Patris & Filij, proinde secundum essentiam Filius est quod Pater. Pater autem est secundum essentiam altissimus: ergo & Filius. Nam hoc attributum absolutè de essentia prædicatur, vt commune essentia; non autem relatiuè de persona, tamquam personæ vnus aut alterius singulare.

SAMOSATENVS.

7.

Sic quoque *1. Cor. 3. omnia vestra sunt, vos autem Christi, Christus autem Dei. item 1. Cor. 11. velim vos scire caput mulieris esse virum, & caput viri Christum, caput verò Christi Deum. Romana autem Ecclesia & similes ei, profi-*
entur

tentur Christum esse eiusdem essentia, maiestatis, gloriaq; cum Deo. Negant igitur Deum esse caput Christi, potiusque ipsis patribus credere & in eorum acquiescere auctoritate malunt, quam expressis Apostoli verbis apud se locum dare. Sed his verbis rogo ne commovearis, si falsam nomino doctrinam illam: nam Christo cupio adharere.

ORTHODOXVS.

EIDEM lineæ insistis, Samosatene, eadē recoquis. Qui alterius est, inquis, non est eiusdem essentia, maiestatis, gloria, cum eo cuius esse dicitur: Christus est Dei Patris non ergo eiusdem essentia, maiestatis, & gloria cum Patre. Propositio maior ambigua, plurib. interrogatis abundans, adeoque falsa est, ex elenchi ignoratione. Ambiguum est, alterius esse, siue haberi ab altero, quod tute non nescis: atque hoc determinari a te oportuit. Quod si de dominatu accipis (ut facere puto) malè coniungis disparia, essentiam nempe cum maiestate & gloria. Nam quis homo tibi hoc concedat, qui est alterius, eū non esse eiusdem essentia cum eo cuius dicitur? Homo hominibus præest, rex popularibus, parentes etiam liberis: an hi verò tibi nō videntur communicare essentia? fabulæ. De maiestate & gloria, iudicium differens, quia maiestas & gloria Christi secundum aliud & aliud est differēs. Nam si de diuina maiestate & gloria essentiali, quæ a natura est, egeris, ea cōmunis est trium personarum in vnitate essentia. Et quidni ita se habeant a natura inter se personæ, cū etiam homines in societate ex pacto æqualitate sibi deuincti sint? καὶ ὁ ἰσχυρὸς καὶ ὁ ἀσθενὴς, inquit ille. Sin autē de maiestate & gloria quam habet Mediator Dei & hominum Iesus Christus homo, quum exinaniuit semetipsum per dispensa-

tionem voluntariam assumpta carne, & humiliavit sese altissimus susceptis perpeſſionibus ad salutē nostram, vt in persona sua secundū eandem naturam gloria & honore coronatus eſſet; non eſt proſectō Filius eiusdem cum Patre maiestatis & gloriæ secundū hanc dispensationem voluntatis suæ. Alia eſt naturæ gloria, alia voluntatis. Naturæ illius gloria in Christo infinita eſt, diuina enim: Voluntatis verò, secundū quam dispensauit abiectionem suam, diuinæ eſt proxima, pertinens ad naturam humanam ipsius: hanc verò humanitatem non a natura habuit, quia Filius Dei eſt, sed ex voluntate assūſit ad dispensationē salutis nostræ: atque hæc humanitas non in se propriē gloriam diuinam habet, sed in persona ex vnionis gratia; in se verò diuinę proximam ex habituali gratia, Angelorūque omnium gloriam longissimē superantem. Summa, naturalis gloria, personæ eſt & suppositi (vt vocant) secundū diuinitatem per se, & secundū humanitatem per vnionis gratiam: dispensatiua verò & habitualis gloria, eſt naturæ humanæ eius. Falsum igitur enunciatum eſt, quācumque in partem velis conuertere, qui eſt alterius, cum non eſſe eiusdem eſſentiæ, maiestatis, & gloriæ cum eo cuius eſt: negamus, & negat veritas.

Eandem verò ambiguitatem in minore facilē animaduertit, quiſquis ad ea quæ modò annotauimus volet attendere. *Christus eſt Dei Patris*, inquis. Tolle ambiguitatem verbi eſſe: plana erunt omnia, elenchus euident. Si ita ſentis, vt filius meus in mea, id eſt, patria poteſtate eſt, aut vt poſſeſſio in poteſtate poſſidentis, ſic Christum eſſe in Patris poteſtate; opinio falſa: nec poteſt confirmari exemplis diſſimilibus. Secundū naturam deitatis eſt inter Patrem & Filium æqualitas: vt Filius eſt Patris, ſic Pater eſt Filij: quod ipſe

ipse Filius apertè pronunciauit dicens, *quæ mea sunt*, Ioan. 17.
omnia tua sunt, & quæ tua sunt, mea. Discrimen illud est,
 quòd Filius est Patris, & a Patre: non autem Pater a Fi-
 lio, quamuis sit Filij. Restat igitur, vt secundùm dispe-
 sationē voluntariam Christus Dei Patris dicatur esse:
 primùm secundùm suppositum, vt est *θεοῦ υἱός* Me-
 diator Dei & hominum, voluntariè nos adiungens sibi
 ad consummationem salutis nostræ: deinde secundùm
 naturam assumptam, prout conditio naturæ humanæ
 est Deo subiecta: postremò autem secundùm corpus
 Ecclesiæ, quod sibi tamquam capiti adunauit suo san-
 guine comparatum. Atque hanc germanam esse men-
 tem Apostoli tum institutus sermo commonstrat eui-
 dentissimè, tum verò illa ipsa gradatio, quam tu, Sa-
 mosatene, adduxisti. *Omnia*, inquit Paulus Ecclesiam
 compellans, *vestra sunt*, nimirum vt corporis: *vos autē*
Christi, vt capitis: *Christus verò Dei*, vt Patris, qui mi-
 sit ipsum ad salutare Mediationis opus perfungēdum.
 His bene obseruatis, tua illa, Samosatene, conclusio
οἵ τε καὶ. Secundi loci, qui a Samosateno adfertur,
 ratio eadem, & eodem responso diluenda. Et si minus
 hoc loco quàm illo dicitur: nam in priore agebatur de
 illa dispensatione diuina, quæ indefinenter in Ecclesia
 obtinet; in posteriore verò habetur sermo de ordine
 aspectabilem Ecclesiam decante, quia dispensatione
 illa maximè profectus est, prout vltimo gradationis il-
 lius membro ostenditur. Alioqui conueniunt omnia.
 Verissimè igitur, Samosatene, vtrumque affirmamus,
 quod tibi ad lapidem offensionis allidenti videtur mi-
 rum: nempe tum vnā eandēmq; essentiā, maie-
 statem, & gloriā esse Dei Patris & Christi: tum Deum
 Patrem Christi caput esse. Nam illud secundùm deita-
 tem personāmq; diuinā ita est; hoc verò secundùm

dispensationem gratiæ, & naturæ humanæ in Christo veritatem. Quod quum asserimus, non soli auctoritati nonnullorum Patrum, ut putas, sed consentienti Apostolorum & Prophetarum fundamento, quod tenuerunt Patres, sanctè acquiescimus. Quin commoueamur tuis illis dictis, certè nō possumus, si pij sumus & amantes Dei: sed ita commouemur secundum Deū amore illius, ut eodem quoque amore Christi & charitate erga te, a commotione quę possit offendere, studeamus abstinere. Addat ille miserationum Pater benedictionem suam e cœlo gratiosissimè, & animum, os, manum, te denique totum, & errantes socios a tantis malis vindicet.

SAMOSATENVS.

8.

ITEM Ioan. 5. *Sicut Pater habet vitam in seipso. sic dedit & Filio habere vitam in seipso.* & Ioan. 17. *Pater, quos dedisti mihi, velim ut ubi sum ego, & illi sint mecum, ut conspiciant gloriam illam meam quam dedisti mihi. Filium autem, cum sit eiusdem aternitatis & maiestatis cum Deo, nihil omnino ab eo accepit, nec vitam, nec gloriam: hac a se habet omnia. Hic rursus vides, quæ Christus affirmat, et negare Antichristum.*

ORTHODOXVS.

ARGVMENTVM aliud. *Qui eiusdem aternitatis est & maiestatis cum Deo, nihil omnino ab eo accepit, non vitam, non gloriam: Filius eiusdem aternitatis & maiestatis est cum Deo: nihil ergo accepit ab illo. Est autem falsum consequens, ut Christus ipse disertis verbis affirmavit: Falsum igitur antecedens. Maiorem, Samosatene, de indu-*
stria

stria facis æquiuiocam, vt nectas argumentationem tuam. Deum non ignoras a nobis aut absolutè de essentia dici, quæ est ipsa sancta & adoranda Trinitas, aut relatè de vna aliqua persona Trinitatis, Patre, aut Filio, aut Spiritu sancto. Si ergo Deum absolutè intelligis, negamus vllum subiectum exstare, aut vnquam exstare posse, quod sit eiusdè æternitatis & maiestatis cum Deo: frustratoria est igitur tota ista argumētatio. Quid enim hîc nobis disputas de eo quod non est, neque futurum est, & de proprietatibus conditionibûsque eius? Sin autem relatè Deum acceperis, maiorem pernegamus: est enim tam falsa quàm quod maximè. Nam Filius esse a Patre accepit: Cùm autem quicquid in Deo est sit Deus, & sit esse ipsius, quod Filius a Patre habet; omnino sequitur æternitatem, maiestatem, gloriam, & siqua sunt alia quæ voles Filium a Patre accepisse. Probatum verbis Christi quæ adducis ipse: probatur Filij appellatione, in hunc modum: *Quisquis filius est, a patre suo est, & cum patre essentia idem: Christus autem filius Dei est: igitur a Patre est, cum Patre essentia idem.* Quicquid autem in Deo est, id est essentia & esse ipsius: quomodo igitur essentiam illam simplicissimam diuiseris, vt partem Filius a Patre, partemque non accepisse dicatur? Negas totum? Filiū ergo Patris esse negas: nam sine hoc non est Filius. Est autem Filius Dei Patris: ergo æternitatem, vitam, maiestatem, gloriam, &c. a Patre habet diuina generatione & communicatione essentia. Hoc qui sentit, si cum Antichristo sentire & Christum negare dicitur, certè falsò nec sine contumelia dicitur.

SAMOSATENVS.

9.

ET Rom. 16. *Soli sapienti Deo sit gloria per Iesum Christum.* VVolfgangus verò Musculus in primum caput Ioan-

K 2

nis, Deus, inquit sine Christo nec sapiens est, nec potens. Item, Deus Pater nihil potest facere sine Filio suo. Omiserrimam Theologiam, qua Deum sapientia & omnipotentia spoliatur, eumque remittit ad Filium, quotiescunque sapientia aut omnipotentia opus habet. Non me hic afficiunt iniuria, sed ipsum Deum & Christum illius, qui non erubuit fateri se omnia habere a Patre. Quomodo igitur omnia a Patre habet? quomodo Pater sine Filio nihil potest facere?

ORTHODOXVS.

HVIVSMODI est argumentatio: *Qui solus est sapiens, & potens, sine alio sapiens est & potens: Deus solus sapiens est & potens: ergo sine alio est sapiens & potens: tum, ergo sine Christo: quod negare Mulculus dicitur. Minor probatur verbis Apostoli. Totum prosyllogisimum, si rectè intelligitur, optima fide accipimus. Nam Deus in minore absolutè de essentia dicitur: Deus ergo essentia vnus, Pater, Filius, & Spiritus sanctus, solus sapiens & potens est. Sic recta est argumentatio. Verùm quia minorem hanc, Samosatene, non ita accipis, sed cōtrā ad personam restringis Patris, vt Filio oppositam, negamus hanc interpretationem tuam. Quinetiam itante ista interpretatione tua sic esset argumentandum tibi, quod non audes facere, nec faciet bonus quisquā: Si qui solus est sapiens & potens, nemo sapiens est & potens prater illum: Deus Pater solus est sapiens & potens: nemo igitur prater illum, ne Christus quidem. Omnino hæc blasphemia sequitur ex ista argumentatione. Ad summā, de Deo absolutè enunciatam argumentationem probabamus: de Deo Patre etiam non negamus, quia communis est sapientia potentiāque personarum in vnitate essentia, sed citra exclusionem personæ alterius: re-*
latè

latè verò atque oppositè negamus, vel eo argumento quod antecessit proximè segmento 8. quòd essentialia sunt personarum communia, sapientia autem & potentia sunt essentialia, cōmunes igitur. Sic falsum esse vides illud corollarium tuum, *si sine alio, ergo sine Christo*: quia non excluditur Christus ab eo quod commune est: si fit, commune esse desinit: sed excluduntur res omnes quas creauit & fecit Deus, supra quas omneis Creator euehitur. Probare conaris dictum verbis Apostoli Rom. 16. Hic verò, Samosatene, multifariā peccas. Nam primū voces disiunctas componis ad commoditatem argumenti tui: Non enim dicit Apostolus solum Deum sapientem esse, sed soli Deo, qui sapiens idem est, gloriam tribui oportere in secula. Præterea nomen *Dei*, quod essentialia est, personaliter accipis equiuocè, quum Deum Patrem opponis Filio. Tertio nomen *soli*, quod est syncategorematicum, præter veritatem exponis categorematicè, vt iam antè segmento 4. monuimus. Itaque tibi *solus Deus* perinde sonat ac si Patrem solitarium dixeris, cū Apostolus dicat syncategorematicè non esse alij quàm Deo gloriam de illo piorum stabilimento tribuendam. Quòd si fortè dixeris tibi idem esse, quum dicimus essentialiter, & personaliter: præterea ne a nobis quidem essentialiter accipi posse, quum oppositio sequatur Christi in eodem membro: tum denique a nostris in eum modū accipi: ad singula sic habeto paucis. Primum illud, quod caput est & arx doctrinæ vestræ, segmento 3. & 4. antè diluimus: & duas illas a vobis controuersas voces, essentialiæ & personæ, distinctas in hac causa seruari demonstrauimus oportere. Secundum negamus, *Iesum Christum* opponi Deo in vno & eodem membro secundum rationem personæ eius. Quod dico, ita se habet.

Christus in Scripturis oppositione relatiua bifariam dicitur, secundum naturam, & gratiam. Secundum naturam relatio & oppositio fit ad intra, vt loquuntur Scholę, quum Filius ad Patrem aut ad Spiritum sanctum ordinatur ratione personę suę. Sic Pater diligit Filium, Filius rogat Patrem, mittit Spiritum sanctum, & quęcunque sunt eiusmodi. Secundum gratiam verò seu mysterium gratiæ relatio & oppositio fit ad extra, quum Christus Iesus ad Ecclesiam ordinatur ratione sui beneficii, vt caput ad corpus suum: propter quod mysterium in Scriptura sacra modò persona illa capitis seorsim, modò persona capitis cum suo corpore Christus appellatur *κεφαλὴ τοῦ σώματος*. Ad secundum hoc relationis genus in hoc sermone suo respexit Apostolus, quum diceret, Soli, sapienti Deo gloria per Iesum Christum in secula. Nam idē Iesus Christus, qui natura est Deus in vnitate essentię cum Patre & Spiritu sancto, idem inquam est caput & seruator Ecclesię suę per dispensationem gratiæ: cuius dispensatiui capitis beneficio gloria soli Deo, id est, ei soli qui Deus verus est, tribuitur in Ecclesia per Iesum Christum secundum ordinem, perfectionem, & virtutem efficacissimam illius in membris suis. Atque hoc ipsum idem Apostolus alibi ostendit euidentius, quum ait, *Ei qui infinita cum redundantia potest omnia facere supra ea quę petimus aut mente concipimus, pro vi illa agente in nobis, Ei sit gloria in Ecclesia per Christum Iesum in omnis ætates seculi seculorum*. Postremum autem quod adfers, Sainosatene, esto sanè, siquidem ita placet: ea sit nostrorum etiam hominum expositio, qui Deum personaliter hoc loco de Patre acceperint; tamen nihil hoc modo effeceris. Vox enim exclusiua, *solus*, vario respectu adhiberi solet: aut ad alium quemuis omnino excludendum, vt quum Elias diceret,

Ephes. 3.

diceret, *ego relictus sum solus*: aut ad exteros duntaxat ^{1. Reg. 19.}
 excludendos. quemadmodum Bilham optimè inter- ^{Num. 23.}
 pretabatur dicens, *en populus qui solus habitat, & alyjs*
gentibus seipsum non annumerat: & typus ille patientiæ
 euidentissimè, *si comedi*, inquit, *frustum cibi mei solus*, ac ^{Iob. 31.}
non comedit pupillus ex eo. Secundùm prius significatū,
 Pater solus Filius dicitur gignere: secundùm poste-
 rius verò, Patri soli gloria de illo piorum stabilimento
 tribuenda. Vidēsne, Samosatene, id neutro modo, quod
 affectas in Christum, a te obtineri posse. Nam quomo-
 do solus dicatur Pater, de quo Christus dicit, *ego sum in* ^{Ioan. 14.}
Patre, & *Pater est in me*? quomodo solus Filius excluso ^{Ioan. 16.}
Patre, de quo idem, *non sum solus*, inquit, *sed Pater me-*
cum est? nō ergo alter ab altero excludi potest, propter
 indiuisæ essentia: vnitatem. Hic verò Musculum
 adducis, atque ex dicto illius doctrinam nostram tuis
 exclamationibus theatricè exagitas. Sic primùm san-
 ctæ illi animæ iniuriam facis, deinde verò pijs omnibus
 orthodoxis occasione illius, postremò autem (quod
 omnium est longè grauissimum) diuinæ veritati. Mu-
 sculo iniuriam facis: nam quod ille docendi causa hy-
 potheticè enunciauit, tu profers categoricè animo ca-
 uillandi. Hæc enim ipsissima sunt illius verba, *Quomo-*
do Deus non esset, qui vna cum Deo essentia est, ita vt sine il-
lo Deus nec sapiens esset nec potens, hoc est, quod est esse sine
illo non posset? Quid? tu homo, an adhuc ignoras legem
 earum rerum quæ vnum sunt indiuisum & naturâ si- ^{1. Cor. 12.}
 mul? eorum quæ naturâ sunt simul non re, sed ratione
 solùm fieri disparationem, quam distinctionem appel-
 lamus? Quum ergo scriberet, *sine illo*, id sibi voluit, si
 fieri posset vt Pater sine Filio esset (quod tamen fieri in
 sempiternum non potest vnquam, quia vnum sunt &
 naturâ simul) Patrem nō fore id quod est. Quid? si quis

tibi dixerit, Deum sine æternitate, sine infinitate, aut
 similibus, non esse futurum Deum, id est, si mente &
 ratione quadam æternitatem infinitatēque ab eo se-
 creueris, an hoc negabis? an miserum, cōtumeliosum,
 impium, blasphemum clamitabis? Nolo declamatio-
 ne tecum certare, quod facis: nolo verbis acerbioribus,
 quod mereris. Tantūm redi ad te, & ad Deum a te
 certē Musculo te iniuriam facere coram Deo senties.
 Omnibus orthodoxis iniuriam facis: nam primū ini-
 quē refodiens Musculum, alios petis per cineres late-
 rāque illius. Deinde quid tum, si Musculus (nam ho-
 mo fuit) in vna aut altera voce lapsus fuisset humani-
 tus? putāsne bona fide id fieri posse, vt vna voce aut
 orationis labe, quæ imprudenti homini exciderit, sin-
 guli orthodoxi, omnes Ecclesiæ adspergantur? Bona
 verba quæso. Quid est ex particulari commune facere,
 nisi hoc est? Dei naturæ, veritati, gloriæ iniuriam a te
 fieri si non vides, videmus tamen ex face verbi pralu-
 cente in mentibus nostris. Eum oro qui videt omnia,
 tibi ad hæc omnia videnda salutarem illum visum sup-
 peditet, quo visu qui sunt corde puri Deum visuri sunt.

Nec meliore fide alterum locum eiusdem auctoris
 & libri vellicas, *Deum Patrem sine Christo nihil posse face-
 re*. Acerbum dictum, inquis. Audiatur Musculus, &
 paucis totam acerbicatem istius dicti abstergebit ex
 scripto suo, si non exemerit ex palato tuo. Scribens igitur
 in illa verba, *Sine ipso factum est nihil*, continuo
 subiicit, *Deus enim Pater sine ipso nihil potuit facere. Qua-
 re? quia sapientia & potentia Dei filius est. Sapiens, vt sa-
 piens, non potest quicquam sine sua sapientia facere: & Sol
 non potest quicquam illuminare sine suo splendore, nec ignis
 calefacere sine suo calore. Si potuisset Deus quicquam teme-
 re & stultè facere, potuisset sine Filio, sapientia ipsius, quic-
 quam*

Ioan. I.

quam facere. Sed quoniam omnia in sapientia facit, & per verbi sui potentiam; rectè dicit Evangelista, quòd sine Christo nihil sit factum. Hæc Musculus, quæ a te, Samosate- ne, fide non admodum bona, aut inscientia magna traducuntur. Nam reuera (etsi meum non est Muscu- licausam agere, publica tamen de causa & studio veri- tatis dicam) elenchi ignoratione peccas, quum ver- bum illud *posse* ita exagitas. Possè enim bifariam dici- mur: simpliciter, ex vi potentiaæ energetica in se & per se considerata; & secundùm quid, siue conuenienter cum alijs rebus ad quas oportet respici quum illa po- tentia in actum deducitur. Possumus enim simplici- ter, verbi gratia, in ignem, in aquam ruere ex facto, quæ iure non possumus: etiam possumus obstipo semper capite luminibus in terram defixis ambulare, quod de- center nō possumus: denique ieiunare possumus, dor- mire, & similia, quum tamen conuenienter nature nō possumus. Est ergo simplex posse, & respectiuum, vt vocant. Secundùm posse illud simplex, & Deus omnia potest, & deitatis persona quæque: nihil est quod non possit Pater, aut Filius, aut Spiritus sanctus. Sed quia Deus non solùm est omnipotens, sed etiam optimus, maximus, simplicissimus, perfectissimus, immutabi- lis, &c. etsi ratione quadam ab istis omnibus omnipo- tentiam eius secernimus, hæc tamen reipsa cum natu- ra eius idem est, nec ab ea potest ratione vlla discedere. Itaque etsi omnipotens simpliciter dicitur, tamen non nisi ad bonum est omnipotens, quia idem optimus: nō nisi ad perfectionem, quia perfectissimus: non nisi ad constantiam, quia immutabilis: denique nō nisi ad ve- ritatem nature suæ, quia æternùm a natura Deus. Est autem ex natura eius, quòd Pater æternùm est Pater, Filius æternùm Filius, itémque Spiritus sanctus, vnum

2. Tim. 2.

infinitum essentia, tres personæ naturâ simul, existentes, agentes, &c. in unitate essentia. Non igitur Pater, quem simpliciter omnipotentem credimus, sine Filio fecit quicquam: non potuit facere, quia seipsum naturâque suam non potest abnegare. Quod si potens est simpliciter, non tamen contra veritatem potest naturæ suæ: secundum quam tum Deus est Pater, Filius, & Spiritus sanctus, tum foris operatur Pater in Filio & per Filium virtute Spiritus. Atque eadem ratione dicebat Christus Ioan. 5. *non potest Filius a semetipso operari, nisi viderit Patrem facientem: quæcumq; enim ille facit, hæc etiam Filius pariter facit:* quæ verba optimè Chrysostomus interpretatus est. Ad hanc respectiuam (ut ita loquamur) potentiam Musculus attendebat, quum de Patre & Filio in eum modum loqueretur. Enimvero quid ad argumentum Ioannis agentis de Filio Dei, quid ad creationem pertinuisset otiosæ illius omnipotentia in se & per se consideratio? operosam & actuosam omnipotentiam docet eandem esse Patris & Filij: quam Musculus sic ab effectis voluit describere, ut alterum ab altero indiuisum esse doceremur in omnipotentia vnius occupatione: nec Patrem sine Filio, nec Filium sine Patre fecisse quicquam. Hoc dictum tibi, Samosatene, displicet, quia Patrem sine Filio fuisse, & operatum esse, præter veritatem Dei & Scripturæ fidem existimas. Nobis verò ad hoc credendum, quod tu oppugnas, sufficit verbi diuini auctoritas. Hoc scilicet est priuare Deum sapientia & omnipotentia: hoc, Patrem ad Filium remittere, quas personas simul naturâ esse, infinitam essentiam vnâ toties inculcamus: hoc, iniuria Deum afficere, & te secundum Deum. Ab his oratorijs phaleris abstineo, quia non placent: quia demonstrationem Spiritus in te exserio opto magis veritatis,

gitatis, quàm artis vilius nostræ. Faxit Dominus Deus veritatis. Quòd autem huius segmēti & proximè præcedentis hîc conclusionem nectis oratorio modo, quia iam ordine vtrumque diluimus, missis superuacuis repetitionibus ad alia veniemus.

SAMOSATENVS.

IO.

DETRAHVNT ei sapientiam, omnipotentiam; & honorem detrahunt, cùm Christus dicat Ioan. 8. non habeo demonium, sed honoro Patrem meum. Et ibidem, Pater qui me misit, mecum est: non reliquit me solum Pater, quia ego qua placita sunt ei facio semper. Cùm autem secundum Antichristi doctrinam Christus sit cum Deo Patre eiusdem maiestatis, potentia, & gloria, isti hîc negaturi sunt Deum cõlli a Christo. At res est per se manifesta. Vbi enim par est maiestas & æqualis gloria, excluditur obedientia & honor inferioris erga superiorem. Item 1. Tim. 2. Vnus est Deus & vnus Mediator Dei & hominum, Christus Iesus. & 1. Ioan. 2. Si quis peccauit, Aduocatũ habemus apud Patrem, nempe Iesum Christum. Magnum hîc discrimen constituit sermo Apostoli inter Deum ipsum & Mediatorem apud Deum. Schola verò Theologorum docent, Vni quidem Deo reconciliati sumus per Mediatorem: ille verò vnus Mediator est, Pater, Filius, & Spiritus sanctus. Quamuis etiam nonnulli addant, Christum Mediatorem esse secundum carnem. Hinc autem quartus sequeretur Deus, qui apud illos treis pro nobis intercederet: quod est falsissimum. Itaque adimunt illi munus Mediatoris eo ipso, quòd illum esse unicum Deum asserunt per omnia Patri æqualem. Animaduerte autem tu ipse, quæso, an non mera hac insania sit quum Christus & vnicus ille Deus esse dicitur, & idem rursus Mediator esse apud Deum.

ORTHODOXVS.

DVA hic argumentationes in orthodoxâ de Christo doctrinam præterea adferuntur: vna, ab honore & obsequio, quod Christus exhibet Patri: altera, a mediationis & intercessionis officio. Prior sic habet: *Quorum par maiestas & gloria equalis asseritur, inter eos honor & obedientia, quam inferior superiori debet, excluditur: Isti parem maiestatem Christi cum Patre, & gloriam equallem asserunt: Honorem ergo & obedientiam excludunt, quam Filius Patri tenetur exhibere. Est autem falsum consequens, ut Christus duobus locis auctor est: falsa igitur antecedentia.* Maioris propositionis falsa est affirmatio, si vniuersalem feceris: sed cum indefinita sit, hoc modo distinguimus. Aliud est naturæ opus, & aliud voluntatis: aliud naturæ ius, & aliud dispensatio cessionisque voluntaria. Secundum idem si maioris membrum utrumque interpretaberis, vera est hoc modo: *Quorum par maiestas & gloria equalis ex natura asseritur, inter eos honor ille & obedientia, quam inferior superiori debet natura lege, excluditur: sed hic tibi non occurrit exceptio voluntatis, Samosatene, qua neglecta aërem cædis fortiter.* Vera esset illa propositio tua, nisi exceptione solueretur ista: atqui aliter placuit alteri, aut utrique per dispensationem & cessionem voluntariam: hac paucula exceptione actum est de propositione tota. Nam si quis equalis a natura est, æquali per œconomiam quamdam voluntariam cesserit, tum officium illud natura indebitum sit sponcione voluntaria & cessione debitum. Atque in hunc modum cessit Christus, inaniens & submittens sese voluntaria dispensatione. Vides rationem maioris propositionis ruc. Quum itaq; subiicis *parem maiestatem gloriamque Patris & Filij à nobis asseri, verum est secundum naturam, quâ Filius Dei æternus est*

Philip. 2.

est a Patre genitus, & verè a nobis asseritur: Quum verò concludis, *ergo honorem & obedientiam excludi, quam Filius Patri, ut inferior superiori, debet*, falsum est planè: quia non excludimus illam dispensationem qua factus est inferior, factus ex muliere, factus sub lege, ut eos qui Galat. 4.
erant sub lege redimeret. Est enim æqualis & inferior diuerso respectu: æqualis Patri secundum diuinitatem, minor Patre secundum humanitatem, ut Paulus ad Philip. 2.
Philippenses docet. Sic neque falsum est consequens, quod ais: neque pugnant cum verbis Christi antecedentia, quum Christus de se in ijs locis agat non secundum diuinitatem suam simpliciter, qua genitus est æternum a Patre, & æqualis Patri; sed potius secundum rationem personæ suæ in natura assumpta, qua honorat Patrem ut missus ab eo, & quæ placita sunt ei facit semper. Hæc qui docet, Christus est: qui oppugnat, a spiritu Antichristi circumagitur miserrimè. Posterior argumentatio hæc est: *Deus & Mediator apud Deum, non sunt unum: Christus est Mediator apud Deum: non igitur Deus*. Vitiosa plurima in hac argumentatione. Primùm comparatio fit heterogeneā (liceat nobis Deum ad genus aliquod referre analogicè) quia *Deus* substantiæ, vel essentialis formæ, Mediator actionis & relationis est nomen: vitiosa & iniqua est hæc comparatio. Deinde si Mediatorem, Samosatene, a te pro persona mediante dixeris accipi secundum formam essentialem eius, etiam æquiucò nomine Dei abuteris: nam aut essentialiter accipitur (ut sæpe docuimus) aut personaliter: quæ duo tu quidem cōfundis, sed vicinus iam antè distingui omnino oportere. Tu autem secundo loco quem ex Ioanne adfers, ostendis accipi personaliter oportere de Patre, quia dicit, *Advocatum habemus apud Patrem*. Postremò ambiguè dicis, *non sunt unum*:

quod si de essentia prædicas, falsum, quia Pater & Filius vnum sunt: si de subiecto personali, verum. sed ita potius tibi dicendum fuerat, *non sunt vnus*, quam vnum. Ergo secundum rationem generis, Deus & Mediator non sunt vnum: secundum rationem diuinæ essentiae, Deus Pater & Filius Mediator sunt vnum: respectu vero personarum, Deus Pater & Filius, quamuis vnum essentia, non sunt vnus, id est persona vna. Itaque sic rectè procederet argumentario: *Deus Pater & Mediator non sunt vnus*, id est, vna persona: vel *Deus & Mediator non sunt vnum* ratione, puta, officij quod sibi assumit Christus verus Deus cum Patre in vnitae essentiae. Sed *Deus & Mediator non sunt vnum subiecto*, (quæ tua est hoc loco sententia) id a vero est alienissimum: quia Deus subiectum est aut essentialiter, aut personaliter: hic verò subiectum personale determinatur sine ambiguitate vllâ, quum Mediator nominatur, id est, Christus Iesus. Itaque nec Pater Mediator, nec Spiritus sanctus Mediator dicitur, sed Filius personaliter, qui vnus est Deus cum Patre & Spiritu sancto essentiae vnitae, benedictus in secula. Atque hæc iusta locorum quos adducis, & consimilium interpretatio, quos in tuam & aliorum perniciem (proh dolor) conaris detorquere. At tu miserere, Domine. Quæcunque autem postea, Samosatene, infers, ea partim falsa sunt, partimque inconsequentia. Nemo nostrum eò dementiæ deuenit vnquam, vt diceret quod tu affingis, *vnum Mediatorem esse, Patrem, Filium, & Spiritum sanctum*. Errabat per Riphæas niues, & cæcutiebat oculus mēis tuæ, quum essentiam pro persona, & personas treis pro vna accipiens falsò, istud a nobis diceres affirmari. Quod si opus est consequentiæ tuæ, a te contextum tuis illis conclusionibus, hoc opus retexas suadeo, & deinceps propoli.

propositiones nostras (quo quid in disputatione æquius?) qualescunque eæ sint, ea simplicitate & fide & mente referas qua a nobis profectæ sunt. Hoc viri boni (qualem te haberi cupis) officium postulat. Vnus est Deus Pater, Filius, & Spiritus sanctus, tres persone, vnus inquam essentia: vnus est Mediator Dei & hominum, Christus Iesus, vnus inquam vnitate personæ. Hoc Scriptura docet, Ecclesia credit, nōsq; in Ecclesia ex Scripturis sacris coram Deo & mundo sanctissimè profiteamur. Si nondum intelligis, Samosatene, quid essentia, quid hypostasis siue persona sit, profectò ex labyrintho errorum tuorum te non explicabis res illas implicando atque inuoluendo. *Nec periculosius alibi erratur*, vt cum Augustino loquar, *nec laboriosius aliquid quaritur, nec fructuosius aliquid inuenitur*. Disce, cognosce, crede. Addis a nonnullis dici, *Christum secundum carnem solum Mediatorem esse*. Scimus: sed neque tamen propterea consequentia illa, quam inde adstruis, valitura est, quòd *quartus sequatur Deus*. Nunquam enim hoc illis extorseris, duas personas esse, Filium Dei & Mediatorem. Vtrumque enim vnus esse personæ dicunt: nam eundem Filium Dei & Mediatorem esse in vnitate personæ. Sed ita formam personalem statuunt in deitate, vt deitas carni sit principium subsistendi, caro autem subsistens in deitate, principium mediationis. Qua de re iam quidem non placet disputare: tantum visum est tibi ostendere, quàm infirma sit tua ex dicto illorum nexa consequentia. Postremò autem cōcludis hoc modo: *Qui Christum asserunt unicum esse Deum per omnia æqualem Patri, hi munus Mediatoris adimunt ei: nos autem hoc facere*. Negatur propositio, vt antè. Non enim pugnant ista, aut sunt contradictoria, Christum esse Deum natura, & Mediato-

Lib. i. de
Trinit.

Heb. 13.

rem œconomia ac dispositione gratiæ voluntaria: sed potius optimè conueniunt, & sine hac conuenientia nunquam aptus Mediator dari, nunquam Mediatoris beneficio salus comparari in æternum nobis potuisset: nisi inquam fuisset ille nobis datus, qui heri & hodie idem est, & in secula, Iesus Christus Dominus & Seruator noster.

SAMOSATENVS.

II.

SED soluant mihi, quaeso, illam questionem, aut saltem doceant me, quomodo illud sit accipiendū quod apud Marc. 13. de seipso Dominus loquitur: de die & hora illa, nemo nouit, ne Angeli quidem qui in cælo sunt, nec ipse Filius, sed solus Pater. Quod si Christus fuit ante secula & ab æterno, & æqualis Patri per omnia, aut etiam Spiritus sanctus, certerū nus aliquis illorum id sciūisset, nec sacra scriptura, quæ nunquam sui dissimilis, sed in æternum permansura est, hac reitūisset. Sed dicet ex vestris quispiam, hoc fuisse dictum secundum carnem. Atqui non video, cur iam duo Christi a vobis statuuntur, vnus qui sciuerit, alter verò qui ignorauerit. Et Spiritum sanctum, quem eiusdem essentia afferunt, quo loco iam habituri sunt? His autem dictis contrarium docent, Filium scilicet & Spiritum sanctum nouisse diem & horam extremi iudicij. Viderint igitur ipsi, cui mendacium velint obijcere. Ego ex verbo Dei edoctus id ipsum accipio simpliciter, non mea opinione propria, sed ex doctrina sacra Domini: nempe quòd hac ante resurrectionem suam ignorauerit; post resurrectionem verò, quum gloriosus factus esset, eum diem eamque horam demum cognouerit. Cuius rei euidentissima hac habeo testimonia, Ioan. 2. 11. Rom. 6. 14. Ioan. 12. 16. & 23. Ioan. 13. 32. Rom. 1. 3. & 4. & alijs locis innumeris. Firmiter itaque credo, & affirmo, Christum Dominum hunc diem iam nouisse. Nam factus est dominus dominantium, & datum etiam est illi nomen supra omne nomen.

ORTHO.

ORTHODOXVS.

QVE M nodum petis, Samosatene, solui, cum antequam præcedente nostra Defensione sub finem solui-
mus: quapropter actum nolumus agere. In summa, primum auctoritate vteris, quum ad textis Euangelistæ verbis nomen exclusiuum, *solus*, quod ibi non compareret vsquam. Tum fallis bifariam in hac argumentatione tua: primum eo quod sermonem dictum secundum quid exponis simpliciter: secundò vocis *Pater* æquiuocatione. Dicebat Christus ex discipulorum suorum hypothese, Christum vt purum vel *ψαλόν* hominem habentium & consulentium, cuiusmodi sermones multi in Euangelij a Christo leguntur habiti: proinde tacita inest oppositio inter Filiū cum qui verè est, & qui falsò putabatur esse. At tibi simpliciter placet accipere, tamquam si Christus in medio sermone, & eo tempore, id est, importuno, *παρεκβαλὼν* de sua persona disserere potius debuisset, quam in sermone quæsito & instituto pergere. Quo iure id officij sapiētia tua a sapientia Dei desideret, tu videris: certè non fuisset *πρὸς οὐκ ὀφειλὴν*, si pro tuo sensu respondisset Christus, quod quiuis vel mediocri prudentia potest iudicare. Patris verò nomē hoc loco essentialē, ac non personale est, relatione ad creaturas, non ad Filium vnigenitum pertinens, vt ibidem ostendimus. Quæ cum ita sint, ex inanibus (quod aiunt) paleis trituram frumenti conaris facere, quum postea de Filio, & de Spiritu sancto argutaris, tamquā si ex hac scientia excluderentur auctore Christo, & eo pacto nihil ad eos deitas attineret: cum persona Filij & Spiritus sancti æquē ac Patris in Scriptura soleat intelligi essentiali appellatione, *Pater*. Futilia, quæ adducis, omnia. Subdis, *Sed dicet ex vestris quispiam hoc fuisse dictum secundum carnem*, & impugnas istud respō-

sionis genus deductione in absurdum, quòd *duo Christi* ex hac responsione forent. Respondeo, nec antecedens sufficit, nec est necessarium ex eo consequens. Nam Christus ita enunciauit sermonē illum de seipso secundum carnem, ut nō ex sensu suo, sed ex aliena opinione & hypothēsi enūciauerit: atq; hæc verissima est antecedentis infirmatio. Cōsequens verò vel ex illo ipso antecedente nō esse necessariū in Defensione priorē ostendimus. Nā in oppositis alia est ratio, quā in simplice enunciatione. In hac nō potest negari de supposito vel persona quod ipsi per alterā duntaxat naturam inest: sed in oppositis, & figuratis, & hypotheticis alia est ratio. Ac nos quidē hypotheticam esse statuimus, ut antē dicebamus. Verumtamen si nō esset hypothetica (ut est) oppositè hæc dici etiam vinceremus: fieri enim oppositionē nō Patris & Filij simpliciter, quā sunt personę deitatis; sed Patris, quā Deus est cum Filio & Spiritu sancto in vnitate essentie, & Filij, quā homo. Quod itaq; dicis, cōtrariū huic Christi testimonio esse, quod docemus Filium & Spiritum sanctū iam tum nouisse diem & horam extremi iudicii: Id neque hīc negatura Christo, neq; alibi vsquam. Fefellit te & hypotheseos, & equiuocationis illius ignoratio: quam equiuocationem post resurrectionem quoque seruauit Christus dicens, *Non est vestrum hoc, nempe scire tempus aut tempora, quæ Pater posuit in potestate sua ipse.* Mendaciū Christo ut obijciamus, absit. Tu verò, Samosatene, quid affectes vide, quum Dominū Iesum Christū hæc ante suam resurrectionē ignorauisse, post resurrectionē & adeptionē gloriæ demum sciuisse tam audacter asseueras, quā si reuelatione singulari iuratus Christus id testatum fecisset tibi. At nobis, mi homo constat, hæc utroq; tempore, ante & post resurrectionē diuina scientia a Christo fuisse.

Act. 1.

no fuisse cognita, immo verò ab æterno, prout vna est æterna scientia Patris, Filij, & Spiritus sancti. Atque hanc scientiam diuinam Christi, quam discipuli prius non nouerant quum in eum modum ipsos compelleret, tamen ante passionem & resurrectionē eius aperte sunt illi confessi, dicendo, *Nunc scimus te scire omnia*, Ioan. 16. *nec opus esse tibi ut quis te interroget.* Neque verò dubiū est, quin hæc ipsa adoranda Christi scientia compre-

hendatur gloriæ illius appellatione, de qua ipse loquitur dicendo, *Nunc glorifica me tu, Pater, apud te metipsum* Ioan. 17. *ea gloria quam habui apud te prius quàm mundus esset.* Falsum igitur est quod de Christo narras, eum ante resurrectionem hæc ignorauisse, post resurrectionē cognouisse demum cognitione perfecta. Sed probationes audiamus.

Christus manifestam fecit gloriam suam, Ioan. 2. 11. Vide iudiciū tuum & prudentiam singularem, qui ex eo quod nobiscum facit, probationes a te putas colligere. Si gloriam suam manifestam fecit, habuit igitur, quamuis nec manifestam: fecit autē: quid sequitur, nisi iam penes se habuisse? Deinde ex eo loco nonne vides hanc gloriam diu ante resurrectionē eius manifestam fuisse factam? *μέλας μὲν αὐτῆς ὁ ποίνεταί βόρευς.*

Probationes reliquæ, vt a te adferuntur, vnius sunt argumenti, de gloria Christi ex resurrectione eius, siue prædicta, Ioan. 12. 23. & 13. 32. siue percepta atque demonstrata, Ioan. 12. 16. Rom. 1. 3. & 4. & 6. 4. Sed quid aliud probas, quàm eum qui gloriosus erat fuisse glorificatum? Antē enim aut gloriosum fuisse, aut non fuisse oportuit. Fuisse constat, tum ex primotuarum probationū loco, tum ex verbis ipsius Ioan. 17. quæ suprā adtulimus, similiterque Patris, Ioan. 12. 28. Quomodo itaque gloriosus antē fuerit, videamus. Sane gloriam in Christo fuisse oportuit naturalem, aut

1. Niger
certe istis
radijs nō
coquitur
botrus.

quælitam, aut vtramque simul: Naturalem verò, aut increatam, aut creatam. Naturalem increatam negabis, scio: cætera concessurus es. Increatam appello æternam diuinamque: nam quod est & increatum est, id æternum atque diuinum est. *Quod fuit priusquam mundus esset, id increatum, æternum, atque diuinum est: Fuit autem Christus, fuit & gloria, quam habuit apud Patrem priusquam mundus esset, vt ex verbis Christi ipsius ante didicimus: Aternus ergo Christus, æternâq; ipsius gloria.* Scio effugia a vobis quæri, vt eludatis huius loci & consimilium multorum veritatem: sed probanda illa sunt, non solum affirmanda: probare autem, dum viuus, nō poteris. His igitur modis fuit gloriosus Christus iam eo tempore: primum secundum diuinitatē, gloria essentiali, quæ infinita est & cum rebus creatis incommunicabilis: tum secundum humanitatem, gloria essentiali communicata per gratiam vnionis: tertio secundum personam, gloria acquisita ex parte, quæ post resurrectionem perfecta est. Nam & gloria increata, qua sese quodammodo inaniuerat formâ serui assumptâ, plenè manifestata est, & gloria creata perfectè communicata est cum humanitate ipsius, quum ascendēs in sublime sedit ad dexteram maiestatis *& nōis in ægylis*. Hoc igitur est quod petebat Christus, gloriam suam perfectam (perfecta autem in omnem æternitatem diuina est) manifestari, & imperfectam perfici. Tu autem, Samosatene, tanquam si nescires a non distributo (vt loquuntur) ad distributum, vel contrâ, non valere consequentiam, ita argumentaris ex illis Scripturæ locis. Aliam quercum excutias oportet, si quid voles in hac area conficere.

SAMOSATENVS.

ITEM *[firmiter credo & affirmo] idcirco fuisse illi omnē potestā-*

potestatem in cælo & in terra, concessumque illi iudicium facere, ut ipse testatur Ioan. 5. Pater non iudicat quemquā, sed omne iudicium dedit Filio. Contrarium quā istifatur Christus. Examina etiam eos omnes Patres, qui Deum trinum docent colendum esse: idem visurus es. sed in primis Augustinum ad hæc verba, opera Trinitatis ad extra indiuisa esse, & pariter fieri a Patre, Filio, & Spiritu sancto. Cum enim iudicium mundi opus sit ad extra, sequitur de illorum sententia, non esse datum Filio omne iudicium, quod tamen Christus disertè confirmat, & Patrem simul iudicare, quod Christus aperte negat. Hæc sanè inter se non minùs pugnant, quā nigrum & album, lux & tenebra, &c. Legitur item I. Cor. 15. ubi demonstrat etiam Apostolus filium Dei peracto iudicio, abolitūque omni potestate & imperio & dominatu regnum traditurum Deo & Patri, ita ut se cum omnibus beatis Angelis & hominibus beatissimo regno Dei & Patris in omnem æternitatem subiciat. Si verò Orthodoxis credendum est, Filius in extremo die non tradet regnū Deo & Patri, neque se subiciet Patri, sed equali potentia, maiestate, & gloria æternum cum Deo regnum obtinebit. Quod si vestri dicent, hæc secundum carnem, rursus nefarium & absurdum proloquium sequetur, Christum Christo subiectum fore: cum Paulus Rom. 2. dicat Deum iudicaturum esse mundū per Iesum Christum: & Christus ipse Ioan. 5. Pater non iudicat quemquam, sed omne iudicium dedit Filio. ubi huius phræcos vim euidenter explicat, docetque eodem sensu utrūq; dici, Deus iudicabit mundum per Iesum Christum, & Deus nō iudicat quemquam sed omne iudicium dedit Filio.

ORTHODOXVS.

SE QVINTVR alię argumentationes duæ materia coniunctissimæ; vna de possessione & vsu auctori-

tatis iudiciarię datę Christo, altera de illius abdicatio-
 ne futura post iudicium vltimum & consummationē
 seculi. Ad priorem argumentationem duo citantur
 Scripturę loci, quorum alterum post resurrectionem
 effatus est Christus, alterum diu ante resurrectionem
 suam. Hoc itaque posteriore loco Samosatenus suose
 iugulat gladio, qui gloriam Christo ante resurrectio-
 nem ipsius, aut scientiam iudicij extremi & temporis
 negauerat inuisse, segmento proximo: nunc verò dat
 liberali manu, quod altera abstulerat. Sed, vt ad rem,
 hæc illa prior est argumentatio: *Opera communia Trini-
 tatis non sunt personę vnius de Trinitate propria: Iudicium
 opus est commune Trinitatis: non ergo personę Christi pro-
 prium. Falsa autem conclusio, teste & auctore Christo: Fal-
 sum ergo aliquid antecedentia habeant necesse est.* Maio-
 rem tuam, Samosatene, libenter damus, si rectē intel-
 ligas: quis enim ita desipit, vt cōmune confundat cum
 proprio, & hoc pro illo accipiat? Sed tamen illius rei
 te oportet meminisse quam suprà segmento 5. docui-
 mus, eorum operum quę cōmunia Trinitatis dicun-
 tur, alia in totum esse communia; alia verò, quamuis
 actu communia, ratione tamen distingui secundum
 summum (principium vocant) vel proximum etiam
 terminum, qui est in œconomia vel dispositione diui-
 na. Sic Deus Pater Creator, vt principium & summus
 terminus creationis, appellatur singulari iure; licet
 trium personarum in deitate communis actio. Sic per-
 sonę Spiritus sancti attribuitur nostra sanctificatio, o-
 pus cōmune deitatis, sed a Spiritu sancto, prout a Pa-
 tre & Filio procedit, in nobis terminatum. Nam œco-
 nomię internę diuinorum actuum, quodammodo ex-
 terna respondet, sequiturque ordinem illius. Ex
 hac autem distinctione diuinorum actuum, veritas
 assum-

assumptionis vel propositionis minoris facile cognosci potest. Cum enim vna eadēque operatio respectu vel ratione varia modò communis, modò propria dicenda sit; communis inquam a communi principio operationis, quod est sancta Trinitas, & propria ex proprio ac singulari termino; bifariam, Samosatene, fallis, aut verò ipse falleris elenchi ignoratione: tum quia diuinorum iudiciorū rationem, quæ secundum aliud & aliud variat, conturbas planè: tum quia diuinam operationem confundis cum humana in persona Christi. Diuinorum autem iudiciorum huiusmodi ratio est, quòd secundum principium commune iudicia deitatis sunt communiter, id est, sanctæ Trinitatis personarum in vnitate essentiæ: secundum proprium verò & singulare terminum, sunt personę Christi data, quæ faciat atque exsequatur. Hanc autem rem, Samosatene, tu ipse, nisi mens peregrinata fuisset, animaduertisses, quum illud scriberes, quod in fine huius segmenti legitur ex Paulo, *Deus iudicabit mundum per Iesum Christum*. Rom. 2. Agit Deus, agit Christus: sed Deus Pater, vt Principium summusve terminus; Filius, vt proprius proximúsque, in vna eadēque operatione. Quod autem secundo loco dixi a te diuinam operationem confundi cū humana in persona Christi, sic habet. Quemadmodum in vnitate personę Christi duę naturę sunt, diuina & humana; ita duę sunt in vno & eodem actū distinctęque operationes illius. Nam vtręque naturā agit operaturque, diuina quidem vt mouens, humana verò vt essenziale instrumentum siue coniunctum (vt vocant) quod a diuina mouetur, prout cuique naturę sua est forma seu virtus operans. Vbicunque autē mouens & motum habent diuersas formas seu virtutes operantes, ibi aliam mouentis operationē oportet esse,

Epist. 10.
ad Fla-
uianum.

aliâque moti propriam: licet quod mouetur parti-
cipet mouentis operationem, & mouens vtatur ope-
ratione moti, & sic alterum agat cum cōmunionē al-
terius (vt in exemplo putatoris & securis videre est)
vnum cōmune opus & *διπλόημα*. Sic igitur in Chri-
sto vtrâq; natura propriam quidem operationem ha-
bet a propria forma seu virtute sua: sed diuina eius na-
tura vtitur operatione naturæ humanæ, vt operatione
sui instrumenti; humana verò participat operationem
diuinæ naturæ, sicut instrumentum participat opera-
tionem agentis principalis. *Agit enim vtraque forma,*
inquit Leo, *cum alterius communionē quod proprium est,*
Verbo scilicet operante quod verbi est, & carne exsequente
quod carnis est. Quod si est (vt profectò est) Christus
secundum vtramq; naturam iudicaturus est. An verò
putas illam humanæ naturæ in Christo operationem,
sanctæ Trinitatis operationem esse? an ita statuis con-
sequi? falsum. Nam si secundum diuinam illam natu-
ram Christus iudicium ipsum (quod sanctæ Trinitatis
commune est) vt proprius ex voluntaria dispensatio-
ne terminus, facit singulariter: multo magis secundum
humanam certè, agit vt instrumentum assumptum in
vnitatem personæ & diuini illius termini, singulariter.
Alia enim est operatio humana, qua Pater & Spiritus
sanctus non communicant nisi per acceptionem suę
misericordiæ; alia verò diuina, quâ Christus Dei Ser-
mo æternus est, qua operatione Pater & Spiritus san-
ctus cum ipso planè communicant, distincto solùm o-
perationis termino, vt antè docuimus. Itaque illam
conclusionem tuam simpliciter non admittimus, *iudicium non esse proprium personæ Christi*: nam idem iudi-
cium respectu vario commune est sanctæ Trinitatis,
& Christi singulare: commune, respectu communis
princi-

principij agentis, Patris, Filij, & Spiritus sancti singulare verò, respectu principalis termini secundum naturam diuinam illius: respectu denique naturæ humanæ, vt instrumenti adunati in vnitate personæ (vt ita dicam) singularissimum. Neque nos igitur contradicimus Christo (quod affirmas) neque orthodoxi illi Patres, quorum religiosa vestigia in pietate, doctrina, & sanctimonia sequens optimè tibi consulturus esses: tantùm ea distinguimus, quæ Scriptura & ratio distinguere iubent, vt in vno communi opere suæ operationes propriæ proprijs formis tribuantur. Nam etsi ex eo dogmate in Ecclesia recepto, opera nempe ad extrinsecus communia Trinitatis esse, duo absurda tibi potentissimè videris necesse: vnum, *ergo non esse datum omne iudicium Filio*: alterum, *ergo Patrem simul iudicare*: quorum prius affirmatura Christo, posterius negatur: plurimum tamen falleris, dum rem omnibus modis aptissimam pro absurda habendam putas. Nam vtrumque verum est, & sine vlla absurditate verum: *omne iudicium Trinitatis esse*, vt communis principij, & *omne iudicium Filio datum esse*, vt singulari termino secundum œconomiam, tum principaliter diuinitate sua, tum verò instrumentaliter humanitate. Non derogatur autem de iudicio Patris & Spiritus sancti, quia sic a Patre & Spiritu sancto cū Filio instituta est dispensatio, in vna eadēque operatione. Sic & Pater simul iudicat, iudicat enim per Filium: & Filio omne iudicium est datū, quia nihil Pater, nisi per Filium iudicat. Sed quid multis opus est? ipse Christus ibidem audiatur, qui in vno opere communionem & distinctionem doceat operationum. *Non potest Filius*, ait Christus, *a semetipso operari* (summus ergo terminus principiumq; operationum Pater, Filius verò terminus proximus) *nisi videris*

*Patrem operantem, nempe vt imago perfecta Patris, perfecte ad eum spectans, ei que conformata: quacun-
 enim ille facit, hac etiam Filius pariter facit: atque hæc
 communio æqualis operationum, quæ Trinitati san-
 ctæ tribuitur. Quæ causa? diuinus Patris amor, & omni-
 moda ex amore cum Filio communicatio. Pater enim
 amat Filium, & omnia monstrat ei quæ ipse facit: & opera
 maiora istis monstrabit eis vt vos miremini. Quæ confir-
 matio, & signum præsentissimum? Sicut enim Pater su-
 scitat mortuos & viuificat, ita & Filius quos vult viuificat:
 communi puta opere, sed quod in Christo terminatur.
 Quo iure autem? qua auctoritate facit? auctoritate iu-
 dicis. Nec enim Pater iudicat quemquam (etsi communi
 operatione iudicat, quum mortuos suscitât atque vi-
 uificat, præcedente vers.) sed omne iudicium dedit Filio,
 definitione puta & executione terminandum secun-
 dùm naturam diuinam principaliter, secundùm hu-
 manam instrumentaliter, secundùm personam deni-
 que absolutissimè in natura vtraque quod suum opus
 est consummantem: Tum enim res dicuntur fieri, quæ
 effectæ redduntur & manifestantur, communi vsu. Hoc
 verò finis ipse adæquatus ostendit, communiter & æ-
 quo iure (quod tu, Samosatene, dicenti Christo non
 credis) ad personam Patris Filiq; pertinens: Vt omnes,
 inquit, *honorent Filium, prout honorant Patrem: qui non
 honorat Filium* (puta vno eodémque honore, prout
 honorat Patrem secundùm honoris diuini æqualita-
 tem) *non honorat Patrem qui misit ipsum*. Hic certè non
 album colorem infuscamus nigro, non lucem tenebris
 corrumpimus; sed prolato veritatis diuinæ instrumē-
 to album albo, lucemq; luce superaddita illustramus.
 Sed tu, Samosatene, qui Patrem eo argumentone-
 gas indicare, quòd omne iudicium Pater dedit Filio,
 quid*

quid est cur ex præcedente loco non audes concludere eodem planè argumentationis genere? *omnis potestas data est Filio in celo & terra: nulla igitur est potestas Patri.* Nam æquè affirmatiua vniuersalis est, cui opponitur vniuersalis negatiua, & ex contrario inferri potest. Dices, atqui hîc dicitur, *Pater non indicat quemquam;* illic non item dicitur, *Pater non potest quicquam.* Quid tum? nam quemadmodum hic ex contraria aiente exsurgit negans quæ exprimitur a Christo, sic etiam illic potest erui, quamuis non exprimatur. Ergo vt omnis potestas est Patris, omnisque Filij in cōmuni; sed hæc potestas, hic modus potestatis omnis a Filio in Ecclesia terminatur; omnis inquam cōmuniter, sed secundum hunc modum singulariter: sic etiam omne iudicium est Patris, & omne Filij in communi; sed hoc iudicium hoc modo omne a Filio in Ecclesia & mundo terminatur: omne communiter, sed tamen secundum hunc modum singulariter. Habes de priore argumentatione tua: de posteriore videamus. *Qui aequali potentia, inquis, maiestate, & gloria æternum cum Deo regnaturus est, is nunquam Deo regnum est traditurus: Christus, vt orthodoxus placet, aequali potentia, maiestate, & gloria æternum cum Deo regnaturus est: Nunquam igitur Deo regnum traditurus. Consequenti autem contrarium adfirmat Paulus: falsa igitur antecedentia.* Huius argumentationis texendæ & retexendæ rationem iam antè satis exposuimus segmento 10. In eo solùm discrimen est, quòd illic de hoc argumento communiter agitur sine vlla temporis determinatione, hîc tempus certum adscribitur. Maior propositio fallit elenchi ignoratione. Nam regnum Christi duobus modis consideratur, secundum naturam, & secundum voluntariam dispensationē gratiæ. Regnum Christi secundum naturam,

commune totius deitatis est vel diuinæ essentia, æternum, quo regno tres personæ æquali potentia, maiestate, & gloria regnant in vnitæte essentia, & operationum communium, in omnibus, & super omnia, infinite, & immutabiliter, ab æterno, in æternum. Regnum verò Christi secundum voluntatis & gratia dispensationem, singulare est personæ *ἡγεμῶν*, & temporarium, quo in regno persona Christi, quamuis integro seruato naturæ iure & communi deitatis regno, submittens sese propter nos homines & salutem nostram, secundum vtramque naturam, in vnitæte personæ & operationum personalium, voluntaria dispensatione regnat, in omnibus, & super omnia, in Ecclesia, definito regno, atque mutabili, cuius principium & finis in tempore, cum principio & consummatione Ecclesiæ est coniunctissimum. Nunc age, expendamus partes argumentationis tuæ. Maior igitur vera est, si ita acceperis, Qui æquali potentia, maiestate, & gloria æternum cum Deo regnaturus est, cum nunquā Deo regnum esse traditurum, illud pura regnum quo equali potentia, gloria, & maiestate regnat. Sin autem ille ipse qui regnat equaliter, propter certas causas se vtrò demiserit saluo naturali iure, vt dispensatiuè inferius regnum procuret per gratiam, iniurius certè in eum fuerit quisquis nunquam fore affirmabit vt dispensatiuum illud regnum ijs tradat a quib. acceperit. Nam si dispensatiuum hoc regnum is nunquam traditurus esset, nunquam regni naturalis vsum plenum esset recepturus, id est, planè id occupaturus, ex quo se alieno bono dispensatiuè demisit, non malo suo. Ergo quā equaliter regnat, regnum hoc suum non est traditurus, naturale enim est essentia: quā verò subiecit sese propter salutem nostram, & suscepit abiectiorem regni modum,

modum, is regnum hoc suum traditurus est, quum finem illius fuerit assequutus, id est, consummationem Ecclesiæ: dispensatiuum enim est personæ, & temporarium. Hæc mihi quidem sic videntur clara, vt mirer homines exstare qui specie inflati scientiæ non intelligant tam populare argumentum. Minoris itaque propositionis iam facilis est apertaue intelligentia, postquam thesicos, quæ in maiore, elenchus reiectus est: aperta conclusionis inanitas. Christus enim æquali potentia, maiestate, gloria æternum cum Deo Patre regnaturus est illo regno quod secundum naturam appellauimus, etsi non illo dispensatiuo, quod est inferius. Quid ergo iam conclusione facias? Ego de alijs loquor, dicebat quidam, tu respōdes de cepis. Ita enim conclusioni cum antecedentibus conuenit, si ad regnū dispensatiuum, vt facis, retuleris. Alioqui de essentiali, quod secundum naturam est, conclusio verissima. Te autem de illo dispensatiuo agere ostendunt sequentia, quum ais, *Consequenti contrarium a Paulo affirmari*. Contrarium affirmari nego, diuersum concedo. Itaque quicquid post adfertur, nihil ad rem. Sed tamen illud quicquid est videamus. Sic loquitur Paulus: *Si- 1. Cor. 15.*
cut in Adamo omnes moriuntur, ita & in Christo omnes
uiuificabuntur, id est, resurgent ex mortuis: Vnusquisque
autem suo ordine. primitia resurgentium Christus, postea
qui sunt Christi resurgent uiuificati in aduentu ipsius:
Deinde erit finis, nempe istius uiuificationis ad resurre-
ctionem & vitam æternam, totiusque gubernationis
& regni illius dispensatiui, quum tradiderit regnum Deo
& Patri, nempe quod dispensatione gratiæ receperat
in sese ad salutem corporis sui, quod est Ecclesia. quum
aboleuerit omne imperium, omnemque potentiam & virtu-
tem, aduersatam Ecclesiæ suæ, vt verlu seq. exponitur.

2. Theff. 2

Epheſ. 1.

Quid hæc, obsecro, ad regnum essentialiale illud, quod natura commune est Deo Patri, Filio, & Spiritui sancto in vnitate essentia? Sequitur paulo post ibidē, *Postquam verò subiecta fuerint ei*, nempe Christo, *omnia*, factaque Ecclesie totius *ἡ κοίτη* in ipsum, vt idem Apostolus vocat commodissima voce & significantissima *tunc & ipse Filius subijciatur ei qui subiecit ipsi omnia*, id est, Christus ille mysticus, ex persona Christi velut capitis omnia *ἀνακεφαλαιώσασθαι* & corpore Ecclesie per *ἡ κοίτη* Christi in ipsum adunato constans, subijciatur Patri qui subiecit ipsi omnia, & immediate suberit in membris suis & humanitate sua, omisso dispensatio illo regno cuius nunc procuracionem obtinet, & cuius ratione etiam Dominus noster appellatur: *vt sit Deus omnia in omnibus*, Deus inquam Pater, Filius, & Spiritus sanctus, in vnitate essentia immediate vtens communi æternoque regno, cuius causa dispensationum fuerat institutum. Nam cessabit quidem hoc dispensatiuū; sed effectus illius, vi æterni ac essentialis illius regni permanebit. Hæc illa documenta sunt mysteriaque diuina, quæ Apostolus narrat, & quorum expectatione vt alij alios consolemur iubet. Obijciatur, *si nostri dicant, secundum carnem, id nefarium absurdum sequitur, quod Christus erit subiectus Christo*. Negatur cōsequens: & fallacia æquiocationis est euidens. Nam Christus aut de persona seorsim enunciat in se perfecta, quæ Deus & homo vnitæ personæ, aut de persona completa complemento suo, quod est Ecclesia, per illam *ἡ κοίτη* in ipsum, (vt ex Paulo antè appellauimus) quæ est caput Ecclesie suæ. Vsq̃ ad tempus illud consummationis omnium, Christum in persona sua spectamus operantem opera regni sui: inde a tempore consummationis factæ, eundem in corpore

in corpore suo, puta Ecclesia, spectamus cōquiescentem. Nunc autem Christum in persona sua subiectum Patri agnoscimus per dispensationem illam salutarem (de qua iam sæpius) secundum diuinitatem, videlicet saluo naturali illius æqualitatis iure; secundum humanitatem, naturā suā. At tunc in consummatione seculorum, Christum in persona sua videbimus, finita illa dispensatione, ad æquatum Patri, id est, plenū vsum æqualitatis naturalis suæ obtinentem cum Patre, sine inanitione & deminutione vlla aut deminutionis specie, secundum naturam diuinā ipsius; subiectum verò Patri secundum naturā humanam suam, in carne sua, & in membris suis. Deinde si de persona ipsius agitur, aut secundum totum personæ, aut secundum partem (vt ita dicamus) agitur. Atq; hæc duplex fallacia semper cauenda est, quorū Christī nomen inter argumētandum producit: vna, vtrū de persona Christi agatur in se, an verò in mysterio: altera, si de persona Christi agatur in se, vtrū secundum totum personæ, an verò secundum hanc aut illam naturam. Vt ergo *et primū* dicamus de obiectione ista: primū simpliciter negamus cōsequēs, Christum Christo subiectum fore: hoc enim loquendi genere duo supposita siue personæ statuuntur captiosè, cum nos vnum Christum, personam vnā, confiteamur & credamus ex naturis duabus, ac non personis, constitutam: esse enim personam æternam assumptam, & naturam assumptam in vnitatem personæ. Secundò vt detur non hīc fieri duo supposita, sed tantumdem his verbis significari ac si dixeris, Christum sibi subiectum fore; id omnino constat, nomen Christi de persona, siue in sese (vt moris est) siue in mysterio enunciatum (prout mysterium illud perfectum futurum est in consummatione seculi)

dici æquiuocè. Si ergo de persona in se nomen Christi placebit accipi, idem profectò secundum totum personæ sibi subiectus propriè dici non potest: secundum verò naturā assumptam, optimè subiectus dicetur personæ assumpti. Humana enim natura diuinæ, ut instrumentum eius, subiecta est. Instrumentum autem, siue separatum, siue coniunctum, principali agenti suo modo subiectum est: separatum, ut securis puratori, messoris falx, dolabra fabro: coniunctum, ut corpus animæ, & omnes corporis partes menti, quā propterea philosophi τὴν ἡγεμονικὴν, quasi ducē & præsidem quamdam, appellarunt. Cū autem deitatis vna sit potentia, maiestas, gloria trium personarum communis, humanitas verò deitati Christi subiecta sit, quis neget eandem etiam Deo Patri subiectam esse? Etenim aut subiectam oportet esse deitati, aut adæquatam. Ut adæquatam dicamus, absit: nam quartus hic foret Deus, quod antè Samosatenus obiecit; & rem vllam creatam Deo creatori in se adæquari posse, tota Scriptura constanter negat. Subiecta igitur. Quòd si de persona Christi in mysterio intelligatur, ut capitis cum corpore; certè non potest hoc respectu non subiectus esse tum secundum humanitatem suam, tum secundum corpus redemptione acquisitum & assumptum, id est, Ecclesiam suam. Loquitur autem Apostolus de futuro statu in consummatione seculi, quo Christus in mysterio completus futurus est, prout tempus illud tempus instaurationis omnium appellatur. Rectè ergo *Christus Deo Patri subiiciendus* dicitur, *regnumque ei traditurus* illo exoptatissimæ consummationis tempore. Nam *subiicietur* posito deditoque regno, tum secundum humanitatem suam in persona sua, tum secundum accessionem suam in persona Ecclesiæ suæ:

regnum

Aa. 3.

regnum autē tradet etiam secundum diuinitatē suam, puta dispensatiuum illud & temporarium, quod inaniens sese diuinitas eius in se receperat per dispensationem gratiæ: idque *ut Deus sit omnia in omnibus*, & ipsa quoque diuinitas Christi, quæ sese *καὶ παρέσθην* propter nos exinanierat, regno illo suo æterno diuinòque; perfruatur cum Patre & Spiritu sancto *καὶ παρέσθην* in plenitudine gloriæ. Quamobrem non est cur labores, Samosatene, vt Christum probes non fore subiectum Christo: id enim religiosè pernegamus: sed in humanitate sua & Ecclesia ad humanitatem assumpta, quæ vnum cum ipso futuræ sunt æternum, Deo subiectum fore agnoscimus, & in ea spe gloriamur: Quòd si Deo, ergo & deitati ipsius vtramque subiectam fore, naturam humanam & Ecclesiam eius. Etenim si iam hoc ipso tempore subiectæ sunt, quo ad finem illum in hac infirmitate Ecclesiæ contenditur; quid mirum, si illo tempore subiectæ futuræ sunt, quo ad finem suum diuina virtute & gratia Christi perducentur? Sic Patri, Filio, & Spiritui sancto, vnius potentia, maiestatis, & gloriæ Deo, suberit humanitas Christi & Ecclesia eius. Qui autem adferuntur loci, nihil ad hanc rem omnino faciunt. Agitur enim illis de iudicio, non autem de statu & ordine qui post iudicium futurus est: quæ duo hic Samosatenus nesciuit distinguere. Taceo de interpretatione ipsius, qua se ipse iugulat, vt antè diximus. Nam si Deus per Filium iudicaturus est, iudicat igitur: atque hoc verum: si non iudicat, certè non vt Filius iudicat, id est, eo modo quo Filius: nam per Filium iudicat, & quidem dispensata per carnem assumptam iudicatione. Sic vtrumque verum diuerso respectu, iudicare & non iudicare Patrem. Quam rem, Samosatene, si non intelligis, pete vt intelligas iudicem, ne experia-

ris iudicium eius: quod tua tuorumque causa a Deo & Patre luminis constanter peto.

SAMOSATENVS.

13.

ET certe in re ipsa nihil difficultatis esset, si modo ignorantia tot seculorum diuinæ veritatis lucem non exstingueret. Imbibimus phrasas & loquendi modos, Conciliorum potius quam Apostolorum: nō mirum itaque, si Scripturæ vim & proprietatem ignoramus. Ex animo autem, charissime preceptor, exopto tibi, ut meo potius exemplo discipulum te Christi & Apostolorum fatearis, quàm eorum qui nouis student formulis, easque in docenda Ecclesia perpetuò in ore habent, non sine turpi doctrina & Ecclesiæ Christi ignominia. Proinde non absque causa 2. Tim. 1. monet Apostolus, exemplum teneto sanorum verborum, quæ a me didicisti. An verò sunt, Domine preceptor, exemplar sanorum verborum voces illæ, Trinitas, essentia, tres persone in una essentia? quæ nec a Paulo, nec a Christo, nec a quoquam alio in Ecclesiæ Christi fuerunt olim usurpata, sed a Concilijs & reliquis Patribus excogitata & inuenta. At sunt (inquiunt Orthodoxi vestri) necessariò voces illæ in Ecclesiæ retinenda. Quid? nōne hæc, obsecro, ex diametro repugnant diuinis vatibus? hoc cine est cum timore & tremore salutem suam procurare, ubi potius philosophis quàm Christo & Apostolis habetur fides? ubi potius aliena quàm sua fide viuuntur?

ORTHODOXVS.

SUPERIORIBVS paradoxis tuis, Samosatene, iam addis *μυαδοζολαν*, quod si ex animo dicis (ut puto dicere) palàm ipse prodis cæcissimas tenebras mentis tuæ, & humana arte immedicabiles. Curet Domi-

nus

inscurator noster. Primum in re ipsa nihil difficultatis
esse pronuncias, nimirum tibi & tuis, qui vestra illa
sublimi scientia & acie ingenij omnia diuina rimati
estis. Deus bone! quid Paulo illo seruo Dei vocato A-
postolo ad obedientiam fidei, illo electionis vase facia-
mus? Dicit enim ille, *ex parte cognoscimus, & ex parte* 1. Cor. 13.
prophetamus. Postquam autem aduenerit quod perfectum
est, tunc quod ex parte est abolebitur. Quum essem infans,
ut infans loquebar, ut infans sapiebam, ut infans ratioci-
nabar: postquam autem factus sum vir, ut inutilia sustuli
qua infantis erant. Cernimus enim nunc per speculum &
per anigma, tunc autem coram cernemus: nunc cognosco ex
parte, tunc verò cognoscam prout cognitus fuero. Cernen-
ti Paulo eminus, per speculum, per anigma, ex parte
nihil difficultatis fuisse visum equidem nō ausim dice- Esai. 6.
re: & tu hoc tibi arrogas? Quid cœlestes Angeli? nōne
binis alis tegunt faciem, quia huius rei maiestatem &
amplitudinem non possunt defixis oculis contempla-
ri? & hæc tu, miser homuncio, sine vlla difficultate vi-
deas atque peruideas? Dices, de eo loqui te quod reue-
latum est. Esto sanè: sed illud ipsum quod reuelatū est,
eminus, per speculum, per anigma, ex parte est reue-
latum: quis autem homo sic desipuit, ut se eam rem si-
ne difficultate videre prædicet, quam eminus, per spe-
culum, per anigma, & ex parte videt? Dices de eo lo-
qui te quod intus luce diuina vides. Et hoc ipsum est,
mi homo, alterum reuelationis membrum, sine quo
nobis foret inanis quælibet reuelatio. Reuelat Deus fo- Ephes. 2.
ris Scripturæ face, intus Spiritus luce, qua oculos san- & 3.
ctorum illuminari in dies Paulus desiderabat in singu-
lis epistolis. Sine hac reuelatione nihil videremus: cum
hac reuelatione & per ipsam videmus aliquid. Hoc au-
tem cuiusmodi sit, docet Apostolus, quum de se & pijs

communiter enunciaret nos eminus, per speculū, per
 ænigma, ex parte cernere. Est igitur etiam puris corde
 semper aliquid difficultatis herens in cognitione & in-
 telligentia istarum rerum: quam difficultatem qui nō
 videt, cæcior est (quod aiunt) leberide: qui peruidet,
 infantem se esse videt in rerum diuinarum quæ hîca-
 guntur scientia. Addis, *ignorantia tot seculorum ex-
 stinguī veritatis diuinæ lucem*. Verissimè dictum, cheu,
 nimis verè dictum: at nō appositè. Nam in hac re, quæ
 quidem est religionis caput, Deus ne hoc quidem tem-
 pore vsque adeò abiecit Ecclesiā suam, vt ab illa quasi
 arce pietatis, religionis, fidei exciderit. Alijs quidem
 in rebus passus est ruere miserrimè: sed in hac, quamuis
 ingruentibus & infestantibus tenebris errorum grauif-
 simis, signum Ecclesiæ suæ quo ab alijs intenoscutur,
 Trinitatis dogma, lōgè integrius quàm quiduis aliud
 conseruauit. Hoc a Deo traditū, a Patriarchis & Pro-
 phetis cultum, a Christo demonstratum, ab Apostolis
 declaratum, ab Ecclesia rerentū pignus cœlestis scien-
 tiæ, per omnia secula perdurauit. quid enim veritate
 fortius? Sed de hac re segmento 2. satis. Concilia & A-
 postolos opponis: malè, si ad prisca illa Concilia & lau-
 datissima respexeris: quid enim tam cum verbo Dei
 cōsentiens? Nos verò ex illis Scripturæ vim & proprie-
 tatem magis, quàm ex vllō Samosatēni cōmento co-
 gnoscimus; tantum abest vt ijs a sacræ Scripturæ in-
 telligentia abducamur. *Phrasēs*, inquis, *illorum magis
 quàm Apostolorum imbibimus*. Sed per Deum immorta-
 lem, quid est quod in phrasibus meritò reprehendas?
 nōne eædem sunt? quòd si quæ eædem non sunt, at
 nōne sunt idem? Profectò quisquis sapit secundum
 Deum & fugit τὸ λογιμαχῆν, nunquam eas phrasēs da-
 mnaturus est, in quibus horum alterum deprehende-
 rit.

rit. Easdem appello eas quæ verbis & re consonant: idē,
 quæ verbis diuersæ sunt, quamuis re consonent. Est au-
 tem vtrumque hoc genus in docendo necessariū. Nam
 teipsum appello, Samosatene qui doces: dic bona fide,
 quotiescunque doces, vtrum idem per idem doces &
 exponis, necne? Si per idem, non doces, sed garris atq;
 πωπλογεῖς. Idem igitur doceri satis est, licet non per
 idem. Quid dico satis? immo verò est commodum,
 vtile, necessarium, tum causa eorum qui docentur, vt
 ea quæ docentur percipiāt; tum vel maximè causa eo-
 rum qui redarguuntur, vt eius ipsius quod doceri no-
 lunt veritate reuincantur per verborum, phrascon, sen-
 tentiarum lumina. Hæc lumina talpæ, vespertiliones,
 noctuæ fugiunt; non autem filij lucis, secundum Deū
 φιλομαθεῖς. Easdem igitur phrasas, quas Spiritus san-
 ctus dictauit in Scripturis sacris, seruari, quoad eius fie-
 ri potest, tam probō & laudo quàm qui maximè. Sed
 quid si auditorum captus, siue docilium, siue indoci-
 lium & contradicentium, rem aliter exponi desidera-
 bit? Docilibus ego quidem suaferim quasi prēmāsum
 cibum in os inferi & lac præberi populariter: indocili-
 bus medicamentum obtrudi efficaciter: solidū cibum
 cæteris. Hoc discrimen nos docet Apostolus duobus ^{1. Cor. 2.}
 locis luculentissimè: cuius discretionem si nescis, quī ^{& 3.}
 docere possis? Quid mea, obsecro, vtrum phrasas istas ^{Hebr. 5.}
 Concilium, aut homo vnus, etiam olitor dixerit, mo-
 dō a Deo sint, & veritati ipsius respondeant? At
non student formulis, inquit, *easque in docenda Ecclesia*
perpetuò in ore habent, non sine turpi doctrina & Ecclesia
Christi ignominia. Negatur: quī probaueris? nam hæ
 quidē formulæ quas tu adducis, annos quasi mille tre-
 centos obtinuerunt, cum incredibili τῶν ἐπιδιδασκα-
 λουμένων dolore. Deinde fuerint sanè per illud tempus

nouæ, aut existant aliæ memoria nostra: non eas continuo explodi necesse est, quia verbum de verbo nō leguntur in Scripturis sacris; sed qua occasione, quo fine, quo sensu proferantur, quam vtilitatem habeant, necesse est explorari. Non enim occasionem vltro nouis formulis homines nostri attulerunt, sed heretici sua (vt Irenæus vocat) *καινομμία & κενοδοξία* eas, licet inuitis obtruserunt: non eo fine, vt a verbo Dei phrasibúsque ipsius abducant gregem Christi, sed vt aberrantes reuocent, & abducentes certis quasi cancellis circumseptos teneāt ne euagentur, piósque doceant breuibus quasi symbolis eos retregendi & cōstringendi modum: non alieno, non diuerso, non contrario sensu quàm qui in Scripturis sacris exponitur, sed eodem planè, quia pertè sua veritate reuelet technas eorum qui cōtradiciunt veritati: non denique inutiliter, sed cum fructu & vtilitate maxima, cuius aliquam partem modò perstrinximus. Non est, crede mihi, nouitati studere, quàm ita agitur; sed nouitati obsistere. Nouitas a vobis est, colitur, propugnatur: a nobis est diuina veritas, cuius amore, nouitas a nobis fugitur atque oppugnatur. Vt autem oppugnetur expugneturque nouitas, quis non vel inuitus vratur nouitate? Vt in acie nouationē boni duces occupant, quum nouis hostium artibus appetuntur: sic in Ecclesia, in castris Domini subsidia nouarum vocum aduersus hostiles artes largitur Deus. Doleat tibi animus, quòd hæc subsidia in promptu habeamus: at nos Deo gratias agimus. Obijcis hæc subsidia: quidni facias? sic cupit hostis res nouas exprobrās, a nouitio milite imprudenter subsidia abijci, hostiles istas obiectiones indignante. Nos verò hæc subsidia cōstantiùs retinemus; nō quòd doceamur illis propriè, aut Scripturis sacris nō habeamus satis; sed quia compendia

dia sunt retegendæ & cauendæ nouitati vestræ. Scilicet ignominia doctrinam & Ecclesiam Christi afficimus, quum subsidio atque compendio istorum indiciorum ad imperitiorum labilem memoriam cōmodissimo notamus propter veritatem doctrinæ & salutem Ecclesiæ Christi, configimúsque nouitatem vestram, eorūque omnium quos mentis vanitas impedit ne acquiescant veritati.

Sequitur, *Iubet Apostolus exemplum teneri sanorum verborum quæ ab ipso didicimus.* Atque hinc argumentatio, *Quæ voces non sunt exemplum sanorum verborum, & quas a Christo Apostolisque non didicimus, ea non sunt tenende: Trinitas, essentia, tres personæ in una essentia, sunt voces eiusmodi: Non ergo tenende.*

Maiorem accipio lubens: triplex tamen ad eam cautio. Prima, rectè *exemplum* desiderari ab Apostolo expressamque formam, vt omnia ad prælatum exemplar componantur. Secunda, *sanos sermones* dici ab eodem Apostolo, id est (vt alibi appellat) doctrinam sanam, quod hîc ad verba & voces restringit Samosatenus, vt persua deat consilium suum. Tertia, interdici *sermonibus quos a Christo & Apostolis non didicimus*, atque adeò, si ita placet, vocibus non sono, sed sensu differentibus. Alioquin si sono differētes putas interdici, quid est cur non loquamur Syrè, vt Christus? Hebraicè, vt Prophetæ? Græcè, vt scripserunt Apostoli? cur tu, Samosatenè, doces & scribis Polonicè? Conuenit ergo inter nos, rem & rei formam seruari oportere, non voces, non sonos vocum. Assumptio falsissima est, vt rouis modo acceperis, siue de substantia rerū, siue de vocibus. Ac de vocibus quidē illis prima, *Trinitas* siue *Trias*, expressè in Scripturis non legitur, si bene obseruaui: sed tres dicuntur in Scripturis cōcreta (vt loquuntur) voce. Eorum autem qui tres dicuntur in concreto, analogicè

in abstracto Trinitas vel trias appellatur. Hoc pueri norunt, hoc prima Grammaticæ rudimenta docent, hoc nulla religio prohibet: hoc natura asserit, si qui tres sunt, eorum trinitatem esse: si qui decem, eorum esse decuriam: si qui vnus, eius esse vnitatem. Qui hanc vocum fugiunt analogiam, eos aliud in re ipsa oportet aucupari. *Essentia* nomen a te in Scripturis non fuisse credo deprehensum, & confido planè: est tamen in eis, legiturque aliquoties. Hæc Hebræi appellant *Thuschja*, a verbo significante esse: quemadmodum ab esse dicitur essentia. Sic appellatur in libro Iobi, & Prouerbijs Salomonis frequenter. Phrasis tertio loco posita, *tres persona in vna essentia*, quia magis ad sensum quàm ad voces pertinet, a nobis tum confirmabitur quum substantiam rerum ostenderimus vocibus præcedentibus expressam esse, vt expressa illa forma sanorum sermonum postulat. Trinitatis substantiam doceri Scripturis duobus modis demonstrabimus tam euidentibus, quàm est euidentis ter vnum esse tria. Nam primum vbi tres nominantur distinctè, ibi est Trinitas: Tres in deitate distinctè nominantur passim, Pater, Filius, & Spiritus sanctus: Ergo in deitate Trinitas. Maiorem probat analogia, quàm suprà diximus: Minorem Scriptura, Matth. 3. & 12. & 28. Ioan. 1. & 15. & 16. & 1. Cor. 12. & 2. Cor. 13. & 1. Ioan. 5. & Apoc. 1. & alibi, etiam in Testamento vetere, vt suo loco (si Deus volet) declarabimus. Secundò, Qui tres numerantur numero (vt vocant) numerante, eorum trinitas est numero etiam numerato secundum iustam analogiam: Tres autem numerante numero in deitate numerantur: Eorū igitur, vt suppositorum, Trinitas in deitate est numerato numero. Minor probatur ex 1. Ioan. 5. Substantiam eius quod essentia dicitur, et si multis possumus, tribus modis

modis demonstrabimus. Primum ipso usu vocis, Essentia, de Deo usurpata. Sic enim Deus in Scripturis, *Apud illū est robur & essentia, &c.* item, *meum est consiliū & essentia, mea est prudentia, robur meū:* item, *mirificus est cōsilio, magnificus essentia.* Nam cum in re qualibet modus operationum sequatur modum τῆ ἐνυαγ siue essendi illius, quis neget hunc Esaiæ locum, si bene attenderit, ad essentiam Dei pertinere? Secundò nomine proprio seu essentiali Dei, quo Scriptura sacra in Testamento vetere vititur, Iehoua, Iah, Eheje (hæc enim coniugata sunt) quod est Ens, ὁ ὢν, & quidem Ens αὐτὸν, æternum, immutabile, &c. quapropter appositè dicebat Ioannes, *ὅτι τῷ ὢν & ὁ λέω & ὁ ἐρχόμενος* Ⓞ: Græciver. Apoc. i. *κύριον*, dominum, *ὅτι τῷ κύριον*, ab auctoritate non solum agendi in alia, vt vulgo exponitur, sed essendi a se & in se (vt ita loquamur) quasi αὐτόντα, & auctorem principiumque vt alia omnia sint, in quo viuimus, mouemur, & sumus, ex quo, per quem, & pro. Aët. 17. pter quem omnia. Nam si *Entis est essentia* (vt est analogicè) *perfecto summè Entis summè est essentia:* Est autè *Deus summè ens*, ὡν ὑπερῶς Ⓞ: Eius ergo summè est essentia. Postremò prædicationibus de Deo, quæ in sacris Scripturis exstant. Nam siue Deus loquatur, *ego sum*, Esai. 43. *& non est alius:* &, *non est quisquam præter me*, vt sæpe in 44. & 45. Prophetis legimus, siue de eo serui ipsius enuncient, vt passim: omnino illud verbum, esse, *ὑπαρτικῶς* oportet accipi: quod esse secundi adiecti recentiores Logici appellarunt; Græci κατηγορούμενον, vt ab esse tertij adiecti, quod est *περοκατηγορούμενον*, distinguerent. *Quicquid autem est per se, quod est, essentia est: Deus est: essentia igitur.* Atque hæc spectabat omnia Apostolus, quum ita scriberet, *Qui accedit ad Deum, hic credat oportet esse Deum, & ijs qui querunt ipsum futurum esse remuneratorem.* Heb. 11.

Iob. 12.
Prouerb.
8.
Esai. 28.

Phrasin illam, *tres persona in unitate essentie*, vno cō-textu ad verbum non memini legi in Scriptura: sed leguntur singulæ suis locis, legitur plurimis æquiualens. Personæ vox, vel substantiæ (nam vtrouis modo interpretæris, non magni interest) legitur Hebr. 1. *Christus est effulgentia gloriæ, & character persone Patris*. & ita oportet exponi, suprà segmento 6. apertè docuimus. Vnitas non legitur, sed vnum. quo autem argumento a tribus Trinitatem, eodem ab vno vnitatē dici constat, & paulo antè monebamus. De essentia modò tantum vidimus. Iam aliquid *ἰσθῶσαν* adferamus. Certè quum Christus diceret, *Ego & Pater vnum sumus*, primum substantias vel personas duas, supposita (vt loquuntur) duo distinctè memorabat: deinde commune illud de suppositis duobus istis prædicabat, quòd sint vnum, idque non animorum cōsensione solum, aut operatione, sed essentiæ vnitatē. Nam si sunt vnum, eorum essentia vna est: vnitas ergo essentiæ. Qui de operatione accipiunt, nōne vident causam operationum reddi? at quorum vna planè est operatio, vna quoq; essentia dicenda est. Nōne pudet eos qui Christiani haberi volunt, id negare quod Iudæi ipsi agnouerunt, & pro blasphemia exprobrauerunt Christo? *Ob bonum opus*, inquebant, *non lapidamus te. sed ob blasphemiam, id est, quia tu homo cum sis, facis te ipsum Deum*. Itē, *vt omnes vnum sint*, ait Christus, *sicut tu Pater in me, & ego in te*, nimirum vnum sumus essentiæ vnitatē. Quod posterius de essentiæ vnitatē dictum ne imprudenter ad membrum simile raperetur, tamquam si vnio sanctorum adæquaretur personarum vnitati in sancta illa Trinitate; mox Christus subiicit vnionem illam nō esse huic vnitati æqualem quæ a natura est, sed a gratia Dei proficisci communicatione gloriæ in Christo cōsummandam.

mandæ. Dicit enim, *ego gloriam, quam dedisti mihi, dedisti eis: ut sint unum, sicut & nos unum sumus. Ego in eis, & tu in me, ut sint consummati in unum, &c.* Item, *tres sunt qui testificantur in cælo, Pater, Sermo, & Spiritus sanctus: & hi tres unum sunt.* id autem est omnino, tres sunt personæ in essentiz vnitæ, tria distincta supposita, essentia vna. Hæ igitur voces, Samosatene, a Christo, Paulo, Apostolis, & Ecclesia sunt: eadem cõmunis omnium sententia, quam Concilia & Patres eos sequuti tenuerunt, & nos sanctè ab illis traditam religiosa fide obseruamus.

Pergis argutari dicens, *Quæ ex diametro repugnant diuinis vatibus, ea non esse retinenda in Ecclesia: hæc autem repugnare: ergo.* Negatur minor, & ex veritate modò ostendimus negari oportere. Cõtrà enim quisquis non adfert hanc doctrinam, is veritati Dei & saluti Ecclesiæ aduersatur. Retinenda igitur ipsa, & voces ad declarationem ipsius commodæ. Iterum, *Qui potius philosophis, quàm Christo & Apostolis dant fidem, & aliena fide viuunt quàm sua, y non procurant cum timore & tremore salutem suam: hoc faciunt orthodoxi: ergo.* Maiorem damus: etsi nō prætereundum, philosophos opponi Christo; ac proinde hæc non quamuis philosophiam, sed inanem illam aut falsam reprehendi, quæ a Christo abducit, aut ei aduersatur, & contradicit doctrinæ eius. Nam alioquin, vt natura est a Deo, sic philosophia naturæ conueniens a Deo est, nec nisi a brutis contemni potest, quæ scœnum esse oporteat. Hanc philosophiam Christo & Scripturæ negamus iustè opponi posse, velut aduersantem, cùm sibi ipsi nunquam aduersetur Deus, a quo est & philosophia. Minorem negamus constantissimè: nam istorum malorum nec sumus conscij cum animis nostris, nec a Samosatenis, Photinis, Arijs, Macedonijs omnib. euinci possumus.

Deo gratias immortalis agimus, quòd dignatus est Spiritu suo testari in spiritu nostro, nos ipsi esse filios, & audire vocem ipsius: Deo inquam gratias de munere ipsius inenarrabili.

SAMOSATENVS.

14.

HÆC autem quæ ad te scribo, preceptor charissime, cogit me facere amor tui, ut cui multum a me deberi fateor. & interim Deum omnipotentem oro, ut tibi oculos aperiat mentis tuæ, cor nouum in te creet, & regeneret te ac eripiat mundo, ut opera lucis possis facilius ab operibus tenebrarum dignoscere: deinde absque ruga ante tribunal Christi comparere, dulcissimumque fidei & vitæ inculpatæ fructum percipere: qui unicuique exsoluet ac premium ipsius reddet quod quisque in corpore fecerit, siue boni, siue mali. Sic enim affatur nos in Apocalypsi, Ecce, venio cito. & merces mea mecum est, ut reddam unicuique prout opus ipsius fuerit. itæ Rom. 2. 6. qui reddet unicuique secundum opera ipsius. Et ibidē etiam nos, nos inquam hortatur Apostolus dicens, non qui audiunt legem, iusti sunt apud Deum; sed qui legem præstant. Sic & Euāgelij vox: nam Dei opus sumus, cōditi in Christo Iesu ad opera bona quæ præparauit Deus ut in eis incederemus. Quænam autē illa sint opera bona siue opera spiritus, & quæ mala opera siue opera carnis, vide ad Galat. 5. vers. 18. sub finem. Neque solum inspice locum, sed ut facias contende. non enim qui vident, aut audiunt, aut dicunt, Domine Domine, regnum Dei obtinebunt, sed qui faciunt voluntatem eius & Deo debitam præstant obedientiam: siquidem citius cælum & terra transibunt, quàm vel minimum preceptorum eius poterit immutari. Quapropter nos ab omnibus curis huius vitæ & peruersi mundi tempestiuè conuenit expurgari, ut simus idonea vasa, & ad honorem consecrata, ad usum Do-

mini

2. Cor. 5.

Apoc. 22.

12.

Rom. 2. 13

Ephes. 2.

10.

2. Tim. 2.

mini ipsius apta & preparata ad omne opus bonum: & ita in bonis operibus perseverantes, gloriam, honorem, immortalitatem, vitamque sempiternam queramus, obtineamusq. Explora itaque iam te ipsum: num fundamento vero innititur? num toto corde mandata eius exsequeris? annon es inutilis servus ille cui gehenna imminet? num Deo fidelis fuisti in occupatione talenti tui? num fructum illum tulisti, ad quem per Christum fuisti destinatus? omnem enim palmitem qui non edit fructum Dominus amputat. num hactenus res tuas magis quam divinas atque aeternas procuravisti? num gratiam & fauores hominum magis quam Dei gloriam & dilectionem aucupatus es? vellēsne in posterum tot labores & curas, tantāsque molestias & longinqua itinera, tanta denique pericula ad vanas hominum preces alicuius comodi aut lucelli causa suscipere & sufferre? Absit. nonne satius id & convenientius futurum est, ut iam examines conscientiam tuam, illamque puram, atque adeo te ipsum Deo sis, insumq. iudicium Dei (cuius in te geris imaginem) effugias? mundo & curis eius omnibus valedicas? quae ut momentanea sunt & incerta, ita multos fallunt precipitantq. in exitium. studeas denique ut tua sorte contentus sis, prout nos monet Apostolus, & ita occupans te in obediētia, viuas in Christo, conscientia omni ex parte pacata per Christum? Hec ego & multo maiora, quae huius loci non sunt, aut temporis, tibi ex animo exopto & precor: utpote cui multum debeam, & quem merito solitus sum amore complecti, nec adhuc amare desino. Proinde, si recte iudicabis, videre ipse poteris quae & quanta precibus exoptem tibi, cum maiora his optare nequeam, quam ut cum Christa viuas in locis caelestibus, & quae sunt mundi abdicēs: quae ego omnia ex mandato Dei pro sordibus duco, & eadem omnibus atque etiam tibi contendo & nitor exponere, quod non solum impediānt suavisimum illum odorem verbi Dei, verum etiam suffocent: quibus in

rebus iamque te velim sapere. Sed sapienti satius. Ego
 verò de te, preceptor colende, omnino mihi persuadeo, & fir-
 miter spero, te hæc omnia eodem animo, quo a me perscripta
 sunt ex tui amore, accepturum: neque admonitionem a disci-
 pulo profectam ex animo optimo neglecturum, quæ eo consi-
 lio a me instituta est, non ut te instituerem, sed ut tibi adde-
 rem currenti calcar. Atque hoc quidem feci, argumentum
 ex meipso petēs: quem tu etiam fuisse nouisti dissolutum &
 deditum voluptatibus, quæ per illud tempus omnino mihi
 secundum mundum hunc honesta laudabilisque videbatur.
 Postquam verò consului Dei legem, & vitam eiusmodi con-
 trariam mandatis eius adeoque morte dignam esse animad-
 uerti, tum demum antea actam illam vitam deplorare cepti,
 neque adhuc satis coram Deo deslere possum rationem illius,
 quod tantum miser temporis in persequendis mundi istius
 nugis consumserim, omisso pietatis studio, & tui suauibus
 doratisque verbi diuini floribus neglectis, qui ad promouen-
 dam salutem meam, conscientiam pacandam, & semini-
 motam aeterna vita ingenerandam pertinebant. Quapro-
 pter cum iam in recta via me constitutum videam, ingens
 gaudium sentiam in mea conscientia, & iam iam diuitias
 immensas opesque incomparabiles atque honores obtineam;
 gratias ago Domino meo, & opto ut mundus horum bonorū
 gustum aliquem percipiat solum, qui tamen non nisi curren-
 tibus a Deo datur. Atque hoc totum efficit ille qui intus da-
 tus est arrhabo, quem nemo videt hominum, nisi qui iam
 accepit eum, & qui pacem illam a Domino Iesu Christo pro-
 missam assequutus est, quam nec habet, nec nouit mundus,
 nec dare etiam potest, quippe qui eum a quò datur minimè
 nouerit.

ORTHODOXVS.

HÆC demum *παρρησιας* vel digressio est a sermo-
 ne instituto, in hoc & sequente segmento. Primum enim
 ethica

ethica Samofatenus proponit quædam atque ~~æque~~
singula, deinde singularia ad docilitatem & attentionem
comparanda. De Ethicis nihil fermè dicā: nisi quòd
idem ipsi, & nobis omnibus quos Deus elegit in Chri-
sto, ex animo cupio, vt omnes veritati credamus verè,
ex ea viuamus bene, & eam rectè doceamus quicunq;
ad docendum a Deo vocati sumus. Thesis quidē bona
est: sed in hypothesi toto cælo errat, cui errantes vidē-
tur rectum iter sequi, & qui rectam viam insistūt aber-
rare. Operum certè bonorum studiū apud bonos sem-
per fuit & est commendabile: quæ qui negligunt, Dei
gloriam negligunt & salutem suam, ad quam per cal-
lem bonorum operum æquum est contendamus: quia
certissimi sunt fidei fructus & indices, ac non salutis
causæ coram Domino Deo nostro. De ijs verò quæ ap-
ponuntur singularia personarum, quum illum præce-
ptorem suum, laudatū virum, ad examen vocat, ani-
mum suum optimum studiūque in illum proficitur
multis, spem suā de illo testatur, exemplū suum adfert
ad spei illius cōfirmationē: de his ergo omnibus Deus
omnipotēs optimè videt, & iudicat. Illi sanè viderint
qui hæc de se prædicant, ne quando a corde suo conde-
mnentur. Nam si nos cōdemnet cor nostrum, nempe 1. Ioan. 3.
Deus est maior corde nostro, & nouit omnia. Ego mi-
hi tantum nō arrogauerim, vt de veritate istarum rerū
personalitū iudicem. Ij iudicent per me licet, qui homi-
nē & fructus ipsius cognouerint. Et si arrogāter satis vel
illud ab eo dicitur (quod in trāscursu moneo) *cælestium*
bonorū fructum non nisi currentib. a Deo dari. Ego me hac
infirmirate confiteor esse, vt vel claudicans in stadio
Christi vix possim pergere, nedum firmus & rectus de-
currere. Tu si hīc esses, Samofatene, & tecū habitares,
aliud certè iudicium de tua infirmitate facturū esses.

GENVINAM itaque causam huius discessus mei, cur me tum a mundo, tum a filiis eius seiuuixerim, ex his poteris cognoscere, & (si non displicet) etiā ipse imitari: utēque cur falso Trinitatis dogmati renunciauerim: nimirum quod ex diametro cū sacris literis pugnat, ut ex illis testimonijs iam ante allatis (si tibi cordi est pietas) animaduertere & percipere potuisti. Deinde quod dogma illud secum, ut incertum, pugnat & disidet. Equidem quam me hac in re cultoribus veri unius Dei opponerem, vellēque me Patrum auctori- tate obtegere, nunquam potui aduersus veritatem consistere: quin potius vidi illos ipsos sibi non constare. Neg. tamen existimandum est, si frequens mentio Patrum veteris Eccle- sia occurrerit, eo id a me fieri, ac si veritatem Dei probare ab hominum auctoritate conarer: cum ista eò potius spectent, ut palam manifestum fiat dogma Trinitatis inane esse, & ne- quaquam ex ipsa antiquitate (quod memoria nostra Theo- logi libenter persuaderent) defendi posse: immo verò pleraq. Patrum vetustissimorum scripta Trinitatem ipsam euerire, ut eam doctrinam quæ auctoritatem non prius in Eccle- sia obtinere potuerit, quàm puritas Euangelij & sanctimo- nia vehementius cœpisset in dies concidere. Tum enim ale- uibus quibusdam vitis exorsa, unā cum alijs superstitionib. paulatim inualuit, donec tandem in eam altitudinem quam nunc videmus ascēderit. Postremò eos etiam ipsos qui in pro- creando isto dogmate elaborauerunt, videmus non satis con- stanter in eadem sententia perstitisse: sed velut titubantes, modo Trinitatē asserere, modo soli Patri gloriam Dei unius vindicando, destruere eamdem non dubitauisse. Itaque ve- ritati homines isti volentes nolentes non raro patrocinati sunt. Concesserunt quidem illis aliquādo nostri, ut loco Tri- nitatis Patrem, Filium, & Spiritum sanctum profiterentur, & idem esse agnouerunt: sed facti pœnitet. Atque hæc va-
rietas

rietas opinionum & dissensio multos pios viros, & me quoque misellum, in dubitationem adduxit. Verum audita voce Domini, veritatem ipsam indagare ex fonte ipso cæpi, eamque ibi omnibus commentarijs doctissimorum vetustissimorumque scriptorum sepositis abunde reperi, amplexus ipsam exosculatusque sum, rerumque cælestium tunc primum summam precibus ardentissimis & spiritu Dei potentissimè adiutus a Domino (cui immortales semper ago gratias) impetrans.

ORTHODOXVS.

QVOD ita de seipso Samosatenus loquitur tamquam si pugno veritatem teneat, abs qua aberrat longissimè, id nos scripto nolumus exagitare, sed mali potius causas quàm fidelissimè possumus ostendere, vt curetur a Domino, aliisque eadem consulatur. Concludens igitur treis causas adfert, cur diuino huic Trinitatis dogmati renunciauerit. Prima est, quòd *ex diametro pugnare dicit cum sacris literis* homo Lynceus; qui id tam lōgo intervallo videt quod Ecclesia per tot cēturias annorum nō potuit animaduerrere. Eius rei *testimonia a se allata* prædicat. Mihi verò, Samosatene, cui per Dei gratiam cordi est pietas, non potest venire in mentem vnius testimonij, quod cum de Trina orthodoxa de Trinitate pugnet. Quòd si ita videtur tibi, at nos falso videri tibi, & Scripturæ toti cum hac doctrina bellissimè cōuenire demonstraui. Secunda est, quòd *dogma illud secum pugnare* putas: probationē adfers diuini, *experientiam* tuam: Quæ certè seculorū esse tam multorum in nequit, vt ex tanta diuturnitate artem confeceris. *Patrum scripta*: quæ tu hac ætate ne volutare quidem potuisti omnia: *Inconstantiam & instabilitatem illorum*: negamus, & negat tuus *quidē* & pseudo-

christianus ille qui libellum suum inscripsit, *Præcipuum enumeratio causarum, cur Christiani cum in multis religionis doctrinis mobiles sint & varij, in Trinitatis tamen retinendo dogmate sint constantissimi: vt est in prima Defensione nostra. Vetusissimorum contradictionē: falsum, vt nos segmento 2. conuicimus: nec tu paulo post infitiaris dicendo, a te veritatem omnibus commentarijs doctissimorum vetustissimorumque scriptorum sepositis, in fonte repertam esse. Tempus & modum, quo hæc doctrina inualuit: ne hoc quidem verius, aut probabilius; prout nos ibidem confutauimus. Postrema causa est, eorum inconstantia qui in Ecclesiam Christi hanc ipsam doctrinam inuexerunt (et si causam hanc cum præcedere per obliuionem confuderat) qui Dei gloriā modo Trinitati, modo soli Patri vindicauerint. Atqui hæc tibi quidem, Samosatene, sunt contradictoria: cōtradiciunt enim sententiæ tuæ. Nobis verò qui ex sacris Scripturis sapimus, ne inuicem quidem sunt hæc duo dicta, quib. nos tamquam in puteo constrictos gloriaris. Quinetiā vtrumque de Deo credi præcipimus, quia re ipsa ἐμνοφωρῆς, & quiuocatione tamen sublata, vt suprà inde a legem. to 4. passim docuimus. Cæterum amo simplicitatem tuam, Samosatene, quæ me sperare de te iubet meliora in Domino. Agnoscis concessisse aliquando vestros hominibus nostris, vt suppresso Trinitatis nomine Patrem, Filium, & Spiritum sanctum profiterentur, & quod idem sit agnouisse: post verò penituisse facti. Ac illos quidem sæpius concessisse verum est, vt sæpe Arius: æquū est semper vt concedant quod docet Deus: vt ex animo concedant, æquissimum: nam nisi ex animo, quid Deo præstant? quid Ecclesiæ, quid nobis accedit? Sed quòd nomen Trinitatis suppressum voluerunt cōcellare quā eo nomine designamus, id certè ab alia mente est,*

re est, vt segmento 13. ostendimus. Tu quidem præ te
fers simpliciorem mentem, qui & rem ipsam negas, &
nomen denegas Trinitatis: sed quo consilio nouit καὶ
διόγνως Deus. Quòd autem illos pœnituit facti, factū
indignius; cū reuocati a malo iterū in idem malū
animosius & obfirmatiū reuerterint. Plura dicerem:
sed nolo vnguem (quod aiunt) in vlcere: neq; est offi-
cium meum. Et tu inconstantiam non confessam, non
euictam, ac ne probatam quidem, aut aliqua veri simi-
litudine probabilem obijcias hominibus nostris? Ecce
tuorum inconstantiam probatam, euictam, cōfessam,
testimonio tuo. Quid ais, Samosatene? placet igitur
ex constantia hominum de veritate Dei certò atque
ἀποδεδῶς iudicari? hoc quoque argumento ex tuo testi-
monio vicimus, cū tuos inconstantie duplicis vnico
in facto teneamus, tum quòd concesserunt substātiā
doctrinæ orthodoxæ nostræ, tum quòd rem solenniter
concessam pœnitentia ducti turpiter reuocarunt, me-
moriāque facti deletam cupuerunt. Nō ita, Samo-
satene, non ita vobis ab Ecclesijs nostris accidit in istis
partibus. Quod enim a vestris concessum fuisse narras,
quamuis postea recantatum; id ipsum orthodoxæ Ec-
clesiæ vltro vobis annuerunt, nec adhuc facti pœnitet:
Trinitatis nomen sanè omīssum faceretis, siquidē non
placet: tantummodò Patrem, Filium, & Spiritū san-
ctum profiteremini, idem esse cum eo quod Trinitas a
nobis dicitur agnoscetes. Hanc vobis cōditionem in
aliquot synodis cōtētib; publicis nostri homines ob-
tulerunt: & vos (vt tu ipse mihi es auctor) obtulistis vi-
cissim nostris: cur nunc oblatam respuitis? cur repu-
diatis acceptam? Pœnitet facti. Ergo restitui vultis in
integrum. sed quo Prætoze fieri possit, dispicite: Deo
quidē auctore, qui nos docuit veritatem suam, eamq;

a nobis inter homines coli vult religiosissimè, nunquam optima lege restitutionem istam, quam ipsi vobis arrogatis, scio, assequemini.

SAMOSATENVS.

16.

SED, ut ad rem redeam, oportet me ostendere cur profugus sim e castris Trinitatis factus. Primum, ut supra iam demonstravi, propterea quod illud dogma cum Dei verbo pugnat: Deinde, quod illud dogma secum pugnat ipsum. Quæ dicta sic velim a te accipi, & Christianum lectorem sic equum esse erga me, ut aliquando cognoscas hanc Trinitatis machinam malo fundamento niti, atque hinc inde vacillare. Quares profecto si tibi cura est pietas, plurimum te, ut hominem Christianum titulūque Christi gerentem in se mouere debet ad inquirendam veritatem. Aiunt omnes vestri Theologi, quod etiā sæpenumerò audiui ex te, Deum esse Ens simplicissimum: & ydem tamen asserunt, Deum quoque consistere ex tribus personis, Patre, Filio, & Spiritu sancto: sic vicissim recte dicta destruunt. Quod enim triplex est, id simplex esse desinit: atq. hoc etiam subtilissimus quisque philosophus ut fateatur necesse est. Sic Augustinus libro 6. de Trinitate, cap. 8. inquit Deum Trinitatem siue trinum recte dici: & libro 15. capite 7. Deum & Trinitatem idem esse. Calvinus verò in admonitione ad Polonos, Oratio illa, inquit, Sancta Trinitas, vnus Deus, miserere nostri, mihi non placet: sapit enim barbariem: & Lutherus in maiore Postilla, non est elegans Germanismus *Dreysaltigkeit* / etiam Latinum Trinitas non bene sonat. Nonne isti ipsi hoc in loco pugnant cum suis præceptoribus?

ORTHODOXVS.

LYDIT hic Samosatenus, & iocatur in re seria: sed verba

verba missa faciemus, iudicium cōmittēmus Domi-
no seruū suū iustē iudicāturo. Repetuntur hīc sum-
matim duæ causæ in segmēto proximē antegresso po-
sitæ: tertia cum secunda iridem confunditur. Primam
sibi antē satis videtur probauisse: nos confutauimus.
Deinceps sequuntur argumenta ad secundæ probatio-
nem & tertiæ pertinentia. Primum: *Quod simplex est,
non potest esse triplum: Deus est Ens simplicissimum: non er-
go triplex.* Maiorem negamus: nam quod essentia est &
rei p̄la simplex, idem potest ratione varia binū aut tri-
num esse in vnitate essentiæ: prout antē luculenter sa-
tis, etiam ab exemplo animarum, & formarum intel-
ligentium segmento 3. docuimus. Deinde quod dici-
tur *triplum* vel *triplex*, negatur hoc vocabulum Deo
rectē competere: nam vt simplex sine complexu est, sic
triplex trium complexum notat, itēmq̃ue triplum.
Quapropter Augustinus lib. 6. de Trinitate (quem hīc
Samosatenus adducit) Deum trinum & Trinitatem
asserit dici posse, triplicem verò minimē. Hunc autem
librum mente composita apud Augustinum si dispu-
tator iste voluisset legere, multa optimē dicta de sim-
plicitate Dei didicisset. Deum ergo & simplicissimū,
id est, omnis cōpositionis expertem secundū ea quæ
dicuntur principia agnoscimus, & secundū proces-
sionem trinum, simplicitate integerrima permanēte.
Nobis autem Deus trinus & Trinitas idem est. Falsa
igitur argumentatio. Festium illud est quod Sa-
mosatenus hic noster adducit postea: *Augustinus Deum
trinum seu Trinitatem rectē dici, Deum & Trinitatē idem
esse affirmat: Calvinus & Lutherus negant.* Itāne verò?
te ipsum appello, ex tuis sermonibus æquum est con-
demneris. Non rem, sed voces aliquomodo reprehen-
dunt: nam de loquutione quam adfers, Calvinus, sapie

barbariem, inquit. Si vnquam in scholis didicisti, quid solœcismus, quid barbaries appelletur, cerrè tute tibi facile hunc scrupulum, me tacente, exemeris. Si nescis, adeas vestros Grammaticos: piget enim me puerilia Grammaticorum monita in regiones vsque tam longinquas amandare. Hic ergo de phrasi, quam putauit subbarbaram. Lutherus autem quid? vocem maioris elegantiae a Germanis & Latinis desiderat, & tamē recepta vitur. ô crimen! Quid non Romani patres & Germani proceres tam rem in consilium mittunt, diris Lutherum cōfixuri? Germanæ gerræ. Triada certè Græci commodè, Trinitatem puriores Latini dixerunt nunquam: Nobis tamen vt dicatur probo, quia in vsu est. De Germanica voce idem possum dicere, & ex etymo: sed nolo Camarinam. Lutherus autem propterea, si regnum possideres, ornatus esset ex suis virtutibus scilicet. Aliud quid oportet exornes, mi homo, si non placet veritati orthodoxæ cedere: Nam sic quidem nihil es acturus.

SAMOSATENVS.

17.

EODEM modo Beza in prefatione dialogi Athanasii, Deitas, inquit, cuius causa est aliud, non est deitas. & Caluinus in epistola ad Polonos, & contra Gentilem asserit, Christum, quatenus est Deus, a seipso esse: & hanc ob causam reprehendit verba Nicani Concily, Deū verum de Deo verum. His contrarium affirmat praeceptor ipsorum Augustinus lib. 7. cap. 1. quod Pater essentiam & deitatem genuerit. & Cyrillus, Pater, inquit, principium est sine principio, quomā a nullo sua deitatus habet originē: Filius verò est principium de principio. Quin ipsemet Beza sibi aduersatur in caput sextum Ioannis, vers. 57. Christus suam diuinitatem a Patre habet:

habet: & Zanchius, Pater est fons totius deitatis. Certè ad hanc cōtradictionem in oculis hominum pingendam fucandamque opus erit subtili sophistia; cū ea per se adeo sit manifesta, ut lippis & tonsoribus iam innotuerit.

ORTHODOXVS.

SECUNDVM argumentum: Qui dicit Christum a seipso esse quatenus Deus, ac non ab alio, contradicit ijs qui esse dicunt a Patre: Illud autem Calvinus & Beza, hoc Nicæna Synodus, Augustinus, Cyrillus, Beza ipse, Zanchius affirmant. Ergo contradicunt. Negatur maior: nam ratione diuersa vtrumque dicitur. A seipso est Christus secundum essentiam: nam essentia diuina est vnica Patris, Filij, & Spiritus sancti sine principio, sed principium commune omnium. A seipso non est Christus secundum personam, sed a Patre æternū genitus in vnitatem essentia. Hæc solutio communis horū dictorum omnium. Iam de singulis pauca obseruemus. Beza dicit nihil verius, si de essentia (vt oportet) acceperis. Quod si etiam de persona voles dici, itidem verum comperies. Deitas personæ, cuius causa est aliud, non est deitas. Nam deitatis Christi, exempli causa, aliud non est causa (si causa dicenda est) sed alius: cū Pater & Filius sint essentia vnum. Deinde causæ nomē in hoc argumēto æquiucōe & periculose dicitur. Sic quidem Græci Patres vulgo loquuti sunt, causam pro principio κατὰ γενεάν usurpantes. sed propriè aliud est causa, aliud principiu: hoc enim patet latius. Itaque mens principium est intellectus nostri, non causa illius: & Pater non causa, sed principium Filij: atque hoc respectu Cyrillus optimè Patrem principium sine principio, Filium verò principiu de principio appellauit. Illa Con-

cilij Nicæni, *Deum de Deo, lumen de lumine*, ad substantiam quod attinet, reprehendit a Caluino, falsum: de loquutione agit, quam non reprehendit, sed respiciens ad novos auctores hæreseon qui hoc tempore eruperunt, appellat durā. Fit enim sæpe, vt quod prius molle erat, alio tempore mutatis rebus inueniatur durius. Hæc secundum quid dicta, Samosatene, iniquè criminalis. En tibi Caluini verba, vt hanc lemmam oculis tuis eximamus. *Sed verba Concilij Nicæni sonant, Deum esse de Deo. Dura loquutio, fateor: sed ad cuius tollendam ambiguitatem* (vides, in quo durities) *nemo potest esse magis idoneus interpres quàm Athanasius qui eam dictauit. Et certe non aliud fuit Patrū consilium, nisi manere originē quam ducit a Patre Filius, persone respectu; nec ob stare quominus eadem sit vtriusque essentia atque deitas: atque ita, quoad essentiam Sermonem esse Deum absque principio, in persona autem Filij habere principium a Patre. Quid his verbis, obsecro, euidentius? Non hîc subtili sophismate* (quod ais) *opus est, sed simplicitate fidei lucem diuinam percipientis quæ præluceat verbo. Hanc verò non lippi & tonsores nouerunt, nisi qui a Deo regeneriti. Cætera plana sunt: pergamus itaque.*

SAMOSATENYS.

13.

ITEM Caluinus in Institutionibus, *Quotiescung, Deus, inquit, absolutè nominatur, Patrem, Filiū, & Spiritum sanctum designat. Erasmus verò Roterodamus contrà, Quoties Deus absolutè nominatur, Apostolici sermonis consuetudine Pater solus intelligitur. Vterq, bonus: cui ergo credendum?*

ORTHODOXVS.

TERTIVM argumentum: *Calvinum & Erasmus inter*

inter se contradicere in nominis Deus indefinitè positi interpretatione. Distingui posset propositio: nam Erasmus aliquo respectu hoc dixit imprudens. Sed concedo tamen ita Erasmus docuisse, & dixisse. Quis autem preter Samosatenum, Photinum, Arium, & assecclas ipsorum cum Erasmo sensit? Hic igitur quum Erasmus adducis, tuorum contradictionem adducis: nam Erasmus vobis indulgit plus satis. At fuit ille bonus. Si virum bonum dicis, non cōtendo: sed quid ad rem? si bonum Theologum, vt non omnia ipsi derogo, sic omnia bona ac bene dicta ei non arrogauerim in omnibus: si bonum in hac re & probum, nego. Etenim si malè sensit, non bonus: sin bene sentiens sensa animi sui imprudens & inconsideratus enunciauit malè, nō malus quidem, sed tamen non planè bonus interpret veritatis dicendus est. Atque hoc credo. Non præiudicat autem vnus errantis falsum dictum veritati catholicæ, vt nec communi particulare. Tu certè lineam hanc nunquam moueris a veritate, a natura, ab artificibus Logicæ positam.

SAMOSATENVS.

19.

AFFIRMANT & ipsam veritatem, quum dicunt, vnus est Deus aternus, subsistens, viuus, intelligens, indiuiduus, &c. tres verò sunt in vno Deo persona: falsum. Personam autem definiunt, quòd sit subsistens, viuum, intelligens, indiuiduum. Cum igitur qualibet illarum personarum sit talis, sequitur necessario tres esse subsistentes, tres viuos, tres intelligentes, tria indiuidua; & sic reuera esse Trinitatem. Nemo autem dubitare potest, qui modo exiguum scintillam habet veræ notitiæ Dei, hoc Trinitatis dogmate tres Deos pariter aternos fabricari: præsertim cum & Augustinus (cuius scripta ab illis pro sacrosanctis allegantur) expressè

R

dicat, personam non esse aliud quàm Deum. Nonne igitur idij futuri sunt, quot erunt persona?

ORTHODOXVS.

QUARTVM argumentum. *Quorum definitio est eadem, & eadem quoque est ratio: Essentia diuina & persona eadem est definitio: Ergo & ratio eadem. Hinc pergitur Tres autem sunt persona igitur & tres essentia sine dij. Po- test etiam hoc modo prolyllogismus poni: Cui competi- tit definitio, eidem competit definitum: Essentia competit definitio personæ: &c. Maiorem vtramque damus de ea definitione, quæ plena est, & plana, secundum iustas definitionis leges: plena, essentiam rei quæ definitur exprimendo: plana verò, tam catendo omni æquiuo- catione & dubio, tum omnia dubia quæ circa rei essen- tiam definiendam incidunt dissoluendo. Minor omni- no falsa est: & falsum igitur, quicquid ex argumenta- tione hac eruitur. Minorem probare Samosate- nus nititur partim definitione, vt vocat, partimq; Au- gustini testimonio. Ac primùm quidē non est hæc pro- priè definitio, sed qualiscunque descriptio: verumta- men ne de voce rixemur, esto. At in neutra seruauit Sa- mosatenus iustas definitionis leges: illud vtique fal- lacijs. In priore enim, id est, in definitione (vt vult) es- sentia duplex est æquiuocatio, quum *subsistentem*, & *indiuiduum* vocat. Nam *subsistere* pro *substare* accipit: est autem *substare*, substantiarum commune: *subsiste- re*, suppositorum indiuidualium (vt ita loquar) in sub- stantia. *Indiuiduus* adhuc dicitur insidiosus. Nam si pro eo qui diuidi nō potest acceperit, redundat planè, cum vnus & indiuiduus in hoc argumento sint idem, vt su- præ segmento 3. declarauimus. sin autē pro supposito indiui-*

indiuiduali, quod vulgo indiuiduum, subsistentia, aut etiam persona in naturis intelligentib. appellatur, aut falsa, aut imperfecta definitio est. Falsa erit, si cum voce, *vnus*, quæ antecessit, cōstruxeris: nō enim vnum indiuiduum est, sed tria. Imperfecta verò, si indefinitè dixeris indiuiduum: quod ad definitionē iustam circumscribi omnino necesse est. In posteriore verò definitione, nimirum personę, similiter fallacia duplex. primū enim voce *indiuidui* abutitur æquiuocè tamquā adiectiua, cū substantiue oporteat accipi pro supposito, quod vocant. Deinde res coniungendas diuidit, quū indiuiduum per distinctionē a præcedentibus, quæ attributa sunt indiuidui, distrabit: captiosè omnia. Adde quod redundat in vtraq; hac definitione, *viuum*. Nam in eo quod dicitur *intelligens*, necessariò inest vitę & viuentis prædicatio: quid enim nō viuum intelligit? Hęc igitur definitio iusta personę ex his verbis sumta: Persona est indiuiduum subsistens, intelligens: quæ definitio respondet Boëthianę illi, esse rationalis naturę indiuiduam substantiam. Hoc autem posito quis non videt essentiam a persona in diuinis distingui oportere? Etenim vt cum Augustino dicam *personā non esse aliud quā Deum* (quod est verissimum) tamen per conuersionem minimè sum dicturus Deum nihil aliud esse quā personam. Itaque si non sunt termini conuertibiles, vt vocant, & re tamen idem sunt (vt sunt) ratione certè oportet distinguātur, secundū quam rationem idem esse non possunt. Quæ autem est illa ratio? inquires. nempe quod definitio essentię complectitur quæ sunt communia essentię; personę verò definitio, quæ sunt propria indiuidualia in eadem essentia, ratione distingui iubet. Ex falsis autem fallacibusq; antecedentibus conclusiones falsę a te, Samosatene, col-

liguntur. Nam postquam rationem illam, qua sola personæ ab essentia distingui possunt, inscienter cōtur-
basti, primū captiosè pergens in tua illa homony-
mia statuis *treis subsistentes* esse: adde personas, ut vo-
cem *subsistentes* propriè cum Scholasticis accipe, prout
subsistere hypostaseon vel suppositorum est: nihil ve-
rius. Sin aliter, tuam illam amatam æquiuocationem
reijcimus. Tum *treis viuos, treis intelligentes* personat,
verum: deos vel essentias diuinas, falsum. Quæ sunt es-
sentialia, vnum sunt cum essentia, vt essentia est vnā.
Itaque non treis Deos viuos aut intelligēreis, sed vnum
Deum viuētem, ac intelligentem dicimus: & dicimus
treis personas, quæ sunt vnus Deus viuens atque intel-
ligens. Cōcludis, ergo quos *personæ tot dij*. Negatur: nam
cū Deus formam essentialem deitatis noter, persona
verò indiuidualem, quæ formæ ratione solum inter se
distinctæ sunt secundū rationem communis & pro-
prij; res essentielles de personis rectè affirmaueris, quia
essentiæ inest communis ratio: indiuiduales verò seu
personales de essentia minimè, quia indiuidua ratione
sunt particulari. Commune autem de particulari, nō
contrà, enunciari necesse est. Iraque de persona rectè
dicimus, quòd sit Deus: at de Deo, quòd sit persona
secundū essentiam, non rectè. Quum autem per-
sonas treis dicimus, ad indiuidua respicimus: ex qui-
bus ineptè secundum essentiam concluditur treisigi-
tur esse Deos: quæ res pietati nostræ, & iustæ quoque
rationi Logicæ aduersatur.

SAMOSATENVS.

20.

ITEM aiunt, ad vnum illum Deum Israël accessum si-
ne Mediatore patere nemini, eūque frustra sine Medis-

1012

sore innocari. His autem rectè dictis ex aduerso docet Christum Dei & Maria filium unum esse illum Deum, neque tamen opus esse ullo Mediatore apud Christum. Quod si Christus est unus ille Deus, & tamen nullo est opus Mediatore apud Christum, quis ita iam demens erit, ut non intelligat illud euerti funditus quod ab altera parte rectissimè asseueratum est? Atque hanc etiam quæstionem falsam esse ex parte altera necesse est.

ORTHODOXVS.

QVINTVM argumentum: Non est aditus ad Deum Israël sine Mediatore, & sine eo frustra inuocatur: Christus est unus ille Deus Israël: Ergo sine Mediatore ad Christum non est aditus, & inuocatur frustra. Falsum autem consequens, Orthodoxis ipsis testibus: ergo & antecedens. Maiorem, si rectè intelligatur, sanctè accipimus. Sed cautio duplex: vna ab æquiuocatione, quia Deum Israël essentialiter Samosatenus accipit, cum tamen personaliter de Deo Patre intelligendum ostendat Mediatoris comparatio in eodem membro: altera ab ambiguitate phræos, *sine Mediatore*, id est, nisi Mediator quis interuenerit. Supponit autem hic noster disputator Mediatorem a parte nostra, qui offendimus, suppeditari oportere, cum omnes partes nostræ reconciliationis cum Deo soli gratiæ & misericordiæ Dei tribuantur. Huic ergo, *sine Mediatore* tantumdem sibi vult atque si dixeris, non esse nobis aditum ad Deum, nisi ipsi de nobis Mediatorem submittamus, cuius interuentu accedamus Deum. Indignè. Mediator enim quisquis est, aut a partibus est dissidentibus, aut foris aduenit. Foris non aduenit Mediator inter Deum & homines: quis enim audeat? quis possit? quis præstet

tantum opus, inter Creatorem & creaturam interne-
niendo? Si ergo a partibus, aut a parte nostra est qui of-
fendimus, aut a parte Dei, qui offensus, aut ab utraque
per cōmunem institutionem conventionemque. Non

Rom. 3. autē a nostra: nam *omnes a natura sub peccato sunt, omne-
os obthuratum, & totus mundus factus obnoxius cōdemna-
tioni Dei.* Non ab utraque per consequens: nam ratio
eadem. Igitur a parte Dei Mediator est datus officio,
qui naturā Deus: Deus inquam natura, Mediator verò

Rom. 3. instituto œconomico (ut veterum voce utar) & dispē-
satione voluntaria. *Omnes enim peccaverant, ac deficie-
bantur gloria Dei: sed iustificamur gratis eius gratia per re-
demptionem factam in Iesu Christo, Quem proposuit Deum
placamentum per fidem in sanguine ipsius ad demonstran-
dum iustitiam suam, &c.* Hic ergo Mediator nos accē-
sit: immo verò assumpsit nos, ut per ipsum accedamus
Deum. Sic non accedimus sine Mediatore: nam et si
non est a nobis, est tamen in nobis, & nos in ipso.

Minor aut falsa est, aut insidiosè ambigua. Nam si
dixeris (quod hic affectat, sed occultat captioso enun-
ciati modo) *Christus unus*, id est, solus est ille Deus Israē-
lis, solus autem excluso Patre & Spiritu sancto, omni-
no falsa est. Si dixeris, *Christus est unus ille Deus*, pro eo
quod est vnum illud suppositum, quod suppositum
vnum est Deus ille Israēlis, æquè falsa. Sin autem dixe-
ris, *Christus est Deus Israēlis*, qui Deus unus est essentia,
vera est propositio: at quā ambigua? Collucari ve-
pretum istud distinctionibus, & puras clarāque loqui-
tiones inter bonos oportet adhiberi. Hoc noluit dispu-
tator noster, sed tamquam auceps prætendit vepra
verborum quibus obtegatur. Summa, prædicatum aut
communius est subiecto, aut adæquatum illi. Si com-
munius, Christum esse Deum Israēlis, qui Deus essen-
tia est

fia est vnus Deus, bene est: si adæquatum, Christum esse vnum illum Deum, id est, solum esse illam essentiam vnā, vel solum esse illam personam quæ persona eadē sit essentia diuina solum, negatur planē. Nam crassa inscientia homines isti non quidem a persona ad essentiam argumentantur, sed personam eum essentia confundunt; quia non capit ipsorum ratio quod lux naturæ in rebus Physicis capit, essentiam a persona, & substantiam siue hypostasin a substantia discerni secundum rationem inter se oportere. Falsa igitur conclusio, ex falsis, æquiuocis, ambiguis antecedentibus eruta: nec veriora sunt, quæcunque adstruit, conclusionis istius consectaria. Nulla enim contradictio est, quum Christum Deum, & Mediatorem eundem appellamus: quemadmodum superiore quoque Defensione ostendimus. Quinetiam si in maiore nomen *Dei* essentialiter acceperis, ne sic quidem futura est vlla contradictio. Nam si offensum esse & Mediatorem esse, inter se essent contradictoria, non possent simul esse vera. Non sunt autē contradictoria, vt antè ostendimus: non magis, inquam, contradictoria quàm offendentem esse & mediatorem: nam hæc quoque duo non infrequenter concurrerunt in rebus humanis, quū reconciliari alios alijs oporteret. Simul igitur esse possunt: neque solum possunt, sed reuera sunt simul in Christo. Nemo igitur Deum Patrem adit sine Mediatore: at ne Christum quidem, cum idem sit Mediator & Deus. Nomine enim Mediatoris ita supponitur persona agens, vt hanc personam nihil sit necesse extra deitatem inueniri: sed vna eadēque persona est Mediator & Deus, vt certis rationibus antè euicimus.

SAMOSATENVS.

21.

AFFIRMANT quoque essentiam diuinam tres com-

plecti personas, & in qualibet persona totam essentiam esse. Huic contrarium rursus asserunt, nempe solum Filium naturam humanam induisse. Si is aue essentia tota est in qualibet persona, tota quoque erit in Filio, aliàs enim imperfecta esset: iam ergo non solus Filius naturam humanam assumpsit, sed tota Trinitas. Atque id etiam olim Athanasius animaduertebat: qui in libello de fidei unitate metuens sibi in Filium a Patre & Spiritu sancto diuideretur, fateri coactus est Trinitatem nasci totam ex Maria, & Trinitatem assumpsisse corpus, eo quod semper sit unita Trinitas. Hic rursus, doctissime Domine preceptor, vide quantam confusionem secum trahat dogma illud Trinitatis, & quæ absurda pariat. Sed non mirum: ubi enim deest fundamentum bonum, ibi quicquid superstruxeris corruas necesse est.

ORTHODOXVS.

SEXTVM argumentum. Si tota essentia est in vnaquaque persona, quod vnaquaque persona facit id tota essentia facit: prius verum: ergo & posterius. Hinc sequitur, Filius est persona: Filius assumpsit carnem: ergo tota essentia assumpsit carnem. Tum, Tota autem essentia est tota Trinitas: tota ergo Trinitas assumpsit carnem. Maioris negatur consequens, nisi dexterè intelligatur, & commodè. Quapropter de singulis eius membris ordine dicendū. Tota essentia deitatis quum dicitur, non aliter spectatur illa (vt ita dicamus) totalitas propriè, nisi secundum perfectam rationem essentiae suæ: nunquam partes illius dari aut supponi debent. Secundum hanc rationem essentiae tota essentia est in vnaquaque persona deitatis: si non, periret perfecta ratio essentiae, & darentur partes. Personæ verò, quæ in perfecta illa essentia subsistunt, & in quibus essentia, secundum relationes reales.

les ratione eterna distinguuntur, quamuis re sint essentia vna. Proinde quum dicitur, *tota essentia est in vnaquaque persona* (atque hoc antecedens maioris propositionis) illa totalitas essentiae, quae secundum perfectionem essentiae consideratur in se, iam induit rationem (vt ita dicam) personalitatis virtute praedicati, & pro eo quod absolute indistincta est, redditur distincta relationum diuinarum adiectu. Essentia igitur secundum perfectionem suam, habet rationem communis: persona vero secundum relationes suas ex personarum oppositu, rationem habet particularis subsistentis in vno & communi esse. Qui itaque consequens ex eo statuit in hunc modum, *quod tota essentia facit secundum principium essentiale solum, id omnes personae faciunt, aut vnaquaque persona facit*, verum dicit & sine ambiguitate vlla. Qui vero in hunc modum adstruit, *quod vnaquaque persona facit, id tota essentia facit*, verum dicit, sed non totaliter: quia clam abiicit rationem personae quae inest subiecto, quae ratio non nisi insidiosè aut inscienter omittitur, cum ex subiecto sit necessaria. Nam cum essentialis ratio, quae in subiecto antecedentis est, per rationem personalem, quae in praedicato, modificata sit, non potest omissa modificatione fieri iusta conuersio. Nam actionum essentialium ea est ratio, vt secundum perfectionem essentiae considerentur absolute ex principio essentiali solum: personalium vero, vt secundum relationes personales ad personae terminum considerentur distinctè & oppositè in vnitate essentiae. Itaque Pater gignit, id est, illa diuina persona, cuius secundum perfectionem essentiae illius est tota diuina essentia, & secundum perfectionem personae in relatione reali constitutam est tota gignens paternitas. Sic Filius gignitur: sic Pater & Filius spirant: sic proce-

dit Spiritus sanctus. Ergo dicens, *quod unaquaque persona facit, id tota essentia facit*, si de tota essentia absolute intendit & concludit, falsum dicit, quia omittit rationem personæ positam in subiecti determinatione: si autem de essentia modificata, id totam essentiam facere in persona vel secundum personam, verum dicit, sed exprimat necesse est. Præterea non vacat ambiguitate, quum dicitur *unaquaque persona facere*. Etenim unaquæque aut seorsim aut coniunctim facit. Quod autem seorsim facit unaquæque, secundum rationem personalem facit: secundum essentialem, quod coniunctè tres personæ faciunt. Cōmunium enim actiōnum commune principium est essentia, singularium verò singulare principium est persona, vel singularis terminus ad quem singulares actiōnes terminantur, vt suprâ segmento 3. & 12. ostendimus. Secundus syllogismus ex puris est particularibus, vt vocant: inconsequens igitur. Verumtamen vt demus valere istius argumentationis formam (nam reuocari ad eam potest) conclusio ambigua est. Nam postquàm dixeris, *Quod una persona facit, id tota essentia facit: Persona Filij assumpsit carnem: ergo tota essentia assumpsit carnem*: certè in eadem ambiguitatem in cōclusionē atq; in maiore propositione incideris. Vt ergo in maiore si dixeris, *Quod una persona facit, id tota essentia absolute facit*, maior falsa est; si verò dixeris, *id tota essentia in persona facit*, vel *secundum personam*, est vera: de conclusione iudicium idem. Nam quòd tota essentia in persona, vel secundum personam assumerit carnem, verum est de supposito illo essentiali dictū: quòd verò tota essentia diuina absolute dicta carnem assumerit, falsum: etenim plus in conclusione, quàm in præmissis rectè intellectis futurum est. Tertius syllogismus vitiosus est, propter

pter æquiocationem constans ex quatuor terminis: tum etiam quia in tertia figura conclusio vniuersalis ponitur, inconsequente forma. Sed vt formam mittamus, quum dicitur, *Tota essentia assumpsit carnem: Tota essentia est tota Trinitas: tota ergo Trinitas assumpsit carnem*: priore propositione *Tota essentia* secundum rationem personalem modificata est, & intelligenda de vna illa solum persona quæ assumpsit carnem: posteriore vero secundum rationem communis dicitur absolute. Non valet igitur argumentatio æquiocatione fallēs. Dixeris fortasse, Atqui Trinitas, quæ in posteriore propositione fuit nominata, rationem personalem notat: quomodo ergo tota essentia illic secundum rationem communis diceretur? Respondeo, Trinitas non rationem personalem notat (nulla enim persona trina) sed numerum personarum in vnitae essentiae: itaque tota illa essentia circumscribitur personarum ad eam pertinentium iusta enumeratione. Vana igitur obiectio.

Quod autem ad paradoxum sui confirmationē *Athanasium* adducit hic Samosatenus noster, eumque miserè sibi metuentem, & miseriùs elabentem fingit, cōmentum est a veritate alienissimum. Athanasium quis hoc modo adducit, aut libros non vidit illius, aut non vidit sobrius. Te quidem, Samosatene, quum hæc scriberes, non consuluisse libros illius duobus argumentis demonstrare possum: tum quia nihil vsquam apud Athanasium exstat eiusmodi ac narras, si bene obseruauit: tum quia ne inscriptio quidem talis reperitur inter omnia quæ exstant illius opera, *de fidei vnitae*. Index tuus, si bene coniicio, pro eo quod est *de vnitae deitate*, falsum illum titulum subiecit tibi. Sic iusto Dei iudicio accidit hominibus, qui præfidentia tumidi nec Dei veritatem curant, nec sanctorum monumenta in

vnitate Spiritus contestantium veritatem Dei. Quid confusius aut perturbatius? quid absurdius istis allegationibus tam fidentibus adferri potest in tanta luce veritatis? Perge porro, Samosatene, & tuis infidis fundamentis tam infelicitè iactis, vt tu ipse vides, parèz. dificationem superstrue.

SAMOSATENVS.

22.

ORTHODOXI item determinant, nullaratione verum esse aut dici posse, essentiam generari. Augustinus vero libro 7. cap. 1. apertè dicit, quod Deus Pater essentiam & deitatem genuerit.

ORTHODOXVS.

SEPTIMUM argumentum. Contradictoria sunt, & sentiam generari, & non generari. Illud Augustinus, hoc dicunt Orthodoxi: contradicunt igitur. Respondeo, Contradictoriæ sunt propositiones, in quibus de eodem secundum idem affirmatur & negatur eodem modo, & de eodem tempore. Hi autem non loquuntur de eodem secundum idem: non ergo sunt contradictoriæ. Ex eo patet, quod Augustinus nomen essentiae accipit æquiuocè. Nam quia esse id est, *ὑπάρχειν*, existere, aut commune est, quod subistare; aut singulare, quod subsistere dicitur: ex eo Augustinus analogicè, verumtamen *παρεγενήσθαι*, pro existentia dixit essentiam, eamque libro 7. de Trinitate promiscuè modò pro eo quod essentiam dicimus, modò pro hypostasi vel subsistentia vsurpauit. Quum ergo essentiam de essentia diceret, subsistentiam Filij de subsistentia Patris genitam intelligebat, vt toto capite 1. & 2. libri illius ostenditur. Sic loquitur.

loquutiones cæteræ huius argumenti. Propriè ergo *essentia non generatur*, quod nos asserimus: impropriè verò & abusiue *essentia àe essentia generari* dicitur pro eo quod est substantia. Contradictio nulla. Quum verò *deitatem* ibidem nominat, simili æquiuatione modò essentiam intelligit Dei benedicti, modò naturam diuinam personæ Filij: quo sensu nos oppositè humanitatem eius cum deitate comparamus, quum deitatem Christi dicimus & humanitatem Christi. Demonstrat in hac re mentem suam Augustinus, & eorū verborum quæ isti vellicant intelligentiam capite 2. quum ait, *Pater igitur & Filius simul una essentia, & una magnitudo, & una veritas, & una sapientia. Sed non Pater & Filius simul ambo unum Verbum: quia non simul ambo unus Filius. Sicut enim Filius ad Patrem refertur, non ad seipsum dicitur, ita & Verbum ad eum cuius verbum est refertur, quum dicitur Verbum: eo quippe Filius quo Verbum, & eo Verbum quo Filius. Quoniam igitur Pater & Filius simul non utique unus Filius, consequens est ut Pater & Filius simul nō ambo unum verbum. Et propterea non eo Verbum quo sapientia, quia verbum non ad se dicitur, sed tantum relatiue ad eum cuius verbū est, sicut Filius ad Patrem: sapientia verò eo quo essentia. Et ideo quia una essentia, una sapientia. Possem & illud addere, quod non dissimulari te, Samosatene, oportuit, maximam partem illius capitis apud Augustinum problematicè siue per modum quæstionis adferri, velut materiam futuri libri, quod tu *de personis* per modum solutionis & definitæ sententiæ accipis. Nam de ijs reliquo in libro responderet statuitque. Legisse te malletm & attendisse, quàm oscitanter ex alio accepisse. Sed sapienti (ut dicis) satis.*

ITEM Pater est perfectus Deus: quod totum a Trinitarijs rectè conceditur. Et, Filius est sapientia Patris & Pater esse non potest absque hac sua sapientia: aliàs Deus non esset, ut supra exemplo Musculi fuit demonstratum. Atqui si negatur Patrem esse perfectum Deum, nisi accedat Filius. Quid autem antè oportuerat fieri, quàm Filius esset genitus? cum res ipsa doceat, Patrem pracedere Filio oportere. Sic igitur dicendū fuerat Trinitarijs, Pater non est perfectus Deus sine Filio: atque hoc pacto sententiam suam expressissent evidentiissimè, quam illi metuentes ne coarguantur a luce, alijs tenebris student inuoluere.

ORTHODOXVS.

OCTAVVM argumentum. Contradictoria sunt hæc, Patrem Deum perfectum esse, & Filium esse sapientiam Patris, nec absque hac sapientia sua Patrem esse posse: Virumq. Orthodoxi dicunt: ergo inter se cōtradiciunt. Negatur maior. Nam perfectus dicitur, qui iustam & naturæ suæ conuenientem perfectionem habet secundum esse & secundum finem siue ordinationem ad aliud: horum alterum si deest, non adest perfectio. Pater Deus perfectus est: ergo secundum esse & secundum relationem perfectus. Iam verò secundum esse (esse autē duplex, substare secundum essentiam, & subsistere secundum personam siue hypostasin) est de perfectione eius, ut habeat sapientiam quā Deus, & est de perfectione eius ut subsistentem habeat sapientiam, quam gignit sua subsistentia, quā Pater. Ita Deus Pater secundum esse perfectus est. Secundum relationem quoque (relatio autem duplex, essentialis ad subsistentias siue personas subsisten-

subistentes in Deo, & ad creaturas altera; sed hæc ad rem præsentem nihil attinet) est de perfectione Dei Patris, vt mutua relatione reali sapiens ad sapientiam subistentem suam referatur, & Pater ad Filium: tum vt creaturæ relatione (quæ ex parte ipsarum realis est) sua ad ipsum, tamquam commune principium referantur. Ita etiam Deus Pater secundum relationem perfectus est. Sine harum perfectionum altera, Pater (quod absit) Deus imperfectus dicendus esset. Non ergo contradictoriæ sunt propositiones illæ: sed contra posteriore veritas prioris, quæ generalior est, demonstratur. Quem ordinem qui contradictoriū putat, meridiè lucere non videt. Falsa igitur argumentatio: vt & segmento 9. docuimus. Absurda Samofatenus colligit, quæ destringemus paucis. Primum, *Sic negatur Patrem esse perfectum Deum, nisi accedat Filius.* Falsum: non accedit, sed adest Filius in vnitæte essentiæ: cuius essentiæ vnitas ad perfectionem naturæ diuinæ pertinet. Si non accedit menti, sed adest a natura λόγος, quid sapientia Patris & subsistens λόγος? Secundum, *Quid antè oportuit fieri Patre, quàm Filius esset genitus?* Inicitè: nam quæ natura sunt simul, eorum non est (vt ita loquar) prius & posterius. Pater & Filius sunt natura simul, vt perfectæ essentiæ illius quæ tota simul. Vt ergo nihil ante Patrem, sic ante Filium nihil, cū vtræque persona simul in vnitæte essentiæ æterna sit. Tertium, *Patrem oportet Filio præcedere.* At non secundum tempus (sunt enim naturæ simul) sed potius secundum originem, quia Pater est principium Filij. Est autem origo illa & generatio sine tempore, & ante omnia tempora: vt vel exemplo mentis & rationis quæ a mēte est confirmatur. Aliud est natura priorem esse, aliud tempore. Illo modo prior est Pater, hoc modo neuter: quia

simul sunt omnimoda perfectione, etiam æternitatis in vnitæte essentia. Quapropter tam verè dicitur *Patrem non esse perfectum Deum futurum sine Filio*, quàm illud, *Patrem non fore perfectum Deum sine perfectione essentia*: neq; a religiosa hac enunciatione vnquam nobis metuiamus, quāuis tibi videatur secus. Vt enim sublatis partibus essentialibus totius sublatum est totum, ita sublata perfectione spiritalis essentia (quanto magis diuinæ?) essentia periit. Hic verò perfectionem esse diuinæ essentia supra ostendimus. Sed de hac re ampliùs segmento 9.

SAMOSATENVS.

24.

AIUNT item, Christus, quatenus est Mediator nostris apud Deum, inferior est Deo: at quoad naturam diuinam, Deo per omnia æqualis est. Zanchius verò scribit Christum duplici ratione Mediatorem esse apud Deum: primò, quāternus est Dei filius: secundo, quā homo. Hac autem inter se ex diametro pugnant. Si enim Mediator Christus inferior est Deo, & non humane solum natura respectu, verum etiam diuina Mediator est; negatur Christum, quoad naturam diuinam, per omnia Deo æqualem esse.

ORTHODOXVS.

NON VM argumentum. Non potest idem æqualis esse, & inferior Deo: Hoc de Christo Mediatore Orthodoxi dicunt: Dicunt ergo impossibile. Maior vera est ratio eiusdem: ac proinde ratio diuinæ naturæ, vt naturæ, persona Christi æqualis est personæ Dei Patris, vt qui sint essentia vnum. Sed diuersa ratione, falsa est eadem. Nam primùm secundum humanitatem Christus inferior

senior est, quod nemo sanus negauerit: deinde verò ratione diuinæ naturæ, non vt natura, sed vt per voluntariam dispensationem assumsit carnem inaniens sese, & suscepit Mediatoris partes. Sic æqualis a natura est secundum diuinitatem, & dispensatione gratiæ inferior Patre: secundum humanitatem verò inferior simpliciter. Sed hæc antè legmento 7. & 10. & 11. & 12. & 20. fuerunt declarata.

SAMOSATENVS.

25.

ITEM aiunt Orthodoxi, quod Spiritus sanctus ab Ecclesia veteris & noui Testamenti, pro vno illo vero Deo cum Patre & Filio fuerit habitus. Sozomenus autem libro 3. historia Eccles. cap. 5. refert Athanasium cum Alexandrinis quibusdam Episcopis cõuenisse, & Spiritum sanctum in Trinitate comprehendisse atque collocasse: ex quibus verbis recens arguitur Spiritus sancti diuinitas, siquidem auctoritate istius Athanasij & reliquorum Episcoporum Spiritus sanctus in æterna diuinitatis solio fuit collocatus. Ita augeſcente regno Antichristi fundatus etiam est & auctus Deorum numerus, nusquam expresso testimonio in sacris literis exstante. Nec enim quod proferunt habent, exceptis furtius quibusdam sententijs & a Spiritu Antichristi intellectis & explicatis malè, quas falso cause sua patrocinari existimât. Sic ergo in Concilio Niceno duo veri Dij quum his verbis sancti a Patribus essent, Deum verum de Deo vero, &c. postea etiam accessit tertius, nimirum Spiritus sanctus, in societatem æterna diuinitatis receptus.

ORTHODOXVS.

DECIMUM argumentum. Orthodoxi pugnant cum

Sozomeno, inquit. Negatur: nam *Sozomenus* nihil horum scripsit, & quicquid hîc a *Sozomeno* refertur scriptum, commentum fabulosum est. Ibi quidem narrat *Sozomenus* Episcopos quasi nonaginta septem Antiochiam Syriæ conuenisse, qui *Arij* partibus studentes vafre cùm *Athanasium* multorum criminum insinulauerint in cōfessu suo, tum dogmata Nicænæ Synodi artificiosè sint conati subruere: sed de eo quod hîc dicitur, nullum verbum. Quòd si etiam ex illorum verbis aliquid narraret eiusmodi, quo iure haberetur fides? dissentientibus, factiosis, inimicis, iniquis absentem *Athanasium*, nec auditum, nec vocatū proteruè condemnantibus. Si his testibus vincere cupis, *Samo*fatene, apud bonos non vinctes. Falsa ira que cōsequentia omnia. Quæ de regno *Antichristi* & aucto *Deorum* numero prædicas, verba sunt, vt segmento 2. ostendimus. *Testimoniis certis* ac euidentibus de *Spiritus sancti* deitate, contra quàm adfirmas, nos abundare alio tempore ostendemus, volente Domino. De Synodo Nicæna agens, duplicem prodis in verbis tam pauculis inscientiam tuam: primùm in dogmare, quom in illa duos veros Deos a Patribus sanciri dicis his verbis *Deum verum de Deo vero*, &c. nō enim duo *Dij* propterea dicuntur, sed duæ personæ in vnitate essentiæ, vt segmento 3. suprà docuimus: secundò in historia facti, quom postea tertium accessisse *Spiritum sanctum* narras & in societatem receptum aeterna diuinitatis. Falsissimum: nam & ante Synodum Nicænam fuit hæc doctrina, vt actis publicis Nicænæ Synodi palàm est confirmatum: & in symbolo eiusdem Concilij disertè habentur hæc verba, *Et in Spiritum sanctum*. Et si autem hoc pijs mentibus satis est, quòd sese Patres in *Spiritum sanctum*, vt in Patrem & Filium credere dixerunt: vt tamen veritas fiat illu-

illustrior, & reuincatur istorum audacia, qui non dubitant nudo (quod aiunt) capite obniti huic doctrinæ, adferemus pro auctario quæ Eusebius Cæsariensis post Synodum Nicænam perscripsit Ecclesiæ suæ, quum antè Arianorum partib. studuisset, vt apud Socratem leguntur. *Scriptum illud, inquit, coram summè pio nostro Imperatore lectum, quod a nobis pronunciatum est bene habere & probè, in hunc modum habet, prout accepimus ab Episcopis qui nos antecesserunt, tum in catechesi, tum quo tempore lauacrum percipiebamus; & prout ex sacris Scripturis didicimus, prout denique & in presbyterio & in Episcopatu constituti credidimus atque docuimus. Ita nunc etiam credentes fidem nostram vobis offerimus. Ea est huiusmodi: Credimus in vnum Deum, Patrem omnipotentem, omnium visibilibus & inuisibilibus factorem: & in vnum Dominum Iesum Christum, Dei Sermonem, Deum de Deo, lumen de lumine, vitam de vita, filium vnigenitum, primogenitum omnis creaturæ, ante omnia secula a Deo Patre genitum, per quem etiam facta sunt omnia. qui propter salutem nostram factus est caro & inter homines conuersatus, & passus, & qui resurrexit tertio die, & ascendit ad Patrē, & venturus est iterum ad iudicandum viuos & mortuos. Credimus & in vnum Spiritum sanctum: vnumquemque horum esse & subsistere credentes, Patrem verè Patrem, & Filium verè Filium, & Spiritum sanctum verè Spiritum sanctum: quemadmodum etiam Dominus noster emittens discipulos suos ad predicationem, dixit, Ite, &c. Hæc Eusebius de sua & Patrum orthodoxorum fide, qui antè in Ecclesia vixerant: ad quæ si homines isti melius attenderent, certè ab affirmationibus istis veritati palàm aduersantibus cum honoris sui, tum veritatis diuinæ & pietatis in Deum causa abstinere.*

Lib. i.
hist. Ec-
clesi. cap.
8.

DISPUTANTES quoque affirmant Trinitarij, quod Spiritus sanctus procedat a Patre & Filio ab aeterno, & procedendo fiat essentia Patris & Filij particeps: idque dicti Christi Ioannis 15. probant, mittam vobis Spiritum sanctum qui a Patre procedit. Beza vero super hunc locum in suis commentarijs, negat Christum loqui de essentia Spiritus sancti, & verba Christi intelligit de virtute & efficacia Spiritus sancti in nobis. Atque hoc unicum est in vniuersis Biblijs testimonium, quo hactenus Trinitarij aeternam processionem sancti Spiritus probare sunt conati. Eo igitur sublato, id etiam quod de Spiritu sancto multis seculis fuit creditum tollitur. Quis iam Bezam non miretur opinionem semel conceptam, eamque prauam, pertinaciter tueri ac retinere, neque errorem istum una cum maligno erroris fundamento, & quidem a se euerso, abjicere nolle?

ORTHODOXVS.

VNDECIMUM & vltimum argumentum contradictionum. Vnicus est locus Trinitarijs, ex quo probare volunt aeternam processionem Spiritus sancti a Patre & Filio: Hunc locum aliter exponit Beza. Non sumus necesse contradicentium propositionum alteram esse necessariò falsam. Scimus etiam (quæ hîc maior propositio est) si cui rei vnicum fundamentum est, qui id euerit eum ædificationem totam euertere. Sed duo illa membra minoris, quæ antè posuimus, Samosatenus adducit malè. Prius negamus, posterius distinguimus. Negamus prius, quia falsum, ut certo libro (quod promissimus) volente Domino ostendemus. Non desunt alij loci de processione Spiritus sancti in Scripturis, ex quibus eam didicimus. Alterum autem, puta Bezae iudicium

cium de eo loco, propterea dicimus distinguendum, quòd alio respectu Patres ac ille interpretati sunt. Nā Patrum alij de processione Spiritus sancti secundum esse, eo in loco agi propriè putauerunt; alij de processione virtutis & efficaciz propriè, sed ita vt demonstratione rē ōm ostenderent processionem efficacitatis processionī personæ efficientis secundum internam deitatis œconomiam & dispositionem respondere, quod est verissimum: alij denique de processione vtraque propriè, nimirum & personæ, & operationū eius, prout in vtraque communiter vnus & idem ordo est œconomiz. At in eum locum Beza secundam interpretationem amplexus, pro certo statuit agi de processione virtutis & efficaciz propriè illis Christi verbis, de processione personæ propriè agi negat: cōsequentiam illam *ἐκ τῆς οὐσίας τοῦ πατρὸς* rē ōm non tollit, sed præterit certo consilio, quia neque amplum commentarium rerum (quamuis ita Samosatenus causæ suæ quā potest commodaturus vocet) neque disputationes volebat scribere. Aliud est autem inuestigare propriam loci intelligentiam, aliud *μετὰ τὴν οὐσίαν* & cōsectaria deducere. Quare cū neque vnus ille sit locus huius argumenti, neque sic a Beza (vt putas) euersus funditus, inanis est tota argumentatio. Quid consequentibus facias? *Ruisse illam fidem de processione Spiritus sancti: ex falsis antecedentibus conclusio falla. Bezam, quamuis euerso a se fundamento, pertinaciter in ea doctrina herere.* At neque fundamentum huius loci euertit, vt modò ostendimus, neque hoc vnicum fundamentum est: sed contrā eo ipso quod in hac doctrina constanter hæret, cū hoc per consequentiam doctrinæ, tum alia sibi præterea esse fundamenta docet, quibus ad eam sanctè & religiosè colendam adducitur.

MVLTO autem plura huius diffensionis exemplatibi proferre possem: sed breuitati studeo, & (quod caput rei) sapienti satis. Ex his enim paucis videre licet quantum dissidium & differentia sit inter doctrinam Christi & Antichristi de uno vero Deo, & uno Mediatore. Atque hinc etiam patet euidentissimè cultum vnius veri Dei & Iesu Christi turpissimè ab illa immanissima bestia totum fuisse pessumdatum. Licet autem etiam ij qui vulgo Euangelici appellantur, aliquo modo Babylone exisse videantur: Si tamen benè rem introspexeris, videbis eos quidem longè ab illo Antichristo abesse, at longius etiam a Christo. Etenim non ille solus Antichristus est qui considerat in templo Dei, & sibi gloriam eiusdem vindicat, sed etiam is quem sacra litera Antichristum nominant, quisquis scilicet tum doctrina, tum vita aduersarius est Christi: quales sunt ij qui Euangelici nomine tenus nuncupantur, vita autem & moribus dissoluti aequè incedunt, sibi que in malis omnibus tam indulgent atque blandiuntur quam filij Antichristi. Vbi est, obsecro, inter illos aliqua pietas? ubi verus timor Dei? ne dicam amor, qui non in verbis, sed in rebus ipsis debet spectatus esse. Vbi castitas? ubi sobrietas? ubi purus zelus? ubi amor in proximum? qui iubet nos pro eodem mori, non eum ingulare, aut alio quocunque modo e medio tollere. Non sic nos docuit Dominus noster, qui nobis in seipso exemplum praeiungit amoris & patientia, & illud imitandū reliquit nobis. Quid dicam de inimicis amandis? cuius rei ne vestigium quidem inter Euangelicos demonstrari potest. Immo verò apud hos tæterrima quæque scelera quotidie nō minùs perpetrantur, quàm apud Pontificios aut alios Ethnicos. Ibi sicario, adultero, cinædo, & (ut alia minimè commemorem) improbo cuique locus. Vbi, quaeso, fructus aliquis fidei inter ipsos? ubi aspi-

*diuus labor in vinea Domini? ubi Ecclesia macularum ex-
persi? Nonne in Ecclesiis illorum plus auctoritati Caluini, aut
Lutheri (ignosces vera dicenti) quàm Christi ipsius tribui-
tur? Sed res huius seculi (proh dolor) ita comparata sunt, ut
semper plures paucorum auctoritas a regno cælorum auer-
sat, quàm conuertat ad Christum, qui est ipsa veritas. Et
quinam fuerunt illi, amabo te, quorum tanta exstitit aucto-
ritas? certè homines, & ij peccatores, adeoque sicarii: ut ex
discipulis eorum manifestò cognoscitur, apud quos & in quo-
rum concionibus disputationibusq; plurius sit magisque cita-
tur verbum Caluini & Lutheri, quàm verbū Iehonæ. Qua-
propter etiam illa loquentium phrasès ab hominibus vulgo
recepta iam radices egerant in animo meo: ac proinde mul-
tum (quamquam parum me huic studio dabam) & diu mi-
hi obferunt. Sed hæc & alia multa prater eo data opera,
subijciens ea saniori iudicio tuo. &c.*

ORTHODOXVS.

*IAM a rebus dogmaticis ad Ethicas Samosatenus
delabitur, ex falsis præmissis concludens quod verum
est, sed diuerso sensu; maximam esse differentiam inter
doctrinam Christi & Antichristi in duobus capitibus,
de vno vero Deo, & vno Mediatore. Antichristi doctri-
nam vocat eam quæ Christi, suo more quidem, at non
ex diuina veritate. Hinc primùm molliore brachio
perstringit Romanum caput: deinde totis viribus in-
festus fertur in Ecclesiās nostras. Lōgè nos a Christo abesse
criminator tum doctrinæ tum vitæ argumentis. De
doctrina quod obijcit, falsi euicimus. De vita, quid di-
cturi sumus? vtinam minus occasionis daretur oblo-
quendi ab ijs qui nostri, id est, orthodoxi ac verè Chri-
stiani haberi volunt. Horret animus, horret coram*

Domino ad peccatorum nostrorum recordationem. Sed tamen non omnes per Dei gratiam ijsussumus quibus hæc crimina iure ab hominibus impingi possint. Multa obijciuntur falsò: multa sunt communia ex singularibus, ex particularibus vniuersalia: vt mos inimicorum & inuidientium est, ex vno adnato fungo aut clauo de tota arbore, ex vno adnato vitio de corpore toto iudicare. Sed vt hæc omnia vera sint, potestne mendacium hominum veritatem, aut infirmitas hominum virtutem Dei abolere? Vtraque per se, non per homines est, a Deo æterno aduersus impietatem & iniustitiam hominum æternùm constituta. Verumtamen viuunt, viuunt adhuc beneficio Dei in numero nostro, qui pietatem colunt, qui Deum reuerentur & amant seriò, qui in castitate & sobrietate ambulant, qui zelo aguntur Dei, qui proximos diligunt quamuis inimicos, qui sanctimoniam curant & contagia peccatorum fugiunt, qui fructus edunt fidei, qui in vinea Domini operam consumunt, qui denique pro sua & Ecclesiarum sanctificatione aliqua fide laborant & diligentia, non omnibus quidem spectata (nam neque te, Samosatene, tubicinem, nec alios præcones suarum laudum expetunt) sed tamen spectata & probata ipsorum Domino & nostro. Profectò nisi te maledicendi studium abripuisset transuersum, nunquam eo fuisses deuenturus, vt duobus paradoxis (mendacii enim non placet dicere) criminationes tuas concluderes: Vnum est, *magis personare Ecclesias nostras Lutheri & Caluini nominibus, quàm Christi: pluris enim fieri auctoritatem illorum.* Quid? si vnus fortè aut alter cuculus, si tres aut quatuor homines importuni & lauro ardente clamosiores omnia complent vociferatione & columnas rumpunt vocali inscientia, an te conti-

nudæquum est id toti Ecclesiarum corpori aspergere? Non fullo es, mi homo, sed carbonarius, si hac lege apud te viuitur. Alterum paradoxum est, *homines illos*, Caluinum & Lutherum dicis *peccatores & sicarios fuisse*. Et vnde probas? *ex discipulis eorum*, inquis, *manifesto cognoscitur*. Deus bone! an ergo omnes discipuli ex præscripto suorum præceptorum agunt? nōne his actionibus quas obijcis, & concionibus vterque interdixerunt? nōne post funera clamant & testantur scriptis? Tu verò hæc apud tuos, si potes, vendita. Sed hoc tibi confirmare possum, dum pietatem, veritatem, charitatem, virtutes intonas, me pietate, veritate, & charitate adduci, vt tibi eo ampliùs tuisque exoptem a Domino pietatem in fide, veritatem in sermonibus & scriptis, charitatem in iudicijs atque officijs erga proximos tuos, quos de te non malè meritos antehac, & nunc etiam orantes pro te consulentesque salutis tuæ laceras indignissimè. Par pari referre non statui: etsi non omnia tam bellè se habere scio in vestris coetibus, vt tantopere possitis apud homines gloriari. Sed caditis Domino vestro, qui potens est vos denuò erigere: quod vt faciat per Christum, ex animo supplex oro maiestatem ipsius.

Tu autem qui hætenus puro corde (vt mihi perspectum est) praditus videbaris, in his æquum te mihi iudicem præbeas velim & bene cum animo tuo perpendas, num tu etiam huic Ecclesia hæreas quæ omnibus maculis vacare debet. Vt enim caput est, ita & membra corporis eidem per omnia opus est respondeant. Christum non in alijs eximia auctoritatis viru, sed in teipso quare: tibi enim reddenda est ratio villi-

Heb. 12.

cationis tua. Et si autem me tempus deficit, amor tamen illi
 meus erga te incitat adigitque me, ut tibi res illas qua ad
 tuam salutem pertinent, quantum in me est, commendem
 his meis literis, maximè verò sanctimoniam, sine qua nemi
 potest videre Deum. Quod si ordinem non seruavi, hanc
 tamen compellationem meam in bonam partem accipies:
 qua enim pro tempore mihi suppeditabat animus, ea hic
 sum persequutus, cupiens ea communicare tecum quam mihi
 largitus est Dominus, nec ijs defraudare te. Multo au-
 tem plura & excellentiora, qua in schola Domini mei didi-
 ci, ad te perscripsissem, nisi metuerem ut ista quoque despi-
 ceres. Sed si hac a te eo animo quo a me dantur tibi, accipi
 animaduertero, maiora his, fauente Domino, polliceor ti-
 bi: idè quæ a te fieri cupio, ut quicquid necessarium ad salu-
 tem meam existimaueris, id doceas me, aut saltem facia-
 ce certiore. Nihil gratius mihi præstare poteris: Iam enim
 omnino huic mundo & omnibus voluptatibus eius renun-
 ciaui: nihil nisi cælestia querere est animus: hic patriam
 meam non esse duco; sed sursum: hic thesauros non congeri,
 sed in cælis: his rebus temporaneis mentem meam non re-
 cupo, sed æternum duraturis. Denique me totum Domini
 tradidi: eumque animo prompto, tamquam cum rasa tabu-
 la, accedo, ut quicquid ei inscripseris portem, idque cum
 gaudio, & alia omnia qua hic mundus suggerit abijciam at-
 que aboleam, intus ea pro sordibus cum Paulo ducam, ut
 Christum lucrifaciam: summa, ut ea omnia qua mihi con-
 scientia mea dicitur & testatur esse mala derelinquam, ne
 unquam ad vomitum redeam. Quapropter etiam summo
 pere terogatum volo, ut qua existimas conferre ad imi-
 tandum Christum, ea perscribas ad me: pergrata mi-
 hi futura sunt. Id etiam, charissime praeceptor, te scire
 velim, me iam domi priuatam vitam & tranquillam a-
 gere, prout me mandata Domini mei instruxerunt, &

adhuc

Philip. 3.

adhuc quotidie instruunt: ex quibus didici tenui mea forte contentum esse, abiecta elati animi illius mei (quem benenoras) superbia, fastu, luxu, tam in vestibus quam cibus, & id genus alijs. Itaque talem me tibi ante oculos ponas velim, qualem imaginari poteris hominem quam simplicissimum: qui manibus etiam meis non erubescō laborare, ut alijs beneficiam, in primis autem domesticis fidei

ORTHODOXVS.

DE his (vt principio monui) non sum dicturus quicquam: nihil enim ad consilium nostrum. Illi viderint, qui propius absunt ab homine, & cum Ecclesijs istis quotidie conuersantur. Ac propterea non fuisset appositurus ista, nisi me graues aliquot causas in hoc consilium adduxissent. Primum ne forte auctor ipse, aut alij studentes partibus illius conquerantur nucleum a nobis omitti (vt solent loqui) & excuri putamina: suos illis esse nucleos malui, quam a me desiderari, eoque nomine traduci apud illos, quamuis iniuste, hoc meum officium Christianæ in ipsos charitatis. Deinde vt exemplum habeant in oculis suis homines nostri luculentissimum illius zeli, quem optimè Paulus *zelum sine scientia* vocat: vt sibi Rom. 10. allubescat, vt conquiescat in se, vt omnia arroget sibi, vt omnia de se prædicet, vt in alijs fastidiat, reprehendat, & damnet omnia, quamuis prætenta humilitatis speciei speciosissima. Præterea vt quicumque pij sunt pióque zelo cum scientia præditi, ab hoc exemplo meminerint ad se attendere, & vias suas explorare diligentissimè, vt & scientia a Deo data & zelo accenso vtantur ad gloriam ipsius in pietate, iustitia, charita-

te, & sanctimonia: nifecerint, cogitent istos homines surrecturos esse in die iudicij, & ipsis fore condemnationi. Postremò vt omnes errantium discamus eos studiosius misereri, & pro eorum salute Dominum appellare, vt a via erroris per gratiam ipsius reuocati & illustrati virtute Spiritus, nobiscum discant incedere coram Domino, & ad vnum ouile vnumque Pastorem Christum adducantur.

SAMOSATENVS.

29.

NOVARVM rerum quod tibi scribam, non habeo, nisi hoc: Deum per descriptas plagas hunc malignum mundum (quod ipse tamen non videt) punire statuisse, neque nos in conobis ullam pacem spondere posse. Nam illi ipsi motus qui istic fiunt toti Christianitati exitiosi futuri sunt. Sic Deus homines malos decreuit per alios eiusdem farina infestare, de quibus te docebit Apocalypsis propheta. Quales autem in hoc tempore nos conueniat esse, verbum Dei altissimi nos certiores facit, quum hortatur vt sursum capita nostra attollamus, & a mundo nos ipsos seiungamus, ne illa aeterna flamma inuadat in nos. Deus enim se adhuc semel promissit commoturum cælum & terram: post finis futurus est. Quapropter & tu, Domine praeceptor, agnoscite hominem esse, eumque mortalem: & si hactenus dormiisti, ad benefaciendum exergiscere, mala verdata abijce, si forte in eis ipse indulxisti tibi. Magnum est enim, si te ipsum cognoscas, & non solum actiones nostras, verum etiam verba Deum in extremo illo iudicio examinatorum recorderis. Hac autem monita, a quocunque tandem fueris monitus, apud te parui ne pendito, vt facit mundus: sed respice ad me, atque considera me hic nihil meum, sed rem tuam omnino quarere: cui etiam exant

quo opto, ut in aduentu Domini nostri Iesu Christi purus inueniri possis. Interim te bene valere cupio: Deumque oro, ut cor nouum in te creet, spiritum suum sanctum tibi largiatur, aperiat oculos mentis tue, te a mundo liberet, pacem suam & arrhabonem illum tibi donet quem nullus alius videre potest nisi qui iam accepit eum, bonisque illis omnibus te locupletet cumulatissime quæ ad pacem afferendam conscientia tua & ad obtinendum illud cæleste gaudium pertinent: ut adhuc in hoc mundo videre possis, quanto gaudio perfructuri sint pii & timentes Dei, quum Christo Domino iam iam conformabuntur, ut in prima sua epistola testatur Ioannes. In summa, quicquid boni est, aut nominari potest, id tibi opto precorque ex animo. Vale.

ORTHODOXVS.

CONCLVDENS Samosatenus sermonem suum rerum nouarum nuncio, primum vaticinatur, quæ vaticinia suo loco relinquimus: deinde rerum Gallicarum recordatus ambas partes damnat. Nempe hoc ius est istis hominibus, ut quemadmodum trahuntur studijs, ita iudicia faciant, salua & integra semper ipsorum charitate. Sequuntur hortamenta, & preces: in quibus omnes studio pietatis & charitatis opus est occupari, non autem amore mundi & rerum quæ in eo sunt concupiscentia diffilure. Tu itaque, omnipotens & misericors Deus, in veritate pietatem charitatemque in nobis accende: illustra mentes virtute Spiritus & verbi tui sacrosancti face, in vera scientia pietatis, animos inflamma in Christiano & ardente zelo, bonam conscientiam in nobis statue qua fidem illam feruente zelo prehendamur retineamusque, linguas ad communem ædificationem gratiosè dirige, & cor-


pora nostra singulorum ita compone in via veritatis, ut
tum ipsi seruiamus tibi ex præscripto voluntatis tuæ,
tum alios ad idem officium doctrina, exemplis, be-
neficiis que reuocemus aberrantes, & comi-
tantes sanctè confirmemus ad gloriam
tui nominis sempiternam.

Amen.

F I N I S.



iratis, v
atis tua,
lis, be-
mi.
a



III

DEFENSIO

CATHOLICAE DOCTRINAE

DE S. TRINITATE PERSONARVM

IN VNITATE ESSENTIAE DEI,

aduersus Samosatrenicas interpretationes & cor-

ruptiones locorum in Scripturis sacris ad

orthodoxam de Deo doctrinam

pertinentium, & libello

comprehensas,

Cuius hae inscriptio:

BREVIS EXPLICATIO IN PRIMVM

caput Euangelij Ioannis, sine auctoris

nomine.

Opera FRANCISCI IVNII Biturigis.



HEIDELBERGÆ,

clō lō xcl.

III.
DE REYSIO
CATHOLICAE
DOCTRINAE

DES TRINITATE PERSONARUM
IN UNITATE ESSENTIE
IOANNIS TOSTII POETAE
coronati Epigramma.

SVstulerat IESVM gens Ebionitica Christum:
Tantum nudus homo manserat inde super.
Verum nunc IVNIVS scribendo restituit rem:
Sic ut religio dixerit ipsa palam;
CHRISTVS qui fuerat nobis in mense Decembri
Natus, nunc iterum nascitur in Iunio.



HEIDELBERG
CLO 13 XCI

ILLVSTRIBVS ET GENE-
ROSIS DOMINIS, D. IOANNI HLE-
BOVITIO IN DAMBROVNA,
Magni Ducatus Lithuaniz Dapifero,
Capitaneo Vpitenſi, &c.

ET

D. NICOLAO HLEBOVITIO IN
DAMBROVNA, CAPITANEO
Onixtenſi, Palatinidæ Trocenſi, fratribus,
Dominis ſummè colendis, FRAN-
CISCVS IVNIVS S. P
a Domino.

QVVM ſapius ante biennium, Illuſtres & generoſi Domi-
ni, & amicorum literis & ſermone omnium nuncius ad-
ferretur percrebuiſſe in vniuerſa Polonia veſtra rumorem cõ-
ſantiſſimum, ſed tamen (vt in his rebus fieri ſolet) à xiΦa-
dov, Illuſtriſſimos Principes, Comites Palatinos, Dominos gra-
tiſſimos (quorum in fide & clientela annos quaſi viginti-
quinque vixi per voluntatem Dei) ab orthodoxa veritate tur-
piter defeciſſe, & in Arianorum atque Samofatenianorum
partes transfugiſſe, graviter ſanè tuli & iniquo animo tam
impudens hominum maleuolorum factum: præſertim cùm id
quod reſeſt probe animaduerteterem, iſtum rumorem ab aduer-
ſarijs orthodoxæ fidei noſtra (quam ex Scripturis hauſimus)
certo conſilio proſectum eſſe, vt cùm eadem opera de exiſtima-
tione Principum noſtrorum & noſtra omnium detraherent,
tum bonam inprimis iuuentutem ab huius Academia aditu,
& a diuina illius veritatis, quam profiteſtimur, ſtudio & cogni-
tione abercerent: prout nefaria ſua commenta adminiſtri Sa-
tana in alienam perniciem venditant ſimplicis veritatis loco.
Sed come longè grauius affecit proximo ſuperiore anno ſuper-

P R Æ F A T I O.

ueniens dolor, quum mihi nunciatum esset de obitu Illustris & generosi Domini, D. Ioannis Hlebonitij, Palatini Trocensis, & memoria sanctissima, parentis vestri, non vobis solum familiarisq; toti, sed ipsi quoque patria & Ecclesia toti luctuosissima. Nam illum quidem antegressum dolorem animi mei lenabat hac consolatio, quod rei & rumoris falsi vanitatem aperita veritas sic e mentiebatur palam, ut illud ipsum consilium improbißimum tam impudenter mentiendi considerem in auctore suos statim recasurum. (quid enim veritate fortius?) quam ad rem etiam aliquid adiumenti me sciebam allaturum edita Defensione illa, quam aduersus philosophicas Samosateni, Arii, aliorumque rationes, libello vno comprehensas, rogatu bonorum quorundam exaraueram, ut exstaret istis in locis constans orthodoxæ fidei nostræ de sancta Trinitate documentum. Hunc verò marem, perceptum de illa migratione sanctissimi & grauißimi viri parentis vestri ad Dominum, quid lenare posset, non aequè facile animaduertebam: cum eum omni officio ac potius pietate in Deum, Ecclesiam, fidem patriamque preluxisset omnibus, dum vixit, recordarer; sed heroem auctoritate parem, qui eadem fide, zelo, veritate, ac curabat ipse, doctrinam Christi colere & procurare videretur, vix quemquam post se, dum ex hac vita exiisset, reliquisse. Atque hac me quidem cura tenuit sollicitum quàm diutissimè, de salute populorum vestrorum cogitantem, donec quorundam amicorum literis sum factus certior de futuro ad nos aduentu vestro. Nam huius rei expectatio mentem meam non mediocriter recreauit, cum & spectatissimum prudentiæ illius paternæ monimentum hoc fore considerem, & pignus pietatis vestræ, in qua felicissime adhuc cura diligentiaque summa grauißimi testis parentis vestri adoleuerit G. V. in Domino. Nunc verò, quandoquidem hoc aduentu vestro desiderij mei expectationem quodammodo expleuistis. & in hac pietatis veritatisque palestra pedem posuistis, quod faustum & felix: id mihi vnum restare

PRÆFATIO.

restare videtur faciendum, ut V. G. gratuler de aduentu vestro, omnem benedictionem a Deo & Seruatore nostro exoptem vobis, meaque officia (si qua a me V. G. ill. digna & grata proficisci possunt) spondeam & deferam. Sed quid? adhuc pudibundus sum, inurbanus, ἀργον &; nequeo austeriorem illam speciem (fateor) quam mihi natura indidit ac confirmauit educatio, hac etate mea ingrauescente abstergere. Quapropter unum mihi visum est facere. A studijs subsidium petij inurbanitatis istius & horridulae rusticitatis meae, librumque a me recens vestrorum hominum causa perscriptum meo nomine ad Ill. G. V. allegavi. Etenim iamdiu vestra illa Polonia suis quidem beata bonis, sed malis importatis aliunde & per alios misera, iamdiu Lithuania cum ingenijs perditissimis conflictatur, quae vltro ipsa ruunt in perniciem suam & alios in eandem labem summo labore, diligentia, contentione, & peruicacia sollicitant sermonibus, exemplis, & scriptis, omnemque lapidem (quod aiunt) mouent ut socios mali sui quamplurimos adiungant sibi. Hoc autem malum (quod est profecto grauissimum) quum audiuissem iamdiu, afficiebar grauissime Christiana popularium vestrorum commiseratione: & virum aliquem auctoritate grauem, scientia rerum diuinarum instructum, fortemque & generosum Christi militem optabam existere, qui gladio diuini verbi in virtute & demonstratione spiritus illud expugnaret. Ut autem multis hinc inde scriptis ad me antebac transmissis comperi tantis malis non admodum obsisti, nedum compesci alieno studio, nec sua infirmitate ipsi concidere, sed populi imperiti mentes in dies infici rationis humanae & popularitatis inani specie, quae falsis istis dogmatis inest quamplurimum: eò me tandem compulerunt Dei auctoritas, bonorum postulatio, meaque ipsius conscientia, ut de excutiendis & confutandis ex Dei verbo impuris aliquot scriptionibus serio cogitarem, in quibus arcem & praesidium istius mali videbam precipuè collocare. Rationibus naturalibus & humanis orthodoxam doctrin-

P R Æ F A T I O.

nam de sancta Trinitate oppugnarunt: breuiter confutauit ostendens physicis legibus non expendi metaphysicas; multis minus res diuinas physicis aut metaphysicis. & tamen eos ipsos Physica admiratores etiam in re physica non raro alucinari. Auctoritatibus Scripturæ sacrae detortis ad suum illud consilium obtinendum in se ite atque impie abutuntur: Easdem auctoritates male ab illis aliò abripi, auctoritate Scripturæ ipsius demonstrari, quemadmodum fieri omnino a nobis necesse est ad iustam Scripturæ veritatisque diuinæ (quæ una & uniformis est) intelligentiam. Vnum ad confutationis instigationem desiderari præterea videbatur: nempe ut qui loci a nobis adducuntur ad demonstrationem diuinæ & orthodoxæ veritatis, eos ab iniquis falsisq; interpretationibus istorum vindicaremus. Istius autem generis neque apud venerandam illam antiquitatem (quod mihi quidem constare possit) neque hac memoria nostra scriptum vllum argumento tam exitiale, aut arte lubricum exputo existisse, quam illud est quod ante annos aliquot Senensi cuiusdam opera in manus primum multorum fuit disseminatum, deinde verò & typis exaratum postremo etiam operasingulari amplius recognitum, cuius manuscriptum exemplar fuit Tiguro transmissum ad me. In hoc enim scripto sanctissimum illud primum caput in Euangelio Ioannis mysterisque diuinis confertissimum, ineptis argutijs atque impijs interpretationibus ex tota hærese colluie, qua vnquam exstiterunt, collectis turpissimè maculatur, & accumulatur omnia quæ ab istis hominibus adferenda impietati suæ vnquam adferri poterunt. Hoc igitur scriptum utrumque, impressum & manuscriptum excutiendū sumsi, & ex verbo Dei sine offensa cuiusquam aut acerbitate animi confutandum. Atque hanc confutationem, Illustres & generosi Domini, in præsentia allego ad hoc scriptum vobis *οὐκ ὄντως* de aduentu vestro, publicum vestra pietatis studiorūque testem, certissimum obseruantia mea erga Ill. G. V. indicem, & veritatis diuinæ pro eo ac potius vindicem

P R Æ F A T I O.

tem religiosissimum futurum apud vestros: quorum saluti consulum cupio in Christo Servatore nostro. V. itaque Ill. G. rogo quàm possum studiosissimè, ut cum meum hunc laborem vobis gratulatorium a quo animo a me accipiatis ipsi, tum pro insigni studio pietatis illius vestra, sanctæq; zelotypia erga Deum, Ecclesiam, patriamque vestram (quem zelum iamdiu ab Illustri & generoso heroe parente vestro acceptum colitis diligentissimè) efficiatis ut quicumque fructus ex hoc scripto potest obtinere, ad populares vestros (quorum causa hoc elaboratum est maximè) transmittatur, fiantque illi eiusdem salutis viæ salutaris, quam fide optima ex Scripturis docemus, participes in Christo Iesu Domino & Servatore nostro. Deus V. Ill. G. protegat virtute sui Spiritus ab omni malo, & in omni bono confirmet augeâtque ad laudem gratiæ gloriôsæ suæ.
Amen.



DE S. TRINITATE
TERTIA DEFENSIO
CATHOLICAE DOCTRINAE
DE S. TRINITATE PERSONARVM
IN VNITATE ESSENTIAE DEI.

DE summo omnium grauissimoq; mysterio, de Deo dicturus, atque defensurus veræ pietatis & Christianæ religionis arcem a periculosis eorum cuniculis qui ratione humana freti conantur labefactare veritatis diuinæ fidem, primum Deum optimum maximum doctorem veritatis auctoremque fidei nostræ orthodoxæ oro supplex, & meam ipsius & legentium omnium mentem a natiua cæcitate liberet, animosq; a studiis omnibus siue fluctuantibus ignoratione, siue aduersantibus infirmitate & malitia, potenter vindicet in Christo Iesu virtute æterna Spiritus; vt de veritate diuina secundum veritatem, ipso duce & doctore solo, piè sanctè & sobriè possimus quærere, eam quærentes inuenire ex promissione ipsius, inuentam condere magis magisque in thesauro cordis nostri, & conditam ad ædificationem fratrum nostrorum expromere, quod gloriæ Dei ipsius & Seruatoris nostri inseruiat. Expugnauimus antè per Dei gratiam duo impedimentorum genera quibus Samosateniani, Ariani, alii, tum sibi ipsis ad cognoscendam veritatem Dei præcludunt viam, tum aliis obsistunt vehementissimè in via veritatis, ne assequantur salutarem illam cognitionem veritatis quam ex verbo Dei, id est, Scriptura sacra didicimus. Nam obiiicientibus naturæ lucem & argumenta ex ea sumta, ostendimus eam lucem nihil nisi tenebras esse, cum luce diuina comparatam, & argumenta eius non ad peruestigandam maiestatem gloriamque Dei, sed ad redarguendam vanita-

tem nostram & inscientiam pertinere. Deinde verò quæ
speciem aliquam Scripturæ solent obtendere, cuius au-
thoritatibus principia sua naturalia & rationis in diuina
planè cæcutientis semina student confirmare, modum
exposuimus quo sanctissimæ illæ purissimæq; auctori-
tes Scripturæ a sordibus & inquinamentis ipsorum de-
fendantur, & integra Dei veritas in ouili Christi &
eiusdem Scripturæ fontibus conseruetur. Nunc tertium
restat opus confutationis absoluendum: nempe vt quos
Scripturæ locos ad sanctissimi & augustissimi huius my-
sterii declarationem a nobis allatos iidem artifices suis
corruptelis inspurcant, & abripiunt a germana ipsorum
interpretatione, eosdem restes veritatis, quam colimus
docemûsque, esse demonstremus. Hoc igitur consilium
nostrû Deo auctore effecturi ad gloriam ipsius, assertio-
nemque veritatis, & tam multarum animarum salutem
quæ his telis in Sarmatia maximè appetitæ fluctuant mi-
serimè, & a vero Deo in falsa hominû commenta tradu-
cuntur: argumentum vnum ad manum sumimus con-
futandum, in quo sic apertè omnia doctrinæ suæ inicia
descripserunt, vt nihil mihi quidem ad tenendam eam
desiderari ampliùs videatur posse. Cùm enim firmissi-
mam certissimamque totius huius mysterii declaratio-
nem primo capite Euangelii Ioannis exstare animadu-
terent, omnes ingenii sui neruos quam potuerunt ma-
ximè contenderunt, vt lucem illius fumo suarum inter-
pretationum obscurarent, & multiplice *παραλογισμῶν* sim-
plicitatem, mendacio veritatem Christi obruerent. Hu-
ius autem illorum scripti duo ad me exempla fuerunt
perlata: quorum vnum, tempore (si bene coniicio) ve-
tustius aliquanto, fuit commissum typis studio & opera
auctoris, alterum posterius siue ab auctore, siue a certo
homine auctoris necessario limatiùs & accuratiùs exara-
tum,

nam, quod per manus multorum (vt solent isti) submissum est, vt peritos semper fugeret, imperitos verò plurimum falleret. Quapropter vtrumque scriptum visum est nobis suo ordine & fide optima coniungere, vt aliis scriptis antehac fecimus: sperantes fore (quod olim dicebat Irenæus) vt quo magis etunt ex scriptis ipsorum cognita, eo sint magis attendentibus piis & consideratis *Carolo*. Fecimus autem hoc ordine, vt primùm impressi, tum verò Manuscripti verba haberentur: quibus responsa Defensionis nostræ coniunctim subiecinus, ne idem sæpius a nobis repeti cum tædio legentium oportet.

BREVIS EXPLICATIO IN PRI-

mum Ioannis caput.

SAMOSATENI PRAEFATIO. I.

CUM plerique abutantur hoc Ioannis capite ad hominum commenta stabilienda de filio Dei Christo, quæ fingunt æternum, his genitum, duarum naturarum, incarnatum, hocque contra omnem veritatem faciant: quo non tantum tota Scriptura de Christo Filio Dei obscuratur, corrumpitur, atque peruertitur, sed etiam ille Christus Dei Filius a Mose, Prophetis, & in toto veteri Testamento prænunciatus, & a pijs omnibus semper ante expectatus, qui postea de Spiritu sancto conceptus, ex Maria natus, pro nobis passus & mortuus, funditus extirpatur: quin & secundus Deus introducit, ad abolendum illum solum, verum, altissimumque Deum Patrem Christi: Quare ne pii patiantur se abduci ab illo vno solòq; Deo Patre, & a Christo etiam unico eius filio, quem nobis Pater de celo commendauit, breuiter summas tantum rerum in hoc capite controuersarum attingam.

M. S. Præfatio.

Quoniam qua dicenda sunt, fortasse vti noua & hæctenus

ināudita, suspecta prima fronte videbuntur: ante quā ergo scriptum hoc legatur, paucula quadam praeferi visum est, quae scilicet & suspicionem tollere possint, & simul ad eius intelligentiam non mediocrem lucem adferre. Primum ergo quicquid de Ebione & Cerintho vulgo iactatur, sigmentum esse censebitur: nempe quod Ioannes contra eos qui Christum ante Mariam esse negabant, suum scripserit Evangelium. Nam ultra quod nihil solidi ad eius probationem in medium adfertur, non desunt etiam efficaces rationes quae diversum sentire cogant. Causa autem huiusce erroris fuit falsi quorundam imaginatio. Cum enim viderent sic Ioannem primo hoc cap. appellare Christum verbum Deum, audirentque mundum per ipsum esse creatum, carnem denique esse factum, & huiusmodi alia; non intelligentes veram Evangelistae mentem, ceperunt nescio quid altius ac diuinius mente concipere, quā Ioannes intelligere voluerit: nempe Christum esse aeternum Dei filium, aequalem in omnibus Deo Patri, & secundam in Trinitate personam, immo ipsissimum Deum omnipotentem. Sed si ita res haberet ut dicunt, certē diuina Scriptura alicubi clarē, apertē, ac sine verborum involucri & ambagibus ista docuisset. Mirum siquidem esset Ioannem & ceteros, Evangelistas, Apostolos, omnes in re tanti momenti (nam ad salutem pertinere contendunt) nihil penitus scripsisse: maxime cum in multis aliis describendis longē minoris momenti & ad salutem non vsque adeo necessariis ceperunt. Et, si alii omnes hac praeerissent, certē Lucas diligentissimus scriptor annotasset, qui magna cum diligentia (ut ipsemet scribit) omnibus ab initio peruestigatis perfectē de Iesu Christo scripsit. Nimirum ergo grandem ipsi & aliis scriptoribus iniuriam faciunt, qui ipsos aliquid praetermisisse asserunt quod ad salutem pertineat. Ut & aliud quod vehementer vixet, nempe non alium Messiam a nobis ad salutem expectandam ac credendam esse, quā cum qui a Prophetis descriptus & promissus

promissus fuerat, nempe ex semine Dauidis. Atqui Prophetæ nunquam dixerunt venturum Messiam qui esset verus Deus & homo, sed simpliciter ex semine Dauidis. Aduertendum est præterea, quod quando in Instrumento nouo fit mentio, Christum fecisse mundum, omnia condidisse, &c. non hac ad materialia & visibilia esse trahenda, ut ipsi faciunt, sed solummodo ad spirituale suum regnum, quod appellatur mundus, domus, orbis, Ioan. 3. Hebr. 2. ut fusius infra probabimus: siquidem Christus spiritualis rex est, non carnalis: datus a Deo Patre ad edificandum, faciendum, creandum spirituale regnum hoc, quod est Ecclesia. Sicut enim Moses, uti minister, inquit Paulus Hebr. 3. fuit fidelis in tota domo sua, ita Christus, tanquam Filius administravit domum ipsius, cuius domus sumus nos.

Quantum verò ad Ebionem & Cerinthum attinet, in quorum odium Ioannem scripsisse asseritur, id ab omni veritate alienum videtur. Si enim ita res haberet, verisimile non est Ioannem rem hanc tam leuiter silentio præteruisse, quin saltem vel semel hereticos huiusmodi nominaret. Quod si videmus ipsum tam acriter in Apocalypsi Nicolaitarum facta reprehendisse, quomodo hac in historia Ebionitarum & Cerinthi falsa dogmata non reprehendisset? Cur nusquam clarè testatur ipsum Christum naturam Deum esse simul & hominem? cur huiusmodi hereticos deuittandos & cauendos esse non admonuit? Verum quod Ioannes horum in scribendo nullam habuerit rationem, vel ex eo euidentissimè apparet, quod in fine suæ historie rationem reddens in quem finem scripserit, non alium fuisse tradit quam ut homines credant Christum esse filium Dei, & ita credendo vitam haberent æternam. Nam hic opportunum fuisse Euangelistam aliquid contra pestiferos hos homines scribere. Poterat enim ita dicere, ut credatur Christum esse filium Dei coæternum, consubstantialem cum Patre, ac in omnibus coæ-

qualem, & ita credendo vitam aeternam habeatis. Sed quid pluribus opus est? Quod demum requiritur, benigne Lector, illud est, ut omni persuasione hactenus concepta spoliatus hac accedas, ac libero iudicio iuxta normam verbi Dei indices, fassus primùm ad Deum ardentibus precibus. Hac siquidem sola ratione veritatem assequere. Vale.

ORTHODOXVS.

UTRAMQUE hanc præfationem, Christiane Lector, hoc loco vilius est coniungere, tum ut ex ipsarum inter se comparatione videas quantum momenti secundæ curæ prioribus ad oppugnandam veritatem Dei adiecerint, tum verò ut ad utramque una & eadem opera simul respondeam, nequando actum agi sæpius oporteat. Equidem non dubito quin austera illa frons & censoria quasi virgula, quæ priore illa præfatione coeperat occupari, multorum animos pietati seriò danti operam in ipso limine offenderit: adeò superciliosè iudicium suum de plerisque omnibus, de nostra communi fide, & de Iesu Christo Seruatore nostro enunciat. Sed postquàm hoc malum euentus præter opinionem auctoris comprobauit, tum manus altera sperans (quod dici solet) *δὲ τέρων ἀμεινόνων*, est admota, subiectâque præfatione nova; in qua, prioris illius austera simplicitate remota, lenius instillantur & propinantur imbibenda, quæ prius epotare & exhaurire vno spiritu multorum animi renuerant, fastidierantque. Sed missa arte, quam quiniis de vulgo potest animaduertere, ne artem sectari puremur aut dicamur ipsi, (quam hîc laudare non possumus) ad argumentum ipsum veniamus. In priore sua præfatione exponit Samosatenus caput controuersiz, cuius causa se ad istud descriptionis genus adductum fuisse pronunciat.

nunciat. Id autem ut commodius singuli queant percipere, hoc syllogismo breuiter concludemus: *Qui filium Dei æternum, his genitum, duarum naturarum, & incarnatum fuisse docent, hi contra omnem veritatem absurda statuunt quam plurima: Hoc faciunt Orthodoxi, qui primo capite Ioannis in eam sententiam abutuntur: Hi ergo absurda statuunt quàm plurima.* Negamus simpliciter omneis huius argumentationis partes. Nec propositio maior, nec assumptio vera: proinde nec in conclusione plus veritatis est. Ac de minore quidem ex professo agitur postea in scripto reliquo: singula itaque membra suo ordine & loco expenduntur. De maiore videamus. Hæc illa, inquit, absurda sunt quæ inde consequuntur. 1. quod *tota Scriptura de Christo filio Dei obscuratur, corrumpitur, atque peruertitur.* 2. quod *Christus ille Dei Filius funditus extirpatur.* 3. quod *secundus Deus introducit ad abolendum illum solum verum, altissimumq. Deum Patrem Christi.* Atqui his omnibus Samosatenus principium petit, ut loquuntur Schoiastici. Nam primum negamus horum absurdorum quicquam ex orthodoxa illa doctrina consequi quam sanctè profitemur: neque vlla vis argumentorum non modò vera, sed ne probabilis quidem adferri potest, unde hæc absurda, quæ obiiciuntur nobis, veri aut recti possint. deinde verò hæc ipsa absurda, quæ tam grauius Samosatenus in nos visus est intorquere, per necessariam consequutionem ex doctrina ipsius singula confici affirmamus, certisq; tum auctoritaribus diuini verbi, tum argumentationibus possumus conuincere. Sed quia hîc *ἐναντία δὲ αὐτῷ* a nobis petitur, præstat loquentem Samosatenum audiamus, & nouis suis interpretationibus, quas ausus est comminisci, alterum nobis Euangelium, alterum Christum, & Deum alterum adornantem.

MS.

Posteriore præfatione interpolaturus illud asperum
 scribendi genus artifex, insinuatione vitur *πρηνής*,
 quam nos in medio relinquemus. Nemo enim homo
 tam hebes atque obesus est, qui nesciat de re noua atque
 inaudita auctorem potius & scholam veritatis, quam
 hominem ignotum & aliud agentem audiri oportere.
 Auctorem habemus veritatis Deum, qui instrumentis
 Scripturæ suæ instruxit domum suam, & in ea iam olim
 seruos suos de hoc mysterio informauit. Hic veritas
 vniformis & docentis, & doctrinæ, & discipulorum
 docet Deus: veritas Catholica in consensione sancto-
 rum posita, quam hic Samosatenus non dubitat oppu-
 gnare. Insinuet se nouator iste: at sapientia & veritas
 Dei in compitis clamat, cuius vocem cum orthodoxa
 illa & prisca Ecclesia agnoscimus. Huic verò insinu-
 tionis modo non bene conueniunt præfidentes illæ Sa-
 mosateni affirmationes duæ, quas perinde cupit Eccle-
 siæ obtrudere atque aphorismos omnium certissimos
 & indubitatas planè demonstrationes. Prior est, signi-
 ficatum esse quod vulgo iactatur de Ebione & Cerintho, ad-
 uersus hos puta Ioannem scripsisse Euangelium: poste-
 rior falsam imaginationem, quamuis vetustā, esse, qua-
 cunque Orthodoxi adferunt ad huius capitis intelligen-
 tiam, de filio Dei. Cùm autem propositionum istarum
 argumenta a Samosateno in præfatione reliqua *ὡς πο-
 τεί* adferantur, eodem ordine de illis dicemus pau-
 cis. Malè hoc caput intelligi, & contra mentem Ioan-
 nis ex eo doceri, *Christum æternum Dei filium esse, Deo Pa-
 tri æqualem in omnibus, secundam in Trinitate personam, i-
 psissimum omnipotentem Deum*, hanc denique puram pu-
 tam imaginationem esse, tribus argumentis probare ni-
 titur, quæ ordine exponemus. Primum: *Si hoc verum
 esset, diuina Scriptura alicubi clarè & apertè docuisset, præfa-*

sim cum ad salutem contendant pertinere: Non fecerunt autem, ne Ioannes quidem aut Lucas: Non igitur verum. Maiorem concedimus: etsi non est simpliciter ac per se necessaria. Nam vel vnus apertus locus, vt hic ipse est, ad diuinam auctoritatem satis. Quid enim? nonne semel dicta veritas a Deo tam est veritas & fidem nostram obligans, quàm millies recantata? nonne quum primum semel fuisset dicta, & veritas diuina fuit, & audientis Adami obstrinxit fidem? Minor falsissima est: fecerunt enim Apostoli & Euangelistæ passim; fecit Ioannes hoc loco, & singulis fermè capitibus: fecit Lucas cap. 1. & 2. prout singulari opere (si Deus volet) ostendemus, ne idem centies repeti oporteat. Sic ergo conclusio falsa. Secundum: *Apostoli & Euangelistæ eum Messiam excipi & credi voluerunt, qui a Prophetis descriptus & promissus fuerat: Fuerat autem promissus ex semine Davidis, non autem Deus verus & homo: Hunc ergo excipi & credi voluerunt.* Maior verissima est: Minor falsissima: quemadmodum vel ex Esaiæ 7. & sequentibus confirmatur. Nā propterea dictus est Immanuel, vt si Θεάνθρωπον dicas, id est, Deum & hominem in vnitate personæ. Solus certè Propheta Esaias (vt alios taceamus) plus satis argumentorum legentibus orthodoxis est suppeditaturus, vnde huius affirmationis vanitatem, & affirmantium (vt ita dicam) ἀντιπαρὸν ἥθος redarguant. Sed hæc aliàs. Neque hæc ergo conclusio verior superiore est. Tertium: *Quæ de Christo predicantur, secundum conditionem regis & regni predicantur, & ita accipienda sunt: Conditio regis & regni spiritualis est: ergo spiritualiter predicantur, & ita accipienda.* Hinc, Christus fecisse mundum, omniâque per ipsum facta predicantur: hæc igitur predicata spiritualiter sunt accipienda. Prosyllogismi vtræque propositio est valde ambigua. Nam Christus rex, & Christi regnum bifariam di-

citur: primùm respectu vniuersalis regni, quod regnum diuinum atque æternum est, commune Patris, Filii, & Spiritus sancti in vnitæte essentiæ: secundò respectu singularis regni, quo vt Rex Mediator, regnum obtinet Ecclesiæ suæ in persona sua: quorum prius a natura habet, posterius a dispensatione diuina. Præterea loquutio ambigua item est, *secundum conditionem regis & regni prædicari, & accipi*, & quæcunque in hanc sententiam a Samosatenis dicuntur. Nam siue prædicata hæc enuncientur de rege, qui subiectum est, siue de regno, quod obiectum, siue de administrationis modo, quæ relatiua actio regis ad regnum est, hæc *conditio* ambiguè dicitur. Rex, quia Deus, semper spiritualis est: quia Mediator, non item: assumpsit enim corpus, & in eo regnat, in quo etiam fecit & passus est ea corporaliter quæ ex historiis Euangelicis cognouimus. Regnum vtrumuis dixeris, si obiectum materiàmque in qua regnat Christus, respicias, non nisi æquiuocè dici potest secundum conditionem regis: cum secundum essentiam, potentiam, operationem, & affectiones quaslibet res subiectæ ipsæ inter se plurimùm differant, & omnes a conditione regis sui absint quàm longissimè: soli homini cum suo rege conuenit identitate naturæ, quia homo est similis fratribus suis excepto peccato. Modus, si ad formam essentialẽ regni & administrationis vtriusque huius respexeris, omnino spiritualis est: si ad cætera, summè varius spiritualiter & corporaliter, prout illa Dei sapientia est *πλυστοιχία*. Cum ergo conditio regis & regni huius secundum hoc spiritualiter, secundum illud aliter sit accipienda, prout prædicatur variè, omnino sequitur hæc Samosatenum ex ambiguo fallere: aut (si aliter placet) inconsequentem argumentationem a non distributo ad distributum extruere. Nam vt maiorem vtram esse demus secundum

Ephes. 3.

ca quæ

ea quæ modò distinximus, particularis futura est & indefinita: Minor itidem particularis, nec alia ratione vera quàm si dixeris, conditionem regis & regni ex parte, non vniuersè, spiritualem esse. Indefinitè autem, vel sine vniuersali signo a genere ad speciem quis nescit tantùm negantia duci argumenta posse? Sic falsam esse vides, Samosatene, argumentationem tuam. Euerso autem prosyllogismo, quid iam consequente syllogismo facias? Quæ Christus fecisse prædicatur, spiritualiter sunt accipienda: Christus fecisse mundū, omnia prædicatur: Mundus ergo, omnia spiritualiter. Maior indefinitè vera, sed particularis: si fiat vniuersalis, falsissima futura est. Et hic ergo ex particularibus concluditur ἀσυχνότητος. Si quidē porrò sic pugnaturus es, omnib. iudicibus vincēris, qui solus currens tibi vidēris vincere. Quæ de mundi, orbis, domus interpretatione adfert παρέρχων, nihil ad rē, neq; ex veritate. sed de eis alibi. Quæ de Ebione & Cezinthon narrantur, de quæ Ioannis consilio Euangeliū perscripturi, aliqua ex parte falsa sunt, & huius scriptoris produnt ἀνισορησίαν. Nam primū nomen *Ebion* non est viri proprium, sed Hebræum vocabulum & Syrum, appellatiuè pauperem significans, vt ipse Eusebius inter, retatus est. Hinc plurali numero *Ebionim* dicti, vulgo *Ebionzi*, fratres pauperes siue mendicantes, a sectæ illius modo. Quapropter non Ebionem, sed Ebionæos a Samosateno dici oportuit: nisi forte Ebionem, vt Epiphanius, singulariter per enallagen pronunciauerit, & ad caput istius ordinis respexerit. Huius rei ignorance posteriores scriptores Ebionem viri proprium nomen putauerunt. Secundò non abest a falso, quòd vnā solū causā, cur Ioannes scripserit ista, in medium protulit, cū duæ ab orthodoxis Patribus adducantur passim: vna, vt quæ alii Euangelistæ prætermiserant de Christo

Lib. 3. histor. Eccles. cap. 27.

dicenda, siue a Christo gesta, etiam ante quàm Baptistes in vincula coniectus esset, ab eo perscripta haberentur; quod Ecclesiæ in Asia rogauerant: altera, vt erroribus quos disseminabat Satan occurreret. Priorem copiosè narrat Eusebius libro 3. historię Ecclesiasticę, cap. 23. &

Lib. 4. de
consensu
Euange-
list

Augustinus commodè norauit his verbis: *Ioannes est reliquus, qui iam non restat cui conferatur. Quicquid enim singuli dixerunt, quę ab aliis non dicta sunt, difficile est vt habeat aliquam repugnantie questionem.* Idem Chrysostomus, Cyrillus, alii. Hanc sanè omitti à Samosateno indignum fuit. Postremò falsum est ad Ebionem & Cerinthum solummodò respexisse: & quòd in odium eorum scripsisse dicitur, odiosum. vt enim veritas mendaciorum omnibus, sic præco veritatis præconibus quibuslibet mendaciorum obfistit, & veritatis παραχάραξας aduersatur

Lib. 3. ad-
uersus he-
refes, ca.
11

Non autem ad hos duntaxat respexisse locupletissimus testis vnus de multis nobis futurus est Irenęus, auctor idoneus & ab antiquitate summa: qui Ebionæos quidem in hac causa minimè, sed Nicolaitas, Cerinthū, & alios aliquot disertè nominat. *Omnia igitur talia, inquit, circumscribere volens discipulus Domini, & regulam veritatis constituere in Ecclesia, quòd sit vnus Deus omnipotens, qui per verbum suum omnia fecit, & visibilia & inuisibilia: significans quoque, per quod verbum Deus creationem perfecit, per idem etiam salutem iis qui in creatione sunt hominibus prestitisse, sic inchoauit in ea quę est secundum Euangelium institutione, In principio eras Verbum, &c.* Et paulo pòst omnia, inquit, per ipsum facta sunt: in omnibus ergo est & hac quę secundum nos est conditio, siue creatio. Quę verba eo de industria adduco, vt antiquitatis vera sententia de tercio illo Samosateno argumento videatur, quod antè refellimus. Vt autem falsum illud esse vincat quod in opinione est vulgi, rationibus quatuor abutitur. Prima: *non*

fuisse

fuisse Ioannes tam leuiter prateriturus silentio re hanc, quin
semel saltem hæreticos nominasset. Negatur consequens:
nam primum alia est ratio scribendi Euangelii, alia epi-
stolæ, aut cuiuscunque scripti alterius. Euangelio veri-
tas narratur simpliciter, quod Ioannes fecit: epistolis,
aliis sic narratur veritas, vt in contraria excurratur singu-
lari applicatione. Deinde si vel vnum hæretici hominis
nomen in Euangelium inferciri fuisset alienum, quanto
magis, si plura, quæ eodem tempore in veritatem Chri-
sti insurgbant? Huius autem rei Iustinus, Irenæus, alii
testes sunt, ab antiquo illo, non ab hoc perturbato & fa-
ctionibus feruente seculo; non vnum inquam, sed varios
fuisse aduersarios. Tum fuisset illud alienum a Chri-
stiana prudentia & charitate factum; quæ sic veritatem
Dei asserit, vt mendacia ipsa auctorumque nomina non
prodat foras, sed prodeuntia foras tum demum publicè
excipit vt veritatis, charitatis, prudentiæque Christianæ
rationibus senserit conuenire. Postremò tu ipse, Samo-
satene, respondes, quum exemplum Nicolaitarum ad-
ducis. *At Nicolaitas palam traducit, quidni etiam istos?*
Nam Cerinthus synecdochicè comprehenditur Nico-
laitarum nomine, a quibus didicerat. Demonstrat illud
ibidem Irenæus non obscurè, dicens, *Hanc fidem annun-
tians Ioannes Domini discipulus, volens per Euangelii annun-
tiationem auferre eum qui a Cerintho inseminatus erat ho-
minibus errorem, & multo prius ab iis qui dicuntur Nicolai-
ta, qui sunt vulgio (ἀπόστασμα) eius quæ falsò cognominatur
scientia; &c.* De Ebionæis, hoc loco nullum verbum. Se-
cunda ratio: *Cur Ioannes nusquam clarè testatur Christum
naturā simule esse Deum & hominem?* Hoc idem argumen-
tum est primum, quod huius præfationis principio con-
futauius. Itaq; actum ne agamus, tantum Irenæi ver-
ba adferam ibidem posita: *Secundum nullam, inquit, sen-*

gentiam hereticorum, verbum Dei caro factum est. Siqui enim regulas ipsorum omnium perscrutetur, inuenies quid sine carne & impassibilis ab omnibus illis inducitur Dei verbum & qui est in superioribus Christus. Hoc signum hereticorum iam illo tempore habebatur. Tertia ratio: Cur huiusmodi hereticos denitendos & cauendos esse non adinuuit? Respondeo ut antè, non esse istud opus Euangelicæ historiæ: non fuisse futurum prudentiæ & charitati Christianæ opus, cum hominem palàm configere calamo qui se vltro & turpiter non dedisset palàm: doctrinam falsam fuisse satis reiectam, tum proposita veritate luculentissima, tum notato principe illius falsitatis qui palàm mendacia sua & impietatem notandam præbuerat, ut sit in Apocalypsi iterato Nicolaitarum nomine.

Apoc. 2.

Ioan. 20.

Quarta: hanc causam scribendi Euangelii non adfert Ioannes, sed ita solum dicit, *Hæc scripta sunt, ut credatis Iesum esse Christum illum, Filium illum Dei, & ut credentes vitam habeatis per nomen eius.* Immò verò hæc causa non Certum quidem singulariter, sed omnes hereticos attingens communiter, illis verbis disertè expressa est, quum Dei veritas speciatim aduersus mendacia hereticorum qui tum exstiterant distinctè asseritur. Nam eorum alij personam, alij beneficium Christi indignè lacerabant. Qui personam, aut Iesum esse negabant Christum, aut Christum diuidebant, aut negabant Filium Dei, aut illum negabant quem Apostoli & Euangelistæ docuerant. Qui beneficium, aut omnino in eum credi negabant oportere, aut credentibus ab eo vitam æternam fore: quæ omnia Irenæus libro I. & 3. narrat copiosissimè. Quum ergo diceret Ioannes, *hæc scripta sunt, ut credatis Iesum esse Christum illum, &c.* nonne quasi digito omnes illas hæreses commonstrabat, ut Ecclesiam in veritate aduersus mendacia hominum confirmaret? Atque hæc virtus est historiæ

histor
natur
dilige
Atque
tatur
modè

lunt:
rum in
est a
quem
sed &
cum a
biscu
Man
seu pr
quoq
quis
mini
descr
quis
nis.
modè
ante
sus f
stum
vidis
trece
lis, p
ille a

historia

historiæ Euangelicæ, ab epistolarum & Apocalypscos natura differens. Nam in his mendacia quoque notauit diligentissimè, in Euangelio puram expressit veritatem. Atque hanc in sua præfatione vtinam Santosatenus imitatus esset: nam a veritate ablusit plurimum, vt iis quæ modo sunt dicta euicimus.

SAMOSATENVS.

2.

In principio.

VOCE principii aternitatem quidam significari volunt: alii verò tempus ante conditum mundum. Sed nihil horum intelligit Ioannes. Tempus enim Euangelii, quo cæptum est a Christo prædicari, designat nomine principii seu initii; quemadmodum ipse Ioannes alibi hoc aperte comprobat dicēs, sed & vos testabimini (Christus ait ad Apostolos) qui mecum ab initio estis: sic, hæc vobis initio non dixi, quia fui vobiscum. Vox ἀρχῆς utrobique posita, vt Ioannis cap. 1. Sed & Marcus ab eadem voce & re incipit Euangelium suū, ἀρχὴν seu principium Euangelii Christi nominans. Sic & Lucas quoque orditur suum Euangelium, eadem voce usus: Sicut, inquit, nobis tradiderunt qui a principio spectatores erant & ministri sermonis, visum est quoque mihi omnia ab initio tibi describere. Sic Actor. 1. de eodem initio scribit, quando (inquit) Iesus cæpit facere & docere, incipiens a baptismo Ioannis. Sic Actor. 11. illapsus est Spiritus sanctus in eos, quemadmodum & in nos & ἀρχῆς, ab initio: certè non ab æterno, nec ante conditum mundum, sed tempore ministerii, quando missus fuit. Eadem voce vtitur describens hunc sermonem Christum hominem, Quod erat a principio, quod audimus, quod vidimus oculis nostris, quod spectauimus & manus nostræ contrectauerunt de sermone vitæ. De Christo verbo, visibili oculis, palpabili manibus, qui ex Maria natus est, loquitur. Nam ille æternus qui fingitur, a nemine unquam palpatus ab æter-

Rodolphus Gu-
alterus,
Vox prin-
cipii æter-
nitati ne-
quaquā
conue-
nit.

1. Ioan. 1.

no, vel post legitur, neque unquam auditus. Caterum ostendunt qui aliter sentiunt, alicubi Scripturam sub nomine principii aternitatem designasse. Quod si ostendere solido aliquo testimonio non poterunt, quid temere pronunciant, deo quætes genuinas vocum significationes?

M. S.

QVI hoc loco principii nomine Christi aternitatem designare volunt, manifestè erroris conuincuntur, tum quòd nulla Scriptura auctoritate fulcitur, tum quòd omnirationi adaptatur. Neque enim datur principium sine principio: sed principium solum datur in his rebus quæ principium habere possunt. At aternitas nulla admittit principium: immo quum principium dico, consequenter ac necessario aternitatem excludo. Nomen ergo principii hoc loco non aternitatem, sed ordinem earum rerum respicit, quas Ioannes de Iesu Christo dilectissimæ Dei filio descripturus est. Imitatusque est Ioannes hac in re Moysen & Marcum Euangelistam, qui historias suas describentes similiter ab hoc nomine principii exordium sumpserunt. Et sanè mirum est, quòd cum Theologi ferè omnes passim deprecident, nullum interpretationis genus melius ac securius inueniri posse, quàm si Scriptura per eandemmet scripturam exponatur, hoc tamen loco sui ipsorum obliti valere iussa Scriptura diuina auctoritate suis somniis indulgent. Causa autem huius erroris fuit, quòd Verbum hoc, cuius fit a Ioanne mentio, sinxerunt esse quemdam æternum ac consubstantialium Dei filium, immo ipsummet æternum Deum omnis principij exponentem. Sed quàm vanum hoc sit, infra videbitur.

ORTHODOXVS.

Hic verò Samosatenus in ipso limine, commodo suo & interpretationes adfert, & argumentationes a nostris (vt quidem videri cupit) fabricatas. Sic enim adfingit

Principium

Principium istis hominibus aut est aternitas, aut tempus ante mundum conditum: Sermo ille fuit in principio: In aternitate igitur, & ante mundum conditum. Maiorem negat allata alia principij interpretatione & exemplis eius: atque vt negationem suam ampliùs confirmet, Gualteri adhibet testimonium, tamquam si æquiuatione non obscura, & ab hominibus quoque nostris ocularioribus perspecta soleremus aut vellemus in rebus tantis (quod absit) illudere. Ne multa, Samosatene, dum hæc impingis hominibus nostris, peccas trifariam: 1. ea quæ ad interpretationem loci iustam coniungimus, prout re sunt coniunctissima, ad fallaciam tuam diuidendo. 2. vocis interpretationem, quæ a nostris non est nec vnquam fuit, nobis adfingendo. 3. nouam quandam atque inauditam homonymiam siue æquiuationem, vbi nulla est nec esse aut videri potest, aucupando. Singula hæc itaque videamus: tum verò tu ipse videris quid futurum sit hac interpretatione tua. 1. Fallaciam diuisionis, vt vocant, his verbis commissam demonstramus hoc modo: Quicumque tum ex illis orthodoxis Patribus, tum ex nostris æternitatem personæ Christi hoc Ioannis loco docuerunt, ij non ex voce principij sola, sed ex prædicato (vt loquuntur) toto asseruerunt æternitatem λόγος, quum dicitur, *erat in principio*: contra quàm tu, Samosatene, adfingis nobis. Sic enim illi, & rectè, sunt ratiocinati: *Qui iam erat in principio, ante principium est: erat autem in principio λόγος, Scriptura teste: ante principium igitur est.* Quid? nōne hoc vides ex illo consequi necessariò, & nunc λόγον ante principium existisse? Auctores verustos & recentiores si opus esset adducere, facerem sanè libenter: sed exstant in manibus omnium. Itaque dicā Augustini verbis, *Quid ait Euangelista? in principio erat verbum. Si erat, non est factum, vt ista omnia per ipsum fierent* Tractatum. in Ioan- nem.

Homil. 2.
in Ioan.

Homil.
in prin-
cipium
Euāgelij
Ioan.

& sine ipso nihil. Si ergo erat in principio verbum, & verbum erat apud Deum, & Deus erat verbum: si non potes cogitare quid sit, differ ut crescas, &c. Item Chrysostomi, Hic in loco, erat, proprium non solum significat, sed erat in principio, & verbum erat. Quemadmodum igitur, est, verbum si de homine dicatur, praesens duntaxat tempus significat: si autem de Deo, sempiternum atque perpetuum: itidem & erat. Nam quum de humana natura habetur sermo, praeteritū tempus, & hoc ipsum finitum: quando verò de Deo, aeternitatem ipsam ostendit. Concludā illis Basilij luculentissimis: Audi Euāgelium, in principio erat. Quod si erat in principio, quando non erat? utrum horum impietate defleam, an inscientia boream? Sed, inquiunt, antequam gigneretur, non erat. Scilicet non isti quando sit genitus, ut aliquid antea posset inferri tempori? istud enim quod dicis, ante, vox est temporis, alteri tempus alteri anteponebat ad antiquitatem. Qui autem cum ratione conveniat, eum qui fecit tempus generationem habere subiectam temporalibus appellationibus? In principio igitur erat. Nisi a voce erat, discesseris, nullum profecto aditum isti blasphemia improba daturus es. Atque, haec iudicio meo satis, ad fallaciam divisionis, quam Samosatenus utitur, demonstrandam. 2. Falsam interpretationem ad fingi hominibus nostris ut aperte demonstramus, quid alia probatione opus est, quam a Samosateno ipso? falsum est quod dicit, *vox principij aeternitatem quidam significari volunt, alij vero tempus ante conditum mundum.* Nam primum quid est tempus ante conditum mundum, si tempus dicitur, nisi *χρόνος* & *αἰών*, & ipsa aeternitas? Ex vno falso duo facit, ut videatur habere plura quae in nobis reprehendat, & specie apud imperitos obtrahit contradictionis. Sed posteriorem puduit istius ineptiae, ut ms. ostendit comparatio. Valeat igitur, quum posteriore cura Samosatenus sustulerit. Secundo vix ullus est rerum Theologiarum,

gicarum, aut etiam naturalium peritus mediocriter, qui ita sentiat aut doceat, ut a Gualtero rectè affirmatur: sed quicumque ad hunc locum de æternitate dixerunt, ij non ad nudam vocem *principij*, sed ad propositionem hanc coniunctam, *erat in principio*, respexerunt, ut antè ostendimus. Postremò ut demus fuisse nonnullos qui ita simpliciter principium definiuerint, at iniquum est profectò utrumq; istud: tum particularem Titij aut Mæuij interpretationem omnibus tribui, ut omnes reprehendantur quamuis aliud sentientes, cum ex particulari non possit confici vniuersale, nisi forte particularia omnia simul comportentur: tum verò alias interpretationes ab omnibus doctis vno consensu positas reticeri. Quam rē qua fide faciat, Samosatenus viderit. Quæ autem interpretationes? fortasse dixerit. Dicam paucis, ne quid dissimulem. Duæ interpretationes olim a Patribus fuerunt allata: vna simplex, quā affirmant, ut antè vidimus: altera subtilior, quam non affirmatè dicunt, sed hypotheticè suppeditant, nectentes ex consequentia. Simplex est hæc: *principium* esse hoc loco principiatorum (sic enim liceat loqui ad relationis commoditatē) id est, eorum omnium quæ principium habent in tempore, adeoq; primum ipsius temporis terminum, momentum, seu punctum, quo cœperunt esse tempus, locus, creatio, & res creatæ tempore & loco. In hoc principio, inquiunt, iam erat Sermo ille, de quo Ioannes instituit dicere: ergo ante tempus, locum, creationem, & res creatas omneis. Hæc simplicissima verissimāque interpretatio; ad quam omnes vno consensu respexerunt, quamuis diuerso (ut fit) interpretationis modo. Altera autem interpretatio est relationis ad intus, ut vocant, a Patribus orthodoxis, non ut primaria, sed ut secundaria semper usurpata: nō ut propria, sed ut adhærens propriæ: quum illi dicerent, *in principio*,

Id est, in Patre, qui principium est originarium sue Patris Filij. Quam interpretationem eo adferimus, ut Samosatēniani videant nos bona fide agere, nec quicquam dissimulare velle quod ad causam hanc adferri possit. Quod si falsam esse hanc interpretationem contenderint, facile respondebimus, primum veram atque simplicem præcessisse: tum aliud esse si de re dixeris simpliciter, aliud si de loci interpretatione: rem enim veram esse, quod Pater sit principium Filij, & Filius sit in Patre, sed hanc interpretationem propriam horum verborum non esse; propriam magis sequentium illorum, *& sermo erat apud Deum*, ut postea exponemus. Atque hæc ita se habere vel vnus Cyrillus, auctor grauissimus, in hunc locum testis est. Nos itaque omnes vno consensu cum veritate & cum Ecclesia orthodoxa propriam interpretationem amplectimur, & certa fide colimus. Quapropter cum neque veras, neque omnes omnium interpretationes hinc noster attulerit, iniquè facit qui ex insufficiente enumeratione falsoque supposito æquiuationes struit, & falsi probationes a nobis exigit dicens, *ostendant qui aliter sentiunt, alicubi Scripturam sub nomine principij æternitatem designasse, &c.* Sed iam de æquiuatione videamus.

3. Nouam & inauditam æquiuationem a Samosateno quæri vbi nulla est, et si iam satis superiore loco ostendimus producta vera & genuina verborum Ioannis interpretatione, amplius tamen a consilio Euangelistæ, a perpetuo consensu Ecclesiæ orthodoxæ, a natura rei, & a conditione loci ipsius adhuc demonstrari potest. Consilium Ioannis hoc fuit, ut quæ ab alijs Euangelistis non fuerant disertè exposita de Christo Seruatore nostro, in primis autem veritatem personæ illius aduersus hæreses falsas, quæ post tempus aliorum Euangelistarum natæ sunt, assereret: ut in præfationem

secundam

secundam obseruauimus. Nam hæreses quàm plurimas Satan excitauerat aduersus veritatem personæ Christi, vt labefaceret doctrinam Euangelij: quarum aliæ negabant Iesum esse Christum aut λόγον, aliæ λόγον esse, aliæ æternum esse, aliæ subsistere personaliter, aliæ esse in Patre, aliæ hanc personam Deum esse vel diuinam personam, aliæ coniunctim esse personam diuinam æternum in se subsistentem, & existentem in Patre, alię creatorem esse vniuersitatis, aliæ sustentantem atq; gubernantem, alię homines illustrantem & agentem virtute diuina sua secundum modum naturæ & gratiæ tum communis, tum etiã particularis in homines deriuatæ, aliæ denique, vel potius omnes (vt antè ex Irenæo docuimus) incarnatum esse, & personam vnā: θείαν ὁρῶν, Deum & hominem in vnitare personæ: quas omneis hæreses iā eo tempore succreuisse demonstrat Irenæus, qui successit proximè sanctorum Apostolorum tempora (vt ipse ait libro 3. & 5. aduersus hæreses) & discipulorū Ioannis auditor fuit. His ergo hæresibus & consimilibus per Spiritum Dei cupiens Ioannes obistere, vt Apostolus Christi, singula hæc confirmauit: Iesum esse Christum & λόγον, quū diceret, ὁ λόγος, ille sermo, ac non alter: esse λόγον, erat: æternum esse, erat in principio: subsistere personaliter & esse in Patre, hic Sermo erat apud Deum: esse Deum seu diuinam personam, hic Sermo erat Deus: personam diuinā vnā & eandem esse in se subsistentem æternūmq; existentem in Patre, hic erat in principio apud Deum: eundem esse λόγον & διμικρὸν sermonem & opificē siue creatorem mundi, omnia per ipsum facta sunt, & sine ipso factum est nihil quod factum est: commune principium esse, sustentans & gubernans omnia, in quo viuimus, mouemur, & sumus, in ipso vita erat: homines verò illustrans & gubernans communiter & singulariter secundum na-

turam & gratiam suam, *hec vita erat lux hominum, &c.* incarnatum esse, & Deum verum hominem verum in unitate personæ, non autem alium Deum aliūmq; hominem, nec alium Iesum aliūmq; Christum, & *hic Somo factus est caro, &c.* Negabit Samosatenus hoc consilium Ioanni fuisse propositum: scilicet quia aduersaria causæ quam obrendit. Sed de prisca illa historia utriusque magis credituri sunt boni? Patribus illis, qui partim ipsi (idem proximisque temporibus vixerunt, partim continua seculorum serie hanc doctrinam a maioribus acceptam posteris per manus tradiderunt, an hominibus novis? Illorum quidem proprium fuit veram historiam tradere qui aut viderunt ipsi, aut proximè ab his accepērunt: isti possunt, hominēs noui, cudere, si a tradita (re faciunt apertè) discesserint. Atque hoc secundum illud est argumentum, quo antè diximus nouam istam æquiocationem conuelli & confutari oportere: quod hic perpetuus fuit consensus Ecclesiæ illius orthodoxæ in veritate huius doctrinæ constanter retinenda contra particulares ἐπιδιδασκαλίας eorum hominum quos inanis spiritus interdum excitauit. Nam ex eo Patrum sanctorum consensu tum occasionem foris ab hæreticis ex parte oblatam, tum pium Ioannis Apostoli & Euangelistæ consilium ac finem, tum inuictam denique huius doctrinæ veritatem per Spiritum Dei cognoscimus. Sed ne forte Samosatenus hoc loco (ut solent isti) criminetur, nos ab auctoritate hominum argumentari, huic testimonio in rebus diuinis habendam non esse fidem (etsi Dei testimonio caruisse illos quis dicat?) videri quid Christus, quid Deus, quid Scriptura dicat, oportere: iam tertium illud affirmamus, ipsius rei natura quæ agitur æquiocationē istam euerti, quam Samosatenus cupit obtrudere. Hanc autem rei naturam verbis Chrysostomi iam

mi
ribu
stra
na:
rali
verò
in p
nan
de h
San
sub
mo
esse
nē c
aut
de
erg
Nu
cip
sto
Eg
tu
ne
pi
du
tū
na
co
ip
re
lo
a
q
fi

mi iam antè satis expressimus principio fermè segmen-
 tibuius: quæ verba ita plana sunt, vt nihil a nobis ad illu-
 strationem eorū possit accedere. Agitur de persona diui-
 na: res ergo æterna agitur, quæ non supponitur tempo-
 rali principio (vt ita loquar) sed magis præponitur. Hanc
 verò æternam personam quorsum diceret Ioannes fuisse
 in principio prædicationis Euangelicæ? Si negabit diui-
 nam personam esse (vt facit) nos affirmamus, & pòst vbi
 de hac re agitur, id est, sequente loco demonstrabimus.
 Summa, verum est illud Logicorum dictum, Talia esse
 subiecta, qualia permittuntur esse a prædicatis suis com-
 modè intellectis: & vicissim, talia esse prædicata, qualia
 esse a subiectis permittuntur: quia alterū circumscriptio-
 nē quam dā alterius in veris enunciatis cōplectitur. Hic
 autē de subiecto diuino, id est, æterno agitur, & quidem
 de rebus essentialibus eius, quæ dicuntur de eo per se: Sic
 ergo prædicatum accipi, non angustius fieri necesse est.
 Nunc de natura & conditione loci ipsius videamus. *Prin-*
cipiū, ait ille, *tempus est illud Euangelij, quo captum est a Chri-*
sto prædicari: & locos adfert ad dicti sui confirmationem.
 Ego verò (vt taceā, quòd tu ipse euertis hanc restrictionē
 tuā segmento 4. vt in eum locū dicturi sumus) vtrumq;
 nego ad hunc locum pertinere, determinationē princi-
 pij, & locos istos qui ad determinationem probandā ad-
 ducuntur. Probamus hoc modo: *Quod per se indetermina-*
tū est, eius varia est ac multiplex proratione locorū determi-
natio: Ita est autē *principiū per se*. Ergo *varia determinationis*
capax. Tum quod, *varia est determinationis capax, id ex loco*
ipso determinatur, nō autē ex alijs locis, nisi forte idē dixerint
re aut analogia: *Principiū est varia determinationis capax*: Ex
loco ipso igitur determinandū, non autē ex alijs qui nec re, nec
analogia dicunt idē. His autē locis (vltimū si exceperis, de
 quo tuo ordine postea) idē non dici probo tum ex Samo-
 sateni ipsius confessione, tum ex ipsis Scripturæ verbis.

Hic enim agitur de Sermone Dei absolute & de illius esse: illic de relatione temporaria, sine qua nulla humana actio apud alios institui fierique, aut ab alijs observari potest. Non igitur necessaria est hæc determinatio, petita ex alijs locis & differentibus. Non necessariam esse docui: docebo non esse iustam. *Eorum quæ per se determinata sunt iusta est determinatio quæ ex loco sumitur: nempe ex subiecto prædicato, & adiunctis ipsorum: Non conuenit autem subiecto, prædicato, vel adiunctis hæc determinatio: non iusta igitur.* Subiecto non conuenit: nam hic agitur de eo Sermone qui est ὁ Θεός , subsistens in se, existens in Patre, & Deus cum Patre. Nec prædicato conuenit: nam de eo dicitur quod erat, quod erat apud Deum, & quod erat Deus in principio: quæ omnia de Deo enunciata omne principium temporale transcendent. Nec adiunctis conuenit: etenim de eo dicitur, quod omnia per ipsum facta sunt, quod in ipso vita erat, & vita erat lux hominum, &c. quorum alia ante principium sunt, nempe quæcunque essentialia personæ ipsius, alia inde a principio temporis, nempe quæ relationem habent ad res creatas & factas in tempore. Negat Samosatenus? at qui res ipsa loquitur, verba sunt euidentissima, & post suo ordine glossata illius confutabimus: quem in locum, ne longiores simus, & ne actum (quod aiunt) agi oporteat, lectorem rei jecimus. Quid? quod etiam inepta est hæc interpretatio? nam tibi, Samosatene, quid est illud, *in principio erat sermo*? nempe erat tempore Euangelij, quo coëptum est a Christo Euangelium prædicari. Et quis, quæso, ita loquitur? homo ille erat, quo tempore coëpit Rempub. administrare, concionari, peregrinari, &c. Id quidem per conuersionem dici potest, quum de rei existentia forte dubitatur: concionabatur, erat igitur: nam ab est tertij adiecti (vt loquuntur) ad est

secundi adiecti valet consequentia. Sed vt vice versa loquatur quisquam, erat ille quum cœpit concionari, ineptissimum est, puerile est, non solum Apostolo, sed etiam viro indignum qui modò ratione vti possit. Quem admodum si dicimus, omnia per Christum facta sunt in principio, erat igitur, iusta conclusio est: sin autem dicamus, erat quum omnia per ipsum fierent, nihil insulsius. Atque id tamen, Samosatene, vt probes, adducis locos aliquot, futilitèrque operam consumis in falso illo tuo glossemate ac puerili dicto alienis probationibus & nihil ad rem facientibus confirmando.

Vides nec esse necessariam, nec iustam, sed ineptam interpretationem tuam. Restat vt vnum aliquid addam, quod tu ipse facilè animaduerneris. Erat Christus, inquis, quum cœpit prædicare. Agnosco: quid autem? non antè erat? Erat certè, quum cœpit Ioannes prædicare: hic autem prædicauit ante Christum. Neque id solum, sed erat etiam ex quo cœpit in mundo esse, id est, ex quo conceptus est, natus, &c. Quòd fierat in principio prædicationis suæ, & fuit ante principium illud, quis iam non videt loquutione hac, *erat in principio*, non excludi tempus quod isti principio præcesserit? Itaque non est cur ægrè Samosatenus ferat, si vel ipso annuente ita concludimus; *Qui erat in principio hoc, ante hoc principium erat: Sermo erat in principio: Ergo & ante principium fuit. Est autem principium hoc temporis, & eorum omnium quæ sunt in tempore: fuit ergo hic Sermo ante principium temporis, rerumque temporalium omnium. Quæ cum ita sint, falsam esse interpretationem Samosateni huius, alienam probationem (loci enim qui adducuntur, nihil ad rem) & inanem conclusionem affirmamus: quod omnes boni visuri sunt. Turpiter verò ex loco i. Ioan. i. disputator noster *πρὸς λόγῳ ζῆται*, quū ex natura vna Christi & proprietatibus ipsius concludit*

ad tollendam naturam alteram cum suis proprietatibus. Primùm enim locum interpretatur malè, deinde etiam argumentatur ex eo malè. Dicit Ioannes, *quod erat a principio*, &c. nempe, ait iste, principio prædicationis. Si solùm tunc fuisse dicit, negamus, & negari oportere antè ostendimus nouum istud restrictionis genus: falsum enim. Si iam antè fuit (vt certè fuit) quando fuisse dicendus est? Respondet Ioannes, *Sermo est vita aterna, & vita aterna: Vita aterna erat in principio apud Patrem: Sermo igitur erat in principio apud Patrem*. Negat iste, cur autem? nam *de Christo verbo, visibili oculis, palpabili manibus, qui ex Maria natus est, loquitur*: non igitur de æterno. Consequens falsum, quia vtrumque de Christo verum est diuersa ratione. Propterea enim dicit Ioannes primùm de natura vtraque distinctè, tum verò de persona ex naturis duabus constante. De diuina dicit, *quod erat a principio*: de humana, *quod audiuius, quod vidimus oculis nostris, quod spectauimus, & manus nostræ contrectarunt*: vtrumque verò ad vnitatem personæ eiusdem pertinere ostendit subdens, *de Sermone illo vite*: non enim totum Sermonis auditum est, visum, &c. sed tantùm de eo aliquid. Ergo ex falsa loci interpretatione Samosatenus argumentatur falsò, posita natura vna alteram tollens, istimans. Quid ergo? an tibi, Samosatene, hæc propositio placet? *Qui visibilis & palpabilis est, is non est inuisibilis & impalpabilis*. Nos verò ita respondemus: si secundùm idem dixeris, concedimus: sunt enim membra hæc contradictoria. Sin minùs, quid obstat quin vt Aethiops niger & albus est, ita homo sit idem visibilis & palpabilis secundùm hoc, & contrà secundùm illud? Homo secundùm naturam corporis, visibilis & palpabilis est: secundùm naturam spiritus sui, minimè: idem ergo visibilis, & inuisibilis. Hoc ipsum eodem iure de Christo dici-

fto dicimus: nam quod erat a principio, id est inuisibile:
 quod assumptum in tempore, id auditum, visum, specta-
 tum, & contrectatum est. Eadem igitur persona secun-
 dum illud inuisibilis, secundum hoc visibilis est. Im-
 pium verò genus illud argumentationis est, ex quo sen-
 tentiam suam hic Samosatenus se putat confirmare,
 quum ait, *Ille æternus qui fingitur, a nemine unquam pal-*
patus ab æterno, vel post legitur, neque unquam auditus.
 Nunquam hoc argumento quisquam usus est, quin
 supponat principium ἀρχήν, siue sciens prudens, siue im-
 prudens faciat: nempe quin non est palpatum ab æterno,
 cum non esse æternum: & (quod amplius) qui nunquam
 palpatum est, neque auditus, cum ne esse quidem. Sine
 hoc axioma inconsequens futura est tota Samosateni
 argumentatio. Hoc autem principium & axioma ridi-
 culum non Epicurus, non Diagoras atheos, non Theo-
 dorus Cyrenaicus ausus est dicere, quod Samosatenus
 imprudens occupauit. Sed hinc in tota hac questione
 varijs modis errat, & supponit opinionum monstra: 1.
 Christum non esse æternum Deum, &c. quod suo loco
 alibi (si Deus volet) demonstrabimus. 2. non assu-
 pisse in tempore humanam carnem in unitatem per-
 sonæ, ut sit Immanuel. 3. illum æternum non fuisse cor-
 poraliter auditum, visum, spectatum, palpatum, &c.
 quod de natura illa æterna verum, de persona falsum
 est. Posterioris editionis eadem planè ratio est.
 Nam principium pro æternitate accipi posse negat, &
 confirmat: damus. Tum principium restringit ad or-
 dinem rerum quæ in tempore de Christo prædican-
 tur, exemplo Moysi & Marci: nos confutauimus, ex-
 emplaque dissimilia esse docuimus. Postremò miratur
 Theologos vir acutus a sua illa regula hinc discedere, qua
 dicunt, *nullum interpretationis genus melius ac securius in-*

MS.

*ueniri posse, quàm si Scriptura per eandem scripturam exp-
natur: id a nobis in hoc loco minimè obseruari. Prio-
rem propositionem agnoscimus, si ab æquiuocatione
caueatur. Eandem enim scripturam non voce solum
oportet esse, verum etiam re ipsa & analogia, vt defen-
sionis secundæ segmento 13. ostendimus: nec aliter iustā esse
ex loco vno expositionem alterius. Etsi autem loci illi,
Mosis inquam & Marci, vocem eandem habent, tamen
nullam re ipsa & analogia cum hoc habent conuenien-
tiam, vt de hoc iudicium fieri ex illis possit. Quod si hæc
distinctio nō obseruabitur, nulla fermè pagina est in scri-
pturis sacris, ex qua absurda plurima grauissimāq; non
sint consequutura, facta confusione sensus propter vnius
eiusdēmq; vocis occupationem. Regula ergo, quam
Samosatenus iactat, a nobis facit: qui non miramur ve-
rissimam hanc regulam ab ipso minimè seruari; sed mo-
nemus vt seruata hac eadem regula deinceps magis di-
scat sapere in rerum sacrarum inuestigatione, & similia
similibus nō secundum literam solum, sed magis secun-
dum veritatem expendat spiritualitēq; diiudicet, spi-
ritualia cum ijs quæ spiritualia sunt coniungendo, vt A-
postolus præcipit, non autem corporalia & tempora-
lia (vt hic facit) cum spiritualibus atque æternis confun-
dendo.*

1. Cor. 2

SAMOSATENVS.

3.

Erat verbum.

*VERBI nomine putant denotari aliquem filium æter-
num, per quem Deus omnia ageret sub veteri Testamento, &
loquutus fuerit cum Patribus. Sed hæc commenta hominum
refutant multi loci Scripturæ; & præcipuè Act. 13. capit.,
quod omnia quæ erant facta & promissa in veteri Testamento
vñus ille Deus Pater præstiterit, & filium etiam eduxerit ex
semine*

semine Davidis: Et Hebr. 1. cap. dicitur Deum olim sub veteri Testamento loquutum per Prophetas, nunc autem nouissimis temporibus, id est, sub nouo Testamento loquutum per filium: & Actor. 1. Lucas dicit se scribere qua cepit Iesus docere & facere, nihil unquam scribens de gestis Christi sub veteri Testamento.

Nos verò Sermone[m] seu Verbum esse dicimus Christum hominem visibilem ex Maria natum, qui voluntatem paternam homines docuit: unde etiam, quod proloquutor esset paternorum mandatorum, nomen habet Sermone[m] vel Verbi. Qui enim his Verbum appellatur, alio in loco a Ioanne & alijs vocatur eodem sensu Magister, praeceptor, doctor, Apostolus confessionis nostrae, Pontifex, imago Dei inconspicui: quae omnia Christus homo expressit tum dictis, tum factis, &c.

Sed & omnes loci Scripturae, quicumque de hoc Verbo loquuntur, non intelligunt aliquem Christum aeternum ante Mariam, vel binaturium, sed hunc de quo loquimur hominem: vt 1. Ioan. 1. Sermone[m] seu Verbum describit visibile, palpabile, quod & auditum est, Christum intelligens hominem. Sic Actor. 13. Sermo salutis vocatur, qui ignoratus ab Hierosolymitanis, condemnatus & occisus est. Sic Apoc. 19. amictus veste sanguinolenta, cuius nomen SERMO DEI. Hi loci omnes hominem Christum Verbum esse docent, Sermone[m] videlicet illum qui docendo loquebatur, non aliquem aeternum, qui nihil docuisse legitur.

M S.

Præterea interpretes in expositione huius nominis, Verbum, variant: in genere autem concordant, quod Verbum sit quidam aeternus Dei filius, sine initio a Patre genitus ante omnia secula, coaeternus, consubstantialis, ac per omnia Patri coequalis, secūda in Trinitate persona: & huiusmodi alia quaedam comminiscuntur. Sed hoc fuit merum humanum inuentum. Ex diuinis enim Scripturis hac nunquam probare posse-

runt: immò tota Scriptura aduersatur. Ioannes ergo Verbi nomine ipsum Dominum Iesum Christum Dei filium intellexit: non tamen respectu alicuius naturæ aut substantiæ, sed tantummodo ratione officij, quo ipse Dei Filius usus est in manifestando Euangelio Dei Patris sui verbo. Nam nihil omnino Christus, quantum ad sui naturam ac substantiam, nobis profuisset, nisi Euangelij arcanum annunciasset. Et observa hanc esse ipsius Ioannis peculiarem phrasim: habet enim Ioannes peculiare quasdam phrasas, quibus nemo alius scriptorum Ecclesiasticorum utitur. Nam in tota Scriptura non inuenitur Christum appellatum fuisse Verbum, præterquam ab ipso Ioanne: nec alia ratione id factum est, quam quod ipsius officio ac opera nobis ipsum Euangelij verbum, quod prius latebat, innotuit. Est enim Metonymia, seu denominatio nam ideo (ut dictum est) Christus Verbum dicitur, quia Dei iussu verbum Euangelij nobis primus ex sinu Patris annunciat. In hanc sententiam Ioannes ipse in sua Apocalypsi cap. 19. hoc Verbi nomine usus est, quum dixit Verbum esse nomen Christi. Caterum quod magnam lucem adfert huius loco est, quod omnia nomina quæ ipsi Christo posita inueniuntur, non ratione alicuius naturæ aut substantiæ æternæ, sed ratione solum officij ac effecti fuerunt indita. Nuncupatur enim lux mundi, via, veritas, vita, ostium, pastor bonus, Iesus, Christus, magister, vitis vera, panis viuus, agnus Dei, aduocatus, Sacerdos, iustificatio, sanctificatio, resurrectio, Pontifex, ac infinitis alijs nominibus. Quemadmodum ergo nomina ista quæ recensuimus (nam huiusmodi nominibus ipse Ioannes fere omnibus metaphorice utitur præter aliorum Scriptorum morem) rei aliquid nouæ non adferunt, quam ceteri Euangelistæ & Apostoli non tradiderint: eadem ratione dicendum est hoc loco, Verbi nomen nihil noui ab alijs scriptoribus adferre: æquè enim istis omnibus nominibus metaphorice utitur Ioannes: ita ut vel hinc discere liceat, in rebus ad salutem

pertinen.

pertinentibus non anxie nobis laborandum esse in inquirendo quid in substantia Christus sit, sed quid ratione multorum beneficiorum ac effectuum nobis attulerit ac profuerit. Summa ergo est hæc: Scripturus Ioannes de Domino Iesu Christo Dei filio, mundi que Redemptore, nec non & de spiritali mundo spiritaliter per eum instaurato, alius ab origine, vel ante ipsius Christi manifestationem orditur dicens, In principio erat Verbum, id est, Christus Dei filius in principio sui Evangelij, antequam ad suos veniret & manifestaretur, erat, id est, versabatur, & id quidem per triginta annos, in mundo apud Iudæos, illisque de nomine & facie notus erat: nam vulgo habebatur ac appellabatur filius Iosephi fabri. Sed quod ipse Iesus esset Dei filius, annuntiaturusque esset Euangelium Dei, Verbum hoc ipsum omnibus prorsus ignotum erat. Ideo sequitur, Et verbum erat apud Deum.

ORTHODOXVS.

Hic pium Lectorem rogo ad duo capita seorsim velit attendere: vnū, quid prior ille Samosatenus reticeat: alterum, quid dicat. Quid reticeat, iam antè ostendimus: nempe verbum, erat: cuius vim certo consilio dissimulat, de qua superiore loco dicebamus ex sanctorum Patrum testimonio. Hoc autē suo commodo, vel potius incommodo imperitorū reticet: qua fide, nouit & cognoscet Dominus. Omnino tamen factum absurdū esse posterior Samosatenus vidit: ac propterea interpretatorem adiecit illius verbi quam prior dissimulauerat. Iam quid dicat, videamus. Hoc autem duobus membris concluditur: nam primū doctrinam nostram adfert oppugnāq; deinde adfert & confirmat suam. In adferenda doctrina nostra (de vocibus enim curiosè nolo contendere, ad rem aduerto) sic definit Verbum, quā

persona diuina est solùm, vt illud bellè dissimulet quod sanctè credimus profiteremurque, Verbum hoc esse carnem factum, personam vnā ex duabus naturis constitutam. Cur autem dissimulat? quia non credit, neque rationibus eius commodat quòd credimus: at nostramen credimus, quod a disputante (si modò bona fide velit disputare) minimè dissimulari oportuit. Iniquè igitur. Nam si vtrumque, profiteamur in vnitāte personarum (profitemur autem) certè vnum ponendo alterum minimè tollimus: atque hinc tamen profluere, hīc hāere, hūc spectare singula ipsius argumenta omnes visuri sunt, qui æquo animo & sine præiudicato ad rem aduerterint. Atque hæc causa est, cur omīssa parte de qua inter nos conuenit, Deum his vltimis temporibus nobiscum per Filium loquutum esse, eam solū oppugnat quam nos de Christo ante aduentum ipsius in carne affirmamus, Deum in Testamento vetere omnia per hunc Sermonem egisse & loquutum esse cum Patribus. Hoc enim si vicerit, alterum illud eādē se putat obtinere, si tum non fecit aut dixit quicquam, ergo non fuisse tunc: ac proinde multo minùs veram affirmationem nostram de æternitate eius haberi oportere.

Doctrinam nostram de Verbo, Filio æterno Dei, per quem olim Pater egit omnia, tribus oppugnat locis. Ex primo, qui est Act. 13. duas argumentationes colligit. Prior, in hunc modum: *Quod Deus Pater fecit in Testamento vetere, non fecit Filius: Deus Pater promisit & præsistit omnia in Testamento vetere: non ergo Filius.* Maior omnino falsa est, & contradictoria sanctissimis illis certissimisque Christi propositionibus, *Pater meus usque adhuc operatur, & ego operor:* item, *quæcunque Pater facit, hæc etiam Filius pariter facit.* Priore omnis temporum, posteriore omnis operationum in res creatas diuisio tollitur. Grauius itaque erratur in hac argumentatione,

Ioan. 5.

mentatione, quum de operatione per omnia & in omne tempus communi diuifio ftatuitur. Eft enim communis operatio, vna eademq; eft Patris & Filij. Non eft autem Samofatenus nescius, a communi ad particulare argumenta quæuis negantia, affirmantia verò vniuerfalia folùm rectè confici. Itaque fi dixeris, *Filius nihil promiffi, nec præftitit in Testamento vetere*, optimè confequatur, *nec Pater igitur*. E contrario autem fi dixeris, *Pater promiffis olim & præftitit omnia*, confequatur iufta confequentia, ergo & *Filius*: nam Pater & Filius operantur vſque adhuc, & quæcunque facit Pater, ea Filius pariter facit.

Posterior argumentatio fic habet: *Qui ex femine alicuius eft, non antè fuit quàm educeretur ex femine: Filiū eduxit Pater ex femine Dauidis: ergo non antè fuit*. In hac Samofatenus itidem *περὶ λόγιζέται*. Nam primùm Maior propositio phyfica seu naturalis eft, de fimplici & naturali homine vera naturaliter: hoc autem quid ad fupernaturale & diuinum opus? quum itaque de Chriſto agitur, non aliter vera eft hæc propositio, quàm fi adieceris, quà ex femine alterius eft, non antè fuiſſe quàm educeretur ex femine. Deinde Minor infidioſa eft, latente æquiocatione: Filium enim Samofatenus intelligit appellari Chriſtum reſpectu naturæ humanæ, quam ſolam habeat, & habere a Patre. Falfum, vt antè diximus: & falſò ex naturæ vnus poſitione ftatuens remotionem alterius, eam ſibi videtur tollere: nam vt parte vna eſſentiali rei cuiuſcunque poſita, altera non tollitur, ſed contrà neceſſariò ponitur ad conſtituendum totum: ſic natura vna eſſentiali Chriſti poſita, altera non tollitur, ſed contrà, ex quo illa eft, ponitur eadem neceſſariò ad conſtitutionem perſonæ. Poſtremò etiam errat, quum naturæ vnus propria attribuit alteri, eaque de toto perſonæ prædicari iubet. *Filius non antè eft*, inquit, *quàm pro-*

ducatur a Patre: Filium eduxit Pater ex semine Davidis, nempe secundum naturam humanam quam eduxit: Ergo non antè fuit: certè secundum eam naturam qua ex semine Davidis est. Nobis verò pari iure licebit argumentari, & verè: Filium Pater antè, immo æternum genuit: ergo antè, immo æternum est, nempe quà persona diuina est, Sermo æternus æterni Patris. Probationes postea videbimus. Ex secundo loco, qui est Hebr. i. sic argumentatur: *Deus olim per Prophetas loquutus est, his verò ultimis temporibus & nunc per Filium: Non ergo Filius olim loquutus est, ac ne fuit quidem.* Negatur vterque conclusionis locus. Prior locus, non esse olim loquutum Filiū, euidenter fallit ex elenchi ignoratione, quia non secundum idem & eodem modo Filius in Testamento vetere & nouo loquutus est. Nam olim quidem loquutus est vt Sermo Dei, at non in carne assumpta personaliter: post autem loquutus est vt Sermo factus caro, & in carne (in qua Filius Dei venerat) patefactus: quod ipse Apostolus interpretatur principio cap. 2. eiusdem epistolæ. Olim loquutus est, quà Sermo Deus solū: ultimis verò temporibus loquutus est, quà Deus & homo, in vnitate personæ ex assumente persona & assumpta natura constitutæ. At nos ediuerso ita statuimus, *Deus Pater olim & temporibus ultimis loquutus est, ergo & Filius:* nam communis est (vt paulo antè diximus) operatio Patris & Filij, atque hic pariter facit quæcunque facit Pater. Posterioris conclusionis, Filium ne fuisse quidem, falsitas reuincitur maiore apposita. Ea est huiusmodi, *homo qui non loquitur, non est.* Alia dari non potest iusta argumentationum lege. At primū quid magis falsum? quid absurdius adferri potest? nam si homo est, est igitur, quamuis nihil dicat: prædicatum est contrarium subiecto. Deinde mutus homo est, & non loquitur: nam mutus est. Ta-

ens non loquitur, etsi homo est: sed tacet. Postremò hoc dicitur de homine qui tantum homo, homo ψιλός, vel de homine simplice: Nos autem hunc Sermonem Dei non simplicem nudumque hominem, sed Immanuelem agnoscimus, id est, Deum & hominem: quid hic simile? Proinde ita religiosè credimus & docemus: Sermo, quia Sermo Dei est, a principio loquutus est cum Patre: quia homo factus est, his ultimis demum temporibus secundum humanam illam naturam, quam assumpsit, loquutus est. Malè itaque ex naturæ vnus modo concluditur de personæ totius conditione: quod vitiosum esse & ἀσυλλόγητον antè docuimus. Ex tertio loco (est autem ille Actor. i.) sic argumentatur: *Lucas dicit se scribere quæ cæpit Iesus docere & facere, & nihil unquam scribit de gestis Christi sub Testamento vetere: nec igitur fuit Christus sub Testamento vetere, nec gessit quicquam.* Atqui fallacia est in hac comparatione duplex. Primum enim res secundum humanitatem assumptam, & in eadem a Christi persona doceri & geri cœptas respexit Lucas, vt historia Euangelica ipsius demonstratur: hîc verò Samosatenus de persona in se ἀσυλλόγητως accipit: sic dicto secundum quid (vt vocant) concludit simpliciter. Deinde res diuersas diuerso tempore gestas conturbat elenchi ignoratione, & a non distributo ad distributum concludit vitiosè: aliæ enim res sub Testamento vetere gestæ sunt, & aliæ sub nouo. De rebus autem sub hoc, id est, huius tempore, non sub illo gestis Lucas loquutus est. Postremò id planè alienum est (vt Scholasticè loquar) quòd ab auctoritate negatiuè συλλογίζεσθαι: hoc non dicit Lucas, non ergo fuit Sermo, neque hoc a Sermonem gestum. Quis sanus sic argumentetur? fieri enim potest, vt id fuerit, factumve sit quod nemo dicat aut scribat: fieri etiam potest, vt dicat ille quod hic non

dixerit, prout ab Euangelistis videmus factum. Hic ergo gladius plumbeus. At dicit Lucas, *de omnibus quæ cepit Iesus facere & docere: nihil ergo excipitur*. Verum est: propterea quum Lucas non dicat *de omnibus* simpliciter, sed circumscriptionem adhibeat dicens, *quæ cepit Iesus facere & docere*, vniuersalem istam ex determinatione intelligimus, ne fallaciam diuisionis (quod te Samosatene, non vides ruere) committamus. Sic enim ostendit Lucas aliud esse, si quis de omnibus Christi operibus sermonibûsq; scribere velit vniuersè; aliud verò, si de ijs operibus quæ certo modo, id est, in assumpta carne, certoque tempore, nimirum Euangelij post assumptam carnem facere & docere cœpit in persona sua, & continuauit facere & docere in persona Apostolorum seruorûque suorum, ex quo sursum in cœlum receptus est. Nam principium Euangelicæ veritatis Christo tribuitur, quod principium Euangelio suo Lucas descripserat: continuatio prædicationis illius, Apostolis consequente ordine tributa est, cuius continuationis historiam Lucas secundo libro pertexuit, qui Acta Apostolorum inscribitur. Hæc ergo argumentationum genera qui sciens prudens obijcit, sciens prudens fallit: qui imprudens, fallitur: sed neutrum a nobis scientibus videntibûsq; probari bona fide potest. In adferenda & confirmanda doctrina sua quid Samosatenus agat, videamus. Primum adfert Sermonis huius, de quo Ioannes agit, interpretationem & definitionem quamdam: esse Christum *hominem visibilem, ex Maria natum, &c.* quæ nos omnia non solum damus, sed etiam religiosè ex verbo Dei affirmamus. At definitio hæc imperfecta est, si ad mentem Samosateni respexeris: quæ alia mente ab homine orthodoxo & pio enunciata non æquè iniusta aut imperfecta haberetur. Pius enim hæc legens & dicens, Christum intelligit verè Deum

Deum verè hominem in vnitatem personarum: hic verò *Christum hominem* dicens, hominem solum intelligit. Deinde illud etiam pius optima fide annuet, eò quod *proloquutor est paternorum mandatorum, nomen habere Sermonis vel Verbi*: sed hic intelligit ea solum de causa Sermonem appellari, &c. id est, Sermonem esse non essentialem naturam genitum a Patre, sed accidentarium, & ita solum ab officio dictum: quod nos freti veritate negamus, & auctoritate Scripturæ. Atque eadem quoque est probationum ratio, quæ post adferuntur: hæ ex appellationibus Christi, illæ ex prædicationibus de Christo enunciatis sumtæ. In ijs enim ab eo quod dicitur de vna natura eius, vel potius de persona eius secundum naturam vnā, id est, humanam quam assūmūt, argumentatur & concludit de toto personæ, contra omne iustas, vt antè diximus, argumentandi leges. Falsa itaque conclusio est totius Sermonis huius, in qua positione naturæ vnus esset statuitur remotio alterius. Vt enim positio materię non est remotio formæ, & positio partis vnus de toto aliquo essentialis non est remotio alterius: sic etiam in Christo posita natura vna alteram non sequitur tolli, cum vtraque coëat in constituenda persona Christi Domini & Seruatoris nostri. Christus enim Deus & homo, ac non homo solum ab Ecclesia creditur coliturque. Et si (vt in transcurso moneam) de appellationibus Christi quæ hic congestæ habentur, vnā oportet excipi, quòd *Christus imago Dei inconspicui* appellatur. Nam ceteræ appellationes quidem respiciunt ad nos, & ad nos simplicem relationem habent. Magister enim, præceptor, doctor, & Apostolus confessionis nostræ eo dicitur, quòd instituat nos: Pontifex vel Sacerdos, quòd reconciliet nos: omnia ex operatione dicta. Sed quum imago Dei inconspicui dicitur, duplex respectus est, vnus personæ,

2. Cor. 3.

alter operationis. Personæ respectus est, quâ Christus imago essentialis est Patris, perfecta, & Patrem perfectè exprimens, persona personam, vt Defensionis 2. segmento 6. docuimus. Operationis verò respectus est ex proprietate personæ profluens, quòd Christus imago essentialis Patris nos informat de veritate, & nos renouans in spiritu mentis nostræ facit vt omnes relecta facie gloriam Domini, vt in speculo, intuentes transformemur in eandem imaginem ex gloria in gloriam. Atque hæc duo sic conueniunt in persona Christi, vt alterum altero minimè destruat, quia illud est principium huius, hoc verò nihil est aliud quàm actus ex illo principio indefinenter profluens: quemadmodum dispensatio operationum in nos cum proprietate personarum inter se, œconomia externa cum interna suum commensum & conuenientiam habet quodammodo. Sed (vt eò redeamus vnde digressi sumus) quia non satis animaduertere fortè imperitiores possunt, quò illa verba pertineant, *quòd proloquuntor est paternorum mandatorum, nomen habere Sermonis vel Verbi*: id apertè opus est explicari, vt singuli videant veram quidem hanc rationem esse ex Scripturis sacris, sed neque solam esse, neque sufficientem ad tanti mysterij explicationem. Igitur Sermo quum dicitur, aut absolutè, aut relatè dicitur. Nam duos habet terminos, vt loquuntur vulgo, terminum a quo, & terminum ad quem: quorum prior terminus recentioribus Logicis fundamentum, posterior verò terminus simpliciter appellatur. Itaque Sermo ratione quidem duplex, sed re ipsa vnus est. Absolutè dicitur, quum sermo essentialis (nam de essentiali hîc agitur, non autem de enunciato, qui accidentarius est) id est, λόγος in mente, velut in suo principio, positi ad suum fundamentum habetur ratio. Relatè autem dicitur, quum termini vtri-

usque

usque ratio reipsa conuenit atque obseruatur. Hoc in
 rebus corporeis λόγον habentibus est euidentissimum: in
 spiritualibus analogicè obseruandum. Nam exempli
 causa, Angeli & formæ intelligentiæq; cœlestes tum in
 sese λόγον suum vel sermonem habent, quem manat &
 gignit intelligentia, & est de esse (vt loquuntur) ipsius,
 tum suum sermonem alij alijs exponunt προφορικῶς: etsi
 non hoc corporali, sed spirituali & intellectualem modo.
 Hoc posito, iam quid Samosatenus dicat, animaduertant
 pij. Est quidem sermo Dei Christus, sed respectu so-
 lum (vt ille vult) posterioris termini. Habent quidem
 hominibus, habent Angeli suum λόγον absolutè, cumque
 essentialem intelligentiæ suæ: habent & λόγον relatè. Sed
 Deus relatè solum habet, Christus sermo Dei relatè so-
 lum est. Deus bone, quid audio? tantamne insaniam
 animos hominum occupare, vt Sermonem absolutum
 illum ac essentialem sibi inesse, non Deo statuant! Hoc
 ego quidem non dico, inquit Samosatenus. Immo
 verò, mi homo, hoc ipsum. Nam si Christus eo solum
 est Sermo Dei, quod paternorum mandatorum (vt tu
 loqueris) proloquutor est, relatè solum est Sermo, &
 Deus relatè solum Sermonem habet. Quod si dixeris,
 Deo nihilominus suum sermonem absolutum esse & in-
 ternum λόγον, vide & attende quàm multa concurrant
 absurda, eaque grauissima: ergo re aliud est sermo abso-
 lutus & internus, aliud Christus: ergo Deo sermones
 reipta duo sunt: ergo Deus non est simplicissimus: Et
 sermo ille absolutus, quem dicis non esse Christum, is
 ipse est qui erat in principio, qui erat apud Deum, qui
 erat Deus (nam quicquid est in Deo Deus est, aut Deus
 (quod absit) non erit simplicissimus) qui erat in principio
 apud Deum, per quem omnia facta sunt, &c. Si non,
 ergo Deus sine sermone absoluto fuerit, feceritq; omnia:

ergo res creatæ eo præstabunt creatori suo, quod sermo-
nem absolutè habent quem sermonem non habet Deus.
Innumera denique absurda sunt ex tuo illo dogmate cõ-
sequentia, quæ colligi in hunc locum possunt, & quæ tu,
Samosatene, resipiscentia fugies, site recolligas. Vide
autem quàm id certò breuiterque possis perficere: *Qui
Sermo erat in principio, erat apud Deum, erat Deus, is Sermo
Dei absolutus & essentialis est: Christus sermo ille est qui erat
in principio, erat apud Deum, & erat Deus: Christus ergo Ser-
mo Dei absolutus & essentialis est.* Sic partem quam dicis,
MS. agnoscimus: quam negas, ostendimus. Et si autem

posterius scriptum re ipsa cum priore conuenit, quia ta-
men nouum pigmentum superiori adiectum est, & axio-
mata quædam a veritate discrepantia, de ijs quoque di-
cendum paucis. Obijcit primùm *interpretes in exposi-
tione huius nominis, Verbum, variare*: idque vt incertam esse
doctrinam nostram redarguat. Possem quidem multò
maiorè varietatem Samosateno obijcere, & velut con-
tra dictoriam eius doctrinam apertè reuincere: sed opti-
mus erit ad eam rem segmento sequente locus. Vanij
sunt, at non contradictorij, diuersi, at non aduersi hoc
loco interpretes. Cur autem? quia Christus vario res-
pectu Sermo Dei ac multiplice appellatur: sic, huic res-
pectus vnus, illi alter sese obtulit, ex quo Sermonem inter-
pretaretur. Eorum præcipui duo, quos antè exposui-
mus, ab vtroque Sermonis termino, vt Nazianzenus o-
ptimè obseruauit: accedunt aliquot secundarij, tamquàm
riui ex capitibus istis duobus dimanantes, & imirum ex
termino a quo, vt vocant, & termino ad quem. Sed hi
omnes respectus re ipsa conueniunt, *in genere concordant*,
vt hic ipse loquitur. Hoc igitur obesse non potest causæ
nostræ, sed magis admirabilitatem multiformis illius
sapientiæ Dei ostendere.

Descriptionem Verbi ac-
cipimus

climus: sed commentum negamus esse. Esse commentum Samosatenus affirmat duobus argumentis: probari non posse ex Scripturis: Scripturam aduersari. Prius falsum: nam vt de hoc loco & sequentibus taceam, quod *Esaia de Iehoua magnifice predicauit, id Ioannes de Christo* Esaia 6.
affirmat dictum: Christus ergo Iehoua est, eternus Deus, essentialis Deus. Ioan. 11. Alia suo tempore adferemus: hoc in presentia satis. Posterius similiter falsum: nam quod Scriptura affirmat, id non aduersatur Scripturæ: alioqui Scriptura ipsa pugnaret secum: hoc autem Scriptura affirmat: quomodo Scripturæ aduersetur? Christum non respectu personæ in se (hoc enim malo, quàm quod Samosatenus pronunciat) *sed tantummodo ratione officij* Verbum appellari, falsum: atque hoc perspicuè paulo antè nos demonstrauiſſe cōfidimus. Ridiculè verò hoc suum paradoxum confirmat, dicens, *nihil omnino Christum, quantum ad sui naturam ac substantiam, nobis fuisse profuturum, nisi Euangelij arcanum annunciaſſet.* Nam primum profuiſſet, vt prodest omnibus communiter, sed non profuiſſet nobis salutariter. Secundò hic quidem vnus modus est, sed non solus, quo prodest nobis. Postremò si hoc modo prodest quantum ad naturam & substantiam suam (vt Samosateni vtamur verbis) prodest igitur. Non est autem hic solus modus: non igitur solo hoc modo prodest nobis in persona sua. Quid? quòd diuinitus prodest? salute? gloria? quas res Deus solus sibi vindicat, nec se alteri cuiquam daturum affirmat per Prophetas constantissimè. His subiiciuntur axiomata, & determinationes pro auctoritate a Samosatenofactæ: quas essem neglecturus, nisi me imperitorum ratio commoueret. Primum axioma: *hanc esse Ioannis peculiarem phrasin: nam in tota Scriptura Christum non appellari Verbum, præterquàm ab ipso Ioanne.* Modestiam

In orat.
pro Fon-
teio.

tuam, Samosatene, desidero. Testes apud Romanos olim solenni formula modestiæ suæ indice non dicebant affirmatè pro testimonio, sed verbo *Arbitror* utebantur, vt narrat Tullius. Quid, si hîc diceres, non obseruauî, non memini, si bene obseruauî, aut aliquid simile? Ferrem faciliùs dictum, & laudarem modestiam tuam in errore tuo. Nam qui sic affirmatè dicit, negat se amplius doceri velle: quod in homine nato est insolens. Sed, vt ad rem, credo ego te non obseruauisse: iniquè tamen concludis, mi homo: *non obseruauî, non est igitur*, & hanc conclusionem tuam sic nobis offer, vt olim Sibyllæ folium. Ego verò contrà, hanc Ioannis peculiarem phrasin esse nego: & alios in Scripturis affirmo vti. Nondicam Christum Angelum Iehouæ, Angelum federis appellari analogica appellatione & idem significante: sed verbum vel Sermo Iehouæ disertè appellatur in Scriptura, his verbis: *reuelauit se Iehoua Samueli Siluente in sermone* 1. Sam. 3. *Iehoua: item, propter Sermonem tuum, & secundum animum tuum præstas has omnes res maximas* (nam Sermone hîc de persona dici, non autem de transeunte verbo ostendit eiusdem laudationis antigraphum 1. Chron. 2. Sam. 7. 17.) *item, Spiritus Iehouæ loquutus est in me, & Sermo eius per linguam meam: item, sum vobiscum, dictum Iehoua exercituum, Cum Verbo, quo pepigeram vobiscum exentibus vobis ex Aegypto, & Spiritu meo stante in medio vestri.* Hæc non obseruauerat Samosatenus: sunt tamen a Scriptura, & in Scriptura sunt, quibus vanitas huius axiomatis facillè ostenditur. Hoc autem verbum non solum respectu officij, verumetiam ortus a Patre, vt Filius Patris æterni æternus est, appellari antè satis confirmauimus. De Metonymia & denominatione Samosatenus viderit: Ego neque hîc Metonymiam aut denominationem vllam video: neque ab optimæ notæ auctoribus,

auctoribus, etiam Grammaticis, Metonymiam denominationem audio appellari: nam denominatio *παρρησια* est.

Secundum axioma, quod luculentum vocat, huiusmodi est: *omnia nomina Christo imposita, non ratione alicuius naturæ aut substantiæ, sed ratione solum officij ac effecti fuisse indita.* Negamus hoc axioma vniuersale esse, & ei rectè apponi vniuersale signum.

Nam Christus appellatur *Filius hominis* respectu naturæ, non officij aut effecti vllius: atque eodem iure *Filius Dei vel Filius Patris* appellatur respectu naturæ æternæ

illi quam habet a persona Patris in vnitæte essentiæ: eodem *unigenitus*. Sic etiam Iehouam ab Esaia dici antè ostendimus, quod essentiæ est nomen, ac non officij: vt

& *κυριος* nomen, quæ Iehouæ interpretamentum est, Græcè accipi Defensionis 2. segmento 13. docuimus. Falsum igitur axioma, nec semper verum, quod Samosatenus audacter affirmauit. Exempla quæ adfert agnoscimus. Sed in ijs tamen variè fallitur. Horum enim primum quædam attributa sunt, quæ causam cum effectis,

principium cum operationibus continent & connotant (vt loquuntur) complexione quadam necessaria. Nam lux vera est secundum veritatem naturæ essentiæ suæ: lux mundi est communicatione gratiæ: & eodem modo veritas. Et certè cum vnica sit veritas, & vera lux vnica, non potest Filius quin sit idem cum Patre, aut duplex veritas & lux vera (quod absit) futura est, primaria Patris, & secundaria Filij. Et ita appellatur Sermo, respectu naturæ & operationum ipsius. Secundò etiā in eo fallitur, quòd istis omnibus nominibus metaphoricè Ioannem vti dicit: sunt enim alia propria, vt veritas, Iesus, Christus, Magister, & similia: alia analogica, vt lux (nam lux etiam spiritualis est) Sacerdos, Pontifex: alia denique metaphorica, vt a Samosateno appellantur.

Postremò, cum non sit adæquata planè istorum nòmi-
 num ratio, quod hic supponit pro vero & indubitato, se-
 quitur non valere axioma illud consuetarium, eandem
 omnium istorum nominum rationem esse. Quòd si
 hanc demuseandem esse, tamen hac Verbi appellatio-
 ne & interpretatione *nihil noui adferimus, quod non ceteri*
Euangelista & Apostoli tradiderint, qui Christum filium
 Dei, vnigenitum, Dominum (id est, Iehouam) appella-
 runt, & in quorum numero Apostolus ad Hebræos dicit
 Heb. 4. *Sermonem Dei viuum & efficacem esse, diiudicantem cogi-*
tationes & conceptiones cordis: nec ullam rem creatam esse
qua non manifesta sit in conspectu ipsius, sed omnia esse nuda
& patentia oculis ipsius: quæ verba de Sermone subsisten-
 te necessarium est accipi. Tertium axioma ex præceden-
 tibus (quæ falsa esse ostendimus) infert Samosatenus:
 nempe *non anxie nobis laborandum esse quarendo quid Chri-*
stus in substantia sit, sed quid ratione multorum beneficiorum
ac effectuum nobis attulerit profueritque. Axioma impiū
 simul & impudens. Nam primū quod Scriptura ex-
 ponit nobis, impium fuerit de eo cognoscendo nō anxie
 laborare: hoc autem, quid Christus in substantia sit,
 Scriptura diligentissimè exponit nobis. Præterea quā
 nauiter impudentem eum oportet esse, qui in se respiciat
 alienis ornatum beneficijs, in auctorem verò beneficio-
 rum minimè, vt eum cognoscat & agnoscat ex officio
 suo? Nouit bos possessorem suum, & asinus præsepe do-
 mini sui: hic de Deo suo, sancto Israël's cognoscendo
 minimè laboraturus est. Postremò si vllum est argu-
 mentum, quo ad resipiscenciam, fidem, charitatem ac-
 cendamus, illud est inprimis habendum, quòd Christus
 filius Dei propter nos homines inaniuit sese, & prout
 Deus est natura, sic gratia edidit operationes diuinas ho-
 mano generi salutareis. De hoc fundamento qui non
 anxie

Esai. 1.

anxiè laborari docent oportere, ij salutis veritatem, neglecta salutis causa, de mentibus hominum vt decutiant anxie videntur laborare. Nam cum actiones sequantur eorum conditionem qui agunt, & perfectæ operationes non nisi a perfectis auctoribus præstari possint, vtrumque eertum est, ignorato auctore nunquam bene cognosci qualitatem operationum, & contrà non bene expensis operationibus non bene agnosci causam efficientem illarum. Quod malum in Samosateno & grege ipsius animaduertimus, qui salutem nostram diuinum opus confitetur verbis; sed reipsa diuinum opus non agnoscit, quum de effectore non vult ita anxie laborari, vt eum diuinum & reuera Deum agentem cognoscamus. Restat iam postremus locus de summa horum verborum, *in principio erat verbum*, interpretatione, quam prior Samosatenus certo consilio in hunc locum dissimulauerat. Sed quia hæc ipsa summa iisdem propè verbis in loco sequente, & eadem planè sententia exponitur, hoc totum quicquid est eodem sumus reiecturi.

SAMOSATENVS.

4.

Et Verbum erat apud Deum. Hoc erat in principio apud Deum.

QVI Christum æternum tuentur, his verbis abutuntur, vt statuunt Christum fuisse realiter in cælo ante mundum conditum, cum nulla Scriptura hoc doceat. Pij verò facile vident i. Petri r. ad præordinationem hoc referri, tum ad promissionem, & figuras, & umbras, sacrificia & oblationes, in quibus prænunciatus & præfiguratus fuit Christus. Sic se ante Abrahamum fuisse dicit ille homo Christus, Ioan. . non enim alius ibi loquitur. Ab initio enim mundi, ante Abrahamum erat promissus, cognitus, & expectatus. Erant typi varij eius &

sacrificia, quibus præfigurabatur Christus, sine quibus nunquam pii adoraturi Deum in cætus coibant. Quare etiam Abraham diem Christi futuri, non ipsum Christum præsentem, videre cupiuit; quem in promissione tunc & figuris videbat, eius natiuitatem, mortem, & resurrectionem, & qua nomine nostro facturus erat expectans. ² Sic Patres eundem Christum habebant in cibum sub typis: eundem enim cibum habuerunt quem nos, teste Paulo 1. Cor. 10. Petra enim erat Christus, qui sequebatur eos post venturus: non ut nos, quos iam præcessit. Sic & baptismum nobiscum communem habebant, ut probat inibi Paulus. ³ Certe Christi caro, qui est cibus omnium electorum (non aliqua eius aterna deitas) tunc non fuit reipsa: nondum enim erat Maria, ex qua natus est. ⁴ Ad eundem quoque modum respectans Ioannes in Apocalypsicap. 13. dixit Agnum fuisse occisum ab origine mundi in typo & sacrificijs, & umbris: in pijs quoque, ut in Abele occiso: quem admodum & nunc occiditur & persecutionem patitur infidelibus suis membris (quod etiam ipse Christus contra Paulum persequentem Ecclesiam testatur) quamquam hic præsens nobiscum non versetur carne, ut tangi possit: & crucifigitur ab Antichristo, Apocal. 11. & ab impijs, qui eum conculant & crucifigunt denuo, Hebr. 6. Sed & ipse Paulus optimus interpret horum docet Hebr. 11. quomodo illi promissa adepti sunt, eminus omnia conspicati. ⁶ Qui quoque doctorum Neotericorum sententias quarunt ea de re, videant (etiam in hac re aduersarios nostros) Calvinum, Bucerum in hos locos, Marloratum quoque, qui omnium ferè huius seculi sententias collegit, & Castalionem in nouo eius Testamento. ⁷ Fuisse ergo Verbum apud Deum docet: sed addit, in principio, id est, sui ministerij & officij tempore, ut audisti. In illo enim principio Christus cæpit esse nobis Verbum, & magister, & Prophetæ, prædicans mandata paterna. In hoc ergo principio erat apud Patrem, nondum notus hominibus, sed soli Patri.

Non

Non enim ab hominibus agnoscebatur esse Messias, qui tam vilis, ex Nazareth, ex Iosepho, fabri filius reputabatur, pro Dei filio & Messia non habebatur, cui omnes primores contradicebant: & in causa mortis hic titulus, quasi ab illo falso usurpatus, Christo obijcitur. Non fuit notus Ioanni: quia etsi venerat ad manifestandum eum Israël, dicit tamen, Et ego non noueram eum. Non nouerant eum & Israëlita, ut Ioannes testatur, in medio vestrum stat quem vos nescitis. Immo & Apostolis ignotus erat, quem nec moriturum, nec etiam resurrecturum credebant, sine quo Christus agnosci non poterat verè: immo non tantum Christum, sed & eius officium, facta, & verba non agnoscebant, neque intelligebant, ut multi loci Euangelij docent, Ioan. 13. & 20. Eodem spectat & illud, quando fratres suadent Christo, ut se manifestet mundo. Sed & ipse Christus nolebat sciri ante tempus, quum vetaret non tantum demonijs, quæ eiciebat, de se predicare, sed & illis quos sanabat, Marc. 9. Matth. 8. Transfigurationem quoque, quæ se præcipuè ante mortem esse Dei filium unigenitum demonstrauit, silentio præterire ad resurrectionem usque insit. Nam plenaria eius patefactio, quæ erat apud Deum, pertinebat ad resurrectionem, ubi absorpta cruce, morte, & exinanitione, filium esse suum potenter per spiritum sanctificationis per resurrectionem declarauit Pater, ut Paulus docet Roman. 1. Nemo enim ita ex morte seruatus est, ut resurgeret viueretque perpetuò, quemadmodum Christus, Roman. 6. nemo accepit potestatem in celo & in terra, ut Christus de se testatur post resurrectionem, Matth. 28. nemo etiam sedit ad dexteram Dei præter hunc, Marc. 16. hæc autem omnia post resurrectionem facta. Quare etiam illud testimonium Davidis Psalm. 2. ego hodie genui te, non æternæ generationi, sed Christo rediuiuo consentienter aptat Paulus, quia ibi iam eximus omni cruce, filius Dei esset plenariè declaratus, Act. 13. ut & Rom. 1. hoc ipsum & Ioannes dicit cap. 7. spiritum quoq.

non fuisse tunc datum antequàm Christus glorificaretur, id est, priusquàm Filius esse Dei plenè demonstraretur. *Matth. 26. 10.* hoc ipsi m. comprobabat dicens, hunc Deum suscitavit tertio die, effecitque ut manifestus fieret toti populo, sed testibus prius designatus qui comederunt & biberant cum eo postea. Quare etiam quadraginta diebus manens apud suos¹⁰ manifestavit se eis & cre: postea verò perfectus, quum Spiritum sanctum de Etorem misit, *Act. 1. & 2.* ¹¹ Certum ergo est, Christum in principio fuisse apud Deum, non fuisse cognitum plenè ab initio non tantum a plebe, sed etiam ab Apostolis. Sed & Ioannes apertis verbis hoc comprobabat prima primo, quum scribit vitæ illum Sermonem, quem viderunt, audierunt, contrètarunt (ne quis alium fingat æternum, invisibilem, impalpabilem) fuisse apud Patrem, id est, in principio non notum hominibus: idèoque statim addit per antithesin, sed postea hæc vita patefacta est, ut iam audisti ex multis locis. Non dissimilis quoque phrasis est *Matth. 13.* Nonne omnes fratres eius sunt apud nos? Eadem Græca vox, *ἀδελφοί*, vobis nota. Sic quum Christus rogaretur a Caiapha de doctrina, *Matth. 26. & Marc. 14.* respondit, ut de ea quæ illi nota esse debuit, semper docui apud vos in templo, *Ioan. 18.* Sic *Galat. 2.* non cessi ad momentum, ut veritas Evangelij permaneret apud vos, id est, ut vobis integra & nota esset. Sed & communis loquendi modus hoc indicat, quum quæ nescimus & certæ esse putamus, respondemus Apud Deum illa esse abscondita, Deum illa scire, nos latere quæ apud Deum sunt: ut contrà scimus quæ ille vult esse apud nos. Sic apud se habere, sibi tantum nota esse dicimus, apud se loqui: ut de Pharisæo, *Luc. 18.* Apud Deum sunt omnia quæ futura sunt, necdum sunt etiam: ut iudicium futurum, Antichristi abolitio, & Babylonis ruina nihil enim illi vel occultum, vel non præsens, ut nobis hominibus. Quod si verò Ioannes voluisset intelligere, Christum in principio fuisse apud Deum in cælo, tunc quoque quum scriberet

beret hoc Ioannes, post ascensionem Christi, erat in cælo Christus. Dixisset ergo & fuisse, & nunc esse apud Deum in cælo Christum, non tantum in principio. Mentiretur enim fuisse illum in principio, quum & tunc longè post principium illud esset in eodem cælo, quum scriberet hoc Ioannes. ¹² Sed animaduerte eiusmodi phrasès in Scripturis idem sonare, fuit apud Deum, est in Patre, est ex Deo, est in sinu Patris, est in cælo, a Deo processit, a Deo venit, a Patre exiuit, descendit de cælo, pro a Deo edoctus & sanctificatus.

M S.

Et Verbum erat apud Deum.

Id est, Iesus Christus Dei filius, uti verbum, antequàm veniret ad suos Iudaos, ac manifestaretur, tantummodo soli Deo notus erat, hominibus autem prorsus ignotus. In hanc sententiam Ioannes Baptista dicebat, ego baptizo vos aqua: in medio vestrum stat quem vos nescitis: ipse, &c. Immo ipsemet Ioannes hac ratione ipsum ignorabat: proinde dicebat, Et ego nesciebam eum, sed ut manifestaretur in Israël, propterea ego veni aqua baptizans, &c. Et idè etiam veluti digito ipsum demonstrabat dicens, Ecce agnus Dei, ecce qui tollit peccata mundi. Et notum est hanc dictionem, apud, in hanc significationem usurpari. Nam in hancmet sententiam ipse Ioannes epistola 1. cap. 1. ita scribit, & annunciamus vobis vitam eternam quæ erat apud Patrem & manifestata est nobis, &c. Et observa locum illum Ioannis plurimum facere ad intelligentiam primæ partis huius capituli. Sed & cæteri Apostoli, & præcipuè Paulus verbum hoc fuisse apud Deum absconditum, & postmodum hominibus reuelatum clarissimè demonstrant. Ad hac Ephes. 3. ita legitur, Et in lucem proferam omnibus quæ sit communio mysterij quod erat in Deo absconditum a sæculis: & in eadem epistola cap. 1. habetur Deum nobis patefuisse arcanum voluntatis suæ iuxta beneplacitum suum, quod

proposuerat in semetipso, usque ad dispositionem plenitudinis temporum, ut omnia per Christum restauraret. Et 2. Tim. 1. dicit gratiam Euangelij nobis fuisse datam ante tempora aeterna, sed palam factam esse per apparitionem Domini nostri Iesu Christi, qui & mortem aboleuit, & in lucem produxit vitam & incorruptibilitatem per Euangelium. Et ad Titum cap. 1. Deum ante tempora secularia promississe, sed patescisse temporibus suis verbum per predicationem, &c. Petrus quoque epistola 1. cap. 1. dicit praordinatum quidem fuisse Christum ante conditum mundum, sed manifestatum fuisse hodiernis temporibus propter nos, & cetera.

ORTHODOXVS.

NUNC se demum Samosatenus amplius aperit, qui verbi erat interpretationem superiore membro dissimulauerat. Huius autem verbi perspecta significatione, tota haec quaestio facilem exitum, spero, habitura est. Quapropter ordinem hunc seruari video a nobis oportere, ut primum dicamus de antecedentis membri, quam Samosatenus voluit, interpretatione: secundò de interpretatione eiusdem verbi in hoc utroque, quod praefixit, membro: tertio denique de veritate interpretationum eius. In antecedente membro vel propositione Euangelistae, aut idem significatum verbi erat Samosatenui seruari voluit, aut sensit alterum. De significato altero sensisse vix est credibile, aut id fide mala hoc loco dissimulauerit: quamuis rationibus illius forte futura fuisset commodior altera interpretatio ad oppugnandam (ut facit) veritatem. Concludemus itaque, breuitatis causa, illic Samosatenum a priore membro ad hunc locum interpretationem huius verbi erat (quod est membro-

rum

nam omnium commune) reiecit: proinde eodem modo illic quoque accipi oportere. Atque hac in sententia verbis M. S. omnino confirmamur. De veritate autem illius interpretationis postea communiter in horum locorum declaratione videbimus. Quas igitur verbi *erat* interpretationes adferat, cognoscamus. Si verbi illius *erat* unicam interpretationem Samosatenus prior attulisset (cuius periculo posterior magis didicit sapere, & melius cauere sibi) ratio nobis foret expeditior ad mentem ipsius assequendam & peruestigandam reueritatem. Sed ita se hinc inuoluit varijs interpretationibus, ut ego quidem mirari satis non possim hominem fuisse ausum hæc sua volucra & instabilia cogitata in hunc modum conscripta luci & typis publicè committere. Etenim primo in loco hæc ipsa sunt illius verba: *Πῶς facile videntur* 1. Petri 1. ad præordinationem hoc referri, tum ad promissionem, & figuras, & umbras, sacrificia & oblationes, in quibus prænunciatus & præfiguratus erat Christus. Secundò autem his verbis utitur: *fuisse ergo Verbum apud Deum docet, sed addit, in principio, id est, sui ministerij & officij tempore, ut audisti. In illo enim principio Christus esse cepit nobis Verbum, & Magister, & Propheta, prædicans mandata paterna. In hoc ergo principio erat apud Patrem, nondum notus hominibus, sed soli Patri: non enim ab hominibus agnoscebatur esse Messias, &c.* Postremò autem corollarium in fine adhibet, ut putauit ipse, *δογματικῶτατον*: ut ego sentio, & verè sentio, *παράδοξοτατον*, quum dicit, *Animaduerte eiusmodi phrasin in Scripturis idem sonare: fuit apud Deum, est in Patre, est ex Deo, est in sinu Patris, est in cælo, a Deo processit, a Deo venit, a Patre exiit, descendit de cælo: pro a Deo edoctus & sanctificatus.* Hæc ipsa verba, quibus

Samofatenus vtitur: quorum ex primo loco duæ exsurgunt interpretationes verbi istius *erat*: vna, erat præordinatus, aut (si cui magis placet) erat præordinatione: altera verò, promissus erat, prænunciatus, & præfiguratus. Ex secundo, consimiliter duæ: nam prima Ioannis propositio, in principio erat Verbum, hoc modo exponitur, esse cœpit nobis verbum, & Magister, & Prophetæ, prædicans mandata paterna: secunda verò illa, & Verbum erat apud Deum, hoc significare dicitur, in hoc principio erat apud Patrem, nondum notus hominibus, sed soli Patri. Ex tertio, vna: erat apud Deum, pro eo quod est, edoctus est & sanctificatus est a Deo, nempe docendi apud præceptorem discipuli locari solent.

Quid Samofatenum, obsecro, impulit, vt exundante ingenij sui flumine tam multos atque multiplices interpretationum riuos profunderet, omnesque eodem in loco affirmaret? Atqui omnes simul constare non possunt, vtcunque se hic interpres huc illuc conetur vertere: pugnant enim re ipsa inter se, ac non solum interpretationis modo. Si enim de præordinatione sunt ista, quæ penes Deum est & ab æterno est, non sunt de prænunciatione & promissione apud homines figurata, quæ penes homines est, & inde a creatione est solum. Si de hac dicitur, vicissim certè de præordinatione apud Deum non possunt accipi: hæc enim rationem habent inter se toto coelo (vt aiunt) dissidentem, cum toti enunciato & singulis membris fermè eius diuersam tribuant significationem. Quod si de eo accipiantur, quod Christus nobis Verbum esse cœpit, quid iam huic loco cum præordinatione, aut cum promissione ac præfiguratione illa? Aliiter planè hîc *principium*, quàm illic accipitur, aliter verbum *erat*. Si de eo quod innotuit, postquam nobis Verbum esse cœpit, vt hic quidem argutè sibi videtur loqui,

omnia

omnia ruunt antecedentia. Si denique de eo quòd edo-
ctus a Patre & sanctificatus dicitur apud ipsum, valeant
interpretationes reliquæ: nam si hoc dixit Ioannes (vnum
autem aliquid eum dixisse necesse est) certè reliqua illa
hoc quidem in loco non dixerit. Miseret me profectò
Samosatani huius, qui aut Ioannem ita putauit desipere,
vt vno verbo in eodem loco tam multa diuersa pugnan-
tiæque dixerit, aut pios sibi res vsque adeò diuersas atque
differentes eundem in locum affirmanti præsumsit cre-
dituros. Atque huius mali posteriorem Samosatenum
ita puduit, vt ab ista varietate insulsa discesserit: sed hanc
rediuuiam non est medicatus anulus ipsius, vt cunq; pre-
tiosum esse putauerit. Nunc expendamus istarum in-
terpretationum dissidentium inter se veritatem, vt ter-
tio loco recepimus.

Harum igitur interpretatio-
num nulli cum mente sancti Apostoli & Euangelistæ Io-
annis hoc in loco dicimus conuenire. Id quidem non ne-
gamus, Christum ab æterno fuisse præordinatum; a se-
culo promissum, prænunciatum, & præfiguratum: quum
cœpit nobis prædicare in carne, tum fuisse nobis Ver-
bum vel Sermonem Patris, & Magistrum, & Prophe-
tam singulari modo præterquàm antè fuerit: Patri fuisse
antè notum quàm hominibus; a Deo Patre omnia acce-
pisse, edoctum & sanctificatum esse, & si qua sunt eius-
modi. Sed ea omnia, & singula huius loci negamus esse.
Hanc autem negationem nostram cum Samosatenus
ipse inconstantia sua probat & instabili incertoque inter-
pretationum modo, tum verò ipsius rei natura quæ agi-
tur, & consilium Ioannis Euangelistæ, & verba ipsius, &
alii denique loci confirmant luculentissimè, in quibus
orthodoxa planè sententia & interpretatio nostra sta-
tuitur. Samosatani huius instabilitatem in expo-
nendo hoc loco incertissimam modò demonstrauimus.

Nam quod vno in loco exstruit, id eodem (ne longius abeamus) destruit imprudens altera interpretatione. Quapropter nihil opus est amplius, ut in destruendis & labefactandis interpretationibus illius operâ consumamur, cum ille nobis suam tam strenuè commoder, suoque iumento malum accersât sibi. Omnino incertam hominis istius mentem esse oportuit, quæ incertas expositiones tam multas fluctuans attulerit. Atque hac ratione plurimum homines contentiosi, noui Hyperboli, aut ostentabundi Thrasones abutuntur, quibus facile non ausis obloqui: sed veritatis percipiendæ & tradendæ amantes abstinent diligentissimè. Rei naturam, quæ agitur, omnibus istis interpretationibus hoc quidem in loco aduersari demonstramus in hunc modum. Agitur de supposito vno, seu persona Christi, ut ipse agnoscat disputator noster: & ordine agitur ab Euangelista. Quale hoc sit suppositum, ex Chrysostomo antè audiuius, & quid prædicationes flagitent quæ fiunt de hoc supposito. Negabit Samosatenus. Nobis verò, ut alias probationes omnes taceamus, solus ordo satis futurus est ad reuincenda commenta ipsius. Nam orsus ab æternitate Apostolus ad principium temporis venit, a principio ad progressum, a progressu ad complementum: eum denique ordinem in hac narratione de Christo obseruauit, quem nemo religiosus non est summè admiraturus; nemo nisi religionis expertus, ex quo viderit, neglecturus. Orditur ab æternitate & ijs quæ de natura sunt huius Sermonis diuini in se, his verbis, *In principio erat Sermo ille, & Sermo erat apud Deum, & Sermo erat Deus: Hic erat in principio apud Deum.* Ad principium temporis venit, quum se foris explicauisse dicit in creatione & operationibus erga res creatas, illis, *Omnia per ipsum facta sunt, & sine ipso factum est nihil quod factum est.* Ab hoc principio ad progressum

gressum transiens, commodissimè distribuit illius tempora, & exponit prouidentiam eius inde a creatione potentissimè sustentantem & gubernantem omnia, inprimis autem homines communi & particulari virtute secundum naturæ legem ab ipso positam, tum ante peccatum, dicens, *In ipso vita erat, & vita erat lux hominum;* tum verò post tristem hominis lapsum, etiam perstantem in sua illa communi & singulari sustentatione & gubernatione hominum, quamuis indignissimorum: primum quidem ordinariè naturæ & gratiæ testimonijs, *Et lux ista in tenebris lucet, & tenebræ eam non comprehendunt:* deinde verò extraordinariè, & modo singulari gratiæ, tum præmissio signo anteambulonis seu præcursoris sui, dicens, *Fuit quidam missus a Deo, cui nomen Ioannes, & cætera, quæ διακεκλιώς* per modum hyperbati ab Evangelista Ioanne adiecta sunt: tum priore aduentu gratioso ipsius in carne, *Et Sermo ille caro factus est, &c.* post quem aduentum commoratus est inter suos, esseque se contemplan- dum & recognoscendum gradatim & successiuè (vt loquuntur) præbuit plenus gratiæ & veritatis. Nam ex eo demum aduentu ministerium illud consequutum est, de quo Samosatenus ait Christum *nobis factum esse Verbum, & Magistrum, & Prophetam, proloquendo verba pæterna.* Iam verò cum hoc diuino ordine & planè incomparabili, si placet, compareretur istius ordo imaginarius. Quàm verè dixeris, ἄρα πολλὰ μετὰ ζύ! Sanè quamcunque expendamus ex eius interpretationibus, confusa, præpostera, peruersa omnia. Ac proptereà vir, si quisquam, δωδεκάμηναν & hæc ad præordinationem, illa ad promissā & figuras & typos, alia ad communicationem & exhibitionem præsentem, nonnulla ad notitiam, quædam ad institutionem & sanctificationem personæ rapiti & vno denique loco nomen principij sine fine variat, ver-

būmq; illud vnicum *erat* tam distorquet miserè, vtm-
 la vnquam certa apud homines futura sit mentis aut loci
 interpretatio, si hæc admittantur atque obtineant. Sed
 vt tam multis omiſſis, vnā aliquā, eāmq; omnium
 quas hic adfert speciosissimā producāmus: age, ſinga-
 mus hæc dixiſſe Ioannem (a quibus tamen *dic dīa mōi*
 pius animus ſemper abhorrebit) prout Samofateno ſe-
 mel, ac non ſemper video placuiſſe, & Manuſcripto con-
 firmari: In principio miniſterij Euangelici erat quidem
 Verbum vel Sermo ille ſeiſum patefaciens & voluntā-
 tem Patris: ſed erat apud Deum ſoli Patri notus, & idem
 erat Deus præordinatione & institutione a Deo Patre fi-
 cta, per gratioſam communicationem illius. Hic, in-
 quam, Sermo erat in principio illius miniſterij apud Pa-
 trem, id eſt, ſoli Patri notus, hominibus autem minimè.
 Omnia per ipſum facta, id eſt, inſtaurata ſunt ſpirituali in-
 ſtauratione: & ſine ipſo factum eſt nihil quod factum eſt
 ad hanc inſtaurationem pertinens, & quæ ſequuntur.
 Tandem verò his omnibus poſitis, quum venitur ad il-
 lum locum, Et Sermo ille factus eſt caro, quiſ homo non
 videt ineptiſſimū ordinem (ne quid dicam grauius)
 huic Euangeliftæ & Euangelio ipſius affictum eſſe? Puta
 certè eſt ſynchſis in ſacra hac narratione, ſi obtine-
 bit iſtorum hominum interpretatio. Atque hæc vni-
 uerſe de ordine huius narrationis ſatis. De conſilio
 autem Ioannis quid dicturi ſumus? nempe id ipſum quod
 antè ſegmento 2. ſtatuimus: nam alterum altero fundi-
 tus euertitur. Aut ergo illud conſilium Ioannis euerſa
 huius Samofateni ſententia ſtare neceſſe, aut e contrario
 hac conſiſtente ruerè: adeò ſunt inter ſe contradicentia.
 Sed de hac re conſido eo in loco ſatis a nobis fuiſſe dictū
 pro inſtituto noſtro. Quamobrem de verbis videamus.
Principij igitur & Verbi ſeu Sermonis voces quid propriè
 hoc

hoc loco designent, suprà ostendimus segmento 2. & 3. & quàm turpiter in *principio* exponendo hic nouator offendat, paulo antè euicimus. Iam nobis excutienda restat hoc quidem in loco primum verbi *erat*, deinde loquutionis huius vtriusque, *in principio erat Sermo*, & *hic erat in principio apud Deum*, interpretatio, & iusta significatio. Verbi *erat* significationem aut propriam esse, aut figuratam necesse est: Si propria, aut esse *κατηγορευμένω*, quam secundi adiecti vocant, aut *προσκατηγορευμένω* siue (vt alijs placet) *συγκατηγορηματικῶ*, quæ tertij adiecti appellatur. Verbum autem *est* vel *erat* *κατηγορεύμενον*, aut prædicatur de substantia quæ est re ipsa & existit per se, aut de accidente, quod ratione inest in alio, non autem existit per se. Ens enim de substantia & de accidente dicitur *ἀναλόγως*. Hic de substantia agi inter nos conuenit. Itaque omisso accidente, de essentiali modo *ἔσθαι* videndum est. Hoc genus essendi (vt ita loquamur) vel existendi est triplex in rebus creatis omnibus: vnū, quod commune; alterum, quod speciale, tertium denique quod indiuiduale vocant. Secundum primum genus, substantiæ ab accidentibus disparantur, & simpliciter dicuntur esse: secundum alterum, species disparantur substantiarum inter se, & dicuntur substat: secundum tertium denique, primæ substantiæ vel indiuidua subsistentia distingui solent, & dicuntur subsistere: hæc autem indiuidua subsistentiæque, si ratione præditæ sunt, personæ appellantur. Iam de primo illo genere seu modo essendi solum hinc non agi, inter nos quoque (vt puto) conuenit. De secundo agi, Samosatenum ipsum vix dicturum puto: cum hinc quæstio sit non de specie vlla, aut etiam de indiuiduo secundum rationem speciei solum, sed de indiuiduo vno certo secundum rationem (vt ita dicam) indiuidualem ipsius, secundum quam hoc vnum suppo-

fitum erat in principio, & apud Deum, & Deus, &c. Quæ cum ita sint, verbum *erat* hoc loco aut est *κατηγόριον* tertio modo, aut *πρὸς κατηγόριον*, aut denique figuratum. Esse autem *πρὸς κατηγόριον*, & simplicem predicationis copulam, simpliciter nego: & multis argumentis Ioannes docet manifestissimè. Nam *si erat in principio, si erat apud Deum, si erat Deus, si erat in principio apud Deum, erat igitur*: ac proinde hoc Verbum *erat* perinde significat ac si Ioannes dixisset, hic Sermo erat non solum primo modo (hic enim analogicè communis est omnium entium, puta essentialium & accidentium) non solum item secundo modo, siue communi, siue speciali (horum enim prior omnium substantiarum communis est, posterior speciei cuiusque proprius) sed erat tertio modo, id est, erat vnum suppositum, & subsistebat individualiter. Atque hoc probatur eo, quòd Deus est Ens vniuocè (vt loquuntur) non cum entibus lege, non genus, non species, sed essentia *ὑπερσύνθετος*, ensentium, & principium principiorum omnium. In principio autem & ante principium nihil erat quàm Deus essentia *ὑπερσύνθετος*, nihil quod non esset Deus. Nam aliquid aliud præter Deum ante principium omnium statuere, id non piorum prudentiumque placitum, sed furentium Manichæorum est delirium. *Erat autem in principio Sermo, & apud Deum, & Deus: erat igitur*, id est, subsistebat persona Sermonis in principio apud Deū Deus, apud Patrem Filius. Hæc a se videns Samofatenus commodè eludi non posse, subterfugit noua ratione & inaudita quadam, affirmans ea secundum quid & figuratè dici, quæ tam simpliciter proprièque ab Euangelistis fuerunt dicta quàm quod maximè. *Principium*, ait ille, secundum quid dicitur: & verbum *erat*, figuratè, quoniam non eo sublata subsistentia Verbi. Erat enim Sermo
aut

aut præcognitione & præordinatione apud Deum, aut promissione, aut exhibitione, aut declaratione & manifestatione publica, aut denique institutione & sanctificatione a Patre. Itaque *principium* secundum præcognitionem ad æternitatem spectat, secundum promissionem ad primordia humani generis, secundum exhibitionem ad primordia humanæ naturæ Christi, secundum declarationem manifestationemque ad primordia ministerij illius, secundum institutionem denique & sanctificationem a Patre, ad tempus Baptismi, quo Christus diuinitus inauguratus est, quum super eum Spiritus sanctus descendisset, testante e cœlo Patre. Ergo hoc primum nobis, Samosatene, affirmas non esse propriam & simplicem huius loci interpretationem: deinde verò & illud ostendis, te in multiplice varietate istarum interpretationum pendere animi, quam earum tenere debeas. Sic incertus doces, & rem tibi incertam doces: ecquis propriè isto docendi modo reddatur certior? Ego verò contrà & nominis *principium* simplicem, & verbi *erat* propriissimam adfirmo esse hoc in loco significationem, & loquutionem quamque propriè accipi oportere. De nomine principij, relatiuum esse ad res principiatas (ut ita vocemus) antè vicimus segmento 2. Verbum *erat* accipi quàm propriissimè demonstrabimus tribus argumentis. Vnum hoc esto: *Omniū vocum in sermone nostro naturalis potius quàm ficta, propria quàm figurata seruanda est significatio, nisi aut rei fortè, id est, subiecti, aut loci natura postulauerit, id est, prædicationis & adiunctorum eius. Et verbi, erat, igitur naturalis propriâ, tenenda significatio.* Quòd si forte Samosatenus dixerit, aliud rei naturam postulare, id ego consentiente veritate, & boni omnes qui res diuinas aliquo pacto sapiunt, negaturi sumus. Tacco quod antè satis docuimus, id rei naturâ omnino

flagitare, vt propria seruetur huius verbi significatio. Quid? quòd noster hic Samofatenus titubans, ex tot figuratis suis interpretationibus quam eligat nescit, & altera subruit alteram præ inscientia? Proprium igitur hoc verbum, & de Sermonem Dei exponendum propriè. Sed & loquutiones ipsas propriè accipi iubent tum rei natura, tum loquutionum modus, tum denique alij consimiles loci. Ex rei natura quæ agitur has loquutiones proprias esse vincimus, quia res diuina agitur, ac non accidentaria. Deo enim quid accadat? aut quî accadat Deus? Nam *quicquid Deus in Scripturis* *παρουσιν*, non autem *γενεσιν* aut *συλλογισιν* esse dicitur, aut Deo inesse predicatur, id ex communi omnium consensu essentialè est. Hic autem agitur de eo Sermonem qui erat in principio, & apud Deum, & Deus: essentialis igitur predicatio. Nec refert quod Samofatenus potest regerere, hoc ab Ioanne non dici simpliciter, sed ita dici, erat in principio, erat apud Deum, erat Deus, &c. Nam si erat in principio (vt antè diximus) si erat apud Deum, eratque Deus, erat igitur: & quidem erat non accidentali, sed essentiali ratione, quia erat in principio, erat apud Deum, & erat Deus: nam quod erat in principio, apud Deum, Deus, id accidens esse non potest, aut Deo insunt accidentia. Est autem simplicissimus: expers igitur accidentium, ab æterno, in æternum. De modo verò loquutionum quid dicturi sumus? Certè hæ loquutiones aut propriæ dicendæ sunt, aut figuratæ schemate vel tropo: Non autem figuratæ, nec schemate, nec tropo: Propriæ igitur. Quòd si figuratas Samofatenus dixerit schemate, quo tandem? obsecro. Non pleonasmò: quid enim pressius, ac minus redundans. Non ellipsi: quid enim plenius? Non denique enallage: quid enim rectius? Atqui ad hos tres fontes capitæque pertinent omnes figurarum riui. Sint tropo figu-

ritas dixerit, quisnam ille sit audiamus. Non enim redundant hæ loquutiones per synecdochen: non deficiuntur per metonymiam, aut metalepsin ullam: non mutationem tropicam induunt μεταφορικῶς. sed omnia de Deo & secundum Deum propriè simpliciterque enunciantur. Propriè autem? immo propriissimè: quid enim magis proprium, quàm quod dicitur vniuocè? Quid autem magis vniuocè, quàm quum vox vniuocaper se, de Deo propriè est enunciata? Sic autem hoc loco se habet hæc vox, sic loquutio tota. Nam λόγος vniuocè appellatur Sermo, id est, persona illa Filij vni-
 geniti, quem Pater de se in se gignit: æqui-uocè autem innobis dicitur essentialis facultas illa quam mens de se in se generat σωματικῶς. Tum verbum erat vniuocè de eo prædicatur, qui reuera Deus est. Cùm enim sit Deus non προσωπικῶς aut συγχαρητικῶς, sed ὑπάρχων, (vt loquitur Paulus) siue ὑπαρκτικῶς, omnino eum in se & per se esse entem (vt ita dicamus) substantem, & subsi-
 stentem necesse est, & ita de eo dici vniuocè: cætera autem æqui-uocè entia, substantia, & subsistentia ab eo communi vel vniuersali principio appellari. Sic ergo erat in principio Sermo, & apud Deum, & Deus propriè, magis inquam propriè quàm vnquam dici de re vlla possit: immo hoc propriè, cætera æqui-uocè. Locos autem consimiles ad huius rei demonstrationem adferri quid attinet? Nam hic ipse locus est euidentissimus. Tum pleni sunt Scripturæ sacrosanctæ libri, plenæ illorum paginæ exemplis vocum, & testimonijs ad hanc rem pertinentibus. Certè quum Apostolus inquit, *Iesus Christus heri & hodie idem est, & in se-* Hebr. 13.
cula, eundem modum ostendit ad Christum pertinere εἶναι, τῆς ὁσίας, & τῆς ὑποστάσεως, eundem, inquam, affirmat modum de essentia & substantia & subsistentia

Christi, æternæque (vt ita dicam) identitate earum, quid enim magis idem est, quàm quod simplicissimum? quid magis simplex, quàm Deus? Et suam hanc affirmacionem Apostolus ex eo cõstare voluit euidentissimè, quod vnico verbo ad tria membra distincta, quamuis ^{in eo} suppresso, vtitur: nam vbi verbum deficit, substantiarum ex naturæ lege & Hebræorum constante ysu oportet intelligi. Eadem quoque ratione dicebat Ioannes, *his est* ^{1. Ioan. 5.} *verus Deus & vita æterna*, postquam de pijs fidelibusque affirmasset dicens, *sumus in verace illo, in Filio Dei Iesu Christo*: nempe quia in illo sumus participatione gratiæ, qui in sese est veritas & vita æterna diuinæ suæ naturæ immutabili veritate. Sic idem sese prædicat *esse resurrecti-* ^{Ioan. 11.} ^{Ioan. 14.} ^{Ioan. 8.} *nem & vitam, esse viam veritatem & vitam, esse lucem mundi*, &c. nam qui ita est, eum esse omnino necesse est, & quidem esse *ὄντως, ὁσιωδῶς, & ὑποστατικῶς*, essentia, substantia, & subsistentia, prout distinguunt Scholastici. Sed hæc in præsentia satis: quæ alibi (si Deus volet) copiosius persequemur. Statuimus igitur nullo pacto hîc figuratam esse verborum Ioannis significationem ex communi iure. Nunc age, de particularibus istis interpretationibus singillatim quoque videamus. Prima. *In principio*, inquit Samosatenus, *prædicationis suæ erat Verbum vel Sermo Patris, id est, Christus Iesus præordinatione*. Vide acumen hominis. Præordinationem, Samosatene, si opponis rei existentia, vt certè fieri necesse est, falsum est quod dicis. Nam in principio prædicationis suæ, quæ Christus ipse in carne prædicauit Euangelium, iam fuit Christus re & existentia, ac non præordinatione solum. Si coniungis, quorum ista tua interpretatio? & quorum hæc Euangelista dixerit? In principio prædicationis erat, & erat præordinatus. Bellè sanè, vt antè segmento 2. arguimus. Dices fortasse, hanc interpretationem ad secundum

endum membrum, *hic Sermo erat apud Deum*, non autem ad primum pertinere. Ergo te hoc non reticuisse oportuit: nam quis possit? quis velit diuinare? Sed esto, de secundo dixeris. An verò hunc Sermonem fuisse apud Deum præordinatione statues in principio prædicationis suæ? nam propterea præcauit Apostolus, quum iteratò diceret, *hic erat in principio apud Deum*. Quòd si fuit præordinatione, non igitur re fuit & existentia. Atqui re ipsa exstitit, vt antè dicebamus, quum prædicare cœpit: nam quid operetur qui non est? Si re exstitit, non ergo præordinatione solùm. Sin utroque, amabo te, quid attinuit præordinationis solius meminisse? & principium illud ab utro sumes? nam præordinationis non est principium, cùm in Deo æterna sit: existentia verò humanitatis, & prædicationi principium temporale est. Quinetiam, vt amplius dicamus, si secundum hanc præordinationem fuisse dicitur: quâ fuit, eadem quoque ratione fecisse & fuisse alijs, quâ se communicauit cum illis, dicendus est. Nempe omnia per hunc facta fuerint, præordinatione: in ipso vita fuerit omnium, præordinatione: lux fuerit hominum, præordinatione: & in tenebris præordinatione luxerit: ad suos præordinatione uenerit: & credentibus, quotquot acceperunt ipsum, dignitatem illam contulerit præordinatione, vt filij Dei fierent: omnia denique aduersum vsque illum, & *Sermo ille caro factus est*, præordinatione fuerit, fecerit, præstitit, non autem re ipsa compleuerit horum quicquam.

Secunda. Quòd si ad secundam interpretationem Samosatensium uenerit, fuisse illum promisso, prænuntiatione, præfiguratione (horum enim ratio communis est) nihil inde assequuturus est. Nam ea ipsa, quæ modò ad præordinationem diximus, ad hunc locum ex æquo pertinent, cùm omnia sint in ideis, vt loquuntur, posita: Si

promisso, prænuntiatione, præfiguratione fuit, non ergo
fuisse existentia: si exstitit re, non ergo promisso, &c. si
utroque, ergo supernuacaneam hanc festiuam distinctio-
nem esse: tum eodem modo sequentia omnia ad ver-
sum vsque 14. restringi oportere, nisi ineptam & putidam
ὕπερολογίαν in verbis Euangelistæ placet statuere. Hoc au-
tem Samosateno quæ placeat? nam interpretatur diuer-
so modo. Nec illud igitur placere ipsi oportuit. Ter-
tiæ & quartæ interpretationis modum coniungit Samo-
satenus, quum ait, *in principio sui ministerij & officij Chri-
stus esse cœpit nobis Verbum, & Magister, & Propheta, præ-
dicans mandata paternæ: & in hoc principio erat apud Patrem,
nondum notus hominibus, sed soli Patri.* Hæc fermè Samo-
sateni verba, quæ antea iam satis falsi reuicimus. Nam
glossema est supposititium, quum additur istud, *nobis*:
nec probari potest. Etenim Christus (vt verbis Samosa-
teni utar) cœpit nobis esse Verbum, quum per Baptismum
eum initiauit Pater, ac prius quidem Ioanni Baptiste non
innotuerat: sed tum eodem momento, in illo, inquam,
principio diuinitus illi innotuit Christus, & alijs postea
die per illum, contraquàm hic ausus est affirmare. Tum
enim dicebat Ioannes, *ego non noueram eum: sed qui misit*
me vt baptizarem aqua, ille mihi dixerat, super quem videris
Spiritum descendentem ac manentem super eum, hic est qui
baptizat Spiritu sancto. Ego igitur vidi, & testor hunc esse Fi-
lium illū Dei. Prætereà hic adtexitur interpretatio iusto
verborum ordini, quem antè demonstrauimus, aduersa-
ria. Primùm enim agitur de Sermone, vt in ipso est: tum
de operationibus ipsius, quæ inde a creatione ad tempus
illud vsque quo venit in carnem, exstiterunt: postremò
autem de aduentu in carnem. At noster hic antagoni-
stes veritatis præire vult ante hæc omnia locum de noti-
tia Sermonis illius, postquàm in carnem aduentauit.

Ioan. i.

Quid

Quid autem est capiti ocream (quod aiunt) tibiæque galeam aptare, nisi hoc est? Deinde nescio quis vnquam istum docuerit hunc interpretationis modum, *erat*, id est, coepit esse: hoc nulla ratione, exemplo, auctoritate iusta defendi potest. Adde, quòd sic coepit esse verbum administratione sua quod antè non fuit, iniquum est secundum membrum & huic oppositum (vt quidem Samosateno placet) ad cognitionem rapi, & idem verbum variè accipi in ijs membris quæ inter se comparantur. Dicitur autem respectu nostri fuisse, id est, coepisse prædicare: Dei verò respectu, fuisse, id est, Deo Patri soli fuisse cognitum. Quid? quòd antè Sermo fuit Deo cognitus, quàm obiret administrationem suam? quàm veniret in carne? addo etiam, quàm omnia per ipsum facta essent? quæ omnia suo ordine deinceps a Ioanne affirmantur: et si a Samosateno studio quidem maximo, sed frustra detorquentur aliò. Quinta interpretatio eiusdem modi est planè, & rationibus ijsdem refellitur: quas, ne longiores simus, æquo Lectori & pietatis amanti ex antecedentib. reuocandas in hunc locum permittimus. Enimverò si Deus erat idem qui erat apud Deum, quomodo edoctus & sanctificatus est a Patre, quàm erat Deus? Hæc attributa Christi sunt quàm homo, non quàm Deus: hinc autem a Ioanne agitur de Christo quàm Deus, non quàm homo. Nam quàm erat in principio, & apud Deum, & Deus, & operatus est vt Deus, hoc Ioannes exponit versibus 13. post ad humanitatem assumptam transir, in versu 14. Hæc qui non vident quum docentur, eos voluntaria cæcitas in luce præpedir, non humana infirmitas. Tu verò, ô lux mundi, tenebras istas discute, eosque dirige in luce qui tui sunt propter nomen & veritatem tuam. Atque hæc generatim de horum verborum interpretatione. Nunc videndum est, quia multa quoque in hunc locum a veri-

tate aliena varijs modis infarcta sunt, vt ea breuiter & suo ordine destringamus. I. Falsò & vitiosè hic locus de Abrahamo adducitur. Non enim hæc Christus simpliciter dicit de prænuntiatione & præfiguratione aduentus & carnis suæ, quem diem vidit Abraham & lætatus est, vt antè pronunciauerat, sed de persona dicit, quæ persona erat in principio, & apud Deum, & Deus, quamuis suo tempore patefacienda in carne: non, inquam, de modo reuelationis & cognitionis ipsius, sed de esse (vt ita loquamur) personali suo. Probatur hypothesi. Nam postquam Christus Iudæis dixerat, *Abraham Pater vester gestiuit vt videret diem hunc meum, & vidit, atque gauisus est, Iudæi regeſſerunt Christo, quinquaginta annos nondum habes, & Abrahamum vidisti?* sic argumentantes, fieri non potest vt homo necdum quinquagenarius sit vltus Abrahamo, aut Abrahamum ipse viderit: tu autem necdum es quinquagenarius: itaque de persona Christi, tamquam homine solùm iudicabant. His responderet Christus, se non *λεῖπον* hominem & factum in tempore haberi oportere, sed longè superiorem humana conditione, quæ ante oculos erat, agnoscendum: nam etsi persona ipsius, quæ homo, necdum est quinquagenaria, personam tamen æternam esse, quæ iam substituerit ante Abrahami tempus: personam ipsius diuinam esse atque æternam hypostasim, sed *ἐν τῷ χρόνῳ* humanitatem eius. Atque hoc ipsum, quod Samofatenus negat, Iudæi intelligentes ex Christi verbis, eò insanix atque furoris eruperunt, vt lapides humo sustulerint in eum coniecturi. Quòd si forte aduersarius iste obiecerit, Christum de die illo suo, quo Sermo factus est caro & conuersatus est inter nos, loquutum esse, quem diem Abraham prænuntiatione, promissione, præfiguratione viderit: itaque fore vt ineptè Christus ad alium sermonem transsiluisse videatur, nisi
de

de eadem re eodémque modo sequentia illa enunciauerit: nos ergo ineptè hæc verba transferre aliò, & præter sententiam illius: speciosa quidem hæc, sed falsa argumentatio futura est. Non enim Christus ipse ad hunc sermonem transgressus est per se, & sine occasione vlla, vt de natura sua *Ἐγὼ εἰμι ὁ Θεός* gloriaretur temere: sed ineptè & impiè Iudæi ipsi eò transiuerant dicentes, *quinquaginta annos nondum habes*, &c. quorum ineptiā a Christo refelli oportuit. Ineptè ergo inscitæque Iudæi ab insituto sermone discesserant: sed ijs Christus ex veritate respondit sapientissimè, æternitatem asserens non carnis illius promissæ & præfiguratæ, sed personæ suæ, quæ in tempore promissam illam & præfiguratam assumsit carnem. Huiusverò personæ immutabilem veritatem secundum esse ipsius vt ampliùs confirmaret, non dicit Christus, *ego fui aut eram*: sed diuino modo loquitur *ἄνωγε* illius significante, *Antequam Abraham fieret, vel esset, ego sum*. In hoc autem loco & sequentibus quàm plurimis pium Lectorem velim obseruare, quàm sit falsa huius disputatoris nostri argumentatio, qua fretus velut Orci galea (quod aiunt) hunc locum & alios accumulât. Sic enim ille: *Qui prænunciatur, præfiguratur, promittiturque, tantisper dum prænunciatur, non est: Christus prænunciatus fuit in Testamento vetere, &c. non fuit igitur*. Falsissima est argumentatio. Ecquis te vnquam, Samosatene, docuit ab eo quod secundum quid (vt loquuntur Scholastici) ad dictum simpliciter valere consequentiam? Nam maior & minor secundum aduentum ipsius in carne de Christo enunciantur: cõclusio affirmat simpliciter. Nempe sic te auctore licebit argumentari: *Qui prænunciatur fore medicus, non est: qui prænunciatur fore catholicus, non est: qui prænunciatur fore caro, siue in carne non est*. Id quidem verum est, per personam

illam non esse medicam, non esse catholicam, non esse in carne, dum verè prænunciatur. Nam si est ita, falsò prænunciatur fore: sin verè prænunciatur, nondum ita est. Sed eum qui medicus, qui catholicus, qui in carne futurus est (futura enim est resurrectio, vnde peti exemplum potest) propterea non esse, id est, subsistere, qui homo sanæ mentis possit concludere? Abest enim tertij adiecti, vt vocant, ad est secundum tum demum consequentia valet, quum accidens positium de substantia prædicatur: ex priuantibus verò, aut ideis atque ymbra- culis non valet. In hoc autem genere promissa & præ-figurationes sunt. Suppositum est homo, quum nondum homo iste medicus, aut catholicus est: sic etiam suppo- situm est Christus, quum nondum esset in carne. Subie- ctum prius est assumto, hypostasis enhypostato. Itaque secundum subiectum, suppositum, siue hypostasim, ante- quàm Abraham esset, Christus est: secundum carnem assumtam & enhypostaton, Christus ludæos alloquens non erat quinquagenarius. Falsum ergo illud Samosa- teni *sic ὁμοιωµατικὸν* dicentis, *Sic se ante Abrahamum fuisse dicit ille homo Christus Ioan. 8.* non enim alius loquitur. ab initio enim mundi, ante Abrahamum erat promissus, cognitus, & exspectatus. Non enim Christus, quia Deus, fuit præfiguratione, sed antequàm Abraham esset, im- mo ab æternò est: contrà verò, quia homo, vel secundum carnem, ad quam ludæi contumaciter intendebant aciem oculorum suorum, non fuit reipsa ante illam temporum plenitudinem: sed præordinatione, prænunciatione, promissione, typo, & si quid aliud est quo id exprima- mus quod volumus, Christum hominem fuisse concedi- mus. Non ergo persona Filij Dei simpliciter, id est, quia æternus Dei filius & Deus, præfigurata est (fuit enim ante figuras & ymbacula quauis æternus Dei Sermo) sed

Mediator

Mediator Dei & hominum homo Christus Iesus, quā assumpsit carnem, & in carne sua fecit ac pertulit quæcunque fuerunt opus ad salutem nostram. Aut etiam (si aliter placet) non ratione eiusdem Christum eodem tempore fuisse & non fuisse affirmamus: sed fuisse illū secundum æternam hypostasim, non fuisse autē secundum humanitatem illā quam æterna hypostasis assumpsit in tempore. Atque hic ille scopulus est, in quem Samosatenus offendit hoc loco atque sequentibus. Non enim alius tum Iudæos alloquutus est quā qui ante Abrahamum est, non alia persona, sed idem ipse Christus, licet alia ratione & modo, nimirum in assumpta carne. Ac proinde pater ille Abraham utrumque vidit: & Christum præsentem, quā Sermo Dei Patris coæternus est, & ante Abrahamum est: & diem illum Christi vidit quo Christus inaniuit sese forma serui assumpta, obediēsq; factus est ad mortem vsq; crucis. Vidit autem fide Christum præsentem re ipsa, quā Hebr. *nr.* Deus: nam fides index est eorum quæ nō videntur, ut quæ videmus Deum: Diem verò futurum illum, Christi in carne futuri, gesturi, & perpassuri quæ sunt ad salutem nostram fide eadem vidit in spe præordinationem cernente, promissis hærente, & typis ac umbraculis obsignata, donec in re exhiberetur Ecclesiæ Dei. Itaque non cupiuit solum videre Christum, aut diem illum (hoc enim verbo Samosatenus suum illud dogma sufflaminandum putauit esse) sed utrumque ratione diuersa vidit, atque lætatus est, ut ipse Christus disertè pronunciauit.

2. Eundē Christum verè habuerunt in persona Patres, sed non in assumpta carne: eundem, inquam, ratione personæ, deitatis & humanitatis ipsius; sed non eodem modo, ut antè docuimus. Sophistica itaque est hæc argumentatio, ut & sequentes omnes loci in fallaciam elenchi incidunt, quia tempora ante & post carnem a Christo

assumtam inter se conturbantur. His enim substantia communis est in persona Christi, & communis ratio: nā personam suam Christus tradidit Spiritu, Patres acceperunt fide: sed modus differens, exhibendæ in persona carnis alius quā exhibite. Dicerem de eo quod locum illum 1. Cor. 10. Bibebant ex sequente spiritali petra, hic exponit *sequente*, id est, pōst ventura: subtiliter sanē. Sed hanc ego festucam non mouero. Grauiora, & quæ magis cum argumento sunt coniuncta persequar.

3. Ad eundem lapidem semper offendit miser. Non erat Christi caro: sed erat Christus seu persona Christi, quæ persona pōst suo tempore carnem assumpsit & aptauit sibi. Vt enim anima hominis sibi assumit & adunat corpus in matris utero natura formatum in vnitatem personæ, sic persona Christi suam humanitatem vnione personalit aptauit sibi. Eo est ratio dissimilis, quod anima naturaliter non est persona, & quod præformatum corpus assumit sibi: Christi verò persona est, eaque æterna, quæ pōst suo tempore humanitatem fecit assumendam. Turpis verò fallacia diuisionis est, quum Samosatenus his verbis vtitur, *caro Christi cibus omnium electorum est, non aliqua eius æterna deitas*. Nam res omnino coniungendas distrahit, & opponit componendas, carnem, & Spiritū, qui est ipsa deitas & vis diuina Christi. In materiali hoc cibo quis nescit duo concurrere? nempe alimentum hoc materiale & instrumentale huic vitæ accommodum, & verbum benedictionis a Domino? Non enim ex solo pane viuit homo, sed ex omni verbo prodeunte ab ore Dei. Similiter in carne Christi duo opus est obseruari: primum carnem, vt caro est alimentum spiritale & instrumentum spiritualis vitæ: deinde spiritum, id est, deitatem vimque diuinam Christi, per quam caro illa viuā est atque viuifica, vt caro Christi, caro inquam æternæ deitatis eius.

Christus

Deut. 8.

Christus itaque viuificat & per se in se, quoscumque viuificat : Per se, virtute spiritus vel deitatis suæ : in se verò, instrumento etiam carnis seu humanitatis suæ. Spiritus enim is est qui viuificat, caro non prodest quicquam, nisi quia caro Filij Dei est & diuina caro. Eo differunt hæc duo inter se, quòd materialis cibus in se nec principium vitæ, nec causam efficientem habet, sed principium & causa efficiens vitæ Deus est, qui vim attribuit foris : caro autem Christi principium vitæ spiritualis habet in persona, vnione personali Spiritus, id est, deitatis cum carne: qua gratia vnionis vim carnì intus attribuit spiritus, vt viuificet, Cyrillo teste, saluis vtriusque naturæ proprietatibus: quia in ipso omnis plenitudo deitatis habitat corporaliter. Hæc duo quisquis opponit, discerpit Christum. Hic enim vnus est. Mediator Dei & hominum vnitate personæ, quamuis e duabus naturis, ex quo assumptum carnem, constitutæ.

4. Duo hîc desideramus : vnum, quòd ex ambiguo loco non secus argumentatur Samosatenus, quàm si indubitata certaque apud omneis esset hæc interpretatio: alterum, quòd duas interpretationes in loco aptat inter se diuersissimas. Locum ambiguum esse inter ceteros docet Aretas his verbis, ἐν ὑπερβάτῳ ἀκυστόν τὸ, ὡς γέγραπται τὰ ὀνόματα ἐν τῇ βίβλῳ τῆς ζωῆς τῆς ἀριστερῆς τοῦ πατρὸς. ἐπεὶ ὡς γέγραπται, ἀπὸ καταβολῆς κόσμου γέγραπται. & quæ sequuntur. id est, hyperbaticè hoc intelligendum est, quorum nomina non sunt scripta in libro vite agnitiuati: nam quorum scripta sunt nomina, a iactis fundamentis mundi scripta sunt. Ambiguitas igitur in eo est, quòd illa verba, ἀπὸ καταβολῆς κόσμου, a iactis fundamentis mundi, hic referunt ad participium proximum, occisi vel mactati, vt hîc Samosatenus facit, & complures alij: illi ad verbum, scripta sunt, vt facit Aretas, & confirmat dicens, nam quorum nomina scripta sunt in libro vite agnitiuati.

Etati, eorum nomina a iactis mundi fundamentis scripta sunt, & contra: agni verò cades non fuit inde a iactis fundamentis mundi. Hanc interpretationem ne ipse quidem Samosatenus tam piam esse negauerit quàm altera illa est: atque haud scio an etiam verior ac simplicior dicenda sit. Primùm ergo quid responsurus est Samosatenus, si negare interpretationem illam placuerit? etenim verba in ambiguo sunt, vt iam ostendimus. Deinde vt illa concedatur, quid tandem ex ea confecturus est? *Agnus, inquit, fuit occisus ab origine mundi in typis & sacrificijs & umbris: ergo fuit agnus in typis & sacrificijs & umbris, non autem realiter & substantialiter.* Atqui hoc genus argumentationis puerile esse atque inefficax antè ostendimus, quò ab est tertij adiecti ad est secundi (vt vocant) in priuantibus ideisque nequitur consequentia. Tamquam si de agrotro, cuius sectionem medicus matutino pingens chirurgum cautionis ergò docuerit, postquam dixeris agrotum hunc fuisse a matutino sectum, ex eo concludat alter, hunc ergo agrotum fuisse in typo, non realiter & substantialiter: aut etiam concludat alius, fuisse illum a matutino solùm, ac non antè. Atqui, vir bone, & antè vir fuerit necesse est, quàm secaretur, pingereturque, & antè agrotauerit. Quid ergo ex hoc argumentationis modo concluderis? Etenim antè fuit Agnus quàm occideretur, antè fuit persona quàm caro Agni: quinetiam antè fuit ipsa caro Agni quàm occideretur propter peccata nostra; neque tum demum cœpit Agnus esse, quando occisus est: quod ex singulari isto argumentationis genere sequi oporteret. Quòd autem huic suæ interpretationi alteram diuersissimam coniungit aduersarius orthodoxæ huius doctrinæ, nihil ad rem facit. *Agnus, inquit, fuit occisus in pijs, vt in Abele occiso, &c.* Et quorsum ista? Contendit iste antè fuisse Christum præordinatione,

non existentia: promissione, non exhibitione; figuris, nō veritate; spe (vt ita dicam) non re. Iam verò vt illud probet, restim ex arena nectens dicit *eum in pijs, vt in Abele, aliquē occidi, & ab origine mundi occisum esse*. Quid ista, obsecro, *διέξωσις* (vt vocarunt Patres) siue ἐφάπουσις, id est, appropriatio & applicatio perpeſſionum quas sustinere fideles oportuit, ad sermonem institutum? Nam ex ea, Samosatene, dicamabo te, an vnquam Christum Iesum inde a principio non fuisse probaturus es? Etenim *διέξωσις* & applicationes istę relationis sunt, & relationis secundum esse, vt appellantur vulgo, eiusque mutux: in qua omnia simul oportet existere, caput, membra, compagēque siue coagmentationem & applicationem eorum inter se spiritali modo. Quemadmodum ergo ad calefactionem statui ignem calefacientem & calefactam materiam necesse est: item ad viuificationem poni spiritum viuificantem & corpus viuificatum: sic ad applicationem istarum perpeſſionum caput applicans & membrum applicatum oportet existere, & simul quidem existere, nisi falsam relatorum naturam esse noster hic Samosatenus docuerit. Cū autem hæc falsa dici nullo iure possit, accipio dictum huius disputatoris: & ex eo affirmo contra sententiam ipsius, ergo Christum iam fuisse Abelis tempore, si in Abele occisus est. Nam si in Abele occisus est Christus, omnino certè fuerit occisus vt caput in membro: est autem occisus, vel Samosateno teste: fuit igitur occisus vt caput in membro: & fuit igitur. Pergam vlteriùs eodem duce, vel potiùs indice: Nunc Christus occiditur & persecutionem patitur in fidelibus membris suis: est igitur. Quòd si dixerit ille, est quidem nunc, ex quo Verbum caro factum, vel Deus in carne patefactus: sed antè non fuit, quum tamē occideretur secundum quemdam modum: respondebo, atque idem hīc dicitur de eo-

dem, & eodem modo, et si de diuerso tempore: ergo dicti eiusdem de eodem, & dicti eodem modo ratio eadem tenenda est. *Tunc occisus fuit: fuit igitur: Nunc occiditur in suis: est igitur, & est in suis. Occisus fuit, occiditurque in ppe fuit igitur, & est in illis.* Sed carnem tunc non habuit, dixerit ille: quid ad nos? fuit tamen omnino, fuit: nam si non fuit, non fuit occisus: si fuit occisus, fuit igitur: & si fuit occisus in illis, fuerit in illis necesse est, fueritque vnus ad alterum applicatio, quam antè ostendimus. Quid verò, quòd Samosatenus causam nostram impudens adiuvat dicendo, *quamquam hic præsens non versetur nobiscum carne, vt tangi possit?* Sic enim arguo existis verbis: Christus igitur, quamuis absens carne, tamen in ppe occiditur, vt præsens spiritu & deitate sua. Nam *absentem nec in se, nec in alio constat occidi posse: Christus in seipso fuit & potest occidi: immo occisus fuit atque occiditur: non igitur absens: si non absens, præsens igitur. Quòd si præsens, aut carne præsens, aut spiritu: non autem carne, ac ne nunc quidem, vt ipse quoque Samosatenus agnoscit: præsens ergo spiritu. At Christus in Abele occisus est: præsens ergo in Abele spiritu.* Spiritum autem quum dico, nolo mihi spiritua-lem duntaxat modum, sed substantiam ipsam intelligi, vel spiritualement substantiam, quæ carni (id autem est, substantiæ carnis) opponitur. Alioquin Abeli hîc in terris agentiuientique nec carnem Christi adfuisse, quæ nondum erat, nec carnalem modum, qui citra subiectum esse non poterat, inter nos conuenit. Quorsum ergo Samosatenus a natura vna argumentatur ad alteram? ad perfectam ab ea quæ per se imperfecta est? ad assumentem personam a natura assumpta? si non erat humanitas Christi, non ergo fuisse deitatem? si non erat Christus secundum humanitatem, non ergo fuisse Deum? quod genus argumenti nobis tacentibus refellit natura ipsa, & nos
iam

iam satisfantè refellimus. 5. Ad eandem applicationem hic locus Hebr. 6. pertinet, quam nota 4. suprà tradidimus. Nam vt Christus in Abelo fuit occisus olim, sic Christum in Abelo occidit Cain, eumque impij crucifigunt denuò, exacerbantes & prouocantes spiritum illius. Actio enim & passio conueniunt in vna substantia motus, & vnus sunt motus numero, licet inter se differant secundum varios agentis & patientis habitus. Quapropter etiam Grammatici verbum actiuum solent passiuo resoluerè, & contrà. Hic ergo nihil promouet sua verborum accumulatione. De loco item Hebr. 11. iam antè diximus. Et si quid est, cur iste locus in hanc sententiam proferatur? A nobis facit, Samosatenum confodit. *Promissa adepti sunt*, inquit. Rectè: si adepti, realiter igitur habuerunt, ac non typicè & figuratiuè inaudiuisse dicendi sunt solùm. Sic enim ibidem Apostolus versu 33. per fidem regna debellarunt, exercuerunt iustitiam, assequuti sunt promissiones, &c. Rursum verò, *non sunt adepti promissa sed eminus ea conspicati, ne seorsim a nobis consummarentur*: hoc est, rem quidem, & substantiam ipsam promissionum in sese habuerunt, sed non singulas promissionum partes secundum perfectiorem modum earum & complementum in Christo. Vtrumq; ergo verum est, quia non est vtrumque ratione eiusdem dictum. Etenim (vt paucis omnia complectamur) Dei promissionum in federe summa est hæc, *ero Deus tuus & seminis tui*: medium promissionum, Christus, *in semine tuo*, inquit, *sibi sunt benedictura omnes gentes*: obiectum reale (vt vocant) tum æternum, puta, cœlestis hæreditas, tum verò temporale sacramentum, hæreditas terrena scilicet: modus differens, nempe ad complementū per initia & progressus varios pertinens: adiuncta denique, promissiones particulares & effecta illarum. In his autem promissio-

nibus alia sunt communia omnium, idque aut quoniam, aut suo tempore: alia verò particularia temporum, aut personarum etiam singularia. Omnium in omni tempore communia sunt hæc: summa federis substantia: medium illius, persona Christi, quamuis necdum assumpta carne olim: & efficacia ipsius. Suo tempore communia sunt hæc: obiecta, cum Iudæis olim terrena, tum omnibus cœlestis hæreditas, quam modò possidemus fide, ut olim possidebat Abraham: & persona Christi his temporibus vltimis facta caro, siue in carne patefacta. Particularia temporum fuerunt ista: primùm quòd Abraham, Isaac, Iacob, & alij, vsquedum populus fuit missus in possessionem Chananæ, non sunt adepti hæreditatem promissam terræ, quam ex facto, antequàm morerentur, possidentes obtinerent: sed eminus promissa conspicati, postquam ipsis fuissent persuasa, & ea amplexi fuissent, ac professi hospites se & aduenas in terra Chananæ (huc enim respexit Apostolus versu 13. quem versum hic artificiosè obducit Samosatenus, & in alium sermonem rapit quàm Apostolus sibi voluerit) deinde etiam particulares suorum temporum fuerunt modi, quibus Deus per initia, progressus, & complementa vsus est in docendis, & ostendendis, & præstandis re ipsa promissis suis, ut idem Apostolus ibidem asserit. Postremò autem singulares promissiones sunt personis factæ, quas illæ singulari gratia & beneficio Dei adeptæ sunt. Atque hæc quidem a Samosateno, si veritati studet, distingui oportuit. Nam duplex est hoc loco peccatum quòd in Christum committit & Ecclesiam eius: vnum, quòd personam Christi ante carnem assumptam fuisse negat, quem errorem paulo antè perspicuè confutauimus: alterum, quòd sacramentum vel signum confundit cum re sacramenti, quamuis hæc ab Apostolo inter se distinguantur luculentissimè.

Hæc

Hæc autem vt assequatur, in duplicem ignorationem clerici prolapsus est, quum eos sermones qui nec ratione nec idem, nec de eodem tempore sunt habiti, licentiosissime conturbauit. Nam omnes quidem pij substantiam federis promissionumque in Christo, & efficacitatem illius iam olim perceperunt, ac proinde communia & particularia promissa adepti sunt secundum rationem istam, Hebr. 11. 33. Sed ratione modi quàm plurima distingui necesse est, quæ secundum tempora illi omnium minimè, isti ex parte, hi autem omnino assequuti sunt. Sic Abraham, Isaac, Iacob promissam terram non obtinuerunt, quamuis rem promissam certè obtinuerint quæ designabatur sacramento terræ: posterii illorum rē simul cum signo adepti sunt, sed tamen ex parte & tenuiore quodam ac obscuriore modo: hæc autem omnia ad nos secundum veritatem planius his temporibus vltimis perueniunt, & planissime secundo aduentu Christi in omnibus consummanda. Secundum hos igitur gradus instituta comparatione, fit vt etiam ijdem respectu vario promissiones adepti & non adepti dicantur in Scripturis sacris, & hoc tempore dici possint.

6. Testimonia hominum nostrorum, quæ cum Samosateno dicuntur facere, adduci peruelim: ego quidem exstare nego apud horum bonorum quemquam: si qua rapiuntur in eam sententiam, grauissima fit viris bonis iniuria.

7. Preposterè. Ordinem ab Ioanne institutum hîc Samosatenus inuertit, vt causam suam hac specie adiuuet. Nam tria illa prædicata de vno eodemque Sermonem coniungi & continentia vno in loco haberi interfuit, vt Sermonem illum substantiam æternam esse, & apud Patrem esse vt substantia a Patre distinctum, & Deum esse, vnum videlicet essentia cum Patre, intelligeremus. Hæc autem certo consilio in loco hoc disserpuntur, vt locus ille am-

plissimus de unitate essentia Patris & Filij (a quo homines isti, ut a clamore fures, maximè sibi metuent) latitare posset, aut certè molli & subdolo traiectu quodam enervari: quemadmodum sequente loco videmus factum. De prioris autem loci interpretatione iam antè diximus segmento 1. & 2. eamque falsi reuicimus. Nam neque *Sermonis* vocabulum sic posse aut debere accipi docuimus, neque verbum *eras*, neque nomen *principij*: sed aliena a vocibus, membris, adiunctis, argumento denique toto interpreta menta adferri. Ac proinde nec verborum expositioni cum veritate diuina conuenit, nec illi ipsi doctrinæ quam Samosatenus studuit expositione sua confirmare. In illo, inquit, *principio Christus cepit esse nobis Verbum, & Magister, & Propheta, predicans mandata paterna*. Hoc enunciatum est simpliciter falsum, si ad rem ipsam veritatèmq; Christi respexeris: sin ad modum docendi in assumpta carne, cum certa quadam cautione concedimus, quia ne sic quidem simpliciter est verum. Christus antè docuit quàm carnem assumpsisset, nimirum spiritu & diuinitate sua: Christus non antè quàm assumpsisset carnem, docuit in carne, id est, humanitate sua. Vtrumque verum. De posteriore conuenit: priorem ergo affirmationem auctoritate Scripturæ (et si iam antè

Exod. 23. segmento 3. fecimus) ostendamus. *Ecce, inquit Dominus, ego mitto Angelum siue nuncium coram facie tua, qui seruet te in via hac, & introducat te in locum illum quem parauimus tibi. Caue tibi a facie eius, & ausculta voci eius, ne irritato eris: nam non esset condonaturus defectionem vestram, quia nomen meum est in eo: sed omnino ausculta voci eius, ut facias quicquid eloquuntur sum, &c.* Angelus siue nūcius in hoc loco dux, seruator, cōsummator fidei, ut Heb. 12. condonans peccata dicitur, in quo nomen Dei est, id est qui sermo Deus sit (ut Ioannis utamur verbis) Sermo Iehouæ, idèmq; Iehoua

houa cum Patre. Item, *transmittam omnem bonitatem meā ante faciem tuam, & proclamabo nomen Iehoua coram te: & altero loco qui huic respondet, transiens itaq; Iehoua ante faciem eius proclamauit, Iehoua, Iehoua, &c.* Videmus hūc Iehouam proclamantem de Iehoua, Deum de Deo, vt Sermonem illius. Et alibi, *reuelauit se Iehoua Samueli Silente per Sermonem Iehoua.* En tibi personas treis in vnitae essentiae: Iehouam reuelatum, aut reuelantem sese, Spiritum sanctum: Sermonem reuelantem, qui idem Iehoua, Filium: & Patrem Sermonis, Iehouā, cuius propterea Sermo seu Verbum in priscis Scripturis appellatur. Sic etiam Dauid, *Propter Verbum, inquit, vel Sermonem tuum, & secundum animum tuum fecisti totam hanc amplitudinem: quæ verba, nequi sit tergiuersationi locus, Spiritus sanctus pronidentissimè in repetitione explicauit hoc modo: Iehoua, propter Seruum tuum, & secundum animū tuum, &c.* Hoc autem illud Verbū, hic ipse Sermo, qui Ecclesiam Iudæorū docebat & ducebat olim, is ipse est Sermo de quo hūc Ioannes loquitur, Dominus Christus Iesus: & de quo insignē illum Prophetæ locum (vt alios taceā) intelligi oportere confirmat Euangelista, dicens, *Vt impleretur quod dictum est per Esaiam Prophetam dicentem, Ecce seruus ille meus, quem elegi, &c.* Et Apostolus ait, *Christus, vt filius, domui suæ præest: cuius domus sumus nos, si fiduciam & spem illam de qua gloriamur, ad finem vsque firmam tenuerimus. Quapropter sicut dicit Spiritus ille sanctus, hodie si vocem eius audieritis, ne obdurate corda vestra.* Quibus profectò verbis suum illud seculum quoque ad vocem Christi religiosè audiendam nobiscum excitabat. Deinde paulo post, *Christi participes facti sumus, si modo principium illud quo sustentamur, firmum tenuerimus a finem vsque, Interim dum dicitur, hodie si vocem eius audieritis, &c.* Sed quid multis opus est? Vnica illa sancti Apostoli Petri epistola optimè cōfirmat

Exodi 33.

Exod. 34.

1. Sam. 3.

2. Sam. 7.

1. Chro.

17.

Esa. 42.

Matt. 12.

Hebr. 3.

non cœpisse Christum Prophetam in hominibus agere, & instituere verbo Ecclesiam suam, quum in carne manifestus esset, sed ab omni seculo, ex quo Prophetæ & prophetiæ sunt (sunt autem inde a principio humani generis) Spiritum Domini Iesu Christi doctorem in populo Dei exstitisse. Nam agens de Prophetis Petrus cap. I. sic ait,

1. Petri 1.

Scrutantes in quem, aut cuiusmodi temporis articulum prænuncius ille Spiritus Christi, qui erat in ipsis, declararet eventuras Christi perpeſsiones, & gloriam illas consequuturam.

1. Petri 2.

Item postea, Quapropter etiam continetur in Scriptura, cœc pono Sione lapidem in imo angulo, electum, pretiosum: cui qui credit, non pudeſcit. Huic enim dicenti & voluntatem Patris enuncianti creditur, id est, Sermoni æterno Dei. Cuius rei applicatione & accommodatione luculentissima utens Petrus in verbis sequentibus dicit, vobis igitur est honor qui creditis: immorigeris verò, lapis quem reprobaſerunt edificatores hic factus est caput anguli, & lapis ad quem impingitur, & petra offendiſculi. Hæc autem Davidis & Eliaze verba tum ad præſenta tempora, ut Prophetæ ipsi aperte clamant, tum ad hæc vltima quibus Christus in carne ad-

1. Petri 3.

*venit, pertinent. Et capite ſequente, mortificatus quidem est Christus carne, vivificatus autem spiritu: per quem etiam spiritibus immorigeris qui sunt in carcere proſeſtus prædica-
vit olim, quum ſemel exſpectaret Dei patientia in diebus Noë. &c. His alios inſuper locos eſſemus addituri, niſi horum evidentia atque commoditas futura ſatis apud bonos veritati probandæ & confirmandæ videretur: alijs enim ne tota quidem Scriptura ſatis. Concludimus itaque Dominum Ieſum Chriſtum illum ipſum Sermonem æternum eſſe Dei Patris, in quo & per quem Adamo & præſcis illis ſanctisque Patribus inde a principio voluntatem ſuam declaravit Pater: ac non tum demum cœpiſſe Chriſtum, quum in carne vixit diuinumque il-
lum*

lum & salutarem Apostolatum obijt quem Euangelistæ & Apostoli speciatim descripserunt in Testamēto nouo. Alterius loci, & *Sermo erat apud Deum*, itidem se habet interpretatio. Nam neque in se verum illud dictum, neque germanum est huius loci interpretamētum, quum hic nouus interpretes dicit, *in hoc principio erat apud Patrem, nondum notus hominibus, sed soli Patri. Non enim ab hominibus agnoscebatur esse Messias, &c.* Ac primū quidem hoc sibi Ioannem Euangelistam noluisse suprà iam demonstrauimus, neq; huius loci, horum verborum esse: quapropter plura non sumus de hac parte adiecturi. Sed dictum istud si placuerit simpliciter hoc sensu expendere, omnino aut falsum, aut ambiguum est. Nam falsum est, si vniuersè: ambiguum, si indefinitè acceperis, & particularis interpretationis, ex qua nihil concludi potest. Vniuersè autem a Samosateno dici ex eo iudicamus, quod & oppositionem facit inter Deum & homines in hoc argumento, & voce, *soli*, exclusiua disertè vtitur. Etenim qui *nondum notum hominibus Christum, sed soli Patri* fuisse dicit, homines excludit vniuersos. Hoc autem falsum est, & repugnans Scripturæ sacræ veritati. Hæc quidem vera sunt: nemini homini Christum fuisse notū naturali luce: tum personam Christi, quā Filius Dei est, soli Patri cum Spiritu sancto fuisse notam essentialiter. Sed ad neutrum horum Samosatenum respexisse, quum ista scriberet, res ipsa loquitur. Fuit autem Christus notus hominibus iam eo tempore per cœlestem illam & supernaturalem lucem, partim singulari, partimq; cōmuni reuelatione. Zachariæ quidē certè, Iosepho, Mariæ virgini, Simeoni, Annæ, Elisabethæ, Magis, Pastoribus, alijsque iam diu antè innotuerat, quàm ministerium illud suum officiūque Prophetæ capefferet: similiterque Ioanni Baptistæ, quum id proximè Christus obiturus esset. His omnibus ergo

Ioan. I.

innotuerat Christus singulari reuelatione. Communi autem reuelatione, viâq; ministerij in Ecclesia instituti, fuit in ipso principio cognitus a discipulis Ioannis Baptiste Christus, quum magistrum suum illi audiuisent dicentem, *ecce agnus Dei*: & iterum, *ecce agnus Dei, qui tollit peccata mundi*: quemadmodum a Ioanne Euangelista narratur euentissimé. Hoc igitur si vniuersè a Sarnosatenodictum est, ut est, quis bonus probare possit, tam densa nube testium in sacris Scripturis reclamante? Quod si indefinitè placeat accipere, quid est nisi hoc illudere est? Si enim hominibus quibusdam notus, & alijs ignotus in illo principio fuit, vtrumque certè verum est: & si quibusdam notus, non ergo soli Deo notus, quod iste nouus auctor tam confidenter affirmavit, sed Deo fuerit notus, & quibuscunque reuelauit Pater. Non enim agnoscebatur Messias ab illis hominibus, qui istis solùm oculis carnis cernebant: sed ab ijs tamen agnoscebatur, quorum oculos Pater noster qui est in cœlis illustrabat. Itaque frustra Sarnosatenus narrationes accumulât de ijs qui Christum functionis principio non nouerant: cum ex indefinita enunciatione, quæq; vera ex parte est, & ex parte falsa, cōficiat vniuersalem, & tamquam ex vniuersali id quod si bivult concludat vniuersè: quod repugnat iustæ argumentationum legi. Quemadmodum autem communem enunciationem, sic proximè sequentem congeriem exemplorum vitiosam esse paucis demonstrabimus. Nam primus exemplorum locus est de ijs qui carnis solùm & sensus oculos habuerunt, non autem mentis a diuina luce. Hoc verò concessimus, & sanctè affirmamus vltro. De Ioanne Baptista quod adfert, duobus modis fallit in exemplo vno. Nam primùm *cognoscendi* verbo zqui uocè abutitur. Baptistes enim Christum iam diu cognouerat fide, etsi non cognouerat personam determinatè secundum

secundum carnem. Hæc autem cognitio secundum carnem quantula pars cognitionis est? obsecro. Deinde verò confundit tempora illius notitiæ, vt illudat imperitis. Baptista enim Christum quidem non cognouerat de facie secundum carnem, antequàm ad ipsum veniret Christus: quo de tempore dicit, *& ego non noueram eum*: sed antè tamen ille cognouit Christum, quàm initium Christus faceret ministerij: adde etiam quàm initiaretur Baptismo, vt in ministerio illo suo consecraretur. Curenim dixisset Ioannes, *ego opus habeo baptizari te, & tu venis ad me?* Iam tum ergo conspexerat Spiritum descendentem vt columbam, & manentem super ipsum, quum necdum baptizatus esset, cumq; hoc signo de facie pernouerat, quem iamdiu fide didicerat. Ex his ita concludo necessaria consequentia: *Principium ministerij Christi fuit post Baptismum: ante Baptismum Ioannes cognouit Christum: ergo ante principium ministerij.* Falsum igitur quicquid hîc a Samosateno de Ioanne Baptista dicitur. De Israelitis eadem ratio: horum enim alij fide non agnoscebant Christum, alij ne de facie quidem: atque ad hoc genus notitiæ externæ secundum carnem maximè spectabat Ioannes dicendo, *in medio vestrum stat, quem vos nescitis.* Insidiæ ergo hîc struuntur æquiocatione: tâquam si quis diceret, *non nouerant Christum de facie: omnino ergo non nouerant.* quod genus ratiocinationis quis probet? Nec dissimile est, quod de Apostolis postea subiicitur, & alijs exemplis sequēribus hic argutatus est. Vt enim patefactioni Christi qua se ipse patefecit, ita etiam cognitioni hominum suus fuit modus per sua tempora momentaque distinguendus. Non autem plenè facta est, siue (vt Samosatenus loquitur) non plenaria ab initio fuit Christi patefactio: nec cognitio igitur plenaria fuit. Primùm itaque communes quasi notiones, principia, & prima quasi

Ioan. 1.

Math. 3.

semina de persona, sine, officio, modo, omnibusq; Christi beneficijs fideles habuerunt, quibus principijs non actus, sed potentia in fuit plenariae illius cognitionis; re ipsa, men & actu vera, iusta, & salutaris habentibus ipsam. Deinde huius cognitionis principia seminaque procedente tempore, secundum patefactionem Christi & piorum comprehensionē, sese profuderunt explicaueruntque in credentibus singulis, tanquam ex veris principijs processus veri, ut ex veris seminibus verae plantae in Christum insitae per fidem assurgerent: quod noster hic Samosatenus non videtur animaduertisse, quum de Apostolis non sine contumelia dicit, *quem nec moriturum, neq; etiam resurrexurum credebant, sine qua Christus agnosci non poterat verē.* At tu, miser, nec verē Christum nouisti, nec plenē: Apostoli tum verē nouerunt, nō plenē: prout nos quoque hoc tempore cognoscimus, tum demum & verē simul & plenē cognituri, quum Christus (qui vita nostra est) apparebit, & nos cum ipso patefiamus in gloria. Hic enim ex parte cognoscimus, ex parte prophetamus, ut cum Paulo dicam. Itaque cognouerunt Apostoli, & non cognouerunt Christū: cognouerunt cognitione inchoata & sensim augefcente, nō cognouerunt perfectā: ab illa verō ad hanc cognitionem per suos progressus & gradus contenderunt vera cognitione, quamuis plenaria (ut vocas) minimē. Iamne vides, Samosatene? iamne sentis fallaciam tuam? fallaciam dico, siue fallaris ipse, siue prudens fallas. Vtrum sit, nouit Dominus, & reposcet: nos verō *expugnauer.* Nam secundum hos gradus & patefactio a Christo fuit humano captui accommodata, & cognitio in Christianis ad aucta est vera verē, & contendendo ad plenitudinem perfectionemq; suam adolescens. Atque in hunc modum sequenteis omnes locos (ne longiores simus) exponi & conciliari necesse est. Sic enim falsō concluditur:

Colof. 3.

1. Cor. 13.

non plenè nouerunt, non nouerunt igitur: nam etsi non plenè, aliquatenus tamen cognouerant: est enim maius & minus scientiæ, principium & progressus, est pars & totum suum. Tu verò non ignoras a parte ad totum in quantitate (vt loquuntur) non valere consequentiam. Sed de his satis.

8. Ex inanitionem si rectè acciperet iste, resipiscenti ex animo gratularer: sed repugnant sequentia. Duo itaque hic certo consilio confunduntur, quæ Paulus o- Philip. 2.
primè distinxit: inanitiõ personæ, & submissio in persona inanita. Inanitionem personæ describit his verbis Aposto-
lus, *Quum esset in forma Dei, non duxit rapinam parem esse cum Deo: sed ipse inaniuit sese, forma serui accepta similis homi-
nibus factus.* Submissionem personæ in se inanitæ, illis, *Et habitu compertus vt homo ipse se submisit, factus obediens us-
que ad mortem, mortem autem crucis.* Inaniuit ergo sese, quum æternus Dei Filius verus Deus, essentia infinitus, immortalis, &c. carnem assumpsit in vnitatem personæ, tanquam si ex illa infinitate sua se ad nihilum redegisset. Submisit autem se personæ inanitæ, quum subiectus Legi diceret, *in lege tua scriptum est de me, ecce me, o Deus, vt faciã* Hebr. 10.
voluntatem tuam. Itaque Christus resurrectione crucem quidem & mortem absorpsit plenè, inanitionem verò nõ item: etsi præter veritatem hoc loco affirmatur. 9. Negamus Apostolum eo loco & testimonio agere de resurrectione Christi, sed tantum de excitatione, id est, præstati-
one illius quem Patribus olim promiserat, nempe se-
minis benedicti vel personæ Christi. Duo enim distinctè probat Apostolus ad antegressæ orationis suæ confirma-
tionem: vnum, Christum esse exhibitum: alterum, eum-
dem ex mortuis suscitatum esse. Exhibitum esse probat a-
genitura illa temporali, quam sua die perfecit Deus, vt Psalmo 2. scriptum est. Suscitatum ex mortuis probat se-
quentibus dicens. *Quod autem excitauerit eum a mortuis,*

non amplius reuerſurum in ſepulcrum, ita dixit, &c. Aliud autem excitare ſimpliciter, ἀνιſτάειν ζωντῶς, aliud excitare ex mortuis, ἀνιſτάειν ἐκ νεκρῶν εἰδικῶς. Non enim quis quis excitatur, idē excitatur ex mortuis: ſed contrā quis quis excitatur ex mortuis, is excitari dicēdus eſt. Genus enim de ſpecie prædicatur, non contrā. Quòd ſi exempla Samofatenus deſiderauerit, ſunt quidem veteris Teſtamenti multa: ſed quia verbi Græci exemplo opus eſt, & No-
 uo paucula adferemus. Matth. 22. 24. *ſiquis mortuus fuerit nō habens filios, eius frater ducet affinitatis iure uxorem eius, & ἀναſτῆσθαι ſuſcitabit ſemē fratri ſuo.* Act. 3. 22. *Mofes dixit Patribus, Prophetam ſuſcitabit vobis Dominus Deus veſter ex fratribus veſtris ſicut me, ἀναſτῆσθαι,* inquit. & verſu 26. ad eūdem locum reſpiciens, *vobis primum Deus quum excitaffet Filium ſuum Ieſum, miſit qui benediceret vobis,* &c. Sic etiam Act. 7. 37. Atque haud ſcio an coniugatum nomen ἀναſτῆσθαι in hunc modum exponi oporteat Act. 1. 22. quum Apoſtoli unum eorum fieri dicerent teſtem excitationis Chriſti oportere: qua in doctrina verſatur miniſterium & Apoſtolatus illorum, vt poſtea verſ. 25. ab ipsis appellatur. Sed quid multis opus eſt? Ipſe Paulus diſertis verbis tueretur & munit interpretationem hanc, quum altero poſt verſu aduerſatiuam illam adhibet, *Quòd autem excitauerit eum ex mortuis,* &c. Falfa igitur argumentatio ex falla interpretatione. Quamquam ſi etiam concederetur iſte interpretationis modus (vt plerique accidit) nihil tamen amplius ex ea conſequeretur, quàm quod antè nota 7. in eadem cauſa oſtendimus: nempe tum quidem plus innotuiſſe Chriſtum, ſed non propterea fuiſſe ante illud tempus omnem hominum notitiam. Sequentium item locorum quos Samofatenus adducit, eadem ratio: quapropter pium Lectorem breuitatis ergò ad notam 7. reiiciamus. 10. An ergo priùs ſe Chriſtus falſò & imaginariè,

riè, id est, Marcioniticè manifestauerat? Certè antè resurrectionem se tam verè manifestauit Christus, quàm post resurrectionem fecit; licet non adeò plenè siue plenaria manifestatione, vt idem antè loquutus est. Hæc ergo nihil ad rem, nisi vt facum imperitis. 11. Conclusio est

ambigua, & ex negatis confutatisq; principijs. Nam neque *principij* vocem sic accipi vt Samosateno placet, neque phrasin illam, *erat apud Deum*, suprà demonstrauimus: sed hūc ipsum glossarium, captata ambiguitate vbi nulla est, & voces & loquutiones detorquere de sanctissimo hoc mysterio propriè enunciatas. *Principium* restringit noua & inaudita determinatione: *esse apud Deum* figuratè accipit: nos vtrumque freti veritate negamus & confutauimus. Atque hæc causa est, cur de eadem affirmatione laborans Samosatenus vnum adhuc testimonium pro auctario adfert, & nouam illius loquutionis, *erat apud Deum*, interpretationem exemplis fulcire tentat. De testimonio videamus. Primū agnoscimus Filium & secundū essentiam (quæ tota est in Filio, & tota in Patre) & secundū personalitatem (vt ita loquamur) soli Patri cum Spiritu sancto æternū esse cognitum cognitione diuina & perfectissima, quantam ne Angeli quidem in cœlis assequuntur: nam infinita est. Secundò & hoc agnoscimus, creatam illam cognitionem quam Deus Pater cum suis creaturis de Filio communicat, non plenè, sed quasi per gradus successiuè cum eis communicari, & ab eis percipi: ac proinde sua esse principia tum communicationis, tum comprehensionis illius, quæ principia sui progressus solent excipere pro demenso donationis Christi. Postremò etiam illud agnoscimus ad creatam hanc cognitionem pertinere, quòd Deus ipse de ea communicet, nōq; de ea comprehendamus, quæ ad esse, ad virtutem, ad sermones, ad actiones, & ad perpassiones Christi

salutareis pertinent, verè, breuiter, & perspicuè in Scri-
pturis sacris. Sed negamus locos qui de esse ipsius agunt,
eos de virtute, sermonibus, actionibus, & perpeſſionibus
exponi oportere, aut contrariè, sed suam cuiq; loco germa-
nam interpretationem conſeruari: ex quibus tamen per
iuſtam conſequentiam doctrinas erui alias de alijs ratio
& veritas diuina poſtulant. Eſt autem locus ille, & *Sermo*
erat apud Deum, propriè de ipſo eſſe huius ſermonis dictus,
ac proinde primò & per ſe de eſſe illius exponendus, ut
ante oſtendimus. Quòd ſiquis ab eo quod quid eſt argu-
mentationes volet de virtute, potentiâq; & conſimilibus
alijs efficere, non equidem impedio: ſed quid ſibi velit
quisque locis, id primùm videri iudico oportere: quid
inde conficiatur, prognatam quæſtionem eſſe. Idem de
loco i. Ioan. i. qui hic adducitur, omnino ſtatuiſmus. Nam
primùm ſubſiſtentiam æternam perſonæ Chriſti Ioannes
aſſerit his verbis, *Quod erat a principio*. Deinde naturam
aſſumptam in vnitatem eiſdem perſonæ, quæ aureis ho-
minum, oculos, mentes, manus de illo Sermone carne fa-
cto confirmauit, illis, *quod audiuiſmus, quod vidimus oculis*
noſtris, quod ſpectauiſmus, & manus noſtræ contrectarunt de
Sermone: hunc enim Sermonem nō viderunt quā ſermo,
ſed quā caro: nempe quatenus ſeipſum Sermo in ſua hu-
manitate videndum, ſpectandum, tractandūmq; propo-
ſuit illis. Tertio proprietatem eſſentialera Sermonis hu-
ius explicat, quòd Sermo *vita* ſit, vel *Sermo vita* (nam r-
trouis modo expoſueris, non magni intereſt) & hac pro-
prietate ſua nobis ſalutaris, nimirum vitam habens in ſe
eſſentialiter, eāmq; nobis per gratiam conferens. Po-
ſtremo finem ſubiicit, *ut & vos communionem habeatiſ*
biſcum, &c. Tertium autem illum de vita locum, vno-
bis apprimè ſalutarem, Ioannes perſequitur accuratiſ-
ſimè interiecto membro parenthetico in hanc ſententiā.

Illavita, inquit, quæ formalitervita est & Sermo Dei, ac proinde a natura hominibus ignota planè propter infinitatem illius & tenuitatem virtuositatemq; nostram, *illapatefacta est*, & Deus in carne factus conspicuus, vt ait Paulus & ita quidem patefacta, vt tum ipsi eam *viderimus* secundum carnem assumptam quæ panis est vitæ, tū etiam *testemur* vt spectatores ipsius & testes a Deo in Ecclesia dati, & *annunciemus*, vt præcones ibidem ab eo instituti, vitā illā æternā: quæ & sine principio est in se secundum rationem temporis, vt quæ a principio erat apud Patrem, & secundum tempus *patefacta est nobis* sine fine futura tum in se ipsa proprietate essentiae & naturæ suæ, tum in nobis (qui communionem habemus cum ipso) communicatione gratiæ. Quid hoc tanto mysterio diuinius? Ecce autem, inquit Samosatenus, *erat apud Patrem*, id est, ignotus erat hominibus. Nego fuisse ignotum: non enim id continuò sequitur, si non fuit planè notus, fuisse ignotum. Præterea nego eam sententiam huius loquutionis esse, *erat apud Patrem*: propriam affirmo esse, iniquè figuratam effici; quæ omnia antè commonstrauimus. At, inquit, absurdum est *aliū fingere æternū, inuisibilem, impalpabilem*. Fateor. Nestorianū est, impium, si aliū æternum, inuisibilem, impalpabilem, & aliū factum in tempore, visibilem, & palpabilem esse docueris. Id verò absurdum non est, si eundem Christum, eundem Sermonem vitæ secundum aliud & aliud sic esse dixeris. Non enim est alius Iesus, & alius Christus, aut simpliciter alius & alius: sed in vno eodémque Christo est aliud & aliud. Est enim vna persona Christi, secundum deitatem æterna, inuisibilis, impalpabilis per essentiam suam: & secundum carnem vel humanitatem suam assumptam eadem persona, ac non alia, in tempore facta, visibilis, & palpabilis creditur: quemadmodum Scripturæ do-

cent. Vt autē nō est absurdū, nec credētibz pijs absurdū videri potest, q̄ Sermo factus est caro: sic absurdū nulla ratione dici aut videri potest, q̄ Sermo proprietates habet diuinas, & humanas caro: nō magis, inquā, absurdū, quā illud in vnoquoq; nostrū absurdum est, animæ suas qualitates spirituales cōstare, & suas corpori. Quod verū esse quis vel Samofatenus vel fungus nesciat? *At Ioānes, inquit, idcō statim addit per antithesin, sed postea hac vita patrefacta est.* Respōdeo, hīc Samofatenus transiit ad genus alterū hac sua argumētatione, a substātia nempe ad modū accidentarium. Nam de substātia personæ & modo substāntiali eius agit Apostolus. Substātia est natura duplex, Sermonis seu vitæ & carnis assumptæ: modus substāntialis est diuinæ quidē illius, q̄ nō potest homini aut creaturæ ulli in hac vita patescere secundū essentiā suā: humanæ, quod patet omnibus. His naturis adunatis personaliter, Sermo in se à *φανης* factus est in carne *φανεις*. Hic ergo ille substāntialis modus, vel personalis est. Noster verò nouus hic interpres modū facit accidentarium: non enim de esse & modo illius, sed de cognitione aliena, quæ ipse notus est, intelligit: nō de eo quod actu est in se, suāq; per se virtutē explicat, sed de eo quod aliena potentia cognoscitur. *Atqui Deus est actus purus & simplicissimus: hic autem Sermo est Deus: actus igitur est, neque potentia, sed actu subsistit in se. Quod si fuit tempus quum non subsisteret, potentia certē, non actu fuit. Non igitur Deus est. Est autem Deus: actu igitur, non potentia est: ac proinde nunquam fuit tempus, quum non subsisteret.* De hac autem substantentia Sermonis vitæque æternæ à Ioanne agitur: quæ *vita in seipsa si potentia est, non est æterna: est autem æterna in se: actu igitur, ac non potentia æterna est.* Quapropter non per antithesin hæc verba oportet intelligi, & *vita patrefacta est*, sed per synthesin potius, vt ita loquamur: prout exponitur verbis sequen-

quentibus, quum Ioannes dicit, Sermo ille seu *vita illa æterna erat apud Patrem*, subsistens nimirum in se, & *pater facta est nobis* in carne, quam adiunxit sibi & assumpsit in unitatem personæ. Quid? si quis dixerit, *fatus erat apud matrem*, an hoc quisquā interpretabitur, cognitus erat soli matri? nonne potius locutio, vt propriè sonat, de subsistētia exponi debet? Certè nā siue cognitus sit alijs, siue incognitus, apud eā subsistit: primū hoc est naturæ ordine, vt sit, etiam incognitus: secundum, vt cognoscatur esse tum declaratione, quando fouetur intus, tum verò natiuitate, quando in lucem editur ante oculos omnium. Quod de misero foetu humano natura docet, id tu, Samosatene, de Filio Dei æterno (quamuis incomparabili modo) negaueris? Quemadmodum autem foetus est apud matrem (vt in hoc simili consistamus) siue soli matri cognitus, siue alijs etiam per sermonis, vteri, aliorumque signorum reuelationem: & primū quidem soli matri est a natura notus, deinde alijs a matre innotescit: ac proinde concludi non potest iusta consequentia, *est apud matrem, ergo soli matri cognitus*: sic etiam *Sermo Patris esse apud Patrem* dicitur, siue soli Patri cognitus, siue alijs præterea: Ac primū quidem soli Patri est cognitus, deinde verò alijs per reuelationem Patris, quam reuelationem Pater inde à creatione fecit per sua incrementa & progressus: proinde concludi nō potest, *est Sermo apud Patrem, ergo cognitus soli Patri*: quam ramen interpretationem Samosatenus pro germana venditat. Nisi quis forte παρὰ τοῦτο illud axioma rueri velit: *quisquis apud aliquem est, ei soli cognitum esse apud quem est*. Qua ratione futurum est, quum homo Italus apud Polonum est, vt Polono soli sit cognitus. Vtinam verò, utinam hic Samosatenus noster ei soli apud quem erat innotuisset, ac non sese alijs noscendum quàm plurimis modis ac perniciosissimis præbuisset.

Pergit Samofatenus, *At, inquit, non dissimiles quoque phrasēs in Scripturis exstāt, Matth. 13. & 26. &c.* Respōdeo, non modò non dissimiles, sed eadē planē loquutiones sunt quā à Samofateno adferuntur: sed falsa omnium interpretatio. Nam horum neutrum est necessarium, ut *apud aliquem esse* significet ei notum esse hominem soli apud quem est, & ut notum esse alicui sit apud eum esse. Prioris loquutionis hęc sunt exempla: sunt feras, sunt homines apud feras, nec tamen solis feris noti: sunt homines alij apud alios, nec solis ijs noti apud quos sunt: item sunt angeli apud homines, sunt apud angelos, nec tamen ijs solis noti apud quos dicuntur esse: immo (ut dicam aliquid grauius) sunt apud ignotos etiam ignoti. Et tibi, Samofatene, apud aliquem esse, & ei soli, soli inquam notum esse, sunt idē? De posteriore videamus. Quā multos noui, Deus bone, qui non sunt apud me! qui nunquam fuerunt apud me! qui non sunt in uiuis! Tu quoque, Samofatene, fieri potest ut patrem tuum noueris, si forte quum adoleuisses superstes fuit, & iam non sit apud te. Sunt denique præsentes apud me noti: at etiam absentes noui, & a me distitos longissimē. Re ergo & ratione hęc loquutiones inter se differunt: nec idem esse possunt. Non negamus coniunctas esse posse, nempe ut antecedens & consequens. Non rarò enim accidit, ut prius ad me quis veniat & sit apud me, quàm sit mihi cognitus. Sed si ita est, primùm non sunt idem; quia non sunt idem antecedens & consequens. Secundò ne re quidem necessariò sunt inter se idem; quia non est coherētia illorum aut consequentia semper necessaria: nam utrumque fieri potest, ut & mihi innotescat qui nunquam sit apud me, & sit apud me qui nunquam cognoscatur a me. Postremò quid si hęc duo toto genere differre demonstramus? Certè esse apud aliquem, secundum hominem est

ἔστι, in prædicamēto Vbi: cognosci ab aliquo, passionis est. Itaque nulla ratione sunt idem, cū sint ἀκόλῃα, & quidem μὴ ἀναγκάα, & ἐπὶ προγενή. Falsæ igitur omnes interpretationes illæ, quæ a Samosateno in aliquot Noui Testamenti locos productæ sunt. Nam licet id concedamus, nota fuisse illa de quibus hæc loquutio ijs in locis enūciatur: nunquam tamen Samosatenus inde confecturus est idem esse si dixeris, sunt apud nos, & nota sunt nobis. Atque hoc ipsum, velit nolit, cogitur agnoscere, dum his verbis utitur: *Sic quum Christus rogaretur a Caia- phæ de doctrina, Matth. 26. & Marc. 14. respondit ut de ea qua illis nota esse debuit, Semper docui apud vos in templo, &c.* O vim veritatis, quæ latere non potuit, quin aduersum peccus Samosateni transfoderet. Apud quos docuit Christus doctrinam suam, apud illos nota esse debuit. Debuit autem? ergo non fuit cognita, quamuis esse cognita debuerit. Antecedens fuit, quòd apud illos Christus docuit doctrinam suam: consequens, non quòd apud illos cognita fuerit, sed quòd esse debuerit. Ex tuis ipsius verbis, Samosatene, vinco alterum esse antecedens, alterum consequens: tum eorum consequentiam (ut antè dixi) non semper esse necessariam, sed contingentem solum, cū hic fuerit antecedens, consequens verò nō fuerit, sed esse debuerit. Atque hæc inter se idem te auctore dicemus esse? Deus meliora. Dices fortasse, *at in diuinis nulla est ratio.* Esto sanè: tu igitur, mi homo, cur adducis, aliam rationem qui esse vides? Verumtamen ut alia sit ratio humanarum diuinarumque rerum, est tamen qualiscunque analogia, cuius causa hæc loquutiones enunciatæ sunt, retinenda. Eam, si placet, vide. *Esse apud hominem humanitus, re ipsa est ἔστι.* Filium esse apud Patrem est *περιχωρήσας* diuinæ, ut orthodoxi Patres nominant, quæ in personis diuinis habet quasi rationem ἔστι, quum de-

mittuntur sermones per quamdam analogiam ad rationem naturæ nostræ. Esse apud hominem, est antecedens re & tempore, notum esse homini est consequens: at esse Filium apud Patrem, & notum esse Patri, non differunt re & tempore (nam alioqui Deus nec simplicissimus, nec æternus esset) sed ratione solùm, quo in discrimine rationis posita est analogia. Postremò esse apud hominem, & cognitum esse homini, non habent consequentiam inter se necessariã, quia re ipsa alterum sine altero inter homines esse potest: nam ignotus apud aliquem esse potest, & qui apud aliquem est fieri potest ut non cognoscatur. Quapropter etiam ex analogia hæc duo, apud Deum esse, & Deo soli cognitum esse Filium, ratione omnino differunt.

Aliud ad stabiliendam hanc interpretationem argumentum, quod Samosatenus adducit, est a communi loquendi modo: quum *quæ nescimus & ceria putamus esse, illa respondemus apud Deum esse abscondita, &c.* Verùm, si loquutionem Græcam, sicut Ioannes scripsit, Græca lance Samosatenus expendisset, cauisset profectò ipse sibi, ne in fallaciam figuræ dictionis incideret: quemadmodum hoc loco facit, usum Græcæ præpositionis *πρός* & Latinæ *apud* confundendo. Nam etsi interdum hæc duæ præpositiones inter se communicant significatione, frequentius tamen aliud hanc quàm illam significare compertisset. Ex quo sequitur, tum quæ de Latino *apud* hinc narrantur nihil efficere, tum proprietatem Græci vocabuli *πρός* seruari oportere. *πρός* autem, ut tradunt Grammatici, & Varinus ex Eustathio & Esychio colligit, *πρός τὸ ἐμψυχον κίνησιν, ἢ ὑπαρξιν, ἢ ἐνέργειαν* denotat, hoc est, aut motum, aut existentiam, aut actum, qui ad rem animatam viuentemque respiciat. Hinc autem de Deo viuente agitur: vnus ergo ex istis modis in hac loquutione obseruandus, Non autem de motu, non de energia dicitur Sermonis

monis apud Patrem, vel Samosateno iudice: igitur de
 existentia. Si enim de motu aut energîa diceretur, & dici
 concederet, eâdem hæc etiam concessurus esset, Sermo-
 nem per se substituisse, Deo motum aut energiam alienam
 accidisse (cùm istis hominibus Sermo non sit Deus essen-
 tialiter) ac proinde non esse Deum immutabilem, sim-
 plicissimum, & alia multa quæ apud omnes in confesso
 sunt. Cùm itaq; dicantur ista de existentia personæ Chri-
 sti in Patre, quo iure ad cognitionem ea Samosatenus re-
 ferat, qua Sermo est Patri cognitus? Hoc neque existen-
 tiæ, neque motûs, neque actus, neque actionis est, sed pas-
 sionis puræ. Passionem verò hac constructione dici hæ-
 tenus ignorauerunt probati auctores Græci: quid ergo
 hac interpretatione facias? Quod si etiam ea exempla,
 quæ in hunc locum Samosatenus contulit, ampliùs ex-
 penderit, duo hæc comperturus est: primùm ubicunque
 est *πῶς*, hanc interpretationem quam modò diximus,
 seruari oportere: secundò ubicunque aliter accipitur La-
 tinum *apud*, id non præpositione *πῶς*, sed potius *παρὰ*, vt
 Luc. i. 37. expressum a Græcis legi. Non enim, si Græcè
 illud velis exprimere, apud Deum sunt omnia, &c. con-
 uenienter & *κυριολεκτῶς* dixeris, *πῶς θεὸν πάντα ἔστί*, sed *παρὰ
 θεῷ*. Frustra igitur de accumulandis exemplis partim
 alienis, partimque malè intellectis & tortis Samosatenus
 laborauit. & *δὲν ὁ γὰρ*. Postremum argumentum est

a voce, erat. Dixisset ergo Ioannes, inquit ille, & fuisse &
 nunc esse in cælo Christum apud Deum, non tantum fuisse in
 principio. Mentiretur enim, &c. tamquam si diceret, *Quis-
 que eum qui fuit, & est, fuisse dicit, mentitur: Ioannes Sermo-
 nem, qui secundum illud dogma vestrum fuit & est, fuisse di-
 cit: & non mentiatur secundum vestram hypothesein?* Respon-
 deo duobus modis. Primùm etiam in rebus creatis &
 naturalibus maior est falsissima, & oppositum in appo-

sito, vt vocant, continet. Nam quisquis personam aut rem aliquam fuisse dicit, nō negat propriè eandem esse; præsertim quum temporalis aliqua accedit determinatio, vt quum dicit Ioannes, *in principio erat*: determinatè enim de Sermone agitur, quà erat iam in principio, & apud Deum, & Deus. Quum autem ex præteriti simplice affirmatione, id est, sublata determinatione, præsens remotio rei statuitur, fuit, non est igitur: hæc non propria loquutio, sed figurata, quam noëmaticam Quintilianus vocat, dicenda est: vt quum Romani dicerent, vixit, & similia multa. Quapropter optimè Logici docuerunt, a parte ad totum in quantitate non valere consequentiā: nec conclusionem fore necessariam, si ita dixeris, *fuit, non igitur est, nec erit: est, ergo nec fuit, nec erit: erit, nec fuit igitur, nec est*. Secundò in rebus diuinis, atque adeò in Metaphysicis, quoties *μεν* & *αὐτὸς* earum agitur (quam præpositione *αὐτὸς* demonstrari antè docuimus) siue de earum existentia, pro ratione subiecti prædicatum oportet accipi. Cùm autem res Metaphysicæ secundum existentiam ipsarum nunquam intendant; omnino prædicatum, quocunque tempore verbum enuncietur de existentia, omnia tempora facultate subiecti complectitur: *erat, vel fuit spiritus, Angelus, &c. ergo est & erit*. Hæc autem ratio in rebus metaphysicis necessariò si obtinet, multo magis eam in diuinis seruari necesse est: *erat Sermo in principio apud Deum, est igitur & erit qui in principio erat*. Malitiosa itaque, horrenda, impia est eorum calumnia, qui a natura rerum intereuntium argumentationes de diuinis, id est æternis immutabilibusque, neunt, & falsis etiam in rerum natura suppositionibus oppugnant veritatem Dei. Nam Deus est extra & supra omne tempus: sed balbutientes de eo tempora enunciamus, quia aliter non possumus. Etsi in hoc temporum vsu ortho-

dori

doxi Patres conuenienter Scripturæ, & religioſè plurimū illud obſeruarunt, vt verbum ſubſtantium per tempus præſens de æterna Dei immutabilitate diceretur: de æternitate ſine principio, per præteritum: de æternitate ſine fine, per futurum: de omni denique æternitate & immutabilitate eius, per omnia tempora: vt Apoc. 1. *qui eſt, qui fuit, & qui futurus eſt*: quod appellatione Iehouæ Hebræi designabant, vt Defenſione 2. diximus ſegmento 13. Hic autem, cū non ſimpliciter dicatur, *erat*, ſed addatur determinatio, *in principio*, quis homo non videt ex natura determinationis iſtius præteritum tempus, non autem præſens aut futurum, hoc loco fuiſſe uſurpandum? Atque hæc de argumentis Samofateni, quā potuit fieri breuiſſimè.

12. Axioma iſtud & corollarium a Samofateno additum ſummam hominis audaciam oſtendit in corrupendis Scripturæ locis, & veritati repugnat planè. Nam primū duo confunduntur locorum genera, quorum differentiam vel pueri videre poſſunt. Vnum genus eſt relationis internæ, Filij ad Patrem: alterum, relationis externæ, Filij a Patre ad homines: quarum prior relatio mutua, poſterior non mutua appellatur. Relationis internæ ſunt iſta, *erat apud Deum, eſt in Patre, eſt in ſinu Patris, eſt in cælo*: Externæ verò hæc, *eſt ex Deo, a Deo proceſſit, a Deo venit, a Patre exiuit, deſcendit de cælo*, & ſi qua ſunt eiſmodi. Nam mutua quidem eſt relatio, & quidem realis (vt vocant) Filij ad Patrem, & Patris ad Filium, at non item Dei ad creaturas ſuas: quæ cū a Deo omnino pendeant, relationem ad ipſum realem habent, non Deus ad ipſas. Secundò etiam in ijs quæ relationis internæ ſunt, confunduntur dicta de ſubſiſtentia personali καὶ ἐν ἁλλήλων περιχώρησιν (vt vocabant Patres) cum dictis de communitate eſſentiæ ac proprietatum ipſius. Nā loquutiones iſtæ, *Sermo erat apud Deum*, Ioan. 1. *ego ſum in Patre, &*

Pater est in me, Ioan. 14. de subsistētia personali, & *ἐν αὐτῷ* existētia: hæc verò, *est in sinu Patris, est in celo*, Ioan. 1. & 3. de communi scientia rerum diuinarum omnium dicuntur figuratè, quæ scientia essentialis est, non autem particulariter ad hanc personam aut illam pertinens. Quum enim diceret Ioannes, *unigenitus ille Filius qui est in sinu Patris, ille exposuit nobis*, humano loquendi modo ostēdebat, Filio sinum Patris, id est, consilia intima & singula sine exceptione amantissimè esse exposita, tanquam si quis Filius hinc de sinu Patris sui blandissimè & familiarissimè depromeret. Quum item diceret *Filium hominis in celo esse*, humano loquēdi more per metalepsin consequentia demonstrauit Christus, sibi præsentissimam esse rerum omnium cœlestium diuinorumque mysteriorum scientiam planè diuinam, vt qui in terra agens versaretur in cœlis, & nihil non in cœlis cognosceret. Hæc ipsi loci ita confirmant manifestò, vt cæcum esse vtrò oporteat qui lucem huius interpretationis e loco natam depulerit. Terriò in ijs quæ externæ relationis sunt, par etiā conturbatio a Samosateno inuecta est. Ista enim omnia, *est ex Deo, siue a Deo*, Ioan. 6. 46. *Ego a Deo profectus sum, & veni*, siue *processi & veni*, Ioan. 8. 42. *ego exiui a Deo*, Ioan. 16. 27. ista inquam relationem vtramque denotant, internam & externam: sed ad externam respiciunt maximè, atque ad eam terminantur. Est enim Deus Pater (vt loquuntur) terminus a quo est, processit, venit, exiuit Filius: est autè in nobis idem Filius, venit, processit, exiuit ad nos, velut terminum ad quem: quia ad nos docendum, redimendū, & seruandum a Patre missus est: ad hunc enim finem officiumque maximè Christus illis in locis respexerat. Ille autem postremus locus, *descendit de celo*, interdum illud idem significat, interdum aliud. Idem quum significat, dicitur synecdochicè, quia etiā Pater & Spiritus di-

cuntur

suntur descendere, vt Genes. 11. & alibi: Christus autem descendens de cœlo, a Patre creditur descendere, quia idem Filius qui descendit e cœlo, a Patre venit, vt Ioan. 6. Quum autem aliud significat, est *ἔρχομαι ἀντὶ σώσασθαι*, vt Ioan. 3. (de noemate paulo antè ex Quinctiliano diximus) & nihil aliud significat quàm mysteria regni cœlorum inde allata exponere: vt contrà *ascendere in cælum* metaphoricè est eadem mysteria penitus recognoscere, & habere ea tamquam in numero singula. Sic enim Christus loquutus est Ioan. 3. 12. *Si terrena dixi vobis, & non creditis, quomodo si cœlestia dixero vobis, credetis?* & huius dicti rationem Nicodemo afferens, *nullus enim ascendit in cælum, inquit, nisi qui descendit de cœlo, nempe Filius hominis qui est in cœlo.* Postremò quòd has omnes loquutiones Samaritanus promiscuè interpretatur pro eo quod est, a Deo edoctus & sanctificatus est, id certè nimis dilutum ad exprimendam tanti mysterij & dispensationis illius diuinæ dignitatē: cùm his ferme singulis loquutionibus & summa illa ac diuina planè relatio inter Patrem & Filium in unitate essentiæ concludatur, & Patris in Filio communicatio cum suis creaturis, in primis autem cum electis omnibus demonstratur omnimoda ad gloriam suam, nō autem doctrinæ solūm (quod iste putat) & sanctificationis in ipso. Sed vt nunc sunt tempora, nihil bonum istis hominibus, nisi interpolatum ex miseris priscorum hæreticorum ruderibus. Alterum scriptum nihil est aliud quàm superioris epitoma. Nam resectis ijs quæ aut displicebant, aut nocitura causæ videbantur, vnīcam interpretationem retinuit quam magis probandam iudicauit, & nos confutauimus. Sed eandem incudem volumus tundere. Quòd autem postea aliquot comportat locos, quorum alij de verbo scripto, non de Sermone æterno Dei, alij de Christo sic argumentantur, manifesta-

M. S.

tum fuisse illum his vltimis temporibus, tum ergo fuisse primum: hæc quàm sint puerilia & ludicra, ex antecedentibus faciliè quivis cogniturus est. Nam priore argumentationis genere, per æquiuocationem fallit: posteriore, nulla est consequentia, sed falsa planè argumentatio constituitur, vt copiosè nota 1. segmenti huius ostendimus.

S A M O S A T E N V S.

5.

Et Sermo ille erat Deus.

ARTICVLVS additus est Sermoni, vt subiectum esse de quo Deus predicatur, intelligatur. Absolutè nomen Deum Scripturis tribuitur interdum Christo; Patri verò per se primum, quia vnus & solus Deus est, præter quem nullus est alius, qui sit a seipso altissimus, & ex quo omnia. Reliquos ergo omnes, quoscunque sint tandem siue Dij, siue Domini, ex illo esse oportet: hoc illi omnes debent, ipse autem a nullo pendens hoc nemini debet, 1. Cor. 8. ¹ Quare & Deus Deorum dicitur, & Deus & Pater Domini nostri Iesu Christi, caputq; eius, Ephes. 1. & 1. Cor. 11. ² Dicitur & solus esse super omnes, per omnia, & in omnibus, Ephes. 4. a nullo factus, nec constitutus, nec electus, nec præordinatus, nec sanctificatus a quoquam, nec exaltatus, nec missus, vel obediens alicui factus: nullum enim se maiorem habet. ³ Quæ omnia prædicta Christo filio Dei ex Maria nata, non alteri, tribuit aperte Scriptura: talémque nobis pingit, vt qui omnia a Patre accepta habeat, & ipse totus Pater sit: ab eo enim est factus filius ex semine David, ex muliere, Roman. 1. Galat. 4. ab eo est factus Dominus & Christus, Act. 2. cui Pater dedit nomen supra omne nomen, vt adoretur, eo quod Patri obediens fuit ad mortem crucis, Philip. 2. factus nobis sapientia, iustitia, pax a Deo, 1. Cor. 1. Est a Deo quoque datus nobis Magister & Pastor, vt doceat, ne quis audiens illum aberret: datus Sernator, Rex, & caput, ne quem perdat: quare & in ea thesauri omnes sunt absconditi scientiæ Dei, Coloss. 2. & tanta poten-

potentia (dominium enim in cælo & in terra a Patre habet, Matth. 28.) ut neminem fallat, ut omneis sibi datos seruet, & eaq; ratione Dominus verè dicatur & Rex, tum Deus noster a Patre vnctus: cui & omnia subiecit (seipsum tantum excipiendo) ut postremò nos regnumq; suum, deuictis hostibus & morte, reddat Deo & Patri, ex quo accepit, ut sit ille Deus omnia in omnibus, 1. Cor. 15. Hæc est Christi solius prerogatiua & dignitas, quam totam a Patre accepit; in qua illi nemo, post illum unum Deum Patrem, æquandus. Et hac ratione, & non alia, Filius Dei est Deus, Dominus, & Christus, Rex, Sacerdos, caput, Prophetæ, quòd a Deo sit hoc totum factus, nobisque datus, constitutus, & sanctificatus, & ab æterno destinatus, ut esset Messias, Seruator, omniumq; Dominus, & per quem omnia nobis largiretur Pater. Hoc qui de Christo non sentit, & tamen illum a seipso Deum esse credit, duos Deos inducit, & Patrem summa afficit contumelia.

M S.

Et Deuserat Verbum.

Hoc nomen, Deus, apud Hebræos non est nomen substantiæ proprium aut personæ, sed auctoritatis, dignitatis, ac beneficentiæ. Apud Græcos θεός dicitur, quòd opem ferat: unde antiquitas nihil aliud existimabat esse Deum, quàm prouidere mortalibus: & idèò vocabant illum Deum, qui aliquid ad vitæ commodum attulisset. Inde etiam ortum est prouerbiū, homo homini Deus. In diuinis autem literis quando hoc nomen tribuitur illi summo omnium auctori Deo, tunc nihil aliud significat quàm ipsum Deum agnoscendum esse pro fonte, origine, liberatore, atque largitore omnium bonorum. Aliquando tribuitur Angelis ac hominibus, quatenus ab illo primo omnium auctore ad aliquam functionem, honorem, & potestatem euehantur: non enim alia ratione Angeli & Principes dī vocantur. Sic Moses constituitur Deus super Pharaonem, &c. Quan-

sum verò ad Christum attinet, asserere ipsum ita Deum esse, ut habeatur pro illo summo altissimoque omnium auctore, extrema est impietas. Nam in Scripturis diuinis solus ille Pater inuisibilis ac omnipotens Jehoua hoc honore insignitur. Ideò Paulus ad Corinthios dicebat, Quamuis sint multi dñ, &c. tamen nobis vnus est Deus, nempe Pater ille a quo omnia, & vnus Iesus Christus per quem omnia. Item 1. ad Timoth. 2. Vnus enim est Deus, vnus etiam Mediator Dei & hominum homo Christus Iesus. Est quidem & Christus Deus, at non ille primus seipso Deus. Christus ergo Deus esse dicitur ratione sanctificationis, honoris, ac potestatis, gloriæ demum, ac maiestatis ab illo primo altissimoque omnium auctore Patre Deo accepta. Non est tamen Christus redigendus in ordinem Angelorum ac hominum, qui hoc Dei nomine insigniti fuere: quia longè maiorem ac excellentiorem honorem, potestatem, gloriam, ac maiestatem a Deo Patre suo accepit, quàm nemo alius, nec omnes simul qui nominati sunt, siue ex Angelis, siue ex hominibus fuerint. Hoc ipsum in genere probat ex comparatione facta per Paulum ad Hebr. inter ipsum Christum Dei filium ac Angelum ac Moysen. Legitur praterèa spiritum accepisse sine mensura, ita ut de eius plenitudine omnes acceperint: item quod Pater omnia in manum illi dederit: item data fuit illi omnis potestas in cælo & in terra. Paulus ad Philipp. scribit Deum extulisse illum, ac illi dedisse nomen quod est supra omne nomen, ut in nomine Iesu omne genu flectatur cælestium, terrestrium, & infernorum. Quin ibidem Paulus subiungit in quem finem ista omnia ipsi dederit Deus: nempe, inquit, ut omnis lingua confiteatur quod Dominus Iesus est Christus ad gloriam Dei Patris. Locus hic tam clarus est, ut iure cauillari non possit: qui si bene teneatur, solui facile poterunt omnes alij loci qui de Christi dignitate & excellentia loquuntur: nam ita semper intelligi debent, ut altissimo illi Patri Deo omnium auctori sua sit salua gloria. Idem Paulus ad Colos. 1. dicit esse imaginem inuisibilis Dei,

Dei, primogenitum omnis creaturae, in ipso creata esse omnia tum qua in terris, tum qua in caelis, visibilia & inuisibilia, thronos, dominationes, principatus, & potestates: omnia per illum & in illum creata esse, & ipsum esse ante omnia, ac in ipso omnia consistere: esse caput corporis Ecclesiae, principium, primogenitum ex mortuis: ipsum in omnibus primas tenere. Et ne quis putaret huiusmodi prerogativas ac excellentias esse ipsius Christi proprias, statim sese declarans ibidem subdit: Quoniam, inquit, placuit Deo in ipso omnem plenitudinem inhabitare, ac per ipsum omnia reconciliare sibi. Idem Paulus ad Hebr. dicit ipsum esse splendorem Dei, ac characterem substantiacius, portareque omnia verbo suo potenti, & qua sequuntur. Sunt & alia in hanc sententiam testimonia: sed praecipua allegasse sufficiat. Duo tamen subiungam, qua sunt ipsius Ioannis: in Apocal. ubi dicit, Dignus est Agnus accipere omnem virtutem ac diuitias, sapientiam, ac fortitudinem, honorem, gloriam, ac benedictionem. Sed quod omnem scrupulum eximit, est alterum: quia quum in Ioanne Christus ipse a Iudeis accusaretur, quod se Deum faceret, respondit, Nonne scriptum est in Lege, ego dixi, dy estis? Si illos dixit Deos ad quos sermo Dei factus est, & non potest solui Scriptura: quem Pater sanctificauit & misit in mundum, vos dicitis blasphemare, quia dixi, Filius Dei sum? Quibus verbis non negauit se Deum esse sed deitatis ac filiationis suae rationem explicuit, eamque primariam ac verissimam: & quia homo erat, non aliam deitatis filiationisq. rationem sibi tribuit, quam qua à Deo per sanctificationem sibi, uti homini, concederetur. Ista auctoritas tam perspicua ac clara est, ut si quis illam cauillari contendat, plus quam perniciosissimum se prodat. Quod si Moyses, Aaron, ac Principes dñj sunt dicti propter auctoritatem ac potestatem a Deo sibi concessam, quanto magis Dei filius Christus tam praclaris ac stupendis virtutibus a Patre Deo suo exornatus erit omnium Dominus ac Deus? Ideo Petrus in Actis dicebat, certo scias

totā domus Israël, quod hunc Iesum fecerit Deus Christum ac Dominum, quem vos crucifixistis. Hinc mirum non est, si Pater ille gloria in Apostolicis literis vocatur Deus Domini nostri Iesu Christi: sed omnium clarissimè apud Paulum, & præcipuè Ephes. 1. cap. Sed quid, quod magister ipse veritatis Christus ore proprio apertissimè dixit? ascendo ad Patrem meum & etc. em vestrum, Deum meum & Deum vestrum. Immo etiam collocatus ad dexteram Dei Patris gubernat Dei Ecclesiam, non uti principalis auctor ac Dominus, sed veluti vicarius. Propter eā in die iudicii restituet (quemadmodum scripsit Paulus) regnum Patri, subditusq. alligabit. Adde quod Christus nunquam docuit se esse Deum illum omnium auctorem, sed semper in omnibus suis verbis ac factis omnem laudem & honorem Patri Deo suo detulit, ut ex Evangelistarum scriptis liquet. Unde perpetuò notandum est, quod omnes prerogative ac excellentie, quæ in Scripturis Christo attribui leguntur, non uti Deo illi summo omnium auctori, sed uti Mediatori nobis a Deo constituto attribuende sunt. Et hac ratione nunquam errari poterit. Et si rogetur, quando Christus a Patre Deo suo huiusmodi potestatem, gloriam, ac maiestatem acceperit, diuus Petrus epist. 2. cap. 1. exponit. Accepit enim, inquit, a Deo Patre honorem ac gloriam voce delapsa ad eum huiusmodi, Hic est Filius meus dilectus, in quo mihi bene complacui, ipsum audite: & hanc vocem, inquit, nos audiimus, quum essemus cum ipso in monte sancto. Habes igitur, qua ratione Christus sit Deus.

ORTHODOXVS.

Quod hæc verba Samosatenus prior de sua sede transtulit, non temere id, sed artificiosè & certo consilio factum, ut in antecedentem locum monuimus. Sic enim se putauit facilius assequuturum quod tentat: nimirum ut persuadeat non esse Christum (quod ex Scripturis docemus)

cemus) a principio λόγον Dei Patris, nec esse a principio apud Deum; sed ex quo a Patre missus est & perfunctus apud homines vocatione sua, factum esse ab illo Deum, id est, non natura, sed voluntate, non essentialiter, sed effectiue, non per se, sed per communicationem a Patre, nō propriè, sed figuratè Deum appellari. Horret animus cogitantis & reputantis istam audaciam, qua & Dei gloria traditur alteri quàm vero & essentiali Deo, contra quàm apud Prophetas centies iurauit Deus; & tota Scriptura de Christo Filio Dei æterno obscuratur, corrumpitur, atque peruertitur, vt verbis Samosareni vtar, & Christus Dei filius exstirpatur funditus, & secundus Deus extra essentiam Dei introducitur ad abolendum illum solum verum Deum essentia vnicum, personis trinum, Patrem, Filium, & Spiritum sanctum; & fides nostra ac communis salus, quæ finis est fidei nostræ, labefactatur quàm indignissimè. Sed ad rem.

De articulo quod dicit, bene est: Et illud bene, quòd nomen Dei (addo etiam Iehouæ nomen extra essentiam incommunicabile, quia est essentia) absolutè in Scripturis tribuitur interdum Christo. At sequentia ferme omnia captionum laqueis abundant, vt quum ait, *Patri verò per se primò tribuitur, quia vnus & solus Deus est, præter quem nullus est alius qui sit a se ipso altissimus, & ex quo omnia.* Quapropter primùm membrorum singulorum, tum verò vniuersæ argumentationis veritatem exponemus.

Nomen Dei Samosatenus ait *Patri primò per se tribui.* Ac Dei quidem nomen tribui personæ Patris, internis conuenit: sed *primò & per se* quum dicitur, aut diuinæ essentia, aut personæ respectu dicitur & notionalis actus ipsius, vt vocant Scholastici. Respectu diuinæ essentia, quæ vnica est trium personarum communis, non solum Pater, sed & Filius, & Spiritus sanctus primò & per se Deus est. Nam vt particulare

secundum Logicos nec deminuit, nec dilatat rationem communis, sic personæ vnius ratio rationem immutare non potest essentia. Respectu verò personæ & notionalis actus quem operatur persona Patris in gignendo Filio & spirando Spiritu, Pater, qui secundum essentia vnius communitatem Deus est cum Filio & Spiritu sancto, non primò & per se Deus dicendus est, si propriè ex relationis natura velimus loqui; sed primò & per se Pater: ac proinde Deus Pater, vt in Scripturis appellatur passim, secundum essentiam Deus, secundum personam actumque suum notionalem Pater. Itaque si dixeris, Qui Deus est, primò & per se Deus est; verissima est propositio eaque communis Patri, Filio, & Spiritui sancto. Si item, Pater primò & per se Deus est, & hæc verissima: nā commune de particulari dicitur citra exclusionem communicantium, Filij, & Spiritus sancti, essentiale de persona: cum etiam commodè eodem iure possumus dicere, Filius primò & per se Deus est, itémque Spiritus sanctus. Sed fallit hoc loco Samofatenus duobus modis: primùm quòd in hac propositione, *nomen Dei Patri primò per se tribui*, tacitè inesse statuit vocem exclusiuam solùm, eamque vi istarum vocum, *primò per se*, quodammodo contineri: secundò quòd istas voces, *primò & per se*, aliter accipit, & alio respectu, quàm conuenit argumento. Prius falsissimum est. Quid enim? an ignorat iste voces communes, ac non singulares & indiuiduales, in re Logica spectari oportere? Singulare est Petrus, Ioannes, &c. commune homo. De Petro, de Ioanne quum agit Logicus, secundum rationem communis agit, puta hominis, animalis, &c. Quemadmodum autem Petrus e ratione hominis non excludit Ioannem, sic etiam persona e ratione deitatis siue essentia diuinæ non excludit personam. Et enim quis argumentantem in hunc modum audiat? *Ioan-*

ne est homo: non igitur Petrus homo est. Homo est animal: ideo igitur non est animal. Multo minùs audiendus a nobis fuerit qui dicet, *Pater est primò & per se Deus: Filius ergo non est primò & per se Deus.* Posterius vitium (æquiuocationem enim indigna atque inscita est) quicquid obtendatur, non magis potest excusari. Vnum alteri primò tribuitur, quòd illius est sine alia consequutione vlla accedente: per se verò tribuitur, quod non per accidens. Illo consequutio prioritatis naturæ (vt vocant) excluditur: hoc, ratio accidentium. Deus de Patre dicitur: & consequitur naturâ primò, vt Pater sit Deus, non autem vice versa, vt Deus sit Pater solus excluso Filio & Spiritu sancto: quia prædicatum non est adæquatum, vt loquuntur, cum Deus sit commune totius essentia, & vox Pater sit individualis personæ. Hoc illud est quod Logici appellant dici primò de aliquo, aut primò alicui tribui. Vafre autem illudit, tamquam præstigijs, iste *αἰρεμολογος* confundens terminos artium, quum vocem primò Logicè usurpatam de consequutione vocum in sermone nostro, ad naturam subiecti transfert, adfirmans nomen Dei Patri primò tribui, quia videlicet primus tempore, & causa, & dignitate est, adeoque verus Deus solus, vt ipse loquitur illudens veritati. Logicè enim primò de Patre, Filio, & Spiritu sancto prædicatur nomen Dei: Theologicè verò secundum distinctionem personarum quam ex Scripturis didicimus, & proprietates notionales ipsarum, Pater primò vel potius (nam illud non sine vitio dicitur) primus Deus est non tempore, consequutione, aut dignitate, sed ordine naturæ, quâ est Pater Filij, & spirans Spiritum: cui naturæ etiam respondet œconomia, id est, dispositio interna & externa dispensatio, vt orthodoxi Patres olim loquuti sunt. Logicus, quid de quo dicatur etiam primò, obseruat Logicè: Theologus, quid sit quod dicitur, ob-

seruat Theologicè in Logica enunciatione. Eadem quoque fallacia est in vocibus, *per se*, quæ in hac enunciatione sunt. Aliud enim est per se dici, prædicatum puta de subiecto, aliud per se esse, subiectum puta quod agitur, quæ duo tamen Samosatrenus confundit inscicenter, an malitiosè? Per se autem dicuntur de subiecto, siue prædicantur, primùm quæcunque insunt in eo quod quid est, hoc est, & in subiecto, & in definitione illius: sic Pater est Deus, Filius est Deus, Spiritus sanctus est Deus: prædicatum istud, Deum esse, de subiecto per se dicitur, nimirum quia prædicatum essentiale est, qui primus apud Logicos eorum est quæ per se dicuntur modus. Secundò per se dicuntur de subiecto ea prædicata quæ subiecto insunt, & ita quidem insunt vt definiri aliter nō possint quàm mentione subiecti facta. Sic Deus est summum bonum, creator, & siqua sunt eiusmodi. Hic enim prædicata ista subiecto insunt, eaque definiri siquando opus est, non aliter definias quàm Dei mentione facta. Nam & summum bonum, & Creator Deus est: nec alia via summum bonum & Creator rectè definiri potest. Tertiò per se de subiecto dicuntur, quæ non dicuntur de subiecto alio aliquo, sed ipsius subiecti ὑπαρχόντων, existentiam & ipsum esse substantiarum siue primarum, siue secundarū denotant. Sic homo est, id est, substat: Ioannes est, id est, subsistit. Deus est, id est, substat: Pater est, Filius est, id est, subsistit. Atque hic modus dicendi per se, communis est omnium enunciationum basis, & fundamentum summum. Postremò autem per se de subiecto dicuntur, quæ propter ipsa insunt subiecto: quo in genere externæ causæ, efficiens & finalis, earumque effecta continentur. His enim conditio siue limitatio eiusmodi inter subiectum & attributum conficitur, vt attributum illud non possit intelligi nisi facta mentione subiecti, cui sua conditio adiuncta est. Dicam

eam familiariùs diuerso ordine. Per se prædicationes dicuntur quatuor modis: quorum duo sunt de esse subiecti, duo de ratione illius. De esse subiecti dicuntur, primum ὑπαρξίς, existentia, subiectum puta substare aut subsistere: atque hic modus Aristotelis Logicorumq; tertius: secundò quod essentiale est subiecti, pertinens ad definitionem & constitutionem illius: atq; hic modus illorum primus. De ratione verò subiecti prædicantur, primum ἰδίον vel accidens (vt vocant) proprium, quod definiri citra subiecti mentionem non potest: atq; hic secundus illis modus: deinde causans & causatum, qui postremus est illorum modus. Secundùm modum hyparxeos & Deus per se est, vt substantia vel essentia ὑπερσυστος, & Pater per se est, vt subsistentia siue persona subsistens in vnica illa essentia Dei, & Filius per se est, & Spiritus sanctus consimiliter: subsistit enim vnaquæq; persona in vnitatem essentia. Secundùm τὸ ὁσιώδες, & Deus est Pater, Filius, & Spiritus sanctus: & e diuerso Pater est Deus, Filius est Deus, & Spiritus sanctus Deus, & quidem Deus per se subsistens in vnitatem essentia. Secundùm τὸ ἰδίωμα, Pater non dicitur Deus per se (nam hoc ad modum illum minimè pertinet) sed Pater per se, siue principium æternum gignens Filium: & Filius quoque non dicitur Deus per se, sed Filius appellatur æternum genitus à Patre. Secundùm τὸ αἰών non nisi improprie Pater Deus per se appellari potest, vt causa Filij: quia nomen causæ videtur importare diuersitatem substantia, & dependentiam quamdam vnus ab altero, ad eoque differentiam inter causam & id cuius est causa secundum perfectionem aut virtutem aliquam. Hinc fit vt Deus per se de Patre prædicari non possit, tanquam si paternitas ipsius causa esset cur sit Deus: cum Pater, quia Deus ac nō persona solum, vnica sit causa causarum & principium principiorum a nemine pendens, sed habens o-

omnia a se dependētia. Pater ergo substat per se, vt Deus, & subsistit vt persona: similiterque Filius substat per se vt Deus, & subsistit vt persona καὶ ὁ υἱὸς. & Spiritus sanctus consimiliter. καὶ ὁ ἁγίωσις autem Pater est Deus, Filius est Deus, Spiritus sanctus Deus: nomen Dei per se de personis subsistentibus prædicatur. Quicumque dicendi per se præterea sunt modi, ij ad quæstionem hanc minime pertinent. Sed hîc latet Samosatēniana captio, quod loquutione hac *per se*, vt voce *primò* antè abutitur. Nō enim simpliciter illud *per se* & Logicè accipit, sed altera interpretatione studiosè insidiatur piorū mentibus, vt statim intelligant Patrem esse Deum *primò* & *per se*, id est, non ab alio: Filium verò non a se aut *per se*, sed ab alio esse Deum communicatione gratiæ. Hoc Samosatēnicō filium esse demonstrant verba proximè sequentia, quum ait, *nullus est alius qui sit a seipso Altissimus*, &c. Atqui, vt bone, non ignoras aliud esse *per se* dici Logicè, aliud *per se* esse, cū illud prædicationum modū spectet, hoc naturam rerum. Tum etiam nec illud ignoras, aliud loquutione *per se*, aliud loquutione *a se* solere significare, cū illud essentiæ, hoc sit originis. Apage istas argutias & sphingas verborum, quibus nō perducūtur ad veritatem, sed circumueniuntur imperiti. Sequitur, *quia unus & solus Deus est*: ambiguè, vt & Defensione 2. ostendimus. Nam hæc verba aut de Deo essentialiter dicuntur, aut de persona Patris. Si de Deo essentialiter, nihil verius: nam etiam Deus essentialiter sancta & adoranda Trinitas appellatur. Sin de persona Patris, iterum ambiguè. Nam illa verba, *unus & solus*, aut subiecto hærent, vnus & solus Pater (excluso videlicet Filio & Spiritu sancto) est Deus, aut prædicato, Pater est vnus & solus Deus. Prius negamus: nam & Filius Deus est, & Spiritus sanctus est Deus vt Pater. Posterius distinguimus: aut enim accipitur *Deus* essentialiter,

tialiter, Pater est is Deus, id est, ea persona deitatis, quæ deitas est vnus & solus Deus essentialiter: atque hoc verissimum: aut prædicatum accipitur personaliter vt determinatum subiecto, quasi dicas, persona Patris vnica est vnus & solus Deus: quam enunciationem Deo ipso auctore pernegamus. Addit, *præter quem nullus est alius qui sit a seipso altissimus, & ex quo omnia*. Quod enunciatum verum agnoscimus de Deo essentialiter, de persona Patris distinguimus. Nam si verbum *est* secundum naturam essentia dicitur pro eo quod Scholastici dicunt subsistere, cum vna sit essentia Patris, Filij, & Spiritus sancti, eaque a nullo sit omnino Filius & Spiritus sanctus, secundum essentiam a nullo sunt vt Pater, vel (vt Samosatenus loquitur) a seipsis sunt: nam sunt cum Patre vnum. Sin autem secundum rationem personæ dicitur, *nullus est alius*, pro eo quod est subsistit, & sit eius cum Filio & Spiritu sancto comparatio, cum persona Patris sit a nullo, persona Filij sit a Patre, & persona sancti Spiritus ab vtraque, verè dicitur de Patre instituta illa personarum comparatione inter se, nullum esse alium qui sit a seipso, id autè est, a nullo: sola enim persona Patris a nullo est. De altissimi nomine iam antè diximus Defensionis 2. segmento 6. Illud verò quod post adiicitur, *& ex quo omnia*, captiosum est duobus modis: tum quia *omnia* quum dicuntur, relatio sit propriè & oppositio Dei ad creaturas, hic verò oppositionem instituit etiam Patris ad Filium & Spiritum sanctum, & appellatione *omnium* ipsum quoque Filium complectitur, per quem sunt omnia & qui est supra omnia *ὑπερστος*: tum quia ex Patre solo, tamquam Deo solo (excluso Filio & Spiritu sancto) omnia affirmat esse: id est, opus essentia totius, ac proinde commune personarum in essentia subsistentium singulari statuit esse personæ Patris: contra quàm præcipiunt

Logici ex communi efficiens particulare, vt iam aliquoties antehac diximus. Hic verò dicturi sunt, atqui hæc singula ipsissima sunt Scripturæ verba, Ioan. 17. 3. & 1. Cor. 8. 4. & 1. Tim. 2. 5. & alijs præterea locis. Scripturam facram agnoscimus: sed confunduntur quæ diuisa sunt, & germana eorum sententia omittitur. De his autem singulis Scripturæ locis in Defensione 2. diximus segnè ento 4. & 10. & alibi passim. Ex Ioannis 17. hic nunquam probaturus est solum Patrem esse Deum, solam inquam personam Patris, sed Patrem esse Deum illum qui solus est essentia Deus: quod etiam personæ Filij & Spiritus sancti commune est. Quòd si rem Samosatenus penitus introspexerit, videbit a se fallaciã diuisionis cõmitti in hac sua interpretatione. Nã hæ voces, *illum esse solum verum Deum*, non de solo Patre, sola persona illius prædicantur, sed *ad* 19. *de Patre & Filio sunt enunciata: vt cognoscant*, inquit, *te & quem misisti Iesum Christum esse illum solum verum Deum*, personas videlicet distinctas in vnitæte essentia. Sic autem de Christo accipi oportere, qui cùm sit natura Deus, œconomia vel dispensatione propter nos homines & salutem nostram seipsum exinaniuit, demonstrant ea quæ proximè sequuntur versu 5. *glorifica me tu, Pater, apud te ipsum ea gloria, quam habui apud te prius quam hic mundus existeret*: quæ verba ad præordinationem referri est iniquissimum, & ea vocibus illis, *quam habui apud te*, &c. notatque substantia verborum Christi alienissimum. Illa quoque, 1. Cor. 8. *nullus est Deus alius nisi vnus*, sanctissime credimus atque confitemur. Nam Deus essentialis est appellatio: *esse* est substatè, hic de essentia dictum; non autem subsistere, quod personarum est, in quibus substatèssentia, & de quibus essentia dicitur. Demonstrat hoc Paulus oppositione idolorum essentia cum Deo, *Scimus*, inquit, *idolum nihil esse in mundo, & nullum esse Deum alium*
nisi

nisi unum: confirmat sequente exegesi; *Nam etiam si sint qui dicantur dii & in celo & in terra* (sed æquiuocè dicantur, licet non sint dii & domini vt Deus) *sicut sunt dii multi & domini multi* (nempe qui dicuntur esse, non autem sunt vt Deus & dominus noster est) *Nobis tamen unus est Deus, Pater ille. ex quo hæc omnia, & nos in ipsum: & unus Dominus Iesus Christus, per quem hæc omnia, & nos per ipsum.* Dixerit fortasse, at fit oppositio Dei Patris & Domini Iesu Christi. Negamus: neq; oppositio ista pertinuisset quicquam ad consilium Apostoli sermoné inq; institutum. Oppositio fit duplex: non Dei Patris, & Filij, sed vna Dei Patris & rerum creatarum, altera Domini gubernantis & rerum gubernatarum. Deus autem quum Pater dicitur oppositio- ne ad creaturas, Pater dicitur essentialiter: ac proinde Pa- ter, Filius, & Spiritus sanctus communis est rerum crea- tarum Pater, vt in Scripturis nominatur passim, Deuter. 32. 6. Matth. 5. & 6. & 7. Iacobi 3. 9. & alibi. Hic enim Deus non personaliter relatione ad Filium, sed essentialiter op- positione ad creaturas appellatur Pater: quapropter etiã optimè huic causâ efficiens & finalis cùm rerum omniũ, tum sanctæ Ecclesiæ tribuitur, *a quo hæc omnia, & nos in i- psum.* Atque hæc oppositio prior. Altera oppositio ad me- dium quoque spectat, quo res omes a Deo factæ & pro- pter ipsum, eodem auctore a principio ad finem suum perducuntur, vt Deus sit omnia in omnibus. Medium au- tem est dominium & regnum salutare Christi: mediator Dominus, natura quidem Deus, sed intermedius tamen Dominus diuina dispensatione & volũtaria, *per quem hæc omnia, & nos per ipsum* a principio ad finem illum dirigi- mur. Vt ergo de Patris nomine, sic etiam de voce Domi- ni statuimus. Modò enim ad essentiam respicit, secun- dùm quam Pater, Filius, & Spiritus sanctus Dominus v- nus appellatur, est enim natura dominus: modò ad perso-

nam Filij, quæ personâ singulari modo est Dominus, præter communem essentia & naturalem illum, nimirum voluntate & suscepta dispensatione, quam modò attigimus. Quapropter Apostolus essentiam Dei *an̄ d̄is* opponit idolorum manu & arte factorum essentia, & distinctione statuit inter dici & esse, quum his verbis utitur, *ess̄ qui dicuntur d̄i & in cælo & in terra*, ut se de Deo secundum essentiam loqui ostenderet. Postremi loci ratio consimilis. *Vnus enim Deus est*, ait Paulus, *vnus etiam Mediator Dei & hominum, homo Christus Iesus*. Varia est huius loci interpretatio: & ut ea concedatur quam Samosatenu arripit, nihil vincet tamen. Primum enim vox *deus* aut essentialiter accipitur, ut antè dixerat *hoc bonum est & acceptum coram Deo Seruatore nostro*, aut personaliter. Deinde vocem *vnus* alij de essentia intelligunt, ut quum dicitur, *Iehoua Deus tuus Deus vnus est*: alij de constantia & immutabili voluntate, ut Galat. 3. *Deus vnus est*, sibi constans, idemque permanens. Qui ad vnitatem essentia referunt, sic argumentantur, *Quorum vnus Deus est, alij pro alijs orare debent. Quorum vnus hominum vnus Deus est*, ut Rom. 3. *Quis ergo homines alij pro alijs orare debent*. Qui verò ad vnitatem & constantiam voluntatis, alio modo. Sed his commissis concedimus, affirmamus, clamamus Deum vnum esse, vnicam Dei essentiam, optimè nobis cum Paulo conuenit: sed vnicæ personæ Patris diuinam essentiam esse, hoc nec Paulus vnquam dixit, nec nos concedimus. Cum Paulo dicimus Deum quidem esse vnum essentia: Patre verò esse personam vnā, in communitate essentia vni Deum cū Filio & Spiritu sancto, ex Paulo & reliquis Scripturis didicimus. Iam de argumentatione Samosatени videamus. *Qui vnus & solus Deus est, præter quem nullus est alius qui sit a seipso Altissimus, & ex quo omnia, huius nomen Dei per se primo tribuitur: Is autem est Deus Pater: Patri ergo*

per se nomen Dei primò tribuitur. Multiplex vitium in maiore propositione est, in minore falsitas. In maiore primum subiecto insunt plura interrogata, ut vocantur vulgorum ambigüe dicuntur omnia: quæ si de essentia dicuntur omnia & essentialiter, bene est, concedi possunt: si de persona, excluso Filio & Spiritu sancto, negantur omnia; hoc vno excepto, quòd Pater esse a seipso dicitur, id est, non ab alia persona: si autem essentia & persona pro eodem habentur, ut ista membra omnia vnius suppositi dicantur esse, hoc verò Sabellianum est. Nec melius se habet ibidem prædicatum, quam nomen Dei per se & primò ei tribui dicitur ambiguitate & captione euidentissima, quam paulo antè demonstraui. Minor verò falsa est, qua mente a Samosateno adducitur. Etenim persona Patris secundum suam (ut ita dicam) personalitatem nō est vnus & solus Deus, præterquam nullus sit alius Altissimus, & ex qua sola sint omnia. Quòd si aut Pater nominatur essentialiter, ut antè diximus in Scriptura fieri, aut persona Patris dicitur Deus esse secundum rationem essentiae, quæ vna ipsi cum Filio & Spiritu sancto communis est, probamus hanc propositionem bene intellectam. Falsa igitur conclusio, Patri nomen Dei primò & per se tribui, excluso Christo, quod Samosatenus voluit, & ex eodem ambiguo vitiosa. Nam Deus & Pater quum de essentia dicitur, de persona Patris, & Filij, & Spiritus sancti dicitur synonymus, id est, vniuocè: si autem de sola persona Patris, manet tamē immota *συνώνυμος* ratio, quia communis est, neque suppositione vnius personæ in eo quod quid est sit remotio personæ alterius. Essentia enim communem rationem habet in eo quod quid est: hypothesis verò, vel substantia, vel persona (ut verbis Damasceni utar) neque quid est ostendit, neque quale quid est, sed tantum quis est, & singulare indiuiduum de quo præ-

dicatur essentia, determinat. Ex hac autē *ἀκούειν* argumentatione per cōtrarium infert Samofatenus verbis sequentibus, *reliquos siue deos siue dominos, etiamq; Christum ipsum ab illo esse, illi debere quicquid sunt, & æquiuocè ab eo appellari Deos*. Antecedens falsum: nam personam & essentiam diuinam pro eodem accipit cōtra auctoritatem Scripturæ: & falsa igitur cōsequentia. Primū enim falsum est omnes siue deos siue dominos æquiuocè appellari: nam & Christus cum Patre Deus est vniuocè. Deinde & illud falsum, eandem esse Christi cū alijs siue dijs, siue dominis rationem: nam Christus Deus & dominus est; alij non sunt, sed dicuntur esse quod Deus est, vt ibidem affirmat Paulus. Tertiò eorum qui dicuntur dii & domini alij verè dicuntur esse, & falsò alij. Verè, quicunque vero iustoque ordine, aut applicatione, aut similitudine ita dicuntur, vt Angeli, Magistratūsque, & siqui sunt eiusmodi: falsò autem, qui contrā. Ex his autem qui verè sunt, illi Deo debent quod dicuntur, cū habeant aliquā veram communicationē gratiæ: qui falsò, Satana & hominibus debent quod putantur esse. Itaque Christus, quā Filius æternus Dei Patris, Dominus & Deus cū Patre semper dicitur vniuocè: est enim Patri *ὁμοούσιος*, communem a natura cum Patre dominatū in vnitāte essentia obtinens. Quā autem caro factus est, eundem illum dominatū a natura possidet vt Deus, sed alterum quoque inferiorem dominationis modū in voluntate assumpsit homo factus, idque secundū eandem œconomiam diuinā & dispensationem qua homo factus est & inaniuit sese. Atque huc ferme pertinent omnes illi Scripturæ loci quos Samofatenus accumulat, postquā substantiam diuinā Christo cōessentialē Patri bellè sibi vifus est sustulisse, vt nudum hominē attributis diuinis exornaret, velut operationes diuinas producentem. Sed hæc singula suo deinceps

inceps ordine opus est annotemus.

i. Hæc verba sunt Dauidis Psal. 30. 1. in quibus euidenter posita est essentialis Dei appellatio: quæ non singularis est vnius personæ Patris, sed communis sanctæ & indiuisæ Trinitati. Quod si quis personaliter eam de Patre acceperit, tamen iure essentialis (quæ eadem est Patris & Filij) Filio quoque communis futura est, quia Pater & Filius sunt vnum. Nā quod essentialis, id subsistentiarum etiam aut personarum commune est, eoque affirmatur de hypostasis singulis vniuersaliter. Verumtamen si personaliter exponi (quod ego quidem probare non possum) oporteret, de Filio potius quàm de Patre diceretur. Est enim totus ille Psalmus Euangelicus, de Christo loquens, de regno, & de operatione eius adeò manifestè, vt mirum sit aliud quiduis potius non adducia Samosateno de Patre dictū. Secundus locus, quod *Deus & Pater Domini nostri Iesu Christi* appellatur, plus habet speciei, quia de Deo Patre agitur personaliter. Sed falsa est tamen argumentatio ex falsa hypothesi: *Qui Deus est & Pater Dei, is vnus propriè & solus Deus est: Est autem ille Pater Christi: Ille igitur solus Deus.* Negatur maior, vt antè demonstratum. Sed retorquetur contrà eodem modo: *Qui Deus est & Pater Dei, eius Filius est coessentialis Patri, & propriè natura Deus:* aut (si fortè seruari placet ipsa Pauli verba) Si Pater Domini nostri Iesu Christi Deus est, etiam Dominus noster Iesus Christus Deus est, vnius cum Patre atque eiusdem essentialis. Si negat Samosatenus, probat natura & Scriptura, *Pater & Filius sunt vnum essentia.* Sin figuratè hoc iubet intelligi, nos figuratum negamus esse, analogicum verò concedimus: nam quæ de Deo & rebus diuinis enunciantur, ea humano more dicuntur analogicè. Tertius locus, *Patrè esse caput Christi*, ex 1. Cor. 11. fallit elenchi ignorance. Nam de persona Christi dicuntur ista non secundum na-

ruram diuinā simpliciter, quā Filius Dei Deus æternus est,
 sed secundū illam dispensationē, qua factus est caro, & se
 in carne adunauit Ecclesiæ suæ, de cuius ordine & *Ordo*
 agitur eo in loco, pro conditione vniuscuiusque. *Famine*
caput, inquit Apostolus, *vir est: viri, Christus* *fratres*
 a Patre missus: Christi, mittens Pater. Quapropter ut
 Christus Mediator in Ecclesia se ordinat ad Patrem, ita
 vir tenetur se ordinare ad Christum, & foemina ad virum,
 suūque ordinem religiosè colere atque profiteri. Hoc
 enim Paulus antè docuerat dicens, *Imitatores mei estote,*
sicut ego Christi. Illa autem iniqua est argumentatio, quā
 ex ratione totius personæ de natura ipsius altera, aut ex
 opere voluntariæ dispensationis atque consilij de natura-
 li (quod vtrumque hîc Samosatenus facit) concluditur.
 Nam secundū naturam Filius est æqualis Patri, secun-
 dū illam verò dispensationem Filius est minor Pater,
 & Pater est caput illius. Sic sequentia pleraque omnia.
 De hoc autem Defensione 2. segmento 7. plura. Libet
 hîc corollarium ex Chrysostomo addere in hanc senten-
 tiam: Caput est coessentialiale suo corpori: Christus est ca-
 put viri: ergo coessentialis viro. Item, Pater est caput
 Christi: coessentialis igitur. 2. Negamus a Paulo
 dictum, *quod solus Pater sit super omnes*: nam exclusiua, *se-*
lus Ephes. 4. non compareret. Commune est autem trium
 personarum secundū essentiam, quod sint vnus Deus
 super omnes, &c. quod autem commune est quum de
 singulari dicitur, de communi quicquam non derogari
 antè ostendimus. Quod si ad solam personam Patris di-
 ctum restringi placuerit, nihil tamen Samosatenus effi-
 cit. Nam ita respicitur ad ordinem illum quem Deus in-
 stituit, & Filius subiit voluntaria dispensatione, secun-
 dū quam Filius caro factus inaniuit se, & Pater maior
 est Filio: cū alioqui secundū naturam illam diuinam
 suam

nam sit coessentialis & coaeternus Patri. Hic ergo iterum fallacia elenchi obtruditur, & ad eandem pertinent sequentia omnia. Facta enim voluntariae dispensationis Samofatenus accumulatur, ut naturam aeternam Filij destruat, inconsequente argumentatione. *Qui Deus est* propriè, inquit, *a nullo factus, nec constitutus, nec electus, nec praordinatus, nec sanctificatus a quoquam, nec exaltatus, nec missus, vel obediens alicui factus est, nec quemquam se maiorem habet: Christus autem factus est, constitutus, electus, &c.* Non igitur Deus. Maior vera est de Deo, quàm Deus: itaque secundum naturam diuinam vera est etiam de persona Christi. Sed alia planè ratio est secundum beneplacitum gratiae gloriose ipsius & dispensationem illam misericordiae, qua Deus homo factus est & manifestatus in carne voluntariè propter nos homines & salutem nostram, nobisque datus est Agnus Dei Deus. Nam secundum hanc rationem ille idem qui natura facit per se & propria virtute Deus, idem ergo ut Mediator homo factus est, filius Abrahami, filius Davidis, filius mulieris, & filius hominis. sic sequentia omnia. Qui itaque diuina virtute constituit, eligit, praordinat, sanctificat, exaltat, mittit, imperat, omniumque maximus est ut aeternus Deus; idem diuino consilio & dispensatione voluntaria constitutus est, electus, praordinatus, sanctificatus, exaltatus, missus, obediens factus & minor Patre, nimirum ut homo factus in tempore ad consummationem optatissimae salutis nostrae, quam istis arietibus oppugnat Satan. Verumtamen ut semel moneamus quod iam superiore segmento demonstrauimus, turpiter hic disputator fallacijs accumulatis abutitur, quum ita arguit, *Christus factus est homo, factus sapientia, iustitia, &c. igitur factus est.* Nam primum differentia sunt argumentationum genera, quae celat sophisticè, ut eo commodius irretiantur imprudentes. Pri-

ma enim illa propositio, *Christum factum esse hominem*, essentialis est: sequentes verò, accidentariae. harum verò propositionum ratio valde est differens. Deinde verò vt de prima dicamus priore loco, ambigua est loquutio illa, *Christus factus homo*: quam nos bene intellectam accipimus vt illam, *Sermo factus est caro*, *Deus est patefactus in carne*, & si qua sunt eiusmodi. Nam suppositum est æternum Christus, Sermo, Deus, quod suppositum eam nem dicitur assumpsisse in vnitatem personæ: itaque non factus est Christus, quia Sermo Dei Deus est, sed quia homo, siue (vt loquitur Scriptura) caro. Sed ambiguo illudens Samosatenus quod de Christo secundum quid, puta secundum carnem, affirmamus, accipit simpliciter quod de parte, accipit vniuersè, & ita concludit Christum vniuersè factum. Peccatum in argumentatione duplex. Præterea (vt ad alias transeamus) nec illæ veriores sunt, *Christus factus est sapientia, iustitia, &c. ergo factus est*. Mutatur enim prædicationis genus, cum antecedens rationem habeat accidentalem, consequens essentiali sit. Quis sic vnquam argumentatus est? *truncus factus est sumum, truncus ergo factus est*. Hic primum iniqua diuisio fit ἀλογίως rerum quæ simul in prædicato coniunctæ sunt ad rei vnius significationem: deinde inconsequens est argumentatio mutato prædicationis genere. Nam *factus est sapientia, &c.* quum dicitur, prædicatum est actus & relationis accidentariæ de subiecto, siue applicationis ad nos qui credimus: quum autem simpliciter, *factus est*, prædicatum est de ortu essentiali eius: quorum prius verum est, posterius a vero dissentiens & blasphemum in Filium æternum Dei. Illam itaque prædicationem, a nullo factus, æquè de Filio Dei atque de Patre veram agnoscimus, & probamus secundum illam diuinam substantiam qua Filius est cum Patre essentia vnum: nam quia

Patre

Patre est, genitus est, non factus. Secundum humanitatem verò, quam assumpsit in unitatem personæ, *Christum factum ex muliere, factum sub lege* confitemur: proinde secundum aliud & aliud eundem hominem factum (hominem dico, non humanitatem) atque non factum agnoscimus. *Factum denique sapientiam, iustitiam, &c.* secundum personam *θεῶν ἰσῶπιν*, ut Mediatorem & Redemptorem nostrum.

3. Inde ab his verbis ad finem huius loci usque perpetua fallacia est ex elenchi ignoratione, quum enunciata quæ secundum hoc dicuntur exponuntur secundum illud, & veritas personæ, officij, beneficiorumque Christi hac confusione miserè inuoluitur. Nam tria concurrunt & simul incidunt semper in contemplationem personæ Christi ex quo factus est caro, secundum quæ enunciationes singulas separatè aut coniunctim commodè accipi necesse est seruatis naturarum proprietatibus: primum deitas siue natura diuina *λόγην*, ut Sermo æternus est æterni Patris, Patri *ὁμοῦσις καὶ συνωσί-δος*: secundò humanitas siue natura humana, quam in unitatem personæ suæ assumpsit ille æternus Sermo ex virgine Maria in tempore: nam propterea respectu prioris formæ essentialis, Filius Dei, respectu verò posterioris Filij hominis appellatur: postremò autem persona Filij Dei, Filij hominis, id est, *θεῶν ἰσῶπιν*, veri Dei, veri hominis, ex duarum naturarum compage (ut ita loquamur) & adunatione constituta. Hæc autem omnia, quorum respectu res non solum differentes, sed etiam contrariæ secundum hanc aut illam naturam de persona Christi verè & sanctè prædicantur, strenuè Samosatenus confundit, quia non credit, distinctaque a nobis dissimulat, quia non vult distingui, ut imperitis vincere videatur quum viuus vidensque perit. *Hæc, inquit, omnia prædicta Christo Filio Dei ex Maria nato (non alteri) tribuit aperitè Scriptura,*

&c. *Filio Dei*, inquis, *ex Maria nato*? cur non ergo dicis, *Filio Dei*, *Filio hominis*? Quatenus enim *Filius Dei* est, non est natus ex *Maria*: quatenus item ex *Maria* natus, non est *Filius Dei*: sed quia *Filius Dei*, coessentialis est *Patri*, & cum *Patre* vnum, vnigenitus natura *Filius*, diuina hypostasis: quia *Filius hominis*, coessentialis est *matri*, vnigenitus natura *Filius virginis*, humanum enhypostaton, quippe humanitate subsistente in persona λόγῃ vnione personali: non alter *Filius Dei*, alter *hominis Filius*, sed vnus idemque *Filius Dei*, *filius hominis*, persona vna ex duabus naturis constituta. Qui licet *Deus sit & homo*, inquit *Athanasius*, non duo tamen, sed vnus est *Christus*: vnus autem non conuersione diuinitatis in carnem, sed assumptione humanitatis in Deum: vnus omnino non confusione substantia, sed vnitatem personarum. Nam sicut anima rationalis & caro vnus est homo, ita *Deus & homo vnus est Christus*. Hæc est fides catholica, hæc sanctorum Apostolorum professio: quos roganti *Christo*, quem me dicunt homines esse qui *filius sum hominis*? *Simon Petrus respondens dixit*, Tu es *Christus ille Filius Dei viuentis*; tu idem qui *filius hominis*: non duo supposita aut personarum duarum, sed vnum suppositum ex duabus naturis constans. *Christus* ergo omnia a *Patre* habet, totusque est *Patris* (vt ad *Samosatenum* verba singula veniamus) tum quia *Filius vnigenitus a Patre*, vnum esse cum *Patre* habens, vt qui *Patri* ex hoc mundo discessurus diceret, mea omnia tua sunt, & tua mea, tum qua homo ex muliere sub *Lege* factus, vt esset θεῶν ὁ μεσστής *Mediator & Redemptor noster*. Hic idem a *Patre* est factus *filius hominis ex femine dauid*, ex muliere: nimirum qui *Sermo* erat æternus ab æterno genitus secundum diuinitatem, factus in tempore, *Abrahami*, & *Dauidis*, & *Mariæ filius*, secundum humanitatē. Hic factus est a deo Dominus & *Christus* in persona

Matt. 16.

Ioan. 17.

Rom. 1.

Galat. 4.

Act. 2.

sona sua; vt qui secundum diuinitatem per dispensationem voluntariam & singularem gratiam, secundum humanitatem per gratiam vnionis omneis & singulas partes veri Domini & Christi ac Mediatoris præstitit in se-
 se vnitate personæ suæ ad redemptionem & salutem nostram. Huic *Pater dedit nomen supra omne nomen, vt adore-* Philip. 2.
mur, nimirum personæ Mediatoris & Redemptoris nostri, non huic aut illi naturæ, sed personæ toti secundum vtrâ-
 quenaturam ipsius: tum diuinam, quia æternus ille Ser-
 mo, verus Deus, æqualis Deo & Patri, seipsum inaniuerat
 forma serui accepta similis hominibus factus voluntate
 certa & dispensatione gratiæ: tum humanam, quia ha-
 bitu compertus vt homo se summisit ipse, factus obediens
 vsque ad mortem, eamque crucis in nostræ huius naturæ
 veritate, quam traditam morti atque cruciatam susten-
 tabat λόγος in vnitate personæ ad perficiendum mysteriū
 salutis nostræ. *Quapropter*, inquit Apostolus, id est, pro-
 pterea quod ille verus Deus & Filius Dei secundum natu-
 ram diuinam suam se inaniuerat forma serui accepta per
 dispensationem voluntariam, & secundum humanam
 se ipse summiserat Legi & iustitiæ Dei factus fuerat obe-
 diens vsque ad mortem: propter has igitur causas, non eò
 solum quod Patri obediens fuit ad mortem vsque crucis,
 sed tum propter inanitionem deitatis, tum propter acer-
 bissimas perpeffiones humanitatis eius, totamque obe-
 dientiam totius personæ (quæ omnia in se ite Samosate-
 nus dirimit, vt suum dogma fulciat) *Deus ipsum in sum-*
mam extulit sublimitatem, ac donauit ei nomen quod est supra
omne nomen, &c. puta & diuinitatem ab illa sui inanitio-
 ne potentissimè vindicando κατὰ φανέρωσιν, qua se ipse
 inaniuerat dispensatione voluntaria certoque consilio
 nobis salutari: & humanitatem ab infirmitate & perpef-
 sionibus illius euehendo adeò magnificè, vt præter illam

unionis gratiam (quam in diuinitate Christi personaliter obtinet humanitas supra res creatas omnes) etiam in sese omnem plenitudinem gratiæ, & veritatis & gloriæ possideat, quantam natura creata potest percipere, & quantum nulla alia præter hanc percipit: quia supra omne nomen est cœlestium, terrestrium, infernorumque, & prout ita est, sic ab omnibus contemplatione diuinæ illius naturæ, & gratiæ immensæ persona Christi adoratur. Hic

1. Cor. 2.

Ephes. 2.

factus est nobis sapientia, iustitia, pax a Deo, nimirum persona illius secundum utramque naturam, distinctis ac non confusis earum proprietatibus, secundum diuinam principaliter, secundum humanam instrumentaliter, secundum utramque regicè & admirabiliter operans. Idem est a Deo quoque datus nobis *Magister, Pastor, Seruator, Rex, & caput*, nempe ut *ἡμεῖς* secundum utramque naturam suam vnus Christus. Similiterque *in eo sunt omnes thesauri sapientia ac cognitionis absconditi, omnis que potest data est ipsi in cælo & terra*, ut *ἡμεῖς* seruatori nostro, cuius diuinitas sese inaniuerat ex dispensatione gratiæ, depressâque ex facto fuerat in humilitatem infimam humanitas propter nos homines & salutem nostram. Hæc igitur indigna turpisque fallacia est, quod res adeo Scripturis testata, & ab Orthodoxis toties recantata omittitur, sine qua nec Deus verè Pater, nec Christus verè Deus esse, nec salus nostra vnquam verè constare potest.

Colos. 2.

Matt. 28.

4. Quod autem *ea ratione, & non alia* (ut idem postea loquitur) *Dominus verè dicatur & Rex, tum Deus noster a Patre vni us, cui & omnia subiecit: quod, inquam, hac ratione & non alia Filius Dei sit Deus, &c.* id Dei veritas & catholica Ecclesia pernègar. Etsi antequàm de re ipsa dicimus, necessariò adhibenda est nobis distinctio, quâ iusta docendi ratio seruari iubet: hinc plura prædicata esse inter se differentia, ac non eadem ratione, quicquid Samosate-

bus

nus afferat, ad Christum pertinentia. Vbi autem huiusmodi congeries vocum ab imprudentibus aut malitiosis hominibus obtruditur, nihil tam necessarium quàm vt singula singillatim atq; distinctè expendantur. Quis enim tam hebes est, qui vel naturæ luce non videat, siquis Deus & Dominus & Rex & vnctus appellatur, longè aliam rationem esse ex qua Deus dicitur, quàm ea sit ex qua Dominus, Rex, vnctus, &c. Quamobrem vt res sit euidentior, ita statuimus articulatè ad commodiorem institutionem omniū: 1. Eorum quæ de Christo prædicantur alia essentialia esse, vt vocantur, alia attributa personæ. 2. Quæcunque eiusmodi sunt, aut secundum alteram eius naturam dici, aut secundum vtramque, prout sunt adunatæ inter se personaliter. 3. Ea omnia etiā quæ secundum naturam diuinam, aut secundum humanam prædicantur, de persona in communi, tamquam supposito vno atque eodem, prædicari, quamuis respectu naturarum inter se differentium. 4. Eorum quæ personæ sunt essentialia secundum naturam diuinam ipsius, hæc communia esse sanctæ & indiuisæ Trinitatis, illa hypostatica, id est, huius vnus personæ propria & characteristica, vt veteres appellarunt. 5. Eorum quæ personæ sunt essentialia secundum naturam humanam, alia esse naturalia quæ nobiscum a natura communia habuit, alia autem voluntaria cum ad commoditatem naturæ alterius, tum ad commoditatem officij decenter conuenientia. 6. Attributa ferè in Scripturis salutaris officij respectu non alia prædicari, quàm quæ ad personam secundum vtramque naturam pertinent; e quibus diuina principalis agens, humana instrumentalis est. 7. Horum attributorum alia ad causam finalem pertinere, vt quum dicitur Iesus, Seruator; alia ad officium ex dono & vocatione, vt quum appellatur Christus, Propheta, Sacerdos, Rex; alia ad

Colof. 2

actiones & perpassiones conuenientes officio ac fini propter quem est à Deo & Patre missus vt quum triumphali modo potestates traduxisse dicitur, & ipse mortem subiisse. 8. Hæc attributa omnia Filio Dei secundum naturam diuinam (cui nihil in se addi aut detrahi potest) competere per dispensationem gratiæ, qua se ipse inaniuit voluntariè, vt idem sua natura summus infimè sese ad ea omnia quæ fecit & perpassus est submitteret voluntate propria in assumpta carne, sed natura vtraque semper integra permanente, & saluis vtriusq; proprietatibus. Ex his ergo legibus variè de istis prædicationibus quas Samosatenus congerit oportet iudicari. Nam primum attributum, *Christum esse Dominum*, de persona ipsius secundum naturam vtramq; est verissimum. Secundum diuinam Dominus est ab æterno, essentiali dominatu, qui Filio cū Patre & Spiritu sancto communis est: & Dominus dispensatiuus proprio ac personali dominatu in tempore Ecclesiæ a Patre datus. Secundum humanam Dominus est, non priore illo dominatu (est enim deitatis proprius & incommunicabilis) sed posteriore, Dominus a Patre factus per gratiam vnionis (vt vocant) in vnitatem personæ, voluntaria dispensatione. Eadem planè ratione *Christum Regem*, qua Dominum, appellamus, vt Deus est, & vt *θεὸς Ἰσραήλ*. Nam alioquin, vt homo simplex, Dominus & Rex frustra appellatur, licet dominetur regnetq; vt homo; quia nunquam in se aut per se vel ad momentū subsistit humanitas, sed est semper *ἐνυπόστατος*, & subsistens in *λόγῳ*. Hæc igitur attributa, & siqua sunt eiusmodi, prout personæ Christi secundum naturam diuinam competūt, modò essentialiter sunt accipienda, communia quæ Patri & Spiritu sancti cum Filio agnoscenda: modò personaliter secundum vtramq; naturam ad Christum Seruatorem nostrū dicenda pertinere, vt personæ illius propria.

pria. Sed quòd *Deus* est & appellatur persona Christi, id longè alia ratione quàm Samosatenus dicat, in Ecclesia obtinet. Nam factus quidē est Dominus & Christus, Act. 2. at non factus Deus, quod iste tamquam ex pari analogicè videtur cōcludere. *Similium*, inquiet, *ratio similis*. Est certè: sed hæc sunt dissimilia maximè. Deus enim est natura Dominus & Christus voluntate atque instituto, si ad personale dominium respexeris: Deus est absolutè, Dominus & Christus, relatè & respectu nostri: Deus est essentialiter, Dominus & Christus accidentariè: Deus est formaliter secundum naturam diuinam suam, Dominus & Christus secundum vtramque in vnitate personæ: & tu rationem horum, Samosatene, similem dixeris? At Christus, inquires, non est natura, absolutè, essentialiter, formalitèrque Deus, sed communicatione a Patre. Respondeo, si communicatione, aut naturâ est, aut voluntate communicatio. Si communicatione naturæ Deus est, ergo Deus essentialiter, cum Patre vnum: si communicatione voluntaria gratiæ & instituto solum, non ergo propriè & & vniuocè, sed figuratè est & æquiuocè appellatur Deus. Qui enim Deus proprè dicitur, hunc essentialiter formalitèrque (vt loquuntur) oportet esse Deum. Non autem figuratè Christus appellatur Deus: propriè igitur. Quòd si propriè, ergo essentialiter est formalitèrque Deus. Tam enim verè est quod est, quàm verè est quod factus est: & tam propriè esse dicitur quod est, quàm propriè esse quod factus est. Est autè verè factus, & propriè factus esse dicitur Dominus & Christus: ergo tam verè est & propriè dicitur esse Deus, quàm verè est & propriè factus esse dicitur Dominus & Christus. Quòd enim Deus est, id naturæ est: quòd Dominus & Christus est, id facturæ est atque instituti. Quapropter illum quidem factum a Deo legimus Dominum & Christum, sed Deum factum minimè. Verè au-

tem & propriè Christum esse dicique Deum, iam suprà in locum 1. & 2. demonstrauius. Quòd si verè & propriè Christum esse diciq; Deum Samosatenus contenderit, eo quòd diuinæ gratiæ καὶ ὑπερβολῶν a Patre communicationem habuerit: primùm negatur eum verè esse & propriè dici Deum, qui non sit essentialiter quod esse dicitur: deinde negatur alium hoc esse præter Deum, cum Deus toties per Prophetas suos sit contestatus se gloriam suam non esse daturum alteri: postremò (vt cum Tertuliano ratiocinemur) si quod factus est Christus id propter nos factus est, factus est autem Deus, vt Samosateno quidem placere video, continuò factus fuisse Deus propter nos dicendus est. Finem autem quis homonefcit præstantiorem ijs rebus esse quæ finis causa fiunt, atque ad finem ordinantur? Nos igitur, auctore Samosateno, præstantiores Christo futuri sumus, siquidem Christus causa nostra factus est. Est autem hoc absurdum, falsum, impium, blasphemum consequens: ergo nec antecedens bona fide a viro bono probari potest. At, inquit, *Pater ei subiecit omnia* (seipsum tamen excipiendo) vt postremò nos regnumq; suum deuictis hostibus & morte reddat Deo & Patri, a quo accepit, vt sit ille *Deus omnia in omnibus*, 1. Cor. 15. Ex eo loco duo sunt quæ Samosatenus confirmare videtur velle: vnum, quòd Christus sit factus a Patre Deus, cum Pater ei subiecerit omnia: alterum, quòd Deus Pater solus sit essentialiter Deus. De posteriore iam modò diximus. De priore igitur videamus. Ad priorem locum si ita argumētatur Samosatenus, *Cui Pater subiecit omnia, is Deus est: Christo subiecit omnia: Christus igitur est Deus*: totum argumentum damus, & damus eum verè esse Deū ac essentialiter, neque alteri gloriam illam diuinam dari potuisse. Sin autem sic argumentatur, *Cui Pater subiecit omnia, hunc fecit Deum ipsi subijciendo omnia: Christo subiecit*

omnia,

omnia, &c. falsa est propositio maior, in Christum contumeliosa, & a natura propositionum aliena quæ necessariz appellantur. Nulla enim iusta argumentationum lege confici illud potest, vt non nisi positis actibus ponantur subiecta a quibus procedunt illi. Actionum enim alie sunt natiuæ subiecti, perpetuæ, & necessariæ, aliæ secus. Hæ autem si in persona Christi expendantur, ita dicendum est: Secundum actum natiuum, perpetuum, & necessarium, Pater gignit Filium, Deus Deum, non autem facit, aut fecit. Secundum actum non natiuum, sed voluntarium, Pater Filium aut Deum non fecit, sed Filium illum suum Deumque nostrum, hunc fecit Dominum & Christum, eique subiecit omnia. Subiectum enim & natura adiacentia ac necessaria sunt natura simul: reliqua non item. Positis enim actibus (vt rectè docent Logici) ponuntur subiecta & adiacentia a quibus illi processerunt: non autem e diuerso positis subiectis ponuntur actus quilibet, sed natiui solum ac necessarii. Atque hæc tota vis est argumenti quo Samosatenus vritur, quam vim iam supra obtudimus. Quòd si eam adhuc infractam esse putauerit, cogitare eum peruelim hac ipsa quoque argumentatione idem de Patre concludi posse quod narrat de Filio. Si enim hoc obtinuerit, positis subiectis, eorum actus quoslibet ponendos esse (quam rem expugnat naturæ, rationis, experientiæ, sensus etiam in nouitijs pueris veritas) & nobis vicissim hoc liceret dicere, quod absit: *Pater omnia subiecit Filio: ergo non antè fuit, quàm omnia ei subieceret: proinde aut ab aeterno subiecerit, aut fuerit Pater & esse coeperit in tempore*: quorum neutrum Samosatenus non ster accepturus est, si sibi constare volet. Præterea quandoquidem hîc Deum propriè accipimus, etiam negatur valere propositionem illam qua ex ortu officij de ortu subiecti vel substantiæ concluditur, cum eorum sit ratio

maximè differens: officium enim ab instituto & voluntate est, persona vel substantia a natura est, & cætera quæ antè perstrinximus. Et natura quidem semper est in subiecto, nec ab eo natura sua abesse potest: officium nec semper est (acquiritur enim, poniturque commodè) nec semper inest subiecto, sed ab eo citra corruptionem illius abesse aut adesse potest, vt in hoc ipso exemplo mox demonstrabimus. Concludimus itaque, Christum Filium Dei, Deum ab æterno esse, non factum, sed genitum: Dominum verò non genitum, sed factum respectu dispensatiui huius dominationis, propter quam in plenitudine temporum caro factus est, & est *Ἰεσὺς Χριστός* ad salutem nostram.

Alterum verò argumentum huic quasi succenturiatū Samosatenus complectitur ex verbis Pauli in hunc modum: *Qui regnum Deo ac Patri traditurus est, & subiectus futurus ei, is Deus factus est: Hoc autem facturus est Christus: ergo Deus factus est.* Maior falsa est euidentissimè: tum demum futura vera, si ita dixeris, *Qui regnum Deo Patri traditurus est & subiectus futurus ei, is Rex factus est.* Hæc, inquam, vera est propositio, si de persona Christi acceperis dictum Pauli. Sed in hac propositione ambigua sunt multa, quorum nomine conclusio euertitur: deinde plura rogata sunt, vt loquuntur vulgo, quæ ab Apostolo optimè distincta, hîc a Samosateno pessimè confunduntur. Ambigua sunt hæc: primùm quòd dispensatiuum regnum Christi cum æterno illo & diuino conturbatur: cum tamen hoc dispensatiuum sit ordinatum ad illud tamquam ad finem & complementū suum, & illud æternum sit huius dispensatiui finis. Etenim regnum dispensatiuū Christi iam peruenit ad nos: de æterno, dum in hoc dispensatiuo degimus, oramus auctore Christo, *adueniat regnum tuum.* Secundò, quòd nomen Christi dicitur æquiuocè: dicitur enim Christus propriè quidem

quidem persona illa Filij Dei, figuratè verò *διὰ συνωνυμίας* caput cum corpore, Christus cum Ecclesia sua, quem orthodoxi Patres conuenienter Scripturæ Christum mysticum appellabant. Christus autem in persona sua regnum illud dispensatione assumptum Deo & Patri traditurus est: idem verò in corpore carnis vel humanitatis suæ & Ecclesiæ suæ subiectus Deo & Patri futurus est, vt Defensio- nis 2. segmento 12. demonstraui- mus. Atque hæc duo illa rogata sunt (vt cum vulgo Logicorum loquar) quæ a Sa- mosatenis confundi antè dicebamus, regnum tradere, & subiectum esse. Nam quæ factus fuit rex Christus, in per- sona sua regnum Deo & Patri traditurus est: subiectus verò futurus est, quæ regni subditos in vnum corpus adu- nauit sibi. Huius distinctionis ipse Paulus nobis est au- ctor locupletissimus. Postquàm enim certitudinem re- surrectionis nostræ futuræ cõfirmauit resurrectione Chri- sti, velut capitis primitiarumque nostrarum, & conclu- sit dicens, *quia per hominem mors, per hominem quoque re- surrectionem mortuorum esse*: ne ad alia resurrectionis forte argumenta transcurreret non satis explicato resurrectio- nis Christi & regni eius, in quo resurrecturi sumus, myste- rio, ordinem modumque illius visum est ei contextu vno percurrere. *Vnusquisque*, inquit, *suo ordine: primitia Chri- sti resurrectionis nostræ quam credimus, postea qui sunt Christi resurgent in aduentu ipsius. Deinde erit finis*, puta dispensatiui illius regni & procurationis regiæ quam Pa- ter commisit Filio, *quum tradiderit istud regnum Deo & Pa- tri*, a quo acceperat vt seruaret electos suos. Atque hæc res non antè fiet, quàm *aboleuerit omne imperium & omnẽ potentiam & virtutem*, vt tribus versibus proximè sequen- tibus exponitur. *Postquàm verò subiecta fuerint ei omnia, debellati hostes & adunati pij, tunc & ipse Filius cum Ec- clesia* (quæ est corpus & complementum ipsius) adunatus

subijcietur ei qui subiecit ipsi omnia, id est, regia illa procreatione quam accepit a Patre deposita, ipse cum in persona sua secundum carnem, tum in persona suorum secundum corpus adscitum & mysticum ipsius, subiectus erit Patri qui omnia subiecit ipsi, regnumque illud mediatorium dispensatione diuina tradidit, *ut sit non quidem solus Pater, sed Deus omnia in omnibus*, id est, diuina illa essentia, Pater, Filius, & Spiritus sanctus simpliciter & citra vllum præterea mediationis actum *sit in omnibus* pijs ad vitam gloriamque vocatis in Christo omnia. Nā pijs & sanctis Deus est omnia, subsistentibus in Deo illa subsistentia gratiæ, qua æternum in ipso ad vitam & gloriam æternam subsistemus. Quæ cum ita sint, quis bonus non videat, obsecro, istas argumentationes nec perse consistere, nec per huiusmodi probationes falsò adductas atque expositas fulciri posse? Ex his tamen summa prædientia concludit Samosatenus in hunc modum, *hæc est Christi solius prerogativa & dignitas, &c. Et hac ratione, & non alia, Filius Dei est Deus, Dominus & Christus, Rex, Sacerdos, caput, Propheta, &c.* quæ omnia quàm sint falsa & discrepantia a vero, antehac ostendimus. Nam Christus non est factus secundum quod Deus: sed Christus Deus, qui verè & essentialiter Deus est, is factus est Dominus & Christus, rex, sacerdos, &c. quæ officia assumpsit sibi, assumptaque fidelissimè est exsequutus, & adhuc exsequitur ad salutem nostram. De posteriore conuenit: prius, quamuis iam antè probatum, hac demonstratione concludemus: *Quisquis verè Deus est, non est factus Deus: Christus autem verè Deus est: non factus igitur.* Maiorem probant essentielles omnes de Deo prædicationes: quas si quis de medio sustulerit, etiā teste natura tollit Deum. Et per conuersionem eiusdem propositionis, *Quisquis id factus est quod est essentialiter, is non verè Deus est,*

est sed factura siue creatura Dei: Christus autem verè Deus est, Filius Dei genitus, non creatus aut factus: Christus ergo id non est factus quod est essentialiter, siquidem verè Deus est. Est autem verè Deus: nam filius est Dei μονογενής, vnigenitus: & facti quidem cæteri, at non factus Christus secundum id quod Deus est: ergo est Deus essentialiter, vt pluribus antè ostendimus. Tandem concludit Samofatenus duobus absurdis, vt sanctissimam illam & catholicam doctrinam de Christo reddat odiosam. Etsi in propositione cauendus est ille scopolus, quem antè principio huius loci demonstrauimus, quum Samofatenus ait, qui Christum a seipso Deum esse credit, hunc duos Deos inducere, &c. Nam Christus secundum essentiam est a se & per se, at secundum personam a Patre est. A seipso Deus est Pater, Filius, & Spiritus sanctus, secundum esse, at secundum illud quod est subsistere, Pater a nullo subsistentiam habet, Filius non habet a seipso, id est, a nullo, sed a persona Patris tamquam principio suo habet subsistentiam suam persona Filij. Nam vna eademq; essentia tota est Patris, tota Filij & tota Spiritus sancti: est autem a nullo essentia: si ab aliquo esse dicitur, alius supra Deum Deus statuitur, & principium aliud: quod vel cogitare nefas. Sed absurda videamus. Prius est qui hoc sentit quod nos sentimus, hunc duos Deos inducere: posterius, afficere Patrem summa contumelia. Vtrumque absurdum negamus: prius, distinctè, posterius simpliciter. Ad prius enim ita respondemus: Deus aut absolute dicitur de essentia substantiæ illa quæ est ὑπερσόνος, aut relatè & determinatè de subsistentia. Secundum priorem significationem falso dicimur duos aut treis Deos inducere, qui vnā Dei essentiam constantissimè corde credimus, & ore confitemur. Secundum posteriorem, ambigè & captiose dicimur duos item Deos inducere, pro eo quod est duas substantias siue personas subsistentes.

Ioan. 10.

has profiteri in vnitatem essentiarum, prout Filius & Pater sunt essentia vnum, Scripturis contestantibus. Quia enim simulaturque nominatur Deus, continuè intelligitur essentialis illa forma deitatis quæ hypostaseon Patris, Filij, & Spiritus sancti communis est, illa autem essentialis forma est vnica, propterea malè tres Deos nominant qui tres essentias constituunt deitatis. Cum verò illa essentialis forma deitatis sit trium hypostaseon communis, etiam illius nomen de singulis hypostasibus optimè enunciat, vt commune de suis particularibus enunciari solet. Verumtamen treis illas hypostasies nobis religio est tres Deos dicere, ne videamur (quod Samosatenus criminatur falsò) treis essentias vel essentielles formas deitatis re ipsa statuere: cum illam vnicam essentiam seu essentialè deitatis formam non diuidamus re in personas siue hypostasies, sed ratione solùm ex sacra Scriptura distinguamus personas illas in vnitatem indiuisæ illius essentiarum. Tres itaque Deos minimè, sed treis hypostasies seu personas diuinas dicimus, quæ sunt Deus Pater, Deus Filius, Deus Spiritus sanctus, ratione tres personarum, essentia vnus Deus, ac non plures. Nam vox *Deus* propriè essentiam notat, quæ vna est: hypostaseon verò siue personarum singularitatem indicamus relatiuis appellationibus & notionibus illarum, quum Patrem, Filium, & Spiritum sanctum nominamus. Atqui, fortasse dixerit, *supposita, quæ vnum sunt essentia, alia ab alijs diuisa sunt, & differentibus locis capiuntur*. Respondeo, id quidem Physicè verum est, & necessariò verum in rebus corporeis: sed in formis intelligètibilibus & Metaphysicis solùm contingenter verum est; in diuinis nunquam. Itaque parentes quidem liberos extrudunt extra se, & singuli singulis locis capiuntur: sed spirituum alia est ratio, qui locum definitiuum capiunt, non ipsi capiuntur loco. Exemplum esto in dæmoniaco, de quo Marci. &

Luc.

Luc. 8. nam eius spiritus habuit totum corpus ipsius, & idem tamen miseri hominis corpus legio dæmonum legitur habuisse. Spiritus ergo suum locum *vonſor* & definitium capiunt, sed vnum eundemq; locum aut singuli, aut multi, prout contigerit. Sed cùm Deus essentia infinita sit, & in vnitae essentia solum modò ratione inter se personæ distinguantur, absurdum est diuisionem ponere vllam in ea essentia quæ & infinita est tota vbique secundum perfectionem essentia suæ simul, & sola ratione distinguui potest. Nam hæ duæ proprietates essentielles deitatis omni diuisioni aduersantur. Posterius absurdum, *Patrem a nobis affici contumelia*, verè absurdum est & absurdè obijcitur. Nam Patrem is demum afficit contumelia qui perfectam sui imaginem ab eo genitam fuisse negat: hoc autem Samosatreniani faciunt, vt perspicuè Defensionis 2. segmento 6. docuimus. Nos autem, qui perfectam imaginem sui a Patre expressam fuisse agnoscimus, non contumeliosè de Deo loquimur, sed honorificentissimè glorificamus Patrem & Filium, credentes verbo Christi, qui discipulos suos hoc docuit, dicens, *qui vidit me, vidit Patrem*. Atq; hæc ad prioris Samosatreni verba. Ioan. 14.
M. S. Posterior verò, quia his dictis non ita faciliè fidem sensit haberi posse, dedit operam argutijs quibusdam præterea, his Grammaticis, illis Theologicis. Primum enim vt vitam sternat doctrina suæ, inuestigat Hebraicam, & Græcam *Dei* appellationem: nec tamen admodum feliciter. Nomen Dei apud Hebræos negat esse nomen substantiaæ aut personæ proprium, sed auctoritatis, &c. De hoc nomine diximus aliquoties. Sed (ne actum agamus) quid ais, Samosatrene? vtrum Dei nomen proprium, an figuratum est? Cerrè figuratum non est, proprium igitur. Dices, proprium a te non figurato opponi, sed appellatio nomini. Atqui negas nomen esse substantiaæ aut personæ:

nomina autem: quæ de substantijs dicuntur, nisi sint primæ substantiæ, etiã appellatiua Grammaticis dicta sunt. Tu proprietatis assertor loqueris improprie. Id fortasse tibi voluisti, non notari proprie simplicitérque substantiam Dei, vt sit illo Hebræo Iehoua. Hic verò duotribus mentem venire oportuit: vnũ, proprie notari subiectum de quo agitur humano sermone, non solũ nomine essentiali aut etiã caracteristico & indiuiduali ipsius, verum etiam nomine (vt Scholastici vocant) connotante, id est, quo directè aliquid aliud spectatur, sed subiectum per consequentiam propriam & necessariam intelligitur alterum, quæcunque attributa in Scripturis exstant Deum connotantia, ea vniucè ad Deum pertinere, ad homines æquiucè: proinde iudicem, sufficientem, fortem, &c. Deum appellari non καὶ ἐξ ἑαυτοῦ (si proprie loquamur) quia ἐξ ἑαυτοῦ est rerum congenerum quas vocant homogeneas; sed simpliciter, quia est, & ita vt dicitur est, ceteris se ab eo habent tamquam principio per communicationem. Esto igitur: sit nomē auctoritatis, dignitatis, ac beneficentia, vt tu vis: at de Deo tamen enunciatu vniucè: itaque si substantiam non notat, connotat tamen, & quidem proprie connotat; quod est ad rem præsentem satis. Subtilius vocem Θεὸς exquirat, & prouerbia adfert. Commēta hæc expugnare possem. Sed Grammatici viderint: nam ista pedibus per me trahantur licet. Quod in diuinis literis Dei nomine significari dicit, per eandem connotationem est quam modò diximus: sic mihi liceat cum vulgo Scholasticorum loqui. Summa: sic argumentatur hoc loco Samofatenus: *Nomen Dei non notat essentiam subiecti de quo prædicatur: Christus subiectum est de quo nomen Dei prædicatur: ergo non notat essentiam Christi, puta diuinam esse eo quòd appellatur Deus.* Respōdetur ad maiorem distinctione, in rebus creatis verum esse quòd non notat

tur subiectum, quia transfertur per abusionem quamdā hoc nomen a subiecto suo, de quo vniuocē prædicatur, ad subiectum toto genere differens, & transfertur æquiuocē: at in diuinis aliter se habet, quia vniuoca est de Deo huius nominis prædicatio. Quapropter hoc modo arguimus, *Nomen conotans vniuocē notat essentiam rei, Nomen Dei connotat vniuocē: Igitur essentiam notat in diuinis rebus.* De Christo si neget Samosarenus diuino modo accipi oportere, ne longius abeamus, ex Ioanne & hoc ipso loco confirmatur. Nam *iniquum est vnum nomen eodem in loco variè accipi, nisi cogat prædicationis modus: In hac autem sententia, Sermo erat apud Deum, & Sermo erat Deus, idem nomen bis prædicatur, nec varietatem cogit prædicationis modus: Eodem igitur modo accipiendum: ac proinde vt de Deo, sic de Ser-mone Dei essentiam diuinam connotat.* Hic adfert Angelorum, principum, & Moysis exempla, probaturus essentiam minimè notari Dei appellatione. Sed quid hoc ad rem? nam vt prædicatis inest subiecti sui modificatio, sic etiam subiecta modum ostendunt prædicationum. Hæc subiecta sunt creata: ergo prædicationes dexterè intelligendæ pro ratione ipsorum. At Christus aliud subiectum est: quapropter nihil ad ipsum illa prædicati, quo de agitur, modificatio: vt ex Ireneo & Chrysostomo segmento 2. ostendimus. Negat Christum aliud subiectum esse, quum dicit, *asserere ipsum ita Deum esse vt habeatur pro illo summo altissimòq, omnium auctore, extrema est impietas.* At nos in eo collocamus pietatis arcem, & ibidem a Ioanne ipso collocari modò comprobauimus. Vt autem dictum suum pietati aduersum probet, duo colligit testimoniorum genera e Scripturis sacris: vnum, de Deo Patre: de Filio, alterum. Ex priorè testimoniorum genere sic argumentatur: *Solus Pater inuisibilis ac omnipotens Iehoua in Scripturis esse dicitur ille summus & altissimus auctor omnium: Fi-*

lius ergo non est ille summus & altissimus omnium auctor. De hac argumentatione diximus antè satis Defensione 2. In summa, Antecedens huius enthymematis ambiguum est: & ita quod de vno sensu in antecedente potest affirmari sanctè, diuerso sensu in consequente concluditur. Quamobrem antecedens distinguimus: negamus consequens. Antecedentis duo sunt æquiuoca. Primum enim Deus appellatur Pater aut essentialiter (est autè Deus essentia vnus, Pater, Filius, & Spiritus sanctus) respectu creaturarum, aut personaliter respectu Filij & relationis inter illius quæ est inter Patrem & Filium. Priore modo interpretationis antecedens agnoscimus: posteriore minime. Ad hunc autem consequens respicit. Secundò nomen *solus* aut est categorematicum, simpliciter notans subiecti solitudinem, velut carentis altero eadem natura aut conditione prædito; aut est syncategorematicum, respectu alicuius dictum. Si Pater solus dicitur categorematicè, propositio falsa: nam neque persona Patris est sola, neque essentia Dei sola, in quo viuimus, mouemur, & sumus. Sin autè solus appellatur syncategorematicè, aut statuitur solitudo in forma subiecti; aut in ratione prædicati. In subiecto: quemadmodum Augustinus dicit, *Solum Patrem dicimus, non quia separatur a Filio, vel Spiritu sancto, sed hoc dicentes significamus, quòd illi simul cum eo non sunt Pater.* Atque hoc sensu de Patre & alijs verum, (vt in sequentibus etiam interpretationum modis) hoc dictum est sed falsum hypostaticè. In ratione prædicati aut excludit alium, aut aliud. Si alium personaliter, idem falsum: si aliud, verissimum. nam quid adzquaretur Deo, aut consociaretur illi? Ex ambiguo nihil cõcluditur: quid falso facias? nam ex consequente argumentationis tuæ facilè deprehendimus quid tibi isto antecedente velis, quum Christum opponis Patri. Hac mète vtrumque falsum.

Lib. 6. de
Trinit.
cap. 7.

sum. Confirmatur sententiam suam duos locos e Scripturis adfert, vtrumque incommode: nam eadem æquiuocatione & ambiguitate conatur fallere. Sed de ijs iam diximus Defensionis 2. segmento 3. & 4. & 10. & alijs præterea locis. Inconsequens & falsa argumentatio.

His dictis, transiturus Samosatenus ad alterū testimoniorum genus de persona Christi, occupatione vitur: *non negare se quin Christus sit Deus, sed Deum esse inferiorem Patri, superiorem alijs omnibus qui dicuntur dii.* Quod totum subptincipium huius segmenti antè cōfutatiuimus. Nam si Christum fatetur Deū, aut propriè dicatur necesse est, aut figuratè Deus: non autem figuratè, vt essentia, potentia, officijs, operationibus, effectis eius & testimonijs Scripturæ centies demonstratum: propriè igitur. Tum quod inferiorem dicit Patri, quā Christus Deus est, fallit elonchi ignorance: nam quā Deus est essentialiter, & secundum naturam diuinam suam, æqualis est Patri: quā autem Mediator caro factus consilio suo, & secundum dispensationem voluntatis suæ, est inferior Patri. Nam qui Deus est natura, inaniuit sese voluntate gratiæ. Ingrati autem est animi, si eius naturam qui se abiecit tua causa, eo ipso nomine quod abiecit sese, oppugnaveris. Sic *αὐτὸς τὸ θεῖον ἀπολυύει*, quod vulgo dici solet. Quamobrem vtut sequentibus verbis euehat Christum, nihil agit. Vt si quis hominem iugulet, ornet imaginem, sic Christo Samosatenus facit: naturalia destruit, prædicat accidētia & adiuncta eius. Atqui natura destructa, Samosatene, id nunquam effeceris, vt verè diuina de Christo prædicentur: nam quæ verè & essentialiter diuina sunt, ea sunt incommunicabilia: nec magis fieri potest vt creatura essentialiter res verè diuinas habeat, quàm vt creatura sit Deus. Res verè diuinæ sunt deitatis propriæ totius, solius, & semper, secundum perfectionem essentiae eius. Has si

Christus habet, (vt habet) verè Deus est secundum perfectionem essentiae illius: si non est Deus secundum perfectionem essentiae illius, nec res illas verè diuinas habet, vt cunque hominem amplissima oratione extuleris. Testimoniorum de Christo summa est, *ea pradicari in Scripturis de Christo quae Deo essentiali non possunt competere*: ex quibus concluditur *Christum ergo non esse Deum essentialiter naturae, sed accidentarie per communicationem gratiae*. Negatur omnium consequentia: quia antecedens & consequens secundum aliud & aliud dicta sunt. Nam quaedam praedicantur de Christo, quae Deus essentialiter, atque haec diuina sunt: quaedam praedicantur de eodem, quae secundum *ἰσχυρως*, Deus & homo in vnitae personae: atque haec mediatoria sunt: quaedam verò quae homo similis factus fratribus suis, excepto peccato: atque haec humana. Quemadmodum autem primus ille distinctionum gradus in persona Christi sequentes & inferiores non abolet: sic etiam non aboletur sequentibus & inferioribus his, quos modò ostendimus. Concurrunt, non concertant: constituunt vnum opus suppositi vnius, non autem suppositum aut partes illius destruunt: quod Samolatenus hoc testimoniorum genere conatur agere. Nam vtrique naturae Christi, velut differentibus subiectis, sua sunt adiacentia & actus necessarij: similiterque personae, velut supposito ex duabus illis naturis constanti. Hi autem actus & adiacentia distincta permanent, nec magis confundi possunt quam ipsae naturae ad constitutionem personae vnius adunatae. Itaque a parte vna de altera nihil concluditur, aut contra alteram: nec a natura vna de altera, aut contra alteram in hoc argumento. Demonstratur illud hominis exemplo ex corpore & anima constituti. Nam si quis aut corporis attributa de anima enuncianerit, aut ex attributis corporis de anima itidem

argu-

argumentetur, quis ineptientem ferat? Idem facit Samosatenus de persona Christi loquens, & applaudit sibi. Belle sanè. At quis hoc argumentationis modo tandem non vincat hominem nihil nisi corporeum esse, ac proinde Samosatenum ipsum nihil nisi brutam pecudē censerio oportere? Quem hominem non pudeat istius infantie, simul atque in se ipse respexerit? Sed ad locos singulos veniamus.

Primus locus est Heb. 1. & 3. vbi *Christus cum Angelis, cum Mose comparatur, & illis antepositur*. Rectè: sed antepositur, mi homo, non solum propter dona gratiæ accepta in tempore, verum etiam, id quæ in primis, propter veritatem naturæ diuinæ, & deitatem personæ: quod Apostolus utroque loco clamat potentissimè. Etenim capite 1. versu 1. appellatur *Filius*: versu 2. *per eum Deus mundum condidisse*: versu 3. esse dicitur *effulgentia gloria & character persona illius, sustinens omnia virtute verbi sui*: versu 6. *iubentur Angeli adorare illum*, quod soli Deo deberi Christus ipse ex Mose docuit Matth. 4. tum versu 8. de Filio dicit Psaltes, *Solum tuum, o Deus, in seculum seculorum*: & alia quàm plurima, quæ breuitatis causa omittimus. Est igitur antepōendus Angelis, Mose, creaturis omnibus, non solum propter communicatam gratiæ plenitudinem, sed etiam propter naturæ illius diuinæ, quam ex Scripturis in Christo nouimus atque colimus, veritatem: non solum propter dona, vocationem, officia, beneficia, operationes, effectūque diuina illius, sed etiam propter naturam diuinam ipsius, quæ sola natura est subiectum in se per se capax istarum operationū; in carne verò sua, velut instrumento coniuncto, operans.

Secundus locus est Ioan. 3. *huic non admittitur Deus spiritum, itaque de plenitudine eius omnes acceperunt*. Ioan. 1. Tertius, *omnia dedit ei in manum Pater*, Ioan. 3. Quartus, *data est illi omnis potestas in cælo & in terra*, Matth. 28.

*Summa, Deus dedit illi spiritum sine mensura, omnia, potestatem omnem: ergo & Deum esse hac donans dedit. Negatur consequens: nam Deum esse propriè & essentialiter, naturæ est: illis donis donari, est communicatæ gratiæ. Patrem autem dedisse illa dona Filio in Scripturis legimus: dedisse ut Deus sit, nusquam legimus. Ex illis autem adiacentibus quæ in tempore data sunt Christo non secundum naturam diuinam, sed humanam ipsius in persona Mediatoris nostri, ineptè concluditur de natura diuina eius, ut antè ostendimus. Secundum naturam diuinam, ut natura est, Christus nihil horum accepit simpliciter; sed tantum secundum personam, quæ diuinitas secundum dispositionem gratiæ inaniuit sese assumpta humanitate in unitatem personæ. Sic variè peccatur in ista argumentatione. Nam primum quod dicitur de Christo secundum quid, affirmatur de eo simpliciter secundum se: sic enim se habent inter se dispensatio & natura. Tum a qualitate ad substantiam non valet argumentatio, mutato prædicationis genere. Præterea Dei nomen sumitur æqui-uocè: quia essentiam notat, ut antè diximus, hæc autem de qualitatibus enunciat: quod in rebus creatis fertur secundum quamdam imaginem, in diuinis ferri nullo pacto potest. Postremò etiam si daremus loquutionem istam, *Deum Patrem dedisse Filio ut sit Deus* (etenim dari potest, & sanctè prædicari) tamen æqui-uoca loquutio futura est: nam dedit Pater illi Deum esse, quæ Filius est, id autem est, generatione naturæ, & filiatione, ut loquuntur vulgo: dedit verò omnia, spiritum, omnem potestatem, ex horum locorum qui adducuntur sententia, per dispensationem voluntatis inanito Filio, communicatione gratiæ. Sed de his antè Defensionis 2. segmento 12. & alijs aliquot locis. Quintus locus est Philipp. 2. de exaltatione Christi, & sine exaltationis illius. Sic enim argumen-*

argumentatur: qui exaltatur, & exaltatur ad gloriam Altissimi, idem non est altissimus: Christus exaltatur, idq; ad gloriam altissimi: Non igitur Altissimus. Maior vera est, si idem ad idem ratione eiusdem dicitur de eodem Christo. In hac autem argumentatione idem de eodem dicitur: sed nec ad idem, nec ratione eiusdem dicitur. Non ad idem: nam alia est altitudo naturæ diuinæ, qua Christus est altissimus, alia exaltatio personæ, qua *Ἰεσὺς Χριστός* Sermo propter nos caro factus per dispensationem gratiæ supra res omnes creatas secundum naturam humanam euectus est. Nec ratione eiusdem: quandoquidem Christus, ut Deus simpliciter, non exaltatur, cum sit natura altissimus: sed exaltatur, ut Mediator & sponsor factus pro nobis dispensatione voluntatis suæ, in persona sua, secundum naturam diuinam *φανερῶς*, vel manifestatione, secundum nostram reip̄a & veritate. Minorem itaque si de Christo secundum naturam illam enunciauero simpliciter, falsa est propositio: si de persona quatenus inaniuit se & homo factus seipsum subiecit, &c. verissima. Sed ab hac constitutione personæ & inanitione naturæ argumentari contra naturæ veritatem, inscitum atque indignum est. Nam qui natura est altissimus, idem est abiectus dispensatione gratiæ: qui natura est finis omnium, ad cuius gloriam contendunt omnia, idem quasi natura cedens per dispensationem voluntatis suæ gratiosæ se adiunxit nobis, ut ad finem illum contenderet, nosque secum in vno corpore perduceret. O homines miseros, qui modum salutis suæ oblatum in humilitate carnis Christi abripiunt vltro, ut oppugnent euerstantque amplitudinem maiestatis eius. Christus enim, quæ Deus, finis est ad quem omnia contendunt, sed communiter cum Patre & Spiritu sancto in vnitæte essentiæ; quæ homo verò factus, instaurator est & dux omnium ad

finem: quā Deus, altissimus: quā Deus homo factus, trahens omnes post se & exaltaturus in æternum ad finem fidei nostræ, puta salutem animarum nostrarum in gloria. Hoc omnis lingua pia iam confitetur, & sancta illic confessura est, noscens personam illius *Ἰαννῶν*, & agnoscens beneficium. An ergo, Samosatene, salua his modis gloria altissimo illi Deo Patri omnium auctori futura est, si Filio eius naturam, quā idem est cum Patre, sustuleris? Hoccine de Filio verum, aut Patri gloriosum, si Filium dicatur *ὁμοῖόν*, ac potius *ἐπερόσθιν* genuisse? si Pater dicatur non misisse eum de cœlo? si ipse non venisse in carne, & inaniuisse in ea sese? si non perfecisse redemptionem nostram dispensatione gratiæ, sed naturæ lege? si deniq; res diuinas & operationes miraculosissimas, quas solus Deus potest facere, sine forma essentiali Dei & perfectione deitatis perfecisse? Quin potius gloriosum est Patri, quod Filium gignat *ὁμοῖόν*: gloriosum, quod misit vnigenitum e cœlo ad institutionem nostram: gloriosum, quod corpus aptauit ei ad communionem nostrā: gloriosum, quod disposuit inanitionem illius ad complementum nostrum: gloriosum, quod perfecit redemptionem in Filio ad salutem nostram: gloriosum denique, quod dispensauerit per eum miracula sua virtute essentiali deitatis eius. Quod autem Patri, idem etiam Filio est gloriæ secundum vnitatem essentiæ diuinæ, & veritatem personæ. Hæc non ludicra cauillatio est, sed seria sanctæque gratiæ erga nos æternæ prædicatio, quum naturarum duarum integrarum vnionem inter se agnoscimus: quam qui dissoluit, personam dissoluit, & salutem perdit in ea persona constitutam, & a Deo Patre in Christo exhibitam gratiosissimè. Sextus locus est Col. 1. de quo Defensionis 2. segmento 6. diximus. Nasturtium, Samosatene, a te edi oportuit, quum ista scriberes. Quid enim?

enim? an nondum vides ex ipsa verborum serie Paulum ostendere amplitudinem tum personæ Filij (quem dilectionis Filium appellauit) tum beneficiorum eius & redemptionis nostræ grauissima descriptione proprietatum eius, quæ nemini homini possunt competere? Primum enim proprietates personæ Filij, quas in se habet, explicat duabus comparationibus: vna relationis internæ, quod *imago est Dei inuisibilis*, perfecta inquam imago & essentialis Patris, vt Defensione 2. fuit demonstratum: altera relationis externæ, quod *primogenitus est omnis creatura*, abs quo in omnes fratres deriuatur omnis benedictio & sanctificatio, vt Hebr. 2. dicitur. Deinde verò vtriusque partis enarratio ordine contextitur & cōfirmatio ab operibus seu effectis illius: prout in rebus diuinis ab effectis ad causam mentes nostras opus est assurgere. Imaginem esse Dei inuisibilis, ab opere creationis, gubernationis, & sustentationis confirmatur, his verbis: *Nam per eum condita sunt omnia quæ in cælis sunt & quæ in terra, visibilia & inuisibilia, siue throni, siue dominia, siue imperia, siue potestates, omnia per eum & respectu eius sunt condita*: hæc tenus creationis opus. Sequitur gubernationis & sustentationis, *est, quæ ipse ante omnia, & omnia per eum consistunt*. Per quem hæc facta sunt, is necessario perfecta & essentialis est imago Dei Patris: Per Christum hæc facta sunt: est igitur imago Patris. Pōst autem primogenitum esse omnis creaturæ Christum demonstratur simili analogico, quum dicitur *esse idem caput corporis Ecclesiæ*: & huius similitudinis analogia ostenditur a modo & sine ipsius. Modo: nam *est principium* auctor Ecclesiæ suæ, & *primogenitus ex mortuis*, eos principaliter a morte vindicans & vindicatos seruans. Fine autem: *vt inter omnes teneat primas*. Vtrum quæ asseritur de Christo, natura diuina, & operatio in carne, naturæ illi diuinæ respondens (vt loquuntur) pro-

portionālitér. Nam proportionem essentia aut natura agentis sequitur operatio: huius operationes diuinae sunt: ergo & natura est, quum operationum illarum potestatem habeat in se, & actus efficiat per se. Quo itaque argumento vtitur Paulus Apostolus ad demonstrandam deitatem personae Christi, eo tu, Paule Samosatene, ad oppugnationem eiusdem abutaris? At, inquit ille, falsa est hæc interpretatio. Nam si ita esset, hæc propria Christi dicenda essent: non sunt autem propria Christi, vt Apostolus ibidem exponit dicens, *Quoniam placuit Patri et omnis plenitudo in eo inhabitaret*: falsa igitur interpretatio. Minorem negamus: nam proprium est personae Christi, ac non cuiusquam alterius, omnem plenitudinem habere in se ad præstandum Mediatoris officium: de hac autem plenitudine agit disertè Paulus, & confirmant plene sequentia, *& pace per sanguinem eius facta, per eum reconciliare omnia sibi, &c.* Sed non habet a se hanc plenitudinem, fortasse dixerit: non igitur propria ipsius. Ambiguum antecedens, & falsum consequens. Plenitudinem non solum hanc, sed infinitam diuinamque secundum essentiam habet Christus a se, quia Deus: sed quia inanimatus & factus caro, accepit & habet a Patre secundum dispensationem gratiae & beneplacitum diuinæ voluntatis. Cōsequens igitur re ipsa & argumento falsum. Re: nā quod secundum essentiam deitatis habet Christus a se, id secundum dispensationem accepit a Patre, quantum ad mediationem opus. Argumento: nam falsum est axioma illud Samosatenicum, *quod quis a se non habet, id non esse proprium illius*: si vocem istam, *a se*, de principio & ortu acceperis. Nam ego principium & ortum quidem habeo a patre meo: sed meum esse mihi tam est proprium quàm suum fuit parenti meo. Aliud est de ortu & generatione re iynius agere, aliud de cōstitutione & esse illius.

Quod

Quòd si aliud sibi Samosatenus voluit, quid toties æquiuocationibus tentat illudere? Hoc autem sensisse demonstrat loci, quo sermonem suum probare instituit, auctoritas. Falsa igitur, futiiaque omnia. Septimus locus est Hebr. 1. de quo Defensione 2. diximus, segmento 6.

Octauus locus est Apocal. 3. vbi de Agno agitur, id est, Mediatore nostro, qui secundum carnem assumptam in persona sua accepit a Deo & Patre ista omnia ex dispensatione gratiæ. Duplex error (paucis dicam) hoc pacto committitur: vnus, quòd sermo de persona Filij Dei secundum humanitatem dictus ad naturam superiorem in seipsum aut malitiosè rapitur abolendam: alter, quòd res dispensatione gesta in tempore itidè occupatur ad euerendam æternam illam naturæ diuinæ in persona Christi veritatem. Elenchus fallacissimus, & frequentissimus in isto scriptorum genere.

Nonus locus Ioan. 10. arx inuicta Samosateni est. *Christus*, inquit, *non aliam deitatis filiationis que rationem sibi tribuit, quam que a Deo sibi, vt homini, per sanctificationem concessa est: Est igitur Deus ratione duntaxat sanctificationis illius.* Antecedens falsum. Nam Christus quidem instituit secum aliorum hominum cōparationem, vt homo, quia hoc argumentū Iudæi vsurpauerant dicentes, *quia tu, homo cum sis, facis te ipsum Deum*: sed instituta minoris comparatione, ostendit responsione sua se non hominem solū agnosci, sed Deum etiam in unitate personæ oportere: quæ duo Samosatenus iniquè diuidit, quamuis a Christo coniuncta. Nam de persona sua Christus secundum naturam humanam (quam obiecerant Iudæi) dicit, *quem Pater sanctificauit*: at secundum illam diuinam dicit, *quem Pater misit in mundum*: respiciens ad gratiosam missionem illam, qua Christus ex beneplacito Patris factus est caro, quia natura est secundum essentiam æternus Deus, secundum personæ sub-

sistentiam Filius Patri ὁμοῦσι, in tempore caro factus. Proinde viroque nomine demonstrat homines secum nullo iure comparari posse, neque naturæ, neque gratiæ donorumque respectu: quemadmodum post argumentatione confirmavit. Nam & verbo ipsius, & operationibus credi oportere: operationibus, inquam, velut signis per quæ credatur verbo: verbo autem, vt personæ & naturæ latentis indici, secundum quam est in Patre & Pater in ipso vnitate essentiæ καὶ ἐν ἄλλῃ λον περιχώρησιν, vt vocabant Patres: hanc deitatem personæ cum maiestate operum, tum veritate verbi hominibus sic esse expositam, vt nemo dubitare debeat de Filio, quin sit natura Filius vni-
genitus; & de Patre, quin sit naturalis ipsius Pater. Sicer-
go multis modis Samosatenus fallitur, & arci confidit
ὁ αλώτω. Primùm membra diuidit coniunctissima, *quem
Pater sanctificauit & misit in mundum.* Secundò compa-
rationis vim & veritatem tollit: quia fit comparationon
solùm sanctificationis secundum magis & minus, sed
etiam naturæ personarum ex Iudæorum hypothesi,
cùm alioqui nec persona Christi cum nostra merito,
nec natura eius diuina cum humana debeat comparari.
Tertiò *Patrem*, qui Pater natura est Filij, & essentialis Pa-
ter, opere solùm gratiæ Patrem esse intelligit. Quartò
operum diuinorum deitatem eius testificantium argu-
mentum oscitanter omittit. Postremò non credit ver-
bo, sed ea oppugnat quæ Christus dicit, nec vsquam alibi
nisi de deitate personæ vnus cum altera & vnitate essen-
tiæ leguntur dicta, *Pater est in me, & ego in eo.* Ista verò au-
ctoritas (liceat iam vti Samosateni verbis) tam perspi-
cua ac clara est, vt si quis illam cum Samosateno cauilla-
ri contēdat, plusquam peruicacissimum se prodat. Nam
ex parte mutilatur, & corrumpitur verborum sensus ex
parte, vt ista obtineat interpretatio, quæ post Moysen, Aa-
ronis,

ronis, Principum exemplo impiè statuitur ad labefactandam veritatem personæ Christi.

Decimus locus est Act. 2. *Deus hunc fecit Dominum & Christum: fecit ergo Deum.* Negatur conlequens, vt paulo antè. Nam fallacia est conlequentis: & mutatur prædicationis genus ab attributis & adiunctis de substantia concludendo, præsertim non natiuis & necessarijs, vt vocant Logici. Eiusdem generis sunt quæ sequuntur, quòd Pater locis innumeris vocetur Deus Domini nostri Iesu Christi. Fallit enim Samosatenus elenchi ignoratione. Pater enim Deus est Christi, non secundum naturam illam æternam qua Filius est coætærnus & æqualis Patri (etsi ratione principij aliquo modo, sed tamen duriter, appellari posset) sed tum secundum dispensationem illam qua Filius se inaniuit ad opus Mediationis & redemptionis nostræ, tum secundum naturam humanam ipsius, tum secundum corpus mysticum assumptum, id est, Ecclesiam, quam ipse sibi suo sanguine comparauit. Illi ergo *κόμῃ* Samosatени omnino nihil ad rem, quum ex verbis Pauli & Christi ipsius se somniat triumphare. Hæc si faciunt Samosateni inscienter, discant: sin verò scienter prudenter, respiscant velim: quam ad rem oro mentem det illis Dominus, vt credant veritati. Sic duorum aliorum locorum habetur interpretatio. Quod itaq; argutatur *Christum sedentem ad dexterā Patris gubernare Ecclesiam, vt vicarium, non vt principalem Dominum*, falsissimum est ex eadem elenchi ignoratione proficiscens, vt Defensione 2. docuimus. Nam Christus, quā Deus cum Patre & Spiritu sancto in vnitæte essentiæ, gubernat vt principalis Dominus communiter cum Patre & Spiritu sancto æterna communis essentiæ naturæque diuinæ veritate: quā Mediator & homo factus, gubernat vt vicarius dispensatione singulari atque voluntate: quæ duo nullo modo inter se pugnare

iam sæpe demonstrauiamus. Contra hanc veritatem nihil, Samosatene, potes: quin finis vt possit apud te omnia veritas? Decimus tertius locus est 1. Cor. 15. de quo tum Definitionis 2. segmento 12. tum hoc ipso segmento ad prioris scripti Samosatениci verba diximus satis, iudicio nostro, & ex Dei veritate, vt confido in Domino. Decimus quartus locus est non vno, sed pluribus locis comprehensus, *Christum semper in omnibus suis verbis ac factis omnem laudem & honorem Patri Deo suo* (sic enim maauit Samosatennis captiosè loqui, quàm cum Scripturis dicere Deo Patri suo) *detulisse*. Primum falsa est propositio: nam etiam sibi Christus honorem vindicat, & eundem cum Patre: quemadmodum ipse dicit, *omne iudicium dedit Filio: vt omnes honorent Filium, prout honorant Patrem: qui non honorat Filium, non honorat Patrem qui misit ipsum*: & similia multa. Secundò, etiam quatenus hæc propositio vera est, fallit tamen Samosatenus, quum ex particulari statuit tolli communis rationem posse: nam secundum deitatem, honor vnus idemque communis est Patri, Filio, & Spiritui sancto; qui honor quum de vna aliqua persona prædicatur, non deminuitur de ratione communis quicquam. Ex particulari autem ad commune affirmatiuæ propositiones duci possunt, negatiuæ nunquam. Tertiò, vt veram demus de cætero propositionem esse, laborat tamen ex elenchi ignorance. Nam aliter Christus loquitur, vt Deus simpliciter in æqualitate naturæ, aliter verò vt Mediator & homo factus, secundum dispensationem officio, secundum humanitatem natura minor & inferior Patre. Quid istis miseris, infirmis, fallacibus argumentis & probationibus facias?

His positis, Samosatenus cōcludit tādē aphorismis duobus sermonem suum. Eorum prior huiusmodi est: *Omnes prerogatiua ac excellentia, quæ in Scripturis Christo attribui*

attribui leguntur, non uti Deo illi summo omnium auctori, sed uti Mediatori nobis a Deo constituto attribuenda sunt. Hunc bellum aphorismum negamus constantissimè. Tollatur vniuersale signum: nos idem affirmabimus. Nam (vt antè diximus) eorum quæ in Scripturis de Christo prædicantur, alia prædicantur de persona eius secundum naturam diuinam solùm, alia secundum humanam solùm, alia denique secundum vtramque simul, vel secundum rotum (vt loquuntur) personæ. Dicendum ergo Samosateno fuerat, non omnes, sed quædam, indefinita voce. Sic verum fuisset dicturus: quod secus dixit, præstare non potest, qui nihil contra veritatem potest. Nam secundum deitatem ante Ioannem Ioan. 1. fuit: secundum humanitatem post Ioannem venit: secundum vtramque naturam Mediator noster est, Agnus ille Dei qui tollit peccata mundi; quæ Deus per se ac principaliter; quæ homo, in se ac instrumentaliter. Alia quàm plurima proferre possem: sed hæc satis hoc tempore, vt omnes intelligant, siqui aphorismum istum mordicus teneant, eos plurimum erraturos: qui mediam viam hanc tenuerint, hos certa Scripturæ vestigia veritatisque diuinæ sequuturos.

Posterior aphorismus est, quando Christus a Patre huiusmodi potestatem, gloriam, maiestatemque acceperit, Petrum exponere epist. 2. cap. 1. nempe quando vocem illam pronunciauit in monte sancto, &c. Falsus, & fallens aphorismus. Omnino certè falsus est: nam & antè, & post accepit, & eo tempore vt Mediator est Dei & hominum, homo Christus Iesus. Antè accepit, per gratiam vnionis, re ipsa: quapropter diu ante illud tempus dicebat Christus, omnia tradita sunt mihi a Patre meo: item, Pater diligit Matth. 11. Filium, & omnia dedit ei in manum. Post accepit manifestatione & exsequutione illius, vt dicit Apostolus eum de Rom. 1. claratum fuisse Filium Dei in potentia secundum Spiritum san-

Et ita per resurrectionem ex mortuis. Res enim tum dicuntur fieri, quum manifestantur, ut orthodoxi Patres optimè docuerunt. Illa autem declaratio quæ in monte sancto tribus Apostolis spectantibus facta est, particularis fuit manifestatio, huius communis manifestationis *παρὰ συνδρασιν*, ut verba Christi commonstrant manifesti-
 tum,
 ratione
 declar
 postqu
 sem r

Matt. 17. *Nemini dixeritis quod vidistis, usque quò Filium hominis a mortuis resurrexerit.* Falsus igitur aphorismus. Quid verò, quòd fallit ex clenchi ignoratione? None-
 na, v
 plus
 runt
 nis fa
 conit
 listæ
 cum

Ioan. 17. *Secundum illam Christus dicebat Patri, gloriam habui apud te prius quàm mundus esset: secundum hanc verò dicebat ibidem, Pater, glorifica Filium tuum, ut & te Filius tuum glorificet.* Habes igitur qua ratione Christus æternum sit gloriosus gloria essentiali & cōmuni Patris & sancti Spiritus, ut Deus: & qua ratione idem sit gloriosus factus, ut Deus in carne patefactus, Mediator noster: quam distinctionem certissimam iam olim Samosatenus, Photinus, Arius, & alij summo opere cupiuerunt obscurare. Sed gratiæ agendæ sunt Deo auctori atque vindici veritatis suæ.

SAMOSATENVS.

6.

MS. Hoc erat in principio apud Deum.

REPETIT, *Verbum hoc quod erat Deus, id est, Iesum Christum in principio Euangelij, & antequàm scilicet prædicationem*

ratione
 tum,
 ratione
 declar
 postqu
 sem r

T
 na, v
 plus
 runt
 nis fa
 conit
 listæ
 cum

Chri
 sunt
 mini
 rem
 voce
 cilia
 sape
 inisi
 gust
 Pat
 est e
 est

ationem regni Dei suis Iudæis manifestaret, soli Deo fuisse notum, hominibus verò incognitum. Quæ repetitio etiam alia ratione nobis valde opportuna & utilis fuit. Per hanc enim declarare voluit, quàm nos tanti beneficij gratos esse oporteat, postquam Christus, uti Verbum, antea incognitus, nobis auctem reuelatus fuit.

ORTHODOXVS.

TOT A hæc interpretatio falsa est, atque a vero aliena, ut suprà segmento 4. docuimus. Res verò ipsa nihilo plus veritatis habet. Quæ duo quia ibidem copiosè fuerunt exposita, vnde peti a Lectore possunt, hîc a repetitionis fastidio super sedebimus. Quòd autè hæc verba prior coniunxit antecedentibus iudicio suo, ac non Euangelistæ ordini obsequens, id consilio non satis iusto fuisse factum, segmento 4. & 5. ostendimus.

SAMOSATENVS.

7.

Omnia per ipsum facta sunt, & sine ipso factum est nihil quod factum est.

HAC etiam particula abusi sunt mirè ad probandum Christum esse creatorem omnium, celi terræq. Sed in eo falsi sunt: primum quòd vnum Deum esse Christum cum Patre somniarunt, illique coeternum & coequalem, quare etià creatorem cum illo vnum esse commenti sunt: secundo quòd creationis vocem non intelligerent de recreatione seu renouatione, reconciliatione, & recapitulatione, restorationeque accipi quoque sæpe in Scripturis, ut Paulus docet, & superius colligere potuisti. Quod ad primum attinet, nemo piorum est qui degustauit sacras literas, qui vel vnum Deum esse Christum cum Patre, vel etiam creatorem esse celi terræq. assereret. Vnus enim Deus Pater, qui creauit omnia: alius ergo non est. Solus erat, & nemo illi aderat, quum crearet coelos,

Esaia 44. teste. Solus extendit coelos, Iob teste cap. 9. Ille creator omnium ubique in lege, a Prophetis, Christo, & Apostolis predicatur, tum in Symbolo Apostolico. Vide locos Deuter. 32. Esaï. 40. 42. 44. Malach. 2. Sic Actor. 4. 14. 17.

Neque verò sola creatio: sed omnia opera quæ fecit Deus sub veteri Testamento, siue verbo iubendo & promittendo, siue Spiritu oris sui re præstando, tribuuntur illi uni Deo Christi Patri (ut Lucas Actor. cap. 13. apertissimè docet) qui tandem impleuisse promissiones dicitur eduçto filio & dato ex semine Dauidis, non ex aliquo Verbo Dei æterno. Moses etiam describit accuratè, & nemo illo melius (huic enim soli data fuit hæc prouincia a Deo) omnium rerum creationem: singulos dies recenset quo quid factum sit: enumerat etiam animantia, bestias, insecta, herbas, & quidlibet suo genere: ubi, si quis Filium Dei adfuisse in creatione, an hoc præterisset? Quemadmodum ubi ad restaurationem prolapse creaturæ venit, statim seminis mulieris, non æterni Filij, ad conterendum caput serpentis meminit. Et in historia Abraham meminit recuperandam benedictionem amissam per semen eius, Genes. 12. non per æternum quoque aliquem Christum dicit. Utrobique & ad maledictionem auferendam, & ad benedictionem conferendam (in quo omnia opera Christi comprehensa) seminis humani, non æterni alicuius Dei meminit: tum manna cælestis, tum aqua ex petra profluentis, agni Paschalis, serpentis suspensi, sine quibus Deus populum illum nec aluit, nec potauit, nec seruauit. Describit structuram tabernaculi cum apparatu vario: sic sacrificia, fusionem sanguinis, & partium orbis vel altaris, ad quam fiebat: quæ omnia erant umbra futuri Christi. In creatione verò cali & terræ, omniūque per Christum (si quæ esset) surdane aure præteriret? Annon absurdissimum esset, res factas per illum omittere, futuras autem longè post accuratè describere? Umbras nullas intermittere, & reptilia insectaque describere, Christum autem per quem facta essent omnia obli-

terare?

terare?

Quod ad nouam creationem attinet, hac in nouo Testamento ubique tribuitur Christo, per quem Deus hanc exsequutus est, de qua etiam hic Ioannes loquitur, omnia per illum Christum Deum Verbum, qui fuit caro, facta esse, & sine illo nihil factum quod factum fuisset: ubi quoque statim additam restrictionem vides, ne quis vniuersaliter de omnibus creaturis hoc dici putet: addit enim, quod factum sit, intelligens deijs rebus qua facta sunt per eum. Nam ea exceptione innuit alia esse sine illo facta antequam educeretur ex semine Dauid, ut sub veteri Testamento fuisse diximus.

Sed de noua creatione loquens Scriptura tribuit illi quod¹ per illum sint omnia & nos per illum, & nos creatos dicit in Christo ad bona opera, ut in illis ambulemus, 1. Cor. 8. Ephes. 2. Et 2. Cor. 5. scribit, si quis igitur est in Christo, noua creatura est: ² ecce nouam creaturam in Christo audis. Addit praterea, vetera praterierunt, ecce noua facta sunt omnia. en quoque omnia noua audis in Christo. Certè cælum, terræque, mare, arbores, animantiæque omnia denudò creata non sunt per Christum: sed loquitur hic de spiritali renouatione & cum Deo reconciliatione per Christum: quemadmodum ibidem statim subdit dicens, hæc autem omnia (qua scilicet sunt creata in Christo, & noua facta) sunt ex Deo, qui nos sibi reconciliauit per Iesum Christum, deatque ministerium reconciliationis: nempe quia Deus erat in Christo mundum sibi reconcilians, non imputando ipsis peccata ipsorum, posuitque in nobis sermonem hunc reconciliationis. Hæc ergo creatio seu nouitas, omniæque noua seu noua creaturae describuntur a Paulo, non cæli terræque fabrica. Similiter & Ephes. 2. ait, ut conderet in semetipso in unum nouum hominem faciens pacem, & ut reconciliaret ambos Deo per crucem. Similis est locus Ephes. 3. ubi dicit, omnia creata esse a Deo per Christum; qui locus de secunda creatione seu renouatione intelligitur, ut ex circumstantijs colligere facile est: quod & Caluinus aperte fatetur, quamquam in alijs locis aduersetur.

Huic nouæ creationi per Christum seruit & ille locus Colos. 1. ubi mox a principio describitur Christus, ³ non aliquis æternus, sed ille ex Maria natus, habens sanguinem, per quem habemus remissionem peccatorum. Meminit & ibi operum tenebrarum primum, ad quæ destruenda venit Christus, 1. Ioan. 4. meminit & regni Christi, in quod translati sumus. ⁴ Regnum autem hoc cæpit in Christo homine: illi enim dicitur Luc. 1. dabit illi Deus (non antè dederat) sedem David patris sui, & regnabit in ea. non regnauit antea. Qui, & imago quoque Dei inconspicui, & primogenitus omnis creatura dicitur: per quæ Christum hominem omnia sunt condita, seu renouata, vel re-collecta, aut recapitulata: quod idem esse ex Pauli verbis quinu colligere potest, quæ ibi sequuntur vice expositionis, & Ephes. 1.

In utroque autem loco eodem modo describit non cæli terræque creationem, quæ solius Patris est, Christo tribuens, sed eorum quæ in cælo & in terra sunt renouationem. Non enim tribuit Paulus Christo cæli & terræ creationem, sed pacificationem vel reconciliationem eorum quæ in cælo & in terra sunt: ut & Hebr. 9. cælestia ait per Christum repurgata, non facta. Per Christum enim non solum Patrem se nobis Deus demonstrauit, nos recipiendo pro filiis, sed & omne dissidium inter cælum & terram sustulit, Angelos (qui olim erant hostes nostri unà cum Deo, & Adamo ingressum paradisi flammeo gladio prohibebant) non tantum amicos, sed etiam ministros fecit: qui gaudent super uno pœnitente plus quàm semper multis iustis & Angeli piorum intuentur faciē Patris in cælis semper, Hebr. 1. & Matth. 18.

Hac autem omnia data nobis in Christo, cui Deus ut capiti nostro subiecit omnia, cui introducto in orbem terrarum dictum, & adorent eum omnes Angeli Dei. Per hunc Christum quoque quæcunque erant maledicta in terra, per crucem mortemque in benedictionem vertit, ut nihil iam supersit in cælo & terra cuius inimicitia nobis metuende sint, postquam Christum fratrem nobis per omnia similes, caput uniuersæ crea-

tura

tura & dominum potestatem in cælo & terra tenentem habemus.

⁵ Vt verò de Angelorum creatione Scripturata-
cet, ita & de lapsu eorum, similiter etiam & de eorum restau-
ratione paucis attingit. Restauratione quidem egebant, postquã
illorum caput est Christus, postquam & Christus sine capite suo
Patre nihil potest, Ioan. 5. Angelica natura etiam lapsu priorum
Angelorum forte imminuta, ut & lapsu Adami humana cor-
rupta natura.

Hæc creatio seu reconciliatio per Chri-
stum facta in cælo & in terra plus nobis fructus attulit, &
multo ampliorem gloriam Dei in nos patefecit illa priore,
quam habemus communem cum alijs creaturis.

Ergo ut vetus Testamentũ illã priorem creationem uni &
solì Deo creatori omnium Patri tribuit, ita istam posteriorem
creationem seu renouationem, seu recollectionem omnium in
cælo & in terra Christo factò noui testamenti Mediatori tri-
buit nouum Testamentum. Non enim dicit vsquam solum
Deum omnia seruasse vel absoluisse, sed per Christum cuncta
fecisse & reconciliasse: unde & nos redemptos, iustificatos, san-
ctificatos, Deo reconciliatos, & vitæ æternæ hæredes factos
(quod est nouæ creationis) per Christum noua Scriptura semper
asserit (absque isto enim nihil horum factum est) tum etiam
accessum nullum nos habere nisi per Christum ad Deum, 7 de
quo sub veteri testamento altum silentium.

⁸ Vt quoque
sub veteri Testamento suo ordine omnia opera creationis prio-
ris &, quæ ad eam pertinet, conseruationis recensentur, Deoq;
Patri uni tribuuntur: sic etiam in nouo Testamento omnia ope-
ra nouæ creationis per Christum facta recensentur quæ a Pro-
phetis prædicta erant, neque intermissum quicquam quod nos
scire expediret. Omnia inquit Lucas Actor. 1. se scripsisse, quæ
Iesus cepit (cepit inquam) facere & docere (ecce initium o-
perum & doctrine) vsque ad illud tempus quo in cælum assum-
tus est, prius constitutus testibus horum. Vide Matth. 4.

Ad eundem quoque modum & Paulus de operibus huius

noua creationis scribens nouum testamentum statuit initium horum tum dictorum, tum factorum, Hebr. 1. quum nonisimū temporibus Deum ait loquutum esse per Filium, quod antè sub veteri testamento fecit per Prophetas. Sic & cap. 2. Hebr. ubi doctrina salutis capta & predicari a Christo, & operum eius summa recensetur. hoc ipsum & cap. 12. Hebr. confirmat: Et cap. 3. Christum facit administratorem domus Dei, cuius domus non sumus.

^s Mentiretur certè Paulus, & Lucas: tam aliq̃ Euangelista, ut Marcus, qui initium Euangelij Iesu Christi describit: siquid antè sub veteri testamento Christus vel docuisset Patres, vel etiam fecisset. Christus etiam ipse, si creasset cælum & terram, non tacuisset istud: ibi præcipue, ubi contra Iudeos probat se filium Dei esse ex operibus communibus cum Patre: ubi tantum operum noua creationis meminit in sanando, viuificando, resuscitando, iudicando. Dixisset etiam, si verum fuisset hoc, ut Pater operabatur creando, ita & ego operabar: sed tantum de presentibus loquitur, & Patrem sibi adiungit, quia Pater per eum omnia fecit: de præteritis tacet. Violari se ibi sabbatum negauit Christus, quia ut Pater omnia conseruando operatur, ita & Christus sanando in sabbato hoc ipsum cum Patre egit.

¹⁰ Sed & Prophetæ omnes de hoc alio secundo creatore tacent, vno contenti sunt Patre: opera autem Christi futura describunt Esai. 35. & 61. quæ Matthæ 2. & Luc. 4 quoque recensentur. Et hæc sunt opera nouæ creationis, seu restorationis. Summa est, loquitur hic Ioannes de Christo ex Maria nato, per quem loquutus est Pater, non olim, sed nouissimis istis temporibus: unde quoque Sermo vel Verbum dicitur. De nouo testamento loquitur, cuius Christus homo, teste Paulo, est mediator: & Mediatori competit ut sint per illum omnia, non autem ex ipso. Hæc autem facta noua creationis describunt Euangelistæ quatuor, quæ per eum fecit Pater. Nam & Lucas scribit signa fecisse Deum per illum, demones expulisse, & omnes morbos sanasse, quia Deus erat cum

illo:
Et C
faci
di v
mni
ua c
tè m
nisi
loan
Chri

num
testi
illi p
mni

D
prim
de m
scrip
non
bo co
Verb
liter
mni
batu
publ
gnos
hanc
tion

illo: nihil autem usquam tribuitur Deo in Christo incarnato. Et Christus quoque sibi credi non vult si a seipso loquatur, vel faciat aliquid, sed propter opera quæ egit Pater per eum, sibi credi voluit.

Sic aliàs de Christo scribit Euangelista, bene omnia fecit, sed quæ illa omnia? addit opera noni testamenti, nouæ creationis, in sanandis mutis & surdis, quæ etiam Esaias ante multo prædixerat: & de creatione cæli terræ, per Christum nusquam, cum omnibus Prophetis, vel verbo meminit. Sed & Ioannes cap. i. inibi apertè ostendit gratiam & veritatem per Christum factam esse seu exsolutam, ut per Moysen Legem.

Nequis ergo sibi somniet Filium Dei Christum æternam, cuius generatio, vel unctio æterna demonstrari non potest, sed nec ullum opus: tum quòd aliquid acceperit a Patre, aut illi potestas data sit omnium. Isti enim ex Maria nato hæc omnia tribuit Scriptura.

M. S.

Omnia per ipsum facta sunt, & sine ipso factum est
nihil quod factum est.

DICTIO hæc, omnia, nō est referenda (ut vulgo fit) ad primam illam cæli terræ, creationem. Nam Ioannes hic non de materialibus ac visibilibus huius mundi (de quo perfectissimè scripsit Moyses) sed de spiritualis mundi structura loquitur, quæ non materialibus sed spiritualibus rebus, id est, Euangelij verbo construitur. Siquidem Christum (ut dictum est) ab effectu Verbum nuncupat, quòd homines Euangelij doctrina spiritualiter instauret & regeneret. Vniuersalis ergo particula ista omnia, non est simpliciter intelligenda, ut ad visibilia ista trahatur: sed restringenda est ad negotium Euangelij iam tunc publicati ac recepti, quasi dicat, omnia quæ nunc in Christi regno facta conspiciuntur (nam eo tempore quo Ioannes scripsit hanc suam de Iesu Christo historiam multi iam ad eius cognitionem venerant, ac ex potestate tenebrarum ad verum Deum

conuerſerant) non aliunde facta ſunt, quàm Chriſti ſolius opera, Euangelij, ſui prædicatione. Nam & Chriſtus ipſe inquit, ſine me nihil poteſtis facere. Sic Paulus ad Corinth. 2. cap. 5. Si quis in Chriſto, noua creatura eſt: vetera præterierunt, ecce noua facta ſunt omnia. & ad Ephes. cap. 1. vt omnia per Chriſtum reſtauraret. & 3. capite, omnia creauit per Ieſum Chriſtum. Et hic creare pro inſtaurare Paulus uſurpat: vt multis etiam veteribus & modernis placuit.

ORTHODOXVS.

Huius loci interpretationem pro ſua ſapientia & auctoritate Samofatenus aggrediens, primùm affirmat proteruè ſatis omneis qui receptam illam de æterno Dei Filio doctrinam ſacram & catholicam defendunt, hoc loco abuſos eſſe: deinde abuſionis membra duo ſummatim proponit, quæ poſt reliquo ſcripto multis & eodem ordine enarrantur. Ac primùm quidem ſi ipſa Moſis, Prophetarumque, Chriſti, Apoſtolorum, & Euangelistarum ſcripta expendimus, id ſanctè coram Deo Patre & Domino Ieſu Chriſto, qui venturus eſt ad iudicandum viuos & mortuos, poſſumus confirmare, non abuſi eos Scripturæ loco qui germanam ſententiam eius, & reliquæ Scripturæ conuenientem afferunt: atque hanc interpretationem huius loci ita ſe habere. Deinde verò quos inculcat abuſionis Samofatenus! Deus bone. Apoſtolorum αὐτῶνας καὶ αὐληγόνες, qui eos viderunt, audiuerunt coram, atq; coluerunt: quorum in numero Polycarpus ſuſcepturus coronam martyrij in ſua extrema oratione hæc ipſam confeſſionem pronunciauit: tū proximò horum diſcipulos qui in Eccleſia quàm fideliffimè doctrinam eandem a ſuis doctoribus acceptam tradiderunt ſermone & ſcripto: quemadmodum exſtant Irenæi luculentiffima

Euseb. li.
4. hist.
Ecclef.
cap. 16.

suma multa, & de ijs vnum suprà segmēto 3. testimonium produximus : præterea seculorum omnium ordine sequentium, in quibus homines Dei veritatem huius doctrinæ nativamque huius loci interpretationem summo consensu, fide, religione docuerunt: in summa, Ecclesiam illam catholicam inde a temporibus huius Evangelij in hac veritate doctrinæ interpretationisque sanctissimè institutam, altam, atq; confirmatam: cuius vniuersitatem, antiquitatem, & consensionem in veritate Christi fundatam & veritate conseruatam illius facere debemus pluris, quàm Samosatēnorum delirantium somnia. Hos homines, hæc tempora, hanc Ecclesiam tu, Samosatene, hoc loco abusam dices? per te vnum a tetra abusione hūc locum vindicari? quis credat, nisi qui sciens prudens petere volet? Abusos illos? prudentes, an imprudentes abusos dices? Si prudentes, impiè te auctore indicèque fecerint: non fecerunt autem: ergo accusas impiè. Si imprudentes, ij ergo fecerint a quibus acceperunt, & his abusi fuerint. Scilicet Ioannes Polycarpum fecerint, & alios quàm plurimos qui ab ipso coràm acceperunt, didicerunt, hauserunt huius doctrinæ veritatem. O audaciam! Sic non discipuli solùm, sed ipsi etiam Apostoli abusione auctores in rebus diuinis ad salutem vitamque æternam pertinentibus futuri sunt. Scilicet hic sacerdos veritatis, administer, interpret futurus est, qui palàm non dubirat damnare falsi Apostolos & Euangelistas, id est, homines *ῥατῶν*, notarios publicos diuinæ veritatis, omni exceptione maiores. Sed ad rē. Falsos duobus modis homines nostros interpretando hoc loco pronūciat: primùm quòd Christum esse vnum cum Patre Deum æqualem, coæternum, Creatorem cœli & terræ ex hoc loco pronunciant: secundò quòd creationem hanc de primo illo opificio materialis huius mundi, non de reno-

natione & instauratione acceperunt. Nos verò neutra in re fuisse falsos, aut adhuc falli confirmamus. Quapropter cum de utroque hoc dicto probando Samosatenus laboret sequentibus, age, de probationibus ad utrumque allatis suo ordine videamus. *Christum nec unum Deum cum Patre, nec creatorē esse cum Patre* probaturus, primū

audacissima affirmatione in re compestra exploratāque utitur, dicens, *nemo piorum est qui degustavit sacras literas, qui vel unum Deum esse Christum cum Patre, vel etiam creatorē esse cali terrāq. assereret.* Nempe tibi, Samosatene, impij sunt quicunque hoc docent. At nos contrā affirmamus neminem piorum esse, si modò sacras literas religiosè degustauerit, qui hoc non asseruerit. Affirmationem suam non probat Samosatenus: nos probauimus nostram Defensionis 2. segmento 2. & si opus est, amplius probaturi sumus omnium bonorum, omniumque ætatum consentientibus suffragijs. Quibus ætatibus inde ab Euangelij prædicatione aut neminem pium fuisse oportet (nam omnes contra quā Samosatenus asserit docuisse constat) aut insigniter dare Samosatenum verba, & commenta sua imperitis fallendis obtrudere. Indignū hominis factum qui sanctissimos Dei seruos, testes Christi, & participes afflictionum eius *ἀποκατῶν* maluit impietatis condemnare, quā in se descendens gloriā æterno Dei filio tribuere. At quibus probationibus, obsecro?

Prima est, quod *vnus Deus Pater creator cali & terræ* passim in Scripturis dicitur. Agnoscimus, & idem affirmamus. Nam verè vnus est essentia Deus, ac non alius: vnus indiuisus, quamuis tres distinctæ personæ, vt Defensionis 2. segmento 3. expositum. Sed fallit Samosatenus æquiuocatione, quum ita dicit. Nam primū vnus essentia est, non persona vna: quæ confundit iste. Deinde verò Deus Pater multis in locis dicitur essentialiter re-

spectu

specū creaturarum, non autem personaliter respectu Filij quem genuit ab æterno Pater: atque hic ille est *Elohim* qui creauit cœlum & terram, Pater, Filius, & Spiritus sanctus. Postremò si etiam dicitur hoc de persona Patris distinctè, sit vario respectu, adeò vt nulla his verbis insit contradictio: nam Deus essentialiter Pater & Creator dicitur, quia communis est trium personarum in creandis rebus operatio: at Deus Pater personaliter Creator dicitur, respectu singularis termini a quo est principium creationis rerumque omnium. Nam communitas operationis non tollit singularem dispositionem personarum inter se, ad singularem dispositionis illius terminum in vnaquaque, licet communi, operatione. Qua de re in Defensione 2. multis. Hunc igitur locum totum iusto sensu acceptum probamus, malè obiectum verò religiosè distinguimus.

Secunda, quòd *non solum creatio, sed omnia opera quæ fecit Deus sub vetere Testamento, tribuuntur illi vni Deo Patri Christi*, vt Actor. 13. Primùm non dicit Lucas, vni Deo Patri Christi: glossema est Samosatenicum. Secundò etiam si dixisset ab vno Deo esse (quo sensu antè sumus interpretati) commune tamen non restringit aut derogat quicquam de particulari, aut particulare de communi: sed Pater fecit, Filius fecit, &c. cōmune opus dispositione particulari: quapropter ait Christus, *quæcumque Pater facit, hæc etiam Filius pariter facit*. Tertiò eo loco Ioan. 5. non agit Lucas de omnibus operibus quæ fecit Deus sub Testamento vetere, sed de præstitis promissionibus de mittendo Filio, quæ missio necessariò importat distinctionem personarum, & singularitatem operum intus in relatione interna consistentium: quia Pater mittit & excitat, Filius a Patre mittitur atque excitatur. Inanis igitur argumentatio. Quod autem cramben illam suam toties repetit, *de filio dato ex semine Davidis, non ex aliquo verbo*

Dei aeterno, duobus modis ineptum est. Nam primum res coniunctas opponit velut contrarias, naturam diuinam & humanam Christi, tamquam si non possent illae simul consistere: cum tamen & hanc & illam substantiam esse nouerit, & nihil substantiae aduersari. tum quae de Christo dicuntur diuersa ratione, hic elenchum suum celans ratione eiusdem accipit artifex, vt circumueniat imperitos. Nam utraque ratio est in vna persona Christi, aeternae naturae Sermonis illius, quae Deus, & temporalis carnis, quae Deus in plenitudine temporum factus ex muliere: quae duo nec opponi possunt inter se ad mutuam euersionem, nec confundi ad euersionem personae. Captiosa omnia. Tertia probatio est ex Mose sumpta. Nam Moses in Creatione mundi nullam mentionem fecit Christi; in promissis autem instaurationis semine mulieris, semen Abrahami nominat, & typos figurasque describit accuratissime, quae erant umbracula futuri Christi, ac non praesentis iam aut aeterni Christi. Argumentatio haec est: *Quia futurus dicebatur & praesignificabatur, nondum erat: Christus futurus dicebatur a Mose, & praesignificabatur umbraculis: igitur nondum erat.* Maior ambiguitas dicitur: nam qui dicitur aut significatur futurus, is aut secundum substantiam futurus dicitur, significaturque, aut secundum modum & manifestationem illius: praeterea aut secundum totum, si nihil dum est illius, aut secundum partem, si quid insuper est accessurum. Hinc minor exponenda: Christus non secundum substantiam personae suae diuinae futurus dicitur aut significatur, sed secundum modum manifestationemque; illius in assumpta carne: nec secundum totum sui exsisturus dicitur significaturque, sed tantum secundum illam (vt ita loquamur) particulam quam assumpsit, nimirum carnem, de virgine Maria. Sic conclusionem bene intellectam non dubitabimus approbare: nondum erat Christus, nimirum

mirum secundum carnem; sed erat tamen secundum æternam illam personæ diuinæ suæ veritatem. Sed *absurdum fuerit*, inquit, *Mosē non meminisse Christi, si quidem Christus fuit iam eo tempore*. Respondeo primum cum Scholasticis, ab auctoritate negatiuè non valere argumentum: *non meminit Christi, operumq; illius: non ergo fuit Christus*. Secundò falsa est affirmatio, Mosē non meminisse Christi, tãquam eius qui iam tum esset: iam tum enim fuisse, & ab æterno esse, cum alibi, tum etiam suprà segmento 2. ostendimus: atque etiam hoc ipsum a Mose quàm plurimis locis expressum fuisse euidentissimè, Genes. 1. & 3. & 11. & alibi. Sic erat quidem persona Christi, sed non erat semen quod assumeret ex muliere, Dauide, Abrahamo: ac proinde secundum personam diuinā erat, non erat autē secundum naturā nostram: hanc enim postea assumpsit in tempore. Irrita cadunt igitur harum argumentationum tela: quibus certissimam illam interpretationem de creatione aspectabilis huius mundi conatur Samosatenus Christo & Ecclesiæ illius eripere.

Postquàm frustra operā Samosatenus cōsumsit vt nostrā sententiā ad luculentissimū hunc locū euerteret, trāsit ad firmamēta interpretationis suæ. *Hac Ioannis verba*, inquit, *de recreatione, renouatione, recōciliatione, & recapitulatione, seu restauratione intelligenda sunt, quæ ubiq; Christo tribuitur, & per quē Deus hāc exsequutus est*. Multa hīc sesquipedalia verba, etiā re inter se differentia, ad rē vnā & eandem significandā. Sed nolumus in verbis curiosi esse: de re dicturi sumus. Negamus hāc Euāgelistæ verba ad instaurationem per Christum factam pertinere. Quibus argumentis hoc contendat assequi & conficere, videamus.

Primus probationum locus: *Noua creatio ubique in nouo testamento tribuitur Christo, eamque Deus per hunc exsequutus est*: hac ergo de noua creatione pariter intelligenda. Re-

spondeo, per negationem consequentia. Hæc enim tum demum valitura esset vt necessariò vera, si ostenderetur vnicum esse actû Domini Iesu Christi: sed cum Iesu Christi actus non sit vnicus, immo potius multiplex, falsa est consequentia, neque ex antecedente isto confici vnquam potest. Præterea tribuitur hæc noua creatio Christo, velut proximo termino, vt antè dictum: sed eadem opus est commune Patris, Filij, & Spiritus sancti: quam communiter vt Samosatenus confiteretur effecit veritas, quò diceret *Deum hanc per Christum exsequutum esse*. Vt autem communis renouatio, sic etiam creatio prima credenda est communiter a sancta Trinitate facta. Creauit igitur Christus mundum, ac non instaurauit solùm. Instat, *Atqui restrictionem addit Ioannes, quod factum est, ne quis vniuersaliter de omnibus creaturis hoc dici putet, sed intelligat de ijs rebus quæ facta sunt per eum, quia aliæ sine illo facta sunt in testamento vetere*. Negamus istud ad rem pertinere. Nam primùm restringēs istud glossema falsum est, *quod factum est per eum*, nec villo ex loco eodem aut simili probari potest. Præterea stolidi isthæc restrictio est, quam vix balbutientes pueri, vix Battus agnouerit, *sine ipso factum est nihil quod factum est per ipsum*. Te appello, Samosatene, siquid vnquam audisti infantius, prome. Postremò Hebræas, Græcas, Latinas aures probemus: cōsulamus, vtrum hoc genus loquutionis ad restrictionem pertineat, an verò ad enunciationem vniuersalitatis, *ὅλη καὶ ὅλης*. Quum enim dicitur, nihil quod factum est, æquipollet hic sermo illi, nihil factum, vel nihil facti, vt nomen facti vniuersale sit, & nomen *nihil* vniuersale signum. Hæc tu restringes, Samosatene? nomen vniuersale coniunctum vniuersali signo? & nulla determinatione factum angustius? Sed quid mirum; si naturam vocum & enunciatorum mutas, qui mutas Dei veritatem? Summa, & hanc restrictionem

tionem veram negamus esse, & alia sine Christo negamus facta, quod pro auctoritate hoc loco audes affirmare. Vellus quidem tibi, Samosatene, istuc non carpitur: aliarum argumentationes & probationes adferendæ, si tibi vis haberi fidem. Ecce autem, his positis, tamquam re bene gesta, probata, euicta, confessa, excurrit ad nouæ creationis, siue renouationis per Christum enarrationem: & locos accumulans ubi de instauratione per Christum agitur (quam sanctè credimus, & participamus per gratiam, & docemus secundum gratiam illius) videtur sibi probare hanc nativam esse huius loci interpretationem, primum propter locorum quibus hoc docetur copiam, secundò propter oppositionem quam instituit inter creationem nouam siue instaurationem per Christum, & illam veterem conditionem naturæ. Sed quàm infirmum vtrumque hoc sit probationum genus, paulo antè fuit demonstratum. Nam quod ad locorum qui adducuntur copiam, *non est vnus locus, immò ne mille quidem loci lex sunt alterius in quo res diuersa agitur: sunt autem res diuersæ, creatio mundi, & instauration: ineptum est igitur eos locos qui de re vna agunt, ad rei alterius locorumq. cōpertinentium explicationem rapere.* Sed, ne actum agatur, pium Lectorem rogatum velim, vt ea solùm hoc loco adhibeat quæ proximè in primum probationis locum annotauimus. De oppositione verò quid dicturi sumus? Christum enim opponit Deo Patri, & opus creationis operi renouationis, tamquam si alterum altero euerteretur. Atqui, Samosatene, in causâ persimili paulo antè ostendimus bifariam venire te contra istarum oppositionum leges. Nam primum res coniunctas diuidis, & actus particulares facis ex communibus: tum ex operibus diuersis contraria facis, quamuis non affirmetur & negetur idem, ad idem, ratione eiusdem, eodémque modo & tempore. Frustra igitur

laboras in probanda renouatione per Christum, quam credimus, sentimus, & docemus fideliter in Domino: frustra operā consumis in creationis opere aueritēdo a Christo, quod hīc a Ioanne Christo tribuitur: vtrumque opus Christi est, & Christo in sacris literis sanctissime attributum. Ex his autem omnino sequitur istud, quæcunque in hunc locum de renouatione & instauratione per Christum a te adducuntur, ea esse *ἀπὸ τοῦ διόνο*, nihil ad rem, atque ad locum pertinere: vt antè tegmento i. docuimus. Quapropter si qua commodè a te de renouatione dicta sunt, quamuis non huius loci, tamen libenter ea velota Deo profecta relinquemus suo loco: quæ autem a veritate discrepant, cursim destingemus, ne falso consentire, quum nō contradicimus aut submonemus de eo, videamur cuiquam.

1. Hic locus i. Cor. 8. aduersatur consilio Samosatēni omnibus modis. Nam agitur de idolothyti: ostenditur neque idola, neque eorum quemquam qui dicuntur dii in cœlo aut in terra quicquam in idolothyta posse, sed eum solum qui fecit omnia, tum in res quæ idolis offeruntur, tum in idololatra potestatem omnem obtinere, cū omnia ab ipso, in ipso, per ipsum, & propter ipsum subsistant, vt idem ait Rom. ii. Quod opus commune trium personarum sanctæ Trinitatis si quis per suos personales (vt ita loquamur) terminos volet distinguere, omnia a Patre & in Patre subsistunt, velut principali termino summo: per Filium verò sive Dominum Iesum Christum, velut propinquiorem terminum, sapientiam Dei & potentiam Dei, sustententem omnia verbo potente suo in hac administratione diuina, Hebr. i. Extra chorū saltas, (quod aiunt) Samosatēne, quum hanc interpretationem adtexis huic loco, & perdis luculentissimam grauissimamque Apostoli in hac causâ argumentationē.

2. Peccatum hīc duplex: primum oppositio

oppositio illa quam antè refellimus, perinde ac si Christi vnus solum actus esset (quod est ineptissimum dictu) aut creatio omnium & renouatio Ecclesiæ tam contraria essent, vt ab vno eodemque auctore *ἀδυνασὶν* esset vtramque proficisci, quod ridiculum: deinde quòd res secundum quid dicta accipitur simpliciter, & prauè locus exponitur. Sic enim verba Pauli habent. *si quis est in Christo, noua creatura est: vetera præterierunt*, puta in eo qui est Christi, *noua facta sunt omnia* in eo, quasi dicat, renouatus est per omnia. *Hæc autem omnia sunt ex Deo*, &c. Omnia igitur quum dicit Apostolus, non creaturas intelligit, sed quæ in creaturis, qualitates, ac non substantias. Proinde inepta oppositio est, quam pòst vsurpat Samosatenus dicens, *Cerè cælum, terrag, mare, arbores, animantiag, omnia denuo creata non sunt*, &c. Alioquin de nouatione in Christo agi eo loco assentimur & docemus. De loco sequente Ephes. 3. suum cuique per me iudicium liberum, prout etiam a Caluino relinquitur. Sed inconsequens semper manet argumentatio: sic accipitur eo loco de Christo, ergo alijs etiam locis omnibus sic oportet accipi. Inepta ex particulari argumentatio.

3. Falsa oppositio, vt antè in probationem 2. huius segmenti ostendimus, & quam hic persæpe recantat *καυχῶν*, adeò sibi in hac re allubescit: quam obrem idem etiam ad sequentia huiusmodi (nam frequentissimè recurrunt) dictum esto.

4. Vera propositio, sed ambigua duobus modis. Eruncandū vtrumque ambiguum. Prius est, quum dicit, *in Christo homine*. Nam hoc dictum aut simpliciter accipitur vt dictum se haber, pro eo quòd est in persona Christi, qui est homo, idémq; Deus in vnitæte personæ: aut accipitur cum exclusionē latente quam Samosatenus dissimulat, pro eo quòd est in persona Christi qui est homo solum. Posterius negamus freti veritate Dei & auctoritate Scripturæ. Prior

rem sententiam intellectam commodè amplectimur. Alterum ambiguum est, quum dicitur *regnum hoc capissem Christo*. Si enim Samofatenus id sibi vellet simpliciter principium huius regni a Christo esse, hunc vnum esse regni illius principem, acquiescerem ultro: sed aliud est quod machinatur, nempe tum primum existitisse, quum Sermo factus est caro. Hoc autem falsissimum est: nam Sermo erat suppositum, ante quàm fieret caro, erat in principio, apud Deum, Deus, operabatur, regnabat: quod hîc negatur impiè. *At*, inquit, dicitur Luc. 1. *dabit illi deum* (non antè dederat) *sedem David patris sui, & regnabit in ea, non regnavit antea*. Fallacia eiu, ut vocant, ex elenchi ignoratione duplex: nam utrumq; verum erat, sed non ratione eiusdem, nec semper de eodem tempore. Dederat Pater, & daturus erat: regnauerat Filius, & regnaturus erat. Dederat Pater secundùm personam diuinam eius: daturus erat eidem personæ secundùm assumendam carnem. Regnauerat Filius Dei secundùm diuinitatem suam: regnaturus erat secundùm humanitatem suam re & manifestatione regni. Regnauerat semper in omni tempore secundùm personam: pòst erat regnaturus etiam secundùm carnem. Hæc duo non sunt inter se contradicentia: quæ tamen eadem arte ac potiùs imperitia Samofatenus velut contraria opponit, qua antè naturam diuinam humanæ, opus diuinum humano, creationem nouam veteri opposuit; tamquam si in vno subiecto nunquam simul esse, aut ab vno subiecto, nimirum *Θεὸς ὁ πῶτος*, proficisci possent. Belle sanè, & argutè omnia. De loco altero Col. 1. quem etiam torquet miserè, & adducit ineptè, diximus suprâ segmento 5. Quid plura? pergit in sua oppositione ex Col. 1. Ephes. 1. & tamquam Phoenix, in rogo suo sibi videtur viuere, cœli & terræ creationem soli Patri, renouationem verò Filio Deo a Patre factò vindicans, vtrumque

numque falsò, & ex falsis hypothesebus quas antè reuicimus, triumphos sibi de Filio Dei & de veritate somnians. Scilicet *creationem Pater fecit, non ergo Filius*. falsum: nam commune vsque adedò opus est vt quæcunque facit Pater, Ioan. 5. eadem Filius faciat pariter. Item dixero, *renouationem fecit Filius: non ergo Pater*. falsum: nam hoc quoq; commune opus est: *non enim potest Filius a semetipso operari, nisi videris Patrem facientem: Sicut Pater suscitatur mortuos & viuificat, ita etiam Filius quos vult viuificat*. Ad eamdem falsam oppositionem relabitur argumento Hebr. 9. ex vnus facti affirmatione remotionem alterius non contrarij statuens, sed diuersi solùm. Quis hominem literatum credat sic argumentari contra rationem, iustasque argumentandi leges euertere? 5. Et si hæc nihil ad rem præsentem, quia tamen de restauratione Angelorum imaginatur & nugatur quædam in Christum ipsum & in Angelos iniuria contumeliosaque, non potuimus quin bona fide Lectorem moneremus. Duæ hîc enunciationes falsæ sunt: vna, *Angelos instauratione eguisse*: altera, *argumento Christi hoc dictum de Angelis confirmari*. Prius nusquam Scriptura dicit: non instauratione eguerunt, Samosate, Angeli electi (non enim lapsi sunt) non lapsis autem non est instaurationis sed dono perseverantiæ, & confirmatione diuina in bono: quod bonum in creaturis omnibus est natura mutabile, nisi a Deo sustentetur & subsistat in Deo. Mediatore ergo Angeli, ac non Redemptore; conseruatore, ac non instauratione eguerunt quod in Enchiridio ad Laurentium & alibi Augustinus optimè declarauit. Hîc verò quis ferat diuinaculum dicentem ista? *Angelicæ naturæ lapsu priorum Angelorum fortè erat imminuta*. Priorum, inquis? ergo tibi sunt priores & posteriores tempore. hoc Scriptura non dicit. Deinde, *fortè erat imminuta*, coniectura est, somnium: non augentur, minuunturue

spirituales formæ, ut sit elementaribus. Tum *imminuta lapsu aliorum*: multo minus. nam si horum natura nec augeri per se (nam perfectionem habet in creaturis summam) nec minui potest (nam qui minuti sunt, eorum minutio semel in totum facta est) quanto minus per alium? Postremò, *ut lapsu Adami natura humana corrupta est*, sic illos minui potuisse. Negatur: est enim dissimile, toto genere, totaque ratione differens. Posterius verò plus etiā habet periculi, quia salutem attingit, quum dicit *corruptione egressi*, postquam illorum caput est Christus, postquam & Christus sine capite suo Patre nihil potest. Quorum caput est Christus, ij egent instauratione: Angelorum caput est Christus: ergo. Maior particularis est: nam contrā quorum caput est Christus, eorum quidam egent instauratione, puta qui homines sunt, quidam verò sola confirmatione in bono, puta qui Angeli. Itaque Christum Angelorum caput & Mediatorem esse damus, at instaurationem vel Redemptorem minimè. Falsa igitur conclusio. Sed verba illa ex Ioan. 5. detorta ad hunc sermonem sunt indignissimè, *Christum sine Patre nihil posse*: de quorum iusta interpretatione diximus copiosè Defensionis 2. segmento 9. & alibi. Nam primum hoc loco mutilantur, quod est iniquissimum: deinde in alienum sensum a mente & consilio Christi rapiuntur, ut locus ipse clamat: postremò res planè dissimilis est. Ex loco autem mutilo, malè exposito, atque dissimili, quid concludas boni? Pergamus ad alia.

6. Ex hoc autem loco sic lubet argumentari: *Qui minorem gloriam non cedit alteri, neque communicat, non cedit maiorem: Deus minorem non cedit alteri: ergo nec maiorem.* Tum, *gloria recreationis maior est quàm sit creationis gloria: Deus creationis gloriam non cedit Christo, neque communicat: nec recreationis igitur gloriam Christo cedit, neque communi-*
cat.

cat. *Est autem falsum consequens: & antecedens igitur falsum*, quod a Samosateno affirmatur. De sequente autem oppositione & diuisione communium Patri & Filio operationum, quàm sit iniqua, & falsa, & impia, iam sæpius est demonstratum. 7. Falsum, vel Samosateno teste. Nam si per sacrificia & effusionem sanguinis ad Deum adibatur, illa autem fuerunt sacramenta quorum corpus est in Christo: quis Patres illos neget in Testamento veteri Deum Patrem per Christum adiuisse? Promissionibus, inquit, typis, præfigurationibus. Non satis: nam præsens erat Christus, Exod. 23. & 33. & 34. & 1. Cor. 10. & per nomen eius inuocabatur Pater, Psalm. 80. Dani. 9. & alibi. Non siluit de hac re in veteri Testamento Deus: sed hic voluntariè surdus & cæcus est miserabili cæcitate, quam curet in suis Dominus ille curator noster.

8. Sequentia omnia ab eadem oppositione sunt, quam falsam & inanem esse antè ostendimus. Quæcunque autem adfert testimonia, ad fallaciam sunt apposita, partim dicto secundùm quid (vt vocant) ad dictum simpliciter, vt Actor. 1. Matth. 4. Hebr. 1. & 2. (nam quæ de Christo secundùm carnem his locis dicuntur, simpliciter attribuuntur personæ toti & de toto personæ prædicantur) partim elenchi ignoratione, vt Hebr. 3. & 12. nam quæ de persona dicuntur vniuersè, ea speciatim ad carnem Christi & tempus illius restringuntur certo consilio, vt aboleatur indignissimè beneficium Christi. Sed has argumentationes passim, disertè verò suprâ segmento 3. refellimus.

9. Hinc transit ad absurda Samosatenus: qui secundus est probationum locus, siquid absurda probant. *Mentirentur*, inquit, *Apostoli, Euangelista, Christus*. Negatur. Nam horum consilium in Euangelij & alibi fuit plurimùm, vt de rebus a Christo in carne gestis agerent: atque hoc proprium est historiæ Euangelicæ. Hoc

verò mendacium iure dici non potest, si verè narratur quod narratur, quamuis inde abouo nō instituaturs principium eius. Quæ secundum quid dicta sunt, ea simpliciter ne accipiantur: integra erunt omnia. At *Christum, si creasset cælum & terram, non tacuisset istud*. Primum ab auctoritate negatiuè (vt loquuntur vulgo) nihil efficitur: nō dixit hoc, non est igitur hoc: fieri enim potest, vt alius quispiam dixerit. Deinde verò falsum est quod dicitur, Christum sibi creationem communiter cum Patre non asseruisse. Asseruit enim, & eo ipso loco asseruit quem hîc Samosatenus obijcit. Dicens enim, *Pater meus vsque adhuc operatur, & ego operor*, tria demonstrat manifestissimè: se communiter operari cum Patre, diuinitus operari vt Patrem, & indefinenter ab omni tempore & ante omnia tempora operari vt Deum. Communiter operari se cum Patre ostendit, quum occasione vnius operis dicit, *Pater operatur, & ego operor*: diuinitus operari vt Patrem, quum dicit præterite tempore (quod tempus est in Scripturis de deitate proprium, vt cui omnia sunt præsentissima) *operatur, operor*, qua de re suprâ segmenti 4. nota II. aliquid diximus: indefinenter denique ab omni tempore & ante omnia tempora operari demonstrat dicens, *vsque adhuc*: nam ad illud vsque momentum siue terminum temporis se operatum quum dicit, se inquam & Patrem, attribuit sibi cum Patre omnium temporum antecedentium operationem. Quòd si mentem Christi a nobis Samosatenus non vult cognoscere, saltem ludæis audiat. *Studebant enim*, ait Ioannes, *Christum trucidare, quia non solum soluisset sabbathum, sed & Deum dixisset Patrem suum, a qualem se faciens Deo*. Singula hæc senserunt Iudæi, Christum operari cum Patre, diuinitus operari, indefinenter ab omni tempore operari, denique per omnia Patri æqualem esse. Senserunt, inquam, Iudæi, ac
non

non crediderunt: stupidior illis Samosatenus nec credit, nec sentit. Ergo, inquit, *dixisset Christus, ut Pater operatur creando, ita & ego operabar.* Falsum: nam primum non fuit hypothesis de creatione, de qua situm disertè speciatimque dixisset Christus, responsuri fuissent Iudæi, nos de alijs, tu de cæpis loqueris: sed ex hypothesis optimè & conuenienter ad thesin assurgitur. Deinde verò de toto affirmat Christus, dicendo, *vsque adhuc.* Non est autem Samosatenus nescius, Quod tribuitur vel adimitur toti in quantitate, idem cuilibet eius parti tribui vel adimi. Ergo & in creatione Christus operatus est cum Patre cõmuni operatione. At *Christus tantum*, inquit, *operum no-ua creationis meminit.* Negatur: nam omnia vniuersalia Christus enunciat quæ vnquam enunciari possunt, *vsque adhuc, quacunque, omnia, pariter.* hæc communem æternitatem, vniuersitatem, æqualitatem sonant: vnitatem autem essentiæ demonstrat necessariò non solum Patris & Filij appellatio, sed etiam operationum æqualitas. *At de præsentē dicit, de præteritis tacet.* Negatur: nam præsentē quidem tempore enunciat, sed de perpetuo, ut coniuncta vox, *vsque adhuc*, ostendit manifestò. Est autem præsens tempus simpliciter proprium deitatis, & summè propriè de ea enunciat, ut segmento 4. antè docuimus. Falsa igitur restrictio. 10. Hoc aliud absurdum insidiosè dictum: *Si Christus secundus creator esset, non tacuissent de eo Prophetæ omnes: Tacent autem.* Maioris antecedens insidiosum est: Christus enim propriè nec secundus creator, nec secundus Deus appellatur: est enim vnus Deus, creator vnus, Pater, Filius, & Spiritus sanctus, essentiæ vnitatis: sed appellatur secunda persona deitatis vel essentiæ illius vnice, quam appellamus Deum. Minor omnino falsa est: quæ singulis fermè capitib. Esaia Prophetæ inde a capite 40. sæpius reuincitur. Sed de hoc aliàs. Quòd si

opera instaurationis Prophetæ de Christo prædicant, non magis ex eo sequitur Christum non esse creatorem mundi communiter cum Patre, quàm si ex eo quòd hodie dicor ambulare, vellet quis concludere me igitur heri non vigilasse: adeò friuola & inanis oppositio est, vt antè demonstrauimus. Omnia certè sunt ab vno diagrammate, indocto tamen & futili. Postremò autem sequitur summa verè ἀλογίᾱς syllogismos qui antè positi sunt in vnum contrahens arte & veritate pari, quam hactenus reteximus. Nam ex eo quòd Christus caro factus & ex Maria natus est secundum carnem, concludit non antè fuisse, ne secundum personam quidem illam diuinam quæ erat in principio, & apud Deum, & Deus. Ex eo quòd Deus per ipsum his nouissimis temporibus nos alloquutus est, negat antè per eum loquutum esse. Ex eo quòd Sermo in nouo Testamento dicitur (etsi diceretur iam in vetere, vt antè docuimus) negat fuisse mediatorē veteris, contraquàm affirmat Paulus Rom. 15. Galat. 3. & alibi. Ex eo quòd Euangelistæ de Christo opera nouæ creationis descripserunt, negat opus creationis primæ ad Christum pertinere. Ex eo quòd Deus signa per illum dicitur edidisse, id est, Pater per Filium, negat Filium esse Deum, per singularem terminum operandi cupiens tollere vnitatem essentiæ. Ex eo quòd Christus verat sibi credi, siquid a seipso loquitur aut facit, respiciens ad hypothesein Iudæorū ex specie hominis & studio suo de ipso iudicantium, seque illorum captui accommodans; concludit simpliciter ipsum non esse Deum. Ex eo quòd bene omnia fecisse dicitur signis contestantibus, concludit ergo signa tantum fecisse & creationem nouā. Ex eo quòd creationis coeli & terræ ipse non meminit, statuit non ergo eorum creatorem esse. Ex eo quòd gratiam & veritatem per ipsum factam docuit Euangelista, arguit nō ergo substan-

Mar. 7.

substā
rum p
nent
de Pa
Pater
non e
multa
tē con
cuius
expos
Deum
rum c
entia
re ad
Christ
dam
per eo
sum e
& duc

D
dens
habes
& luc
hic no
dicen
in Fil
dedis
lit. S
Ioan.
ad vi

substantias & creaturas principio ab ipso fuisse factas. Quorum pleraque (si ab ijs quæ ad carnem necessario pertinent discesseris) eodem iure & argumentationis modo de Patre prædicari possent: Gratiam & veritatem facit Pater (facit enim per Filium, vt Samosatenus agnoscit) non ergo fecit substantias, nec creauit omnia. & similia multa. Sed quia hæc omnia fermè sigillatim fuerunt antè confutata, & imbecillitas harum argumentationum cuius homini (qui mediocri iudicio præditus est) per se est exposita, non sumus in his rebus immoraturi diutius, sed Deum oraturi, vt imperitorum iudicia instituat, peritorem confirmet, vt in veritate ipsius possint fide & conscientia bona ex testimonijs verbi diuini constanter incedere ad gloriam ipsius, & alij alios ædificare in charitate Christi Seruatoris nostri. Eorum autem omnium quædam epitome in Manuscripto est. Cùm itaque nihil insuper eo contineatur quàm quod priore exemplari expressum est atque a nobis confutatum, ad alia, Deo auctore & duce, examinanda veniamus.

SAMOSATENVS.

8.

In ipso vita erat, & vita erat lux hominum.

DE eodem Christo ex Maria nato loquitur Ioannes, ostendens vitam hominum in eo stare. Qui enim in Christum credit, habet vitam æternam: qui verò non credit, non videbit vitam, & luce omni destitutus in tenebris degit, Ioan. 3. Loquitur ergo hic non de vita temporali, sed de æterna, vt 1. Ioan. 5. exponit dicens, quoniam vitam æternam nobis dedit Deus, & hæc vita in Filio eius est. Sic alias, vt Pater habet vitam in semetipso, ita dedit Filio vitam habere in semetipso, vt & ille viuificet quos velit. Sic Christus ille homo vocat se viam, veritatem, & vitam, Ioan. 14. æternus ista de se ante hunc non dixit. Quod autem ad vitam animale[m] attinet, Paulus testatur Deum eam omni-

bus dare, & halitum; in ipso nos vivere, moveri & esse: cui vita etiam & habitationi in terra terminos prastituerit Deus. Quemadmodum ergo alijs titulis descripsit nobis Christum Dei filium ex Maria natum, non aliquem ante Mariam: ita quoque & hoc titulo summo pingit eundem, cum in eo sit vita omnium, nemo prater ipsum, & omnes per ipsum saluentur. Ille ipse est vita, ille habet verba vite aeternae, ipse est panis vite. Aeterno autem alicui Christo non homini nusquam ista tribuit Scriptura. Lucem quoque illum vocat, quia ut vivificat, ita & illuminat. Ille enim Christus homo de se testatur dicens, Ego sum lux mundi: qui me sequitur, non ambulat in tenebris: quamdiu fuero in mundo, lux sum mundi. Hanc lucem inter tenebras lucentem tenebrae non apprehenderunt; immo eam fugiunt; ob hancque lucem spretam, qua venit in mundum, condemnationem esse iustam Ioannes asserit. Hunc titulum etiam Esai. 42. ut & Lucas cap. 2. Christo homini tribuit quum lux Gentium vocatur. Certum est autem eam lucem non lucere, neque apprehendi, nisi ab heredibus vite: positurum enim se dicit Deus Christum in lucem, quia lux non fuit.

M. S.

In ipso vita erat, & vita erat lux hominum.

CHRISTUS vita dicitur, quia credentibus vitam dat aeternam. In hanc sententiam Christus ipse loquutus est, quum dixit, ego vitam aeternam do eis, & non peribunt in aeternum. Lux similiter dicitur, qui hominum mentes Evangelij predicatione illustrat. Non intellexit ergo de vita naturali, de qua argutantur Philosophi, sed de vita qua Deus in nobis vivit per Christi Evangelium, ut ab ipso, per ipsum, & in ipso vivamus. Dictio, erat, refertur ad tempus conversationis quam in carne gessit: nec aliud sonat haec dictio, erat, quam dicitur de Ioanne, Erat homo missus a Deo: item, non erat ille lux: sic, Baptista erat lucerna. Eodem modo vita est, ut lux: & sicut fuit lux

mundi

mundi quamdiu fuit in mundo, ita fuit vita quamdiu fuit in mundo.

ORTHODOXVS.

PRO instituto Samofatenus pergens primùm Christum hominem, siue ex Maria natum, nominat æquiuocè, vt personæ æternæ illi diuinæ opponat humanam, & expositione (vt loquuntur) naturæ vnius statuatur remotionem alterius. Itaque (vt semel moneamus) in peccatum triplex hoc modo incidit. Primum est, quòd Christum hominem captiosè dicit pro humanitate Christi, cum alioquin abstracta a concretis differre optimè Logici tradiderint. Secundum, quòd ex natura humana facit personam: id quidem certo consilio, sed contra veritatem. Nam Christus *θεὸς ἁνθρώπος*, Deus & homo, persona est, quæ persona æternum est secundum deitatem suā: natura verò humana, nunquam fuit nisi *ἐν χρόνῳ*, inexistens in persona (vt loquuntur vulgo) ne ad momentum quidem. Tertium denique, quòd ex eo quòd dat Christum hominem esse, inconsequente argumentatione per oppositionem statuit non ergo æternum esse Deum essentialiter: quem errorem segmento 5. & 7. perspicuè confutauimus. His falsis hypothesis superstruit huius loci & sequentium interpretationem: quapropter deinceps, quum idem incidet, huc sumus reiecturi. Duas autem illas enunciationes ab Euangelista positas ordine enunciat, sed eodem modo; nempe spiritualiter: quia nō placet ipsi Christum Deum essentialiter, id est, Deum æternum appellari. Id autem vt assequatur, priori membro, *In ipso vita erat*, adtexit glossema suum, dicens, *vita hominum*. Hæc restrictio non est ab Euangelista: negamus. Non negamus vitam æternam in Christo esse: sed negamus esse hanc loci huius mentem. Cur negemus,

antè segmento 2. & 3. apertè ostendimus, a cōsilio Euan-
gelistæ, a perpetuo orthodoxæ Ecclesiæ consensu, a rei na-
tura quæ agitur, a conditione loci, & similium compara-
tione. Cur autem de vita illa creante, sustentante, guber-
nante, ordinante, agente cuncta & singula vniuersè &
particulariter non intelligatur? nam eam ipsam, vel Sa-
mosatenò teste, Deus creaturis omnibus dare pro modo
earum dicitur. esse, subsistere, moueri, viuere in rebus
creatis sunt indiuidualiter: in Deo communiter, velut in
principio cōmuni omnium. *In Deo ergo vita est:* annuet Sa-
mosatenus. *Christus est Deus:* & hoc annuet. *Ergo in Chri-
sto vita:* de principio vitæ, a quo ad creaturas omnes vita
communiter pertinet, negaturus est: de vita spirituali, da-
bit. Atqui plus est vita spiritualis illa quàm hæc tempo-
raria, plus est illius quàm huius donatio, vt ipse proximè
præcedente segmento confessus est. Ineptissimum. At-
qui, mi homo, quæcunque hîc prædicantur, absolute
prædicantur, conuenienter naturæ Dei. *Si vita, omnis vita:*
Est autem in Christo vita: ergo omnis vita. Non est autem o-
mnis vita, nisi in Deo: Christus ergo Deus. Si non est Deus, non
est in ipso absolute vita. Si est Deus, in ipso vita: si in ipso vita,
Deus est. Demonstratio est necessaria, & termini adispon-
di, vt causæ efficientis semper agentis liberrimæ, & effe-
ctus eius perpetui. Video quid affectes, Samosatene: sed
veritatem in simplicitate colimus: & quia Christus essen-
tiales Dei proprietates per se in se habere dicitur (vt hoc
loco vides, vt rouis modo vitam acceperis) Deum es-
sentialiter Christum esse in sua persona agnoscimus.
Vtramque vitam Christus in se habet: tu tollis alteram,
quam tamen inferiorem esse altera confiteris. Quæ (ma-
lum) dementia est, vita digniore concessa personæ Chri-
sti, alterâ eripere quæ cum illa non sit dignitate compa-
randa? An hæc magis Dei quàm illa est? Sed ad cætera.

Lucem

Lucem esse Christum eodem modo interpretatur, id est, spiritualem lucem ad vitam æternā. Quis negat? sed de hac non agitur simpliciter. Agitur de principio æterno lucis: *Deus autē est lux*, ait Ioannes, & *tenebra non sunt in illo*: principium æternum lucis, lux essentialis, lucem rebus creatis scēnerans. Sed hoc principio posito, concludo, vt antē: *Christus est Deus: & lux igitur. Si non hoc, nec illud: sin autem hoc, etiam illud*. Negat Samosatenus? Quisquis negat, hunc & naturæ Dei, & diuinarum operationum dignoscendarum nescium oportet esse. Est enim causæ necessariæ semper agentis liberrimæ non impeditæ effectus necessarius: & ab hoc necessaria ad efficientem causam ipsius regressio. Ab hoc principio lux communicatione in humanum genus fusa est, primū naturalis, integra, & obtenebrata, de qua in hoc versu: deinde gratiosa, tum oblata, sequente versu, tum percepta, versu 12. Hanc simplicissimam interpretationem Samosatenus dum fugit, tenebras luci conatur offundere, & ordinē fidelissimum lucis comitem in hoc capite conturbat imperitissimē. Sed de ordine, suprà segmento 2. de luce, segmento 3. antehac diximus. Sed quando quidem Christum lucem spiritualem esse inter nos conuenit, & lucem illam veram; mirari satis non possum, cur Christum æternum esse neget, immò antē fuisse quā conceptus esset in utero virginis Mariæ. Nam si lux erat, si erat lux hominum, si in tenebris luxit, si illuminat omnem hominem venientē in hunc mundū, nemo lucem habuit nisi ab illa luce: Pij autem in testamento vetere habuerunt lucem: ergo ab illa luce. Est autem lux illa Christus: ergo a Christo habuerunt. Videns Samosatenus incommodum istud inexpugnabile, exceptionem commētus est, nempe lucem esse ab aduentu ipsius. Hanc exceptionem (falsam tamen, qua Deitatem Christi turpiter oppugnat) duobus modis

voluit confirmare: primùm quòd lux Gentium appellatur: deinde quòd Deus prædixit se positurum esse Christum in lucem. Prior confirmationis locus concludit ex particulari: supponit enim idē genus oppositionis quod antè confutauimus: *lux Gentium est, non ergo Iudeorum: lux noui Testamenti est, non ergo veteris*. Si diceret Deus, lux Gentium solùm, Samosatenus vicisset, vt putat vicisse. Aliter Deus loquutus est. Posterior locus nihilo est firmitor: nam ab accidente, siue ab actu & adiacente aduentitio concludit de esse subiecti, contra omnes naturæ & Logicæ leges; & de substantia ex accidente iudicat. Hoc verò argutari, non argumentari est. Sed vt Samosatenum molestia liberemus, age ex Esaia probationem certissimam & luculentissimam, quæ dictum ipsius euertat, afferamus. *Qui lux gentium datus est, olim diu fuerat Iudeorum lux, crecturus tribus Iacobi, & custoditos Israelitas reducturus: Christus lux gentium datus est: olim ergo diu antè fuit lux Iudeorum*. Est enim æternus pastor & lapis Israelis, quem lapidem reprobauerunt ædificatores, & factus est caput anguli. Vt autē antè est lapis quàm structores ædificent, ita suppositum, id est, personam Christi antè fuisse constat, quàm caput anguli his temporibus vltimis efficeretur. Antè esse subiectum quàm carnem sumserit ostendimus: nimirum personam Christi: hoc autem effecto, quid restat quàm vt Samosatenus cedat, manumque porrigat veritati? Fac, o Deus veritatis, propter nomen tuum, per veram illam Lucem quæ erat in principio, & omnem hominem venientem in hunc mundum a principio illuminat. De verbo autem, *erat*, (segmento 2. suprà.

M. S.

SAMOSATENVS.

9.

Et

Et lux in tenebris lucet, & tenebræ eam non
comprehenderunt.

MERITO homines huius seculi tenebra vocantur,
quòd sine Christo vera luce nihil prorsus earum rerum cogno-
scant quæ ad salutem pertinent. Animalis homo enim non per- 1. Cor. 2.
cipit quæ Dei sunt. Quòd verò Iudæi tam salutiferam non com-
prehenderint salutem, in causa fuit illorū ingratitude, propter
quam & gravissimè punientur, iuxta illud, Hoc est iudicium,
quòd lux venit in mundum, & dilexerunt magis homines te-
nebras quàm lucem.

Fuit homo missus a Deo, cui nomen Ioannes:
hic venit in testimonium, vt testare-
tur de luce, vt omnes per eum
crederent.

AD probationem manifestationis huius tam præclari
luminis ponitur hic testimonium Ioannis Baptista, qui publicè
testificatus est non de lumine aliquo substantiali ac æterno in
Christo, vt multi falsò interpretantur, sed solummodo de spiri-
tuali vitæ aliq. lumine Euangelij ipsius, vt ex progressu historia
liquidò apparet. Vocat enim Christum Spiritus baptizatorem,
ac Agnum Dei, qui tollit peccata mundi, Christum, ac Dei
Filium &c.

ORTHODOXVS.

ET SI vera est simpliciter prioris loci interpretatio
quam Samofatenus attulit, tamen ea in re peccatum est
non mediocriter, quòd eam historiā obscurat planè qua
narratur quid mundus gesserit inde a principio, quamuis
lucedivina Christi in viam reuocatus, cùm naturæ ordi-
narijs & extraordinarijs testimonijs, de quibus Paulus in Act. 17.
Actis, tum Verbi gratiosis. Sic ordinem rerum luculentif-
simum peruertit de industria, vt suo illi commento ser-
uiat quod antè confutauimus, & ex vniuersali dicto facit

particulare contra Ioannis mentem, & veritatis rerumq; gestarum ordinem hoc in loco institutum. Cætera suo loco relinquimus.

Marc. I.

Huic autem incredulitati communi obiecit Deus remedium potentissimum, lucem Euangelij: cuius manifestationem & complementum iā olim promissum expectatūque cœpit demonstrare ex facto per Ioannis Baptistæ prædicationem aduentu Christi in carne, id est, essentialis æternæque illius lucis quæ illuminat omnem hominem venientem in hunc mundum, ut proximè præcedente segmento demonstrauius. Hoc falsum interpretamentum Samofatenus vocat, dicēs agi de spiritali vitaliq; lumine Euangelij ipsius: hoc est, non hîc agi de essentiali luce, sed de effectu illius. Atqui accidētia non sunt sine subiecto: nec igitur sine subiecto operatur. Tum, prout sunt operationes, ita est subiectum operans: hac operatio diuina est: & subiectum igitur diuinum. Diuinum est, inquit, communicatione operationum, ac non essentia. Respondeo, quod diuinum est communicatione solum operationum, id nō habet res diuinas in seipso: Christus habet viam, ac proinde res diuinas in seipso, ut ipse confirmat Ioan. s. nūc ergo Deus est, aut diuinus communicatione solum. Si non communicatione solummodo operationum, ergo essentia Deus est. Sed de hac re plura in præcedente segmento. Confirmaturus suam illam distinctionem luminis, duo adducit probationum genera, progressum historię, & nomina attributa Christo. Progressus historię planè contrarium ostendit. Nam Ioannes missus est ad parandum viam Iehouæ: Christus ergo Iehoua. Christus lux vera est diuinitus: essentialis igitur. Illuminare omnem hominem venientem in hunc mundum est Dei solius opus: Christus illuminat omnem hominem: ergo Deus, & quidem essentialiter. Sic sequentia omnia. Falsum igitur, quod de progressu historię ostendat. De nominibus iudicium idem. Baptizare spiritus opus deitatis est,

est, essentialis deitatis: Christus baptizat spiritu, ac non minister ullus: Christum ergo quis esse neget essentialem Deum? Tum nemo tollit peccata cuiusquam, multo minus totius mundi, nisi Deus sit essentialiter: Christus autem tollit peccata mundi: Deus igitur: Non Deus, inquit, sed agnus Dei. Vtrumque, inquam ego, & agnus Dei, & Deus in personarum unitate: Deus tollens peccata, essentiali virtute: agnus tollens peccata, corporis sui instrumento. Sed hic rursum impingit Samosatenus festiua illa oppositione sua, quam centies antè refellimus. Quod addit *Christum*, quasi dicat, *Christus est siue vnctus, non igitur Deus*: ab eadem falsa oppositione est: nam idem vngens & vnctus est, vt optimè Damascenus loquitur, vngens deitate, vnctus humanitate sua. Lepidum verò illud est, quòd obijcit *Filium Dei* appellari, vt probet non esse Deum. Atqui est Filius Dei vnigenitus, solus generatione Filius naturaque, non autem adoptione, regeneratione, & gratia: Filius est singulari modo, non communi, vt nos sumus. Est autem singularis filiationis modus (vt ita loquamur) generatio. Ex eo autem ita concludimus: *Qui pater est gignit Filium essentia vnum, aequalem similemque persona: Deus Pater genuit Filium vnigenitum suum: est ergo Filius essentia vnus cum Patre, persona aequalis & similis Deo Patri suo.* Hoc natura docet, quod nulla ars aut cauillatio potest reuincere. Est igitur Christus lux vera, verus Deus, & vita æterna.

M. S. SAMOSATENVS.

IO.

Non erat ille Lux vera, sed missus fuit vt testaretur de luce.

ERAT quidem & Ioannes lucerna ardens, vt infra cap. s. legitur, idque non tam propter maximam vite sanctitatem, quam quòd Christum veram lucem vel ad digitum demonstrabat: sed tamen non erat ipsa lux vera, quæ Euangelij prædi-

catione tenebrosas hominum mentes illustraret. Proinde sequitur;

Erat lux vera, quæ illuminat omnem hominem venientem in hunc mundum.

SOLVS ergo Christus est vera lux illa quæ Evangelij prædicatione hominum mentes a tenebris ignorantia Dei liberat, ac in veram resurrectionis vitæque æternæ lucem ac certam spem traducit. Quod autem hic dicitur Christum illuminare omnem hominem venientem in hunc mūdum, tripliciter intelligi potest: Primū, quod quotquot ex hominibus huius mundi illuminantur ad vitam istam æternam, nō aliunde illuminantur quā per Christi Evangelium: Secundō, quod per omnem hominem intelligat omnis generis homines: nempe quod non sit personarum acceptator, sed æquè illuminet gentes atque Iudeos, tam doctos quā indoctos, tam ignobiles quā nobiles, tam feminas quā masculos, tam seruos quā dominos, &c. iuxta illud Christi, quum exaltatus fuero, traham omnia ad me. Tertiō, textus aliter legi potest; hoc nempe modo, Lux ventens in hunc mundum illuminat (spiritualiter scilicet) omnem hominem. Nam vox ista Græca, ἐξέλας, potest utrique accommodari, tam scilicet luci quā homini. In hanc sententiam Christus ipse alibi dixit, Ego lux in mundum veni, ut omnis qui credit in me in tenebris non maneat.

ORTHODOXVS.

PERTEXENS Samosatenus telam quam orsus est, Christum veram lucem esse pronunciat, quæ muīs non essentialē lucem: quod sanctē confirmauimus. Hoc discrimine posito, ferri possunt reliqua, præterquam huius membri interpretatio, quæ illuminat omnem hominem venientem in hunc mundum. Nam quia hoc membrum vidit
causæ

causæ suæ & commento obfuturum, posita signi vniuersalis æquiuatione, aut etiam ambiguo, putauit se huic incommodo facillè occursurum. Hoc illi incommodū est, quod ita arguimus: *Lux vera illuminat omnem hominem venientem in hunc mundum: ergo nullum hominem non illuminat. Tum, homines autem fuerūt inde a creatione: ergo lux vera inde a creatione illuminat. Vtrumque autem opus non est nisi veri Dei, qui Deus sit & lux sit essentialiter: Christus ergo, verus Deus, vera lux & essentialis est.* Hæc declinare sibi Samosatenus videtur bellissimè adducta vocis, *omnis*, æquiuatione, aut phraseos amphibolia. Aequiuatione: nā omnis aut de toto in quantitate dicitur (prout nos accipimus) aut de communi quod totū in modo vocāt, pro eo quod est quiuis, ex quocunq; genere, cuiuscunq; modi: & ita Samosatenus, vt illi verissimæ argumentationi illudat. Sed nihil efficit hac distinctione sua. Nā *quisquis illuminatur, illuminatur a luce: nemo homo non illuminatur: a luce igitur.* Negat Samosatenus, quia hīc agitur de spiritali luce, quæ non est omniū. Primū falsam distinctionē esse hanc suprà ostendimus segmento 9. & seq. Deinde spiritalis lux est instaurationis: ergo re cum præcedente est eadem, quamuis modo & quantitate differens. Christus autem, vel Samosateno teste, est lux illa gratiosa instaurationis: ergo & lux naturæ est, quæ lux per nos a missa pereundem instauratur. Quod si principium est vtriusque lucis (vt est) ergo illuminat omnem hominem (id est, non solū quemuis, sed quemque) venientem in hunc mundum. Sic vafritici plus habet distinctio, quā veritatis. Amphibolia verò adfertur duplex, a Grammaticis facillè expedienda. Vna est καὶ ἕκαστος, *illuminat omnem hominem*, puta qui illuminatur: ellipsin non quidem inauditam, sed quæ non nisi ex necessitate summa adhiberi potest atque euidente: deinde quæ si recipitur, Ioannes pue-

riliter dicetur ταυτολογεῖν versu 11. & 12. quod vitium de Ioanne Euangelista ne iurati quidem omnes Samosatēni mihi persuaserint. Altera, κατὰ σύγχυσιν, quæ tamen si obtineretur, ne pilum quidem Samosatēni causam adiuvaret, quū ait vocem ἐρχόμενον cum nomine lucis aptari posse. Verū hæc σύγχυσις admodum, violenta est nihil lucis orationi, nihil cōmoditatis ad rei intelligentiā, nihil deniq; opis ad causam Samosatēniā adferēs: quo magis demiror ab isto homine productam esse, vt inopiam magis sui iudicij, quā inuentionis copiam (quod affectauit) ostenderet. Valeat igitur.

SAMOSATENVS.

II.

In mundo erat, & mūdus per ipsum factus est, & mundus eum nō cognouit. Ad sua venit, & sui eum non receperūt: Quotquot autem receperunt eum, dedit eis potestatem filios Dei fieri, ijs qui credunt in nomen eius.

*MUNDVM hic vocat non cæli machinam & spha-
ras, sed homines. Quid enim hoc esset ad rem, Christum non esse
cognitum a machina cæli & sphaeris? Vox mundi apud Ioannem
sæpe pro hominibus accipitur. Sic Deus dilexit mundum, vi-
lium suum vnigenitum daret, Ioan. 3. hominibus certē, nō spha-
ris cælestibus. Sic non venit vt iudicet mundum, sed vt ser-
uetur mundus per eum: Christus saluator mundi: tollit peccata
mundi: dat vitam mundo & carnem pro mundi vita. In mun-
do ergo fuit, inter homines versatus est, & præcipuē inter Isra-
elitas, quorum reformandorum & saluandorum causa primum
venit. Christum autem ex Maria natum describit: nam illum
æternum Christum confectum, inter homines versatum nos-
quam legimus. Qui ergo Christum venisse non in carne, sed
ante carnem dicit, Antichristus est, 1. Ioan. 4. Intelligitur er-
go de aduentu Christi, hominis videlicet in carne, in mundum.*
Sequitur.

Sequentibus, Et mundus per ipsum factus est, de noua creatione, ut audiisti, loquitur. Per Christum enim nouus mundus sub nouo testamento, ut per Mediatorem noui testamenti, fabricatus est: docendo, quia fuit Verbum, magister, propheta: diuinam vim in miraculis exercendo, quia Verbum fuit Deus: viuificando, quia fuit vita: & illuminando, quia fuit lux, Esai. 35. & 61. Luca 4 describuntur opera Christi, euangelizare pauperibus, sanare infirmos, cæcos illuminare. Hæc est noui mundi fabrica, & fabricatus nouus mundus a Christo: hæc est fabrica, quam describunt omnes Euangelistæ, non Moyses. Et tamen hic fabricator summus huius mundi nō fuit agnitus, quia fuit vilis homo, caro, subiectus, despectus virorum. Quum esset in mundo, versareturque inter homines fabricans mundum, non agnoscebatur ab illo: quare & scandalizabantur in illo etiā discipuli eius, durum sermonem eius dicebant, deserebant eum, & Petrus etiam eum ter negauit, in illo principio nihil erat firmum in discipulis, & omnes discipuli fugerunt ab eo, & se solum esse desertum ab omnibus, Patre tantum excepto, dicebat.

Quum autem esset glorificatus per resurrectionem, desissetque versari inter homines, post Spiritum sanctum missum, amplior notitia eius & virtus se exeruit inter pios, quam quam in mundo esset, ut antè audiisti. Eo spectabat & illud Christi dictum, quum scandalizarentur in eo, ut vili, Quid si videritis (inquit) filium hominis (non aliquem alium) ascendentem vbi erat prius? Ioan 6. hoc est, vbi hic filius hominis, qui vobis nunc sua vilitate est scandalum, exaltatus fuerit, seu demonstratus Seruator mundi & Messias, per quem Deus omnes saluat, dederitque ei illam gloriam Pater quam apud eum habuit ante mundi iacta fundamenta, vel in qua erat apud eum (dedit autem illi eam post resurrectionem locato in dextera) tunc tandem desinet scandalizari: quod factum est in die Pentecostes. Exaltationem futuram obiciebat vilitati sue præfenti, præ qua non agnoscebatur a suis ad quos venit. Sicuti & Caiapha scan-

*datazato in Christo vili, sed faciente inter eā se Filium Dei, quā
scidis vestem, obijcit illam exaltationem qua se filium hominis
in nubibus celi venturum cum maiestate sui asseruit.*

*Quod si verò quis de prima creatione hoc vellet intelligi,
mundum hunc per illum factū, & illum fuisse in mundo olim,
quod iam falsum esse antè probatum est: an non dicerent illi ho-
mines quos accusabat, quis nobis de Christo retulit quòd creau-
rit cælos, vel fuerit ante mundum? Moses enim in creatione
omnium de Christo tacuit. Christus etiam nullo verbo (etiam si
esset Verbum) se creatorem cælorum esse patefecit: nam, eum
qui creauit omnia & Deum & Patrem suum esse, & verbum &
re ipsa testatus est. Frustra ergo quis hoc exprobrauerit illi po-
pulo.*

*Ioannes autem aliam creationem respiciens accusat
Israëlitas, quòd quum venisset Christus ad eos sanandos, docen-
dos, illuminandos, & suscitandos, tamen tenebræ, ubi luxit,
eum non comprehenderunt, non fuit agnitus, nec receptus pro
sua dignitate: a quibus verò fuit receptus, datam esse illis po-
tatem a Christo, ut essent filij Dei. Non leue illis beneficium
Christus dedit, in quo eius summa prerogatiua & potestas ac-
cepta a Deo in mundo apparuit: nam hic Ioannes istu titulus pra-
rogatiuam summam Filij Dei ex Maria nati tuetur, nequā
leuē esse credatur. De aeterno autem aliquo nihil somniat: qui
nec fuit antè in mundo, nec docuit, nec miracula fecit, nec de-
dit potestatem cuiquam; cū nec crederetur tunc in eum sub
veteri testamento, sed expectabatur. Ioannis 14. quum ait, cre-
ditis in Deum, ut de re nota loquitur: & in me credite, ut
qui non fui notus.*

M. S.

*In mundo erat, & mundus per ipsum factus est,
& mundus eum non cognouit.*

*Hic mundum per metonymiam pro huius mundi hominibus
accipi nulli dubium esse debet. Est autem huius vocabuli fre-
quens*

quens & multiplex usus in Scripturis, & maximè apud Ioannem. Sed quantum ad præsentem locum attinet, sufficiet si noscimus respectu diuersorum tripliciter accipi. Aliquando ergo in genere ac indifferenter pro hominibus tam renatis quàm non renatis usurpatur: ut apud Matth. 13. ubi Christus edisserens Zizaniorum parabolam dixit, *ager est mundus*: ubi euidenter apparet Christum mundi nomine bonos & malos huius mundi homines indifferenter comprehendisse. Aliquando pro regeneratis, ac spiritualiter per Euangelium renouatis; ut apud Paulum, Deus erat (inquit) in Christo mundum sibi reconcilians: & Ioan. 6. *caro mea est, quam dabo pro mundi vita*: & alibi, ut cognoscat mundus, quod tu me miseris, & huiusmodi. nam ista verificari non possunt, nisi in solis regeneratis & electis. Tertiò pro non regeneratis & infidelibus: ut, *ve mundo a scandalis*: item, *non pro mundo rogo*, &c. cuius mundi alibi fit mentio, nunc princeps huius mundi eijcitur foras. Dum ergo Euangelista dicit, *In mundo erat*, perinde est ac si diceret, Christus versabatur inter homines huius mundi, qui mundus constat ex hominibus bonis & malis, ex fidelibus & infidelibus. Præterea dum dicitur, & mundus per ipsum factus est, nihil aliud infertur quàm si Ioannes dixisset, *Homines isti qui nunc regenerati spiritualiterque renouati in Christi regno insunt*: non aliunde id factum est, quàm beneficio Christi, opera. Demum quum dicit, & mundus eum non cognouit, sensus erit, *Homines autè qui mundo huic visibili sunt addicti eum non cognouerunt*. Sed quia hoc paulo obscurius proposuerat, in hunc modum sese exponit, dicens,

Ad suos venit, & sui eum non receperunt: Quotquot autem receperunt eum, dedit eis potestatem filios Dei fieri, ijs qui credunt in nomen eius.

DECLARATIO est apertissima superioris sententiæ,

sed paulo commutato ordine ornatus gratia. Dum igitur Ioannes superius dixerat, in mundo erat: sic dicit, in sua venit. ubi observandum est ista verba Græca, εἰς τὰ ἰδία, id est, in sua: quia etsi Christus missus est ut omnes seruet quantum in se est, tamē specialiter ad Iudæos missus est, quod illis factæ essent promissiones: ac si diceret, Christum veniendo ad Iudæos venisse in domū suam. Sic enim alibi, quando Ioannes accepit Christi matrem in sua, eadem verba leguntur, εἰς τὰ ἰδία, in sua, habitatum in suā domum. Dum præterea dixerat, & mundus per ipsum factus est, hic dixit, Quotquot autem eum receperunt, dedit potestatem filios Dei fieri. Demum ubi dixerat, & mundus eum non cognovit, hic habetur, & sui eum non receperunt.

ORTHODOXVS.

QVOD inde a principio huius capitis Samosatenus instituerat, ut sanctæ huius grauissimæq; narrationis ordinem conturbaret, in eodem consilio hic pergit diligentissimé. Nec mirum: quia hoc nisi assequitur, omnino eorum quæ captat nihil assequutus est. Nam Ioannes ordinem ipsum naturæ conuenientem persequens (ut antè segmento 2. & 3. docuimus) primū de rebus diuinis ad personam Christi in sese pertinentibus cœperat dicere: inde ad diuina opera eius erga res creatas descenderrat, quorum alia in creandis rebus, alia in sustentandis & regendis sunt posita per vitam & lucem illius: quam primū naturæ nostræ collatam, deinde (postquam amissa est) graciosè denuò operibus & sermone oblatam mundo narrauit Apostolus, turpissimèque inde a principio repudiatam ab hoc ingrato mundo. Nunc verò propter necessarium illud hyperbaton (quod distinctionis ergò commodè interiectum est, versibus antecedentibus) regrediens Apostolus ad interruptam narrationem

tionem suam, de oblata mundo luce amplius loquitur, eiusque a mundo repudiata duos gradus ostendit, secundum rationem temporis & grauitatem facti optimè ordinatos. Nam primum communiter a mundo gratiam repudiatam exponit, hoc versu, deinde a gente Iudæorū versu sequente, antequam ad tertium & vltimum genus manifestationis veniatur, nimirum in carne assumpta personaliter: quæ manifestatio facta est demum in temporum plenitudine, postquam opere & verbo diutissimè omnes sollicitauisset. Hunc diuinum ordinem æquè imperitè ac malitiosè Samosatenus peruertens, prima cum medijs & media cum vltimis ita confundit, vt quisquis ordinem in explicatione eius quæsiuerit, oleum & operā (quod aiunt) miserè sit perditurus. Quod factum eo est indignius, quòd Euangelistæ suauissimo, & grauissimo ordinis conuenientis (si quisquam est) typo hanc *ἀτάξίαν* adfinxerit. Quod vel vnicum incommodum Samosatreniani omnes si bene obseruarent, omnino a suis istis putidis commentis & cauillationibus abstinentes cederent diuinæ veritati. Quam rem vt efficiat gratiosè Deus, oro & opto in Christo Iesu seruatore nostro. Pro eo quod igitur Apostolus ingratum hominum factum expositurus, resumtis argumentis antecedentium beneficiorū Christi, narrationem instituit ingrati animi tum omnium communiter, tum Iudæorum singulariter, hic chimæras & monstra supponit interpretationum. *In mundo erat*, inquit, id est, inter homines versabatur; & *mundus per ipsum factus est*, nimirum nouus: & *mundus eum non cognouit*. Atqui si nouus factus, quomodo non cognouit? Quid est Scripturæ illudere, nisi hoc est? Hæc sic interpretari, & ad carnem Christi ac tempus illius restringere, & argumento humanitatis naturam diuinam personæ Christi tollere per ineptam illam oppositionem quam toties refelli-

mus, nihil est aliud quàm veritatem salutemque voluntariè perdere falsarum interpretationum & fallaciarum argumentorum fuco. Lepida verò illa argumentatio est, quum Samofatenus dicit, *Qui Christum venisse non in carne, sed ante carnem dicit, Antichristus est, 1. Ioan. 4.* Intelligitur ergo de aduentu Christi, hominis videlicet in carne, in mundum: quasi argumentetur ex maiore illa propositione hoc modo: *Ioannes dicit Christum venisse: ergo venisse in carne dicit, ac non ante carnem: & contrà, vos orthodoxi ante carnem venisse dicitis: ergo Antichristi estis.* Maior ambigua, & falsa est, non Apostoli scribentis, sed huius argumentantis vitio. Ambiguitas duplex: vna in nomine *Christi*, altera in *venienti* verbo. Christum enim personam illam diuinam, Sermonem illum intelligimus, qui erat in principio, erat apud Deum, & erat Deus, ut antè Ioannes loquutus est: Hic $\psi\lambda\delta\upsilon$ hominem intelligit, qui tum primùm coepit esse, quum factus est caro ex virgine. *Veniendi* autem verbo singularem illam actionem intelligimus, qua se æternus ille Sermo adiunxit naturæ nostræ in vnitatem personæ, & manifestum siue conspicuū in carne fecit: hic processionem a non esse (ut loquuntur) ad esse intelligit, tamquam si Italico sermone, ac nō Græco Ioannes Euangelium suum conscripsisset. Nam apud Græcos inaudita est $\tau\acute{\epsilon}\iota\lambda\theta\acute{\epsilon}\nu$ illa significatio, quicquid Samofatenus garriat. Falsum autē illud axioma est quod per oppositionem (pro sua illa communi oppositionum arte) hoc loco statuit, Qui Christum venisse ante carnem dicit, hunc Antichristum esse. Nam de Christo secundum personam agitur quæ æterna est, non de carne quam persona assumpsit in tempore. Quòd si quis diceret Christum in carne venisse ante carnem, meritò exploderetur ut insani dictum: quis enim puer non videat illa esse contradictoria, nisi de carne per singularem dispensationem assumpta

assumta (vt olim Christus & Angeli assumerunt) at non personaliter vnita alterum membrum intelligas? Sed persona Christi venisse dicitur, nō caro. Nam caro Christi siue humanitas, non est persona siue hypostasis, aut natura subsistens per se, sed natura est enhypostatos, inexistens in persona, vt more Scholasticorum loquar. Atq; hæc disertè sua illa loquutione distinxit Ioannes, vt Samosateno ansam quam captat præcideret. Non enim carnem Christi venisse dicit (quod figuratū esset διὕπαλ- λαγής dictum) non carnem Christum venisse siue hominem Christum (quod Apollinaristę sibi assumerent, & Samosatenus vsurpat) sed Christum, personam inquā Christi, venisse in carne, id est in humanitate assumta vnione personali, vt esset Immanuel, id est, nobiscū Deus, quod Prophetę olim prædixerant: venisse inquam non mutatione loci in hunc mundum, non productione noua personę quę antè non fuerit, non communicatione substantiæ, conuersione, aut confusione vlla, sed *φανερῶσαι* vel manifestatione personę suę diuinę in carne, in qua factus est conspicuus qui in se est inconspicuus, vt loquitur Apostolus. 1. Tim. 3. Minor planè falsa est & cum veritate pugnās. Non enim hoc loco Ioannes dicit, In mundum venit: sed *in mundo erat*: Quumque dicit postea, *ad sua venit*, non dicit in carne venisse. Nam venit etiam aliter, & alio tempore, quàm in carne: sic falsa est ex particulari, siue ex distributo (vt vocant) argumentatio. Ac proinde quęcunque superstruuntur fundamento isti ex particulari & per elenchi ignorationem posito, ea nullas vires apud bonos meritò habere possunt. Quid ergo ista sibi volunt, *in mundo erat, & mundus per ipsum factus est*? Nempe ingratum mundi animum in Christum Ioannes propositurus, duos amplissimos illos beneficiorum locos quos antè narrauerat summatim repetit ὅτι πρὸν πρὸν (qui ordo Hebræorū

est, memoriæ iuuandæ per commodum) vnum gubernationis, alterum creationis: quibus locis æquissimum fuerat homines adduci & rapi ad agnitionem Christi: *in mundo erat* (inquit) essentia, præsentia, potentiâque sua, regens omnia & sustinens verbo potente suo, vt Sermo æternus Patris apud Deum Deus: & *mundus per ipsum factus est*, id est, conditus creatusque in principio: quo iure, creationis in quâ & administrationis, mundus tenebatur omnino eum agnoscere, & non agnouit tamen. Sic & versus sequens. Sed hîc nouus interpres occurrit dicens, *non creationem mundi, sed instaurationem potius significari, quia per Christum nouus mundus sub Testamento nouo, &c.* Quàm inconsequens sit hoc argumentationis genus, *nouus mundus est per Christum, non igitur vetus per eundem est*, antè ostendimus segmento 7. Nam ex particulari concluditur, & negatur diuersum, & tempora confunduntur, & ratio diuersa tollitur, quam in persona Christi necesse est obseruari: nam quâ Deus, creauit mundum: quâ mediator, instaurauit. Quis ex tot vitijs, obsecro, necitat bonam consequentiam? Hoc agnoscimus, a Christo nouas creaturas esse: quid hoc confitentibus, credentibus, acquiescentibus probari opus est? Sed hîc Rhodus, hîc saltus, quod aiunt, probari non esse a Christo creationem omnium, quam simpliciter ex Ioanne & alijs hauisâ in Ecclesia confitemur. De recreatione quam vocat, minimè contendimus, quam Christo Mediatori nostro ferimus acceptam: quæcunque ergo de ea commodè adferuntur, suo loco relinquimus. De creatione per Christum agitur. Quapropter hic artifex *μυνηξως* in suam scenam personas introducit, quæ probationes a nobis desiderent. *Quod nemo docet, falsum est*, inquit: *Christum creauisse cælos, aut ante mundum fuisse, nec Moses, nec Christus, nec quisquam docet: Falsum igitur.*

Minor planè falsa est. Nam creauisse coelum & terram Moyses narrat Deum Patrem, Filium, & Spiritum sanctū, quem Elohim cap. 1. Iehouam Elohim, cap. 2. vocat agēs de creationis argumento: Christus narrat Ioannis 5. vt antè segmento 7. docuimus. Ante mundum fuisse idē Moyses per consequens narrat, qui mundum fecerit: Christus narrat Ioan. 17. *quum se gloriam apud Patrem dicit habuisse prius quàm mundus esset.* Quid? quòd vnicus ad Hebræos locus ex Testamento vetere vtrumque probat luculentissimè? Nam æternitatem primū personæ, tum creationem ab eadem persona factam asserit his verbis, proposita Angelorum comparatione, *De Filio verò dicit, Thronus tuus, o Deus, in seculum seculi: virga regni tui. Dilexisti iustitiam, & odisti iniquitatem: propterea vnxit te, o Deus, Deus tuus oleo exultationis præter consortes tuos. Et, Tu in principio, Domine terram fundasti, & opera manuum tuarum sunt celi. Ipsi peribunt, tu autem permanes: & omnes vt vestimentum veterascent. Ac velut amictum circumuolues eos, & mutabuntur: tu verò idem es, & anni tui non deficient.* Alia præterea testimonia adferre possem: sed hæc pijs mentibus futura sunt satis: contentiosis ne sexcenta quidem studiū *φ: λονεύσις* eximent. Atque hæc vniuersè de prioris scripti ad locum hunc interpretatione. Nunc ad singularia quædam excutienda veniamus. 1. Ad eundem lapidem hic denuò offenditur, facta oppositione duarum naturarum in Christo: quæ, quia diuersæ, huic sunt visæ contrariæ & pugnantes inter se: vt bis aut ter etiam fit in hoc ipso loco. Sed de vanitate huius oppositionis iam dictum centies. 2. Hic ille ipse locus est, quem paulo antè ad demonstrandam æternitatem Christi protulimus: ab hoc autem interprete prolatum demirater, nisi scirem admirabilem vim esse veritatis, quæ hanc confessionem huic homini expresserit. Hæc autem de manifestatione &

Hebr. 1.

Psal. 45.

Psal. 102.

demonstratione intelligi oportere ipsa verba Samosateni euincunt manifestò, quum ait, *exaltatus fuerit, seu demonstratus seruator mundi, &c.*

3. Sic argumentatur: *Qui alium quàm se Creatorem omnium esse prædicat, se Creatorem negat: Christus Deum & Patrem suum Creatorem omnium testatur esse: Ergo se Creatorem negat.* Maior ambigua est, & particularis: ex qua nihil iustè concluderis. Exempli causa, si quis alium quàm se dominum ædium, vel fundi esse dixerit, hæc responsio duobus modis potest intelligi: nam aut alium secum dominum esse intelligit, si domus vel fundus communis est, neque se a communitate excludit; aut alium, non autem se, dominum esse intelligit, & excludit sese. Christus autem Deum & Patrem suum esse Creatorem pronunciat secundum rationem communis, non seipsum excludit ab illa communi operatione. Itaque nihil agit Samosatenus hac sua argumentatione. Quod autem Ioannes ad aliam creationem dicitur respicere, id antè negauimus, & falsi euicimus.

4. Probaturus Christum nec æternum esse, nec fuisse sub testamento vetere, tribus argumentis vtitur. Primum, *Qui ante prædicationem Euāgelij nec fuit, nec fecit quicquam, non est æternus: Christus antè non fuit, nec fecit quicquam: non ergo æternus est.* Maiorem damus, minorem distinguimus. Christus antè nō fuit secundum carnem, quàm plenitudo temporum aduenisset: at fuit Christus, seu persona Christi secundum diuinitatem æternam, quæ suo tempore induit carnem. Elenchus perpetuus est, ex quo conclusio falsa. Secundum, *In quem non credebatur sub testamento vetere, is non erat. In Christum non credebatur: non erat igitur.* Negatur minor: nam in Christum credidisse Patres sub testamento vetere, vel solus David Psal. 2. & 16. & Hebr. 1. 45 & 102. & 110. docet apertis verbis, & Christus Apostolique confirmarunt. Tertium, *Qui expectabatur, nondum erat:*

Ioan. 8.

Rom. 10.

Hebr. 1.

erat: Christus expectabatur: Nondum igitur erat. Maior ambigua est: nam qui expectabatur, aut futurus expectabatur, aut venturus: futurus, si non erat; venturus, si non aderat. Christus autem expectabatur, non futurus tum primum (erat enim) sed venturus in carne, secundum modum illum patefactionis qui expectabatur. Falsa igitur conclusio: nam etsi non erat Christus secundum carnem, erat tamen secundum veritatem personæ suæ. His argumentationibus positis, Samosatenus quasi extra scriptus, ad aliam anchoram confugit, nempe ad notitiam Christi, *quod non fuerit notus.* Hoc autem quorsum, sicertò constabat ipsi non fuisse Christum? Nam de eo qui non est, nec adhuc fuit, nemo dicit non esse notum, cum ne sit quidem. Dum vult iste homo subtilis esse, subtilitate dissiluit. Deinde verbis Christi indignè abutitur ad istud suum commentum confirmandum. Nam Christus Ioan. 14. Apostolos his verbis compellans non agit de notitia illa communi, aut etiam singulari notitia fidei, ut eam tamquam priùs ignoti habeant: nouerant enim Christum, & fide aliqua nouerant, ut verbis illis Petri demonstratur Ioan. 13. lotionem pedum a Christo recusantis: sed de confirmatione agit illius fidei aduersus scandalum crucis proximè obuenturum: quemadmodum illa Christi verba vincunt manifestissimè, *ne turbetur cor vestrum: quibus illicò subiicit, creditis in Deum, etiam in me credite.* Quæ cum ita sint, eo tantum pertinet hæc interpretatio a Samosateno allata, ut ipse suo iuguletur glaudio, cum hæc euertat illam, & a Scriptura sacra potentissimè vicissim euertatur.

Altera interpretatio maiorem subtilitatē sectata, M. S. argumento quidem eadem est, sed modo interpretationis differens. Non contendam vtrùm hæc metonymia, an synecdoche dicenda sit, vbi pars pro toto, vel totum pro parte sumitur: viderint Grammatici. Sed insignis est

audaciæ, an impudentiæ? quòd vnico in versu, eoque per breui, treis mundi significationes statuit: *in mundo erat*, nempe inter homines: & *mundus per ipsum factus est*, nempe hominū renouatorū & regeneratorū, per Spiritum: & *mundus eū nō cognouit*, nempe hominū animalīū, qui mūdo huic visibili addicti sunt. Vt nō disputē quā bene adferatur ista mūdi interpretatio; quā alienū est, sic vno in loco ludi vnus vocis æquiocationibus? Vel hic ipse interpretationis modus infirmitatē harū interpretationū arguit. Quid ergo est, *in mundo erat*? nempe essentia, presentia, potentiaq; inerat mundo, vt verus ille Deus in quo vita erat & vita erat lux hominum. Quid, *mūdos per ipsum factus est*? nempe creata mundi vniuersitas potentia diuina ipsius, non excluso Patre & Spiritu sancto, vt qui sunt vnum, & operationem vnā efficiunt cōmuniter. Quid, & *mundus eum non cognouit*? nempe ne ipsi quidem mundi incolæ, quos lux illa communis hominum ad cognitionem ipsius prouocabat. Nam illud, *non cognouit*, priuationis est: hīc ergo demū restringitur mundi nomen ad eam partem mundi quam lux illa prouocabat, & cui habitus cognitionis fuerat inditus. Talia enim subiecta sunt, qualia permittuntur esse a prædicatis suis dexterè intellectis. Sic non variat mundi significatio, sed tantū postremo membro per synecdochen communis ex necessitate prædicati restringitur. Hæc simplex interpretatio est, & euidente argumento: quia duo illa cōmunia Christi in mundum beneficia, gubernationis, inquam, siue prouidentię & creationis, plurimū indignitatem humanæ istius *ἀγνοίας* siue ignorationis Dei & Christi amplificat.

Cætera suo loco relinquimus: si duo exceperis. Vnum est, quod singulari applicatione confundit quodammodo historiam communem mundi cum singulari historia Iudæorum: quod malum tamen aliquo pacto, non satis,
corrigit.

corrigit. Alterū, quodd *Christum missum esse dicit, ut omnes seruet quantum in se est*: quod ambigūe dictum voluissē ab eo ampliū explicari. Non enim ignotum est, vocem, *omnes*, yniuersaliter, communiter, aut distributiue accipi: & illud genus loquuticnis *quantum in se est*, de Christo Filio Dei Deoque vero enunciātum non carere periculo, nisi commodē distinguatur in hoc argumento. Sed ad alia pergamus.

M. S. SAMOSATENVS.

12.

Qui non ex sanguinibus, neque ex volūtate carnis, neq; ex voluntate viri, sed ex Deo nati sunt.

Hoc loco Ioannes Iudaorum supercilium retundit, qui gloriabantur se originem duxisse ab Abrahamo, Isaaco, & Iacobo. Concludit ergo nihil momenti habere in regno Christi, sed regeneratione vitæque nouitate opus esse.

ORTHODOXVS.

Hæc quoque nota probatur nobis, licet non plena sit loci interpretatio.

SAMOSATENVS.

13.

Et Verbum caro factum est, vel
Et Verbum caro fuit.

Qui Græcè norunt, vocem *ἐγένετο* norunt significare idem plerumque quod fuit, ut sit sensus, Christus ille, qui erat Verbum, Dei proloquutor seu interpres, & spiritu sine mensura vnctus, qui erat lux, vita, structorque noui mundi, qui quum ad suos venisset non fuit receptus: hoc Verbum, inquam, fuit caro, homo vilis, mortalis, despectus, maledictum etiam factus. Caro enim ferè pro eo semper sumitur. Hoc dicit, nequis Christum sibi somniet, seu vnctum a Deo, qui non sit homo. Ideo & Ioannes prauidens alium Christum non hominem introducendum præmonuit dicens, Omnis spiritus qui Christum negat in carne venisse (non in carnem ait) ex Deo non est, impostor est.

& Antichristus, de quo audistis Anrichristum venturum fuisse, & iam nunc in mundo esse. *Quae verba innuunt doctrinam hanc de Filio Dei ficto ante carnem, tempore Apostolorum iam exortam fuisse, & ante omnia Christum lucem veram sublatum esse, ut tandem omnia in tenebris vastaret Satan, ut Christus praedixit Ioan. 9. Certè in his verbis Ioannis 1. capite nulla transsubstantiatio asseritur, neque aliqua vnus Christi aeterni cum altero temporali iunctura: unde etiam duas naturas, ut potius duos Christos introduxit Antichristus, visibilem & inuisibilem, aeternum & temporalem, vnum hominem cum Deo copulatum, mortalem & immortalem, aequalem & minorem: qui creuit sapientia & etate, tum qui non creuit: qui vnus est cum Patre, & qui non vnus: passus & non passus pro nobis. Ista enim & multa alia portenta hinc stabilivit Antichristum, de quibus nec somniauit Ioannes Simplex est hic oratio, sed nunc obscurata per phantasmata Antichristi.* Ioannes enim simpliciter illum Christum Verbum Deum, lucem, vitam, structorem noui mundi, hominem fuisse docet, ne quis vel Deum Patrem esse Messiam, vel Deum aliquem aeternum, vel non hominem somniaret Christum. Contra Antichristum, & eius fictum Christum, editum hoc est Euangelium, quod Antichristus pro suo Christo aeterno torquet. Talium verò phrasium plena est Scriptura, ubi vox eussu idem valet quod fuit. In eodem capite, paulo antè dicit de Ioanne, eussu a d patris, fuit homo missus a Deo. Sic Ioann. 6. Sic de Christo Luc. 24. eussu a d p, qui fuit vir verbo potens & opere. Sic Luc. 1. eussu & c. fuit in diebus Herodis Regis. Sic Marc. 1. Quod si quis diligens lector fuerit, plus mille locos colliget in nouo Testamento ex Graeca lingua: nusquam tamen hanc vocem pro incarnari, vel duas res aut naturas in vnũ iungi inuenies. Quin facilius inuenires pro conuerti, ut aqua factum vinum in Cana. Quare pssedulo caueant sibi a talibus Antichristi imposturis: quibus non tantum ille Christus vnicus verus Dei Filius ex Spiritu

Spiritu sancto conceptus, & ex Maria natus, & a Deo de caelo commendatus, & nunquam incarnatus vel ex duabus naturis conceptus, sublatus est; sed etiam tota Scriptura obscurata, ut nemo illam praesto Christo fictitio intelligat. De nullo magis & diutius hucusque certatum, & ab initio, quam de istis naturis Antichristi, de quibus ne verbum quidem habetur in tota Scriptura, nec de communicatione idiomatum a Satana inuenta. Quin & nunc in omnibus Ecclesiis Germanicis, Helveticis, Gallicis, de nullo alio contendunt, sicut ab initio Evangelij, quam de naturis. An verò putamus res tam necessarias non fuisse descripturos Apostolos, in quibus isti hodie proram & puppim religionis & salutis omnium locant? An tacuisset de Christo isto aeterno Pater? quem sub veteri Testamento nec ostenderat, nec promiserat unquam, nec unxerat, nec in eum credere docuit: cum etiam Angelos saepe describat in veteri Testamento, & alias res leuissimas.

Lux est Christus, unus etiam magister, quo nemo clarius docet: nihil facilius est tota eius doctrina, si quis modo hac Antichristi blasphema commenta de Deo trino, & de Christo bino ab oculis abstergat. In hac sola doctrina Christi simplice, absque Patribus, Concilijs (cum per horum fumos obscurata sit lux) perseuerabat Ecclesia illa Apostolica purissima, in qua homines simplices, pii, & ardentes in fide & charitate erant, Luca teste. In hac quoque sola standum nobis erit ad finem, si volumus Christiani esse, id est, discipuli Christi, & ex Babylone exire, in Apostolicaque Ecclesia ad finem permanere.

*Quòd si quis etiam Verbum factum carnem interprete-
tur, non pro unione illa duorum in unum, nec pro conuersione
vnius in alterum, sed pro mutatione status seu conditionis sum-
mae potentiae Christo data, non absurde (ut puto) faceret: ut re-
spondeat loco illi Philip. 2. & Esaia 53. de forma Dei & seruitum
illi 2 Cor. 8. quod quum esset diues, factus sit pauper propter nos.
Hic sensus enim omnium istorum locorum esset sibi correspon-
dens. Quum Christus esset Verbum, primarius Doctor, & ef-*

set Deus tanta potentia praeclatus ut omnia illi obedirent, & demonis fugiendo, morbi cum morte cedendo, mare & venti sese pacando pro imperio Christi, essetque innocens sine peccato, sicut & Adam creatus ad imaginem Dei (hoc enim est esse in forma Dei, Paulo) quum ergo tantus tamque potens esset, missusque ad reconciliandum nos Deo per mortem, & ad exsoluendum peccatum (a quo ille, ut & ab omni dolo, erat liber, innocens, sanctus, pius, imaginem Dei referens, atque ita nec morti, nec maledicto ulli obnoxius) factus est tamen caro, vilis, & contemptus, & propter nos exinanivit se hac Dei forma: quum esset aequalis Deo, formam serui suscepit, subiecit se sponte servituti non qualicunque, sed etiam maledicta morti crucis, quam posset se potentia a Patre accepta tueri, nec tradere se illis quorum cogitationes ante nonerat, & manus eludebat, eosque iam capiendus coram virtute prostrauerat: Verbum illud Dei factum est, inquam, caro, id est, vilis, pauper, miser, maledictum, vermis & non homo, quasi omni potentia destitutus esset, morti se obiecit crucis obediens Patri factus: & hac quoque est forma serui & paupertas spontanea. Quam ob causam etiam extulit illum Pater, dato illi nomine supra omne nomen, ut ab omnibus adoretur, resuscitauit eum, & ad dexteram suam sedere fecit, potentia in caelo & in terra illi data. Et Ioannes post hanc vilitatem scribit, ut & Paulus, fuisse conspectam eius gloriam, non ut alicuius hominis vel Angelis, sed ut unigeniti a Patre, iam non ut exinaniti vel in forma serui, sed pleni gratia & veritatis. Nam ut aliquem Christum alium aeternum ante Mariam fingant, qui fuit in forma Dei, vel diues, vel Verbum Deus, vel vita luxque, ut iam probent, nullum locum habent Scripturae, nullas diuitias eius possunt ostendere. De homine enim Christo in terris, tam potente & talia miranda patrante, hac dici volunt Euangelista, non de alio. An non Paulo fuisset facilius loco forma Dei dicere verum Deum & aeternum, ut vult Antichristus? In forma enim

enim Dei, tamquam Deus, imperabat omnibus. Id verò Paulus non fecit, quia de uno eodemq; filio Dei (quem Dominum & Christum fecit Deus) loquitur: illum qui non sit factus a Deo non demonstrat, neque duos Christos usquam tradit. Ut enim vetus testamentum eum promittebat, figurabat, re non ostendebat: ita sub nouo testamento, non sub veteri, natus, datus, demonstratus ab Angelis, Simeone, Anna, & a Deo Patre caelo aperto coram turbis proclamatus, quum iam proditurus esset (& non antè) ut se Verbum, Deum, lucem, vitamque ministerio suo docens faciensq; demonstraret. Eodem sensus uterq; reddit: quum esset summus apud Deum, fuit infimus omnium: idè summus, qui factus vilis, non alius & alius: uti & doctiores Nøterici docent, præsertim Melanchthon, cuius verba hic placuit adijcere. Vide in vetusto illius commentario in primum Ioannis caput super illis verbis, & Verbum caro factum est, ubi sic ait: Porro omissis philosophicis disputationibus de incarnatione, breuiter ita sentio, Ioannem *Ἐπεὶ ὁ Θεὸς* capere nasci, quum ait, Verbum caro factū est, id est quod Elías ait, nouissimus virorum: & Paulus 2. Cor. 5. pro nobis peccatum factus est: & Gal. 3. factus pro nobis maledictum. Quare quum carnem vocat, intellige extremā humiliationem Christi, &c.

M. S.

Et Verbum caro factum est, seu potius

Et Verbum caro fait, id est, homo.

INTERPRETES hoc modo exponunt: Verbum, id est, Filius Patri consubstantialis ac coeternus factus est caro, id est, induit seu assumpsit hominem. Sed nos quid Verbi nomine intelligendum sit, superius exposuimus: neque enim vnquam ex verbo Dei, quod isti dicunt, probare poterunt. Obseruandum est igitur vocem istam Græcam, qua hic utitur Ioannes, duplici modo Latine reddi posse: nempe & verbum *ῥῆμα*, id est, fa-

Etum est vel fuit. Ratio tamen contextus omnino postulat et legatur, & Verbum caro, id est, homo fuit. Nam ultra quod superius Ioannes eadem voce Græca in hac significatione usus est, quando mentionem faciens de Ioanne Baptista dixit, ἐγὼ ἄνθρωπος, id est, fuit homo missus a Deo, &c. est & illud, quod optimè coheret præcedentibus & sequentibus, est que optima expositio omnium præmissorum: quasi dicat Ioannes, Verbum hoc, de quo hætenus verba feci, quod lucem etiam ac vitam appellavi, cui testimoniū perhibuit Ioannes Baptista, quodq; in mundo erat, ac in suam, Iudeam veluti in propriam domum venit: hoc inquam Verbum, nempe Iesus ille Christus de quo in presenti historia sum loquuturus, caro, id est, homo, & quidem mortalis, humilis ac despectus (nam per carnem huiusmodi hominem significari satis manifestum est) fuit: & hac ratione Christus ipse se filium hominis, id est, hominem sæpe vocat.

Quod si veritas, & Verbum caro factum est, non solum non coheret textui, sed totum lectionis contextum euerit. Nam si ita legatur, oportuisset huiusmodi Verbum, antequam veniret Iudeis suis prædicatum, carnem fuisse factum: at hic legitur prius venisse ad eos, deinde carnem esse factum. Adde quod si ita vertatur, & intelligatur de Filio aeterno consubstantiali, ut isti volunt, non solum Scripturis probari non potest, sed toti Scripturæ maximè aduersatur. Nam cum afferant esse Verbum illum Deum Iehouam; qui solus adorari debet & eum hominem esse factum: nonne hoc est Scripturam vniuersam inuertere, ipsamq; toti modo contemptui exponere?

ORTHODOXVS.

HORVM Euangelistæ verborū duplex adfertur interpretatio: quarum altera affirmatè enunciatur, altera συχωρητικῶς. etsi hanc posterior interpretes oppugnat simpliciter, vt sibi incommodam & sententiæ suæ. Prior interpret-

interpretatio est Verbum fuisse carnem: posterior, Verbum factum esse carnem. De vtraque ordine videbimus.

In priore sequemur ordinem a Samosateno hoc interprete institutum. Nam primum sententiam suam proponit, tum confirmat prout potest, tandem accumulatis absurdis comparat nostram. *Sensus est*, inquit, *Christus, hoc Verbum, fuit caro, homo, vilis, mortalis, despectus, maledictum etiam factus*. Huius interpretationis vitia (vt dicamus paucis) tria animaduertimus: vnum, in subiecti; & duo, in prædicati enarratione. In subiecto vitium est, quòd Christus persona supponitur, quæ tñ primum cœperit esse, quum caro facta est, ac nō persona diuina essentialiter. In prædicato, vitiosè nomen *caro* & verbum *ἔγενετο* exponitur. Cùm enim nomen *carnis* substantiam propriè significet, cuius substantiæ species proximè definitur, quū additur nomen *homo* (atque hoc aliquo modo verum est) illico attributa homini huic appinguntur toto genere differentia: tanquam si nomine carnis æquiuocè dicerentur multa ad categorias complureis pertinentia. Nam vilis, mortalis homo cum dicitur, attributa qualitatis sunt; quum verò despectus & maledictum etiam factus, hæc continentur passionis categoria. Si ergo, Samosatene, nomine carnis tam multa & diuersa significantur; putas ne idem de eodem, vt genus simul & vt accidens, enunciari posse? putas ne idem de eodem vt varia genera prædicari? Si putas, profer, quæso, nomen contrarium quod ad certum genus referri possit. Id profectò nūquam quisquam effecturus est, data hac definitione carnis. Quòd si substantia cum accidente, generaq; inter se hac circumscriptione confunduntur vsque adeò vt nullum certum contrarium dari huius vocis aut species *ἀντιδιγενή* possit; non definitur nomen carnis, sed magis his loquutionibus obscuratur. De verbo *ἔγενετο* non melius

statuis: nam quo loco iubes exponi *fuit*, eodem tu ipse exponis factus est, quū dicis, *fuit maledictum etiam factum*. Quod verbum siue ad omnia tuæ definitionis membra retuleris, siue ad vltimum solū (in quo tamen plus excusationis futurum est) non potes quin euincaris ipse fundamenta doctrinæ tuæ euertere: qui id ipsum in definitione tua ponis, quod tam constanter & tanta contentione extrudi iubes.

1. Tim. 2

Quæ cum ita sint, redundat tua illa definitio carnis: quam (si sapias) resectis omnibus attributis quæ placuit addere, hoc modo statues: caro, id est, homo, prout ab Apostolo nominatur Iesus Christus homo. Et si hoc pium Lectorem velim obseruare, optimè Spiritui Dei placuisse vt hīc porius diceretur, *Verbum factum est caro*, quàm Verbum factum est homo. Cur autem? quia homo simpliciter quum dicitur, persona intelligitur subsistens essentia sua in humanitate sua, vel in seipso secundū humanitatem suam: sed caro hīc quum dicitur de verbo Dei vel sermone, intelligitur natura humana subsistens essentia sua in persona Filij Dei, ac non in seipsa, vt sit in omnibus hominibus prognata naturæ ordine. Quapropter antehac dixi aliquo modo verum illud esse, quod caro hīc hominē significet: nam respectu substantiæ caro Christi homo est: sed in ratione subsistendi (quem *τὸν υἱὸν ἀρχαίου* appellant Patres) discrimen istud intuenit quod homo naturalis subsistit in se, humanitas Christi subsistit in persona Filij Dei, secundū vniōnem personalem humanitatis cum diuinitate illius. Sequuntur probationes illius definitionis tuæ, quam modò expendimus. Prima, *caro* serè pro eo semper sumitur. Negor nam est quidem dictio æquiuoca: sed tamen nullum Scripturæ locum video, vbi sic possit coniunctè accipi: exemplum desidero. Si quod est, non possum meminisse: hominū. Quod statim excurrit Samosatenus ad suam illam

illam toties recantatam oppositionem Filij æterni & hominis, tamquam si in vno supposito non possent simul existere, puerile est: & eo amplius miror, quod eos dum putant effugere absurdum (vt videtur) vnum, in alterum aut potius idem video incidere. Nam *non magis attributa purè diuina creata nature inesse possunt, quam natura diuina nature humane adunari*: Hoc autem illis absurdū est: Et illud igitur absurdum esse oportuit. Ac proinde optimè & diuerso concludimus: *Omnia attributa diuina sunt propria deitatis: Quæ autē propria sūt deitatis nō possūt natura creata cōpetere, aut inesse in se: ergo attributa deitatis nō possūt natura creata cōpetere*. Sed vtraq; natura potest personaliter adunari, diuina inquā & humana, seruatis vtriusq; in sese proprietatibus & cōmunicata operatione in suppositi siue personę vnitate: illud ergo absurdissimū, hoc minimè absurdum est, quod ex verbo Dei credimus & confitemur. Non igitur alius Christus non homo (vt hic odiosè obijcit) a nobis introducitur, sed (quod maximè omnium est necessarium) natura diuina cum humana in vnitatem personę dicitur adunata, vt in humana, per humanam, & cum humana suas diuinas præstet operationes verus Deus verus homo Christus, vnum suppositum, seu persona vna.

Secunda probatio: *Qui docet dogma aduersus quod nos premonuit Apostolus, is ex Deo non est, &c. Orthodoxi docent dogma eiusmodi: ergo*. Miror enim, quam negamus, probare volunt auctoritate Ioannis, dicentis, *omnis spiritus qui* 1. Ioan. 4. *negat Christum in carne venisse, ex Deo non est, impostor est & Antichristus. &c. hoc negant Orthodoxi: non igitur ex Deo sunt*. Iterum falsa minor. Probare sibi videtur, dicendo, *non ait in carnem venisse, vt vos affirmatis, sed in carne venisse dicit Ioannes*. Atqui primū qui in carnem venisse dicit, non negat venisse in carne: nam venisse in carnem, & venisse in carne non sunt contradicentia: tantū eo disci-

men est, quòd venisse in carnem quum dicimus, euidentiùs notamus antè fuisse suppositum quàm aut caro esset, aut suppositum veniret in carnem, atque hic scopulus ille est a quo tantopere & tanta contentione animi resili-
tis: venisse autem in carne quum dicimus, sit ad nos relatio, nempe quòd suppositum illud de quo agitur ad nos in carne venerit. Vtrumque autem coniungimus, Christum venisse in carnem, quam assumpsit in utero virginis Mariæ, & Christum in carne venisse ad nos, id est, in mûdum atque in lucem prodijisse ex beatæ matris utero. Secundò non dicit simpliciter Ioannes (vt putas) qui negat

1. Ioan. 2. Iesum Christum venisse in carne; sed dicit *ἐλθὺντα, Iesum Christum qui venit in carne*. Eodem enim, quo antè, respicit, quum diceret, *Quis est mendax, nisi qui negat Ie-*

Ioan. 20. *sum esse Christum illum? quemadmodum in Euangelio, hec scripta sunt, vt credatis Iesum esse Christum illum, Filium illum Dei, &c.* Tantùm eo differt hic locus ab illis, quòd vna ampliùs circumscriptio adijcitur a carne ipsius, *omni spiritus qui negat Iesum* (hoc personæ nomen) *Christum* (hoc officij) *qui in carne venit* (hoc naturæ, cuius respectu adducebantur multi, vt carnis infirmitate & crucis scandalo offensus negarent hunc Iesum, hunc Christum eundem esse) *is ex Deo non est, &c.* Frustra itaque Samosatenus adtexit commenta sua, & nouam quamdam priscæ Ecclesiæ proponit historiã: quam si velimus cognoscere, optimos illos & incorruptos antiquitatis testes ab ipsa antiquitate potiùs audiemus, quàm novos homines, qui & in suis interpretationibus & in ijs quas adhibere solent historijs nihil nisi principium petunt, certis auctoritatibus, rationibus exemplisque destituti. Quæ contumeliosè in Christum, doctrinam, & nos vibrare auder, ea de industria omittimus.

Tertia probatio, non probatio est, sed mera petitio principij: *hunc Ioannis locum non obscurum,*

aut portentosum esse, sed clarum & simplicem. Obscurum fore, si transsubstantiationem aut consubstantiationem doceret naturarum: portentosum, si duas naturas aut potius Christos introduceret in quibus res contraria inessent planè, &c. De obscuritate respondeo, nullum verbum esse in tota Ioannis historia, nullum in tota interpretatione nostra de transsubstantiatione siue substantiarum transmutatione. Negamus igitur: tum etiam regerimus, æquè obscurum esse atque παράδοξον, si quis transfusionem vel transportationem atque immigrationem proprietatum essentialium aut personalium de substantia vna in alteram affirmauerit, quàm si transmutationem substantiarum inter se confirmaueris: propria enim, quæ quidem verè sunt propria, non emigrare e subiectis suis. Proprietatum autem immigrationem eiusmodi, & quidem diuinarum in naturam humanam (hominem Christum fallendi studio vocant) Samosateniani tradunt, adeò vt ipsis auctoribus Christus purus putus homo Deus factus sit proprietatum diuinarum immigratione, secundum quas vno momento & vno loco consistens omnes omnium hominum qui vbiuis locorū sunt animos corda & voluntates nouit, sermones & orationes audit, actiones videt, omnibus opem fert, &c. quæ solius deitatis propria sunt & essentialia. Obscurum ergo docent isti atque παράδοξον. Obscurum fore quod aiunt, si doceatur consubstantiatio siue iunctura (vt vocat) naturarum differentium, falsum est: nam nihil communius adunatione & coagmentatione in natura rerum. Fit vnio ex pluribus integris, perfectis remanentibus, vt in acervis confusione, in ædium structura commensu & ordinatione: fit ex perfectis transmutatis, prout ex elementis fiunt corpora mista atque composita: fit denique ex imperfectis, non mixtis aut permutatis, vt ex membris fit corpus, ex anima & corpore fit homo, v-

nione quam dicimus personalem. Non ergo obscurum aut alienum esse potest, si qua hic quoque vnio de Christo prædicatur, sed singulari modo: quia non natura (si propriè velimus loqui) sed persona assumpsit naturam in vnitatem personæ suæ. Quod itaque de adunatione dicitur naturarum, siue naturæ ad personam assumentem, naturale est, licet supernaturalis ortus: & quum dicitur his verbis, *Sermo factus est caro*, non obscure dicitur, sed tam perspicuè quàm dici hoc mysterium potest. Quòd autem *fore portentosum* obijcit, *si aut dua naturæ introducuntur, aut dua personæ prædita contrarijs proprietatibus in vno supposito*, negamus prius, posterius concedimus, atque affirmamus, quod Samosateno dolet. Duæ, inquam, naturæ coeunt in vnum suppositum personali vnione, quo in supposito qualitates planè contrariæ coalescunt, & in vnaquaque natura integræ permanent, quamuis in persona adunate. Sic vnus & idem homo visibilis est secundum corpus, secundum animā inuisibilis; mortalis est secundum corpus, secundum animā immortalis: crescit per spatia secundum corpus, secundum animā nō crescit, & similia multa. Quemadmodum autē duæ imperfectæ naturæ in homine coagmentantur seruatis proprietatibus ad suppositi vnus constitutionem in carne & anima subsistentis virtute Dei; sic etiam persona Christi, quæ naturæ est perfectissimæ, assumpsit naturam humanam in vnitatem personæ virtute sua: atque hæc adunatio facta est in ipso seruatis proprietatibus naturæ vtriusque, ad suppositi vnus constitutionem in persona illa diuina & carne assumptæ subsistentis virtute sua ipsius. Sic vnus & idem Christus homo visibilis est secundum carnem, secundum deitatem inuisibilis; temporalis secundum carnem, secundum ætatem sempiternus; verus Deus verus homo in vnitæte personæ (et si hæc non sunt contraria, cum substantiæ non sint

sunt contrariæ inter se, sed qualitatum contrariorum sint subiecta solum) mortalis secundum carnem, secundum deitatem immortalis: minor Patre secundum carnem, æqualis Patri secundum deitatem; qui creuit ætate & sapientia secundum carnem, secundum diuinitatem non creuit: qui vnum est essentia vel vnus cum Patre Deus, & qui non est cum Patre vnus secundum personam, non aliud, sed lius, vt dicebant Patres: qui denique passus est pro nobis secundum carnem, idem secundum deitatem æternus permanens. Hæc, vir bone, portentosa non sunt, non ab Antichristo impiè stabilita, non delirantium somnia: sed naturæ vsu euidentissima, a Deo per singularem gratiam effecta pro nobis, & ab Ecclesia inde a principio Euangelij fide religiosè percepta, & sanctis laboribus, vigilijs, ieiunijs, per passionibus, martyrijsque contestata: quæ Samosatreni, Phorini, Arii, aliorumque phantasmata nituntur obscurare, & Satanæ *δι' ἡμετέρας* eripere. Sed illud quod ait Samosatrenus portentosum foret, si duo Christi, id est, duo supposita duæue personæ in vnitatem personalem dicerentur assurgere: quod neque vnquam ab hominibus nostris dictum est, neque a bonis comprobatur. Quemadmodum etiam id omnino portentosum est, quum proprietates vnius essentiz in essentiam alteram dicuntur immigrare, quod isti homines non dubitant affirmare. Nam si Christus homo solum est secundum essentiam suam, vt isti volunt, & tamen in hac sua humanitate & per humanitatem Deus est, resque diuinas operatur in omnibus, omnia vno momento ac non successiue in infinitum videns, audiens, cognoscens, operans, &c. nonne ex facto proprietates diuinæ in naturam humanam transiuerunt? Quod si prout sunt essentiz, ita operantur, & modus operandi quem res vnaquæque habet, modum *τῆς αἰσῆς* sequitur illius (vt certè

verum est) quis non miretur portenta Samosatene i-
 stius doctrinæ, qua Christus nobis & tota salus eripitur.
 Quod si nos rationibus humanis pugnare dicant, quibus-
 cum hæc mysteria nihil commune habeant: cogitent ipsi
 an non rationibus humanis, iisque cæcis, in ista opinio-
 num portenta quæ tuentur deuenerint: cogitent has ra-
 tiones non ex hac humili tantum natura terrenarum re-
 rum depromtas esse, sed principia naturalia esse & com-
 munes notiones a recta ratione impressas mentibus no-
 stris, & ad quamlibet naturam communiter rerum phy-
 sicarum, metaphysicarum, diuinarumque pertinentes:
 cogitent denique has rationes Scriptura teste iam olim
 fuisse confirmatas, quum per Prophetas toties dixerit,
*ego sum, ego sum, & non alius Deus præter me: Gloriam meam
 alteri non dabo: maledictus homo, qui suam fiduciam collocat in
 homine, & similia multa.* Non est portentosum, quod pu-
 tas Samosatene, duas naturas coalescere, aut personam
 sibi naturam assumere: sed portentosum illud est (si quic-
 quam) quod dicis, propria essentialia in naturam atque
 essentiam aliam & differentem transmeare: in primis au-
 tem diuina, quæ omni modo & omni tempore sunt in-
 communicabilia, cum neque Deus aliud fieri possit, nam
 esset mutabilis: neque aliud fieri Deus, nam nec vnus fo-
 ret Deus, nec simplicissimus: quod vel cogitare est im-
 pium. Det mentem vobis ad ista Dominus ille misericors
 & immutabilis. Verum itaq; in sese illud est quod
 concludis, Ioannem simpliciter illū Christum, Verbum,
 Deum, lucem, vitamque opificem mundi (sed hoc mem-
 brum de industria transponis, vt nouæ illi tuæ interpreta-
 tioni de nouo mundo adhibeas fulcrum) docere homi-
 nem fuisse: at non hominem solum. Nam suppositum
 est Sermo, Filius æternus Dei, de quo inde a principio di-
 git Euangelicæ narrationis suæ: appositum, caro, hoc ver-
 su: quam

su: quam carnem assumisse dicitur in vnitatem personæ
 siue suppositi. Quod autem postea subijcis, *ne quis vel
 Deum Patrem esse Messiam, &c.* id ita accipio. *Qui Chri-
 stum hominem esse docet, is Christum negat esse Deum Patrem,
 vel Deum æternum, vel non hominem. Illud autem Ioannes do-
 cet: hac igitur negat.* Maior ex parte ambigua, sed tota fal-
 sa est. Ambiguè dicitur *Deus Pater*: aut essentialiter respec-
 tu creaturarum, quarum principium est diuina essentia:
 aut personaliter respectu Filij. Christum autem negamus
 esse Deum Patrem personaliter; nam est Patris Filius: sed
 essentialiter idem est Deus, Pater, principiumq; omnium
 cum Patre & Spiritu sancto: Hoc posito, negamus pro-
 positionem totam: nam Ioannes vtrumque de Christo,
 sed diuersa ratione docet. Ac proinde Christus est homo:
 & quā homo, nec Deus Pater est, nec Deus æternus est,
 nec etiā nō homo: quā autē Deus est, secunda persona dei-
 tatis, idem & Deus Pater est omnium, & Deus æternus, &
 non homo: quā autem suppositum vel persona vna, idem
 est Deus & homo; Pater omnium, & in omnibus primas
 tenēs vt in numero omniū cōprehēsus, æternus, & princi-
 pium habens; adde etiam, si placer, homo, & non homo
 in vnitatem personæ: nam Deus est. Quum enim dicitur
 non homo, indefinitè dicitur: indefinitum autem hoc
 enunciatum, non homo, definimus in personā Christi,
 quum appellamus Deum. Hic purus putus elenchus est,
 quo Samosatenus vtitur: atque eodem modo suauiter si-
 bi signum fingit, quum hoc Euangelium editum fuis-
 se dicit contra Antichristum (quod verum est) & contra
 veritatē personæ Christi, quem diuinitate æternum esse,
 humanitate verò in tempore natum ex sacris Scripturis
 didicimus. Hanc blasphemam audacemque affirmatio-
 nem ipsa rerum operationumque natura, ipsa Ioannis
 verba, ipse narrationis ordo, omnia denique confutant

potentissimè, vt antè demonstrauius. Quarta probatio ex vocis *ἐγένετο* interpretatione petita est. *Vox ἐγένετο*, inquit, *amplius mille locis in Scriptura idem valet, quod fuit: non ergo est incarnari, vel duas res aut naturas in unum iungi.* Non dicit, non ergo est factum esse, quod fuerat dicendum ad confutandam interpretationem nostram: sed, non ergo est incarnari, &c. De argumentatione ergo enthymematica illa videamus. De numero locorum nihil dicemus: nam loquitur hyperbolicè. de enthymemate ita statuimus, id esse simpliciter verum, si rectè intelligatur. Sed ramen adhibenda in antecedente distinctio. Nam *γενεα* verbum, aut significat esse factum & *ἐγένετο* factus, expressamque ortus notationem habet (atq; hæc propria est significatio) aut metalepticè significat esse, quia res in natura sunt ex quo factæ sunt; & tamē vi naturali vocis manet eadem ortus principijque notatio, siue (vt Scholastici vocant) connotatio. Sic quando dicitur *ἐγένετο* fuit homo, notatur fuisse hominem, sed connotatur factum fuisse hominem: quis enim homo non factus? *ἐγένετο*; ortum & principium habens aliunde? Aliter se habet verbum *ἦν*, quo simpliciter notatur esse rei citra ortus & principij notationem vllam. Prioritaque significatio propria est verbi *ἦν*, posterior figurata. Consequens autem concedimus, non quia vi antecedentis conficiatur (id enim falsum est) sed quia per se verum est, neutram harum per se verbi *ἦν* significationem esse. Restat igitur, vt loquutio hæc aut propriè exponatur, *Verbum caro factum est*, aut metalepticè, *Verbum caro fuit*, quam interpretationem Samosatenus hîc tentat retinere. Nos alterâ defendimus. cur autem? 1. quia propria est. 2. quia etiam si daretur figurata interpretatio, tamen id ipsum quod Samosatenus fugit connotatione complectitur. 3. quia sic Ioânes ipse distinguit in hac narratione

ratione tota ab imperfecto $\lambda\omega$, quo esse notatur subiecti sine ratione vlla principij aut ortus illius. Nam de simplice esse dicit Ioannes, *in principio erat verbum, & verbum erat apud Deū, & verbum erat Deus. Hoc erat in principio apud Deū in ipso vita erat, & vita erat lux hominum. Erat lux illa vera, quæ illuminat omnem hominem venientem in hunc mundum: In mundo erat: & de Ioanne Baptista, non erat ille lux vera.* hæc omnia verbo $\lambda\omega$. Sed de eo quod factum est, aut quod exantefacto est, altero verbo semper vtitur, nimirum $\kappa\alpha\iota\ \epsilon\gamma\epsilon\gamma\epsilon\tau\omicron$. Omnia, inquit, per ipsum facta sunt. & sine ipso factum est nihil quod factum est: & mundus per ipsum factus est: qui autem receperunt ipsum, dedit eis hoc ius ut Filij Dei fierent: & de Baptista, erat homo missus a Deo. 4. quia etiam si hoc isto verbo $\kappa\alpha\iota\ \epsilon\gamma\epsilon\gamma\epsilon\tau\omicron$ significaretur, tamen si ponē sequitur nomen substantiuum, fieri significat (ac non esse) simpliciter & necessariò, vt quum aqua facta vinum dicitur Ioan. 2. quum quærit Apostolus, ergo quod bonum est, mihi factum est mors? Rom. 7. quum dicit, Christus factus fuit nobis sapientia a Deo, & iustitia, & sanctificatio, & redemptio, 1. Cor. 1. Christus pro nobis factus est execratio, Galat. 3. & similia multa. 5. quia rei natura postulat, & narrationis ordo quem antè declarauimus. Quod si aliter accipi sententiam oporteret, nēpe pro esse simpliciter, fuisset dicturus Ioannes, $\kappa\alpha\iota\ \delta\ \lambda\omicron\gamma\omicron\varsigma\ \lambda\omega\ \sigma\alpha\rho\omicron\varsigma$, non autem $\epsilon\gamma\epsilon\gamma\epsilon\tau\omicron$, quemadmodum paulo antè dixerat, $\kappa\alpha\iota\ \eta\ \zeta\omega\eta\ \lambda\omega\ \tau\omicron\ \phi\omega\varsigma\ \tau\omicron\ \omega\upsilon\upsilon\ \alpha\upsilon\theta\epsilon\omega\pi\omicron\upsilon\alpha\upsilon$, & similia. Non enim hīc de eo agitur quod iam tum erat Sermo, sed de eo quod tum primū factus est, quum assumpsit carnem in vnitatem personæ. Quod autem faciliū inuentum iri hoc verbum dixerit pro eo quod est conuerti, hoc interpretis huius nostri paradoxis oportet deputari, qui ex vnius loci expositione particulari nō dubitat dealtero, quamuis in dissimili argumento, similiter concludere; & posita generali significatione verbi specia-

lem affirmare. Fieri enim, genus est: conuerti, species. Nō autem continuò speciem poni constat posito genere, vt hic videtur affirmare.

Sequuntur deinceps absurda, quibus orthodoxa nostra doctrina tandem oppugnatur. Horum primum illud est quod in præfatione Samosatenus posuerat. *Christum unicum verum Dei Filium, &c. hac doctrina tolli.* Si verum pro essentiali accipit, vt facimus, quid amplius oppugnat? si non, certè nos quoque sumus veri filij Dei, quicumque hoc ius a Patre accepimus credentes in nomen Christi, vt antè proximè enunciauit. Sed, vt ad rem, negamus hoc absurdum sequi: nec antecedens vllum est ex quo istius absurdi consequentia ostendi possit. Nam quòd oppositionem statuit naturarum, & posita vna euerti putat alteram, id quàm ieiunū & puerile sit, iam sæpe ostendimus. Natura vna nō euertit alteram vnione personali in nobis: nam hac vnione persona humana constituitur. Itidem ergo in Christo natura personæ diuinæ alteram euertere dicenda nō est vnione personali. Sed ex Samosaténica illa proprietatum essentialium transfusione quæ absurda sequantur, ipsi viderint; nos quidem antè destrinximus.

Secundum absurdum est, *totam Scripturam obscurari, vt nemo illam præ isto Christo fictitio intelligat.* Negatur: nec probari potest. Nam ab Ecclesia orthodoxa semper ita fuit perspicuè intellecta inde a temporibus Apostolorum, & a nobis intelligitur pro demenso donationis Christi. Quòd si testis est hæc doctrina nostra, aut ijs testis est quibus nondum oculos dedit ad videndum Deus, & pro quibus supplices oramus Dominum vt oculos mentis ipsorum per gratiam illuminet, aut ijs quibus Deus huius seculi excæcauit mentes, ne irradiet eos lumen Euangelij gloriæ Christi. Iniquè autem, immo iniquissimè viriū tenebrarum & cæcitatibus mentes humanas possidentis perspicuæ Scripturarū luci adscri-

adscribitur. Inepta fallacia est a non causa ut causa, quemadmodum vocatur vulgo. Quid enim? Solem ne dicar obscurare, si lucem Solis cæco obiecerō? Nec in Scriptura vitium est, nec in nobis, quod quidem hanc causam attinet; sed in nativa & voluntaria hominum cæcitate, abs qua eos cupimus secundum Deum liberari, nostraque officia eis liberandis ex charitate offerimus. Tertium est *hoc perpetuum fuisse & adhuc esse in Ecclesia contentionum seminarium, quod de istis naturis & de communicatione idiomatum* (Satanæ inuentum vocat) *exponitur*. Egregium argumentum, eiusdem artis cum antecedente. Atqui vulgo dictum illud est verissimum, veritas odium parit. Veritas a Christo est, a Scriptura, a nobis: & miraris veritatem hanc a Satana, ab administris eius, a mundo, a cæcis (quorum semper magnus est numerus) oppugnari? an ergo malis taceri & dissimulari veritatem propter odia agnascantia, quàm ad salutem credentium propalari? Aliter Ioanni præcipiebat Angelus, *Ne obsignaueris*, inquit, *verba prophetie libri huius: tempus enim propè est. Qui nocet, noceat adhuc: & qui sordidus est, sordescat adhuc: & qui iustus est, iustificetur adhuc: & sanctus sanctificetur adhuc.* Hæc doctrina de duabus naturis in Christo & de communicatione idiomatum (cuius exempla in nobis ipsis perpetua sunt, & in sermone nostro) non commentum Satanæ, sed cruciamentum est, quia firmissimum est subsidium salutis nostræ, quam inuidet Satan. Nostrate dictum est, viro bono plus non esse pacis, quam per vicinum licuerit. Tandem te auctore & viros bonos, & veritatem tolli e medio oportebit, velut contentionum semina, si argumentationes istæ processerint. Etsi quid multis opus est? in omnibus Ecclesijs, Germanicis, Helueticis, Gallicis de hac re contendimus: negamus: in nonnullis, minimè diffitemur: sed dolemus, &

Apoc. 22.

gregem Christi ad sanctam pacem in vnitatem spiritus colendam reuocamus. Qua fide bonis obijcis, quod operantur faciunt imprudentes aut mali? Quartum & postremum absurdum est, *non fuisse tacituros Apostolos, non ipsum Deum Patrem de hac doctrina nostra, & persona Christi.*

Certè, nec tacuerunt, nec tacent: sed surdis canitur mysterium. Non tacuerunt Apostoli in Testamento nouo. Nam hoc ipsum est quod dicunt *Filium Dei factum esse ex muliere, ex semine Davidis, Sermonem factum carnem, Deum in carne factum conspicuum*, & similia multa: quæ isti homines vtut circumagant, nunquam tamen effecturi sunt quin veritas ipsa sint, & secundum veritatem ipsam a nobis rectè intelligantur. Non tacuit Deus in Testamento vetere: nam & per Moysen apertè ostendit, vt suprà se-

Gen. 3.

gumento 3. demonstrauiimus, & promisit Adamo & Patribus. Quum enim serpenti diceret, *semen mulieris conteret caput tuum*, audientem Adamum & Euam consolabatur, non de simplice aliquo homine, qui Satanam attritus esset (nam homo victus, & prostratus quî fecisset? aut homo integer, si quis detur, Satanam quî vicisset tam nostro quàm suo nomine? cùm nec Angelorum iustitia & sanctitas transcendat personam ipsorum, vt de ea cum alijs communicent) sed Dei opus de Deo hominè enunciat

Rom. 16.

Christo Iesu, quem Apostolus notauit disertè dicēs, *Deus pacis conteret Satanam sub pedes vestros citò.* Quum Abrahamo diceret, & *semini tuo*, Christum & ostendit presentem secundum diuinitatem, & promisit venturum secundum carnem, & vñctum esse docuit symbolica confessione Patrum & typis legalibus, & Patres iussit in eum credere. Sic Isaaco, Iacobo, alijs. Solum tertium caput ad Galatas audaces istas affirmationes potest conuellere. *Abrahamo*, inquit, *dicta sunt promissiones & semini eius.* Non dicit, & *seminibus*, vt de multis

multis; sed ut de vno, & semini tuo, qui est Christus. Hoc autem dico, pactionem priorem ratam factam a Deo respicientem in Christum, Lex quæ post annos quadringentos triginta cepit, non facit irritam, ut vanam reddat promissionem. Et paulo post, Concluserit Scriptura omnia sub peccatum, ut promissio ex fide Iesu Christi daretur credentibus. Hæc enim de omnibus promiscuè dici qui sub lege & sub gratia, demonstrat comparatio antecedentis membri, quum ait Apostolus, Non igitur Lex addita est aduersus promissiones? absit. nam si data fuisset Lex quæ posset viuificare verè ex Lege esset iustitia. Ex eo inferit, non est autem data Lex quæ posset viuificare; igitur contrà conclusio facienda, Omnia sub peccato Scriptura Legis conclusa esse, ut promissio ex fide Iesu Christi daretur credentibus, tam qui sub lege, quam qui sub gratia. Crediderunt ergo, & fide Iesu Christi, id est, quæ in Iesum Christum est, crediderunt. Possent ex alijs locis, præsertim ad Hebræos multa: sed hæc in præsentia satis.

Quòd itaq; concludit lucem esse Christum, neminem clarius docere, nihil facilius tota eius doctrina, verum est, vbi capacia subiecta sunt, id est, oculos habentia. Nam quæ oculos habent, ea cum Nazianzeno semper confitebuntur se non posse vnum Deum cernere quin tres personæ circumfulgeant, non posse treis personas cernere quin videant & agnoscant vnicam essentiam & maiestatem Dei: at de Christo bino falsum esse commentum falsò obiectum testabuntur palàm, & nos apertè antehac confutauimus. Sequentia quàm sint a vero aliena, Defensionis 2. segmento 2. & alibi ostendimus.

Venio ad alterum interpretationis locum: in quo Samosatenus statuit etiam si detur illa expositio verborum Ioannis, Verbum esse factum carnem, tamen carnis vocem non de substantia naturæ huius, sed de qualitate abiectissima intelligi oportere, ad quam Christus seipsum abijerit. N egamus hoc

proprie significari carnis appellatione, & vllū exemplum adferri posse interpretationis istius. Nō id quidem negamus, carnis appellatione pro locorū qui adducūtur natura etiā abiectionē maximam & conditionē miserā interdum (vt Scholastici vocāt) connotari: sed proprie semper notatur caro & persona carnea, velut subiectum istarum qualitatum quæ de supposito carneo prædicantur. Imperitè ergo nomen subiecti de puris accidētibus exponitur, vt accidētia sine subiecto cōstent, secūdum nouā quamdam Logicā imaginariā. Deinde verò abiectionis personæ Christi partes duæ a se inuicē turpiter dirimuntur, vt aboleatur persona diuina eius. Cū enim abiectionis Christi partes sint duæ: vna, secūdum quod persona diuina Christi sese inaniuit assumens carnem; altera, secūdum quod in carne submisit sese factus obediens ad mortem vsque crucis, vt optimè distinxit Apostolus; substantia tollitur personæ, & qualitates solæ ac perpeffiones in hac interpretatione recensentur. Hæc autem duo reprehendimus apertè in hac expositione, & falsam esse propterea ostendimus, quòd Scripturis aduersentur.

Philip. 2.

In hac autem enarrationis parte primū Lectores pios obseruare velim, quisnam sit illius modus. Nam pro eo quòd Rhetores in causis turpibus aut falsis eos qui dicunt iubent inuoluentis & obscurandis rebus maximè occupari, ne verum queant auditores per inuolucra & velamenta cernere, hic contrà huic interpreti vsuuenisse video: qui qua in sese explicare studuit, in ea se miserè implicarit, & tanquam in mæandro circuituum repetitionumque oberrarit. Vix veritatem videas in sermone ita laborare, quia comes ipsi est simplicitas: præsertim verò in rebus sacris, de quibus verè prædicari illud potest, fidem nostram non consistere in sapientia hominum, sed in potētia Dei: proinde orationem in hoc argumento non ambitiosam, sed

1. Cor. 2.

sim.

simplicem retinendam. Deinde verò dicta quædam incidunt singularia, quæ dissimulare non possum, ne fortè imprudentes eis decipiantur ad subuersionem suæ fidei. Primum est, quòd *Christum esse Verbum & Deum* prouinciar, neutrum essentialiter intelligit, sed communicatione gratiæ, per quam officio verbum est & dignitate Deus: Quas res iam antè satis refellimus. Secundum, quòd *eundem esse innocentem dicit sine peccato, sicut & Adamū creatum ad imaginem Dei*: quod verum quidem dictum est, sed non sufficiens. Aliter enim se habet in Christo innocentia, vacuitas peccati, & imago Dei, atque in Adamo: cū in Adamo humana fuerint omnia, in Christo supra quàm humana, & in persona Filij Dei subsistentia: ex quo id consequutum est quod optimè dicebat Augustinus, potuisse Adamum nō peccare, utpote mutabilem; sed Christum, etiam in nobis, non posse peccare, ut qui diuina virtute sua sit immutabilis. Tertium, quòd *hoc ipsum esse dicit quod Paulo dicitur esse in forma Dei*. Nam forma Dei propriè essentialis est, eaque vnica: quæ si interire posset aut mutari, interiret aut mutaretur essentia. Nam cū in simplicibus & ἀύλοις (quæ sunt metaphysica) idem sit forma & id cuius est forma, quis de Deo simplicissimo aliud sentire possit? Christus autem, persona inquam Filij Dei est in forma Dei, & est æqualis Deo: ac proinde secundum essentiam vnus est cum Patre & apud Patrem vnitate formæ siue essentiæ, secundum personam verò est æqualis Patri. Hic autem noster de forma accidentali accipit, quæ potest adesse & abesse citra corruptionem subiecti: cuiusmodi forma in Deo nulla est, cū sit essentia verè atque in totum simplicissima. Præterea formam Dei interpretatur imaginem eius, ut in Adamo fuit: sed hanc interpretationem refellit planè oppositi mēbri comparatio, vbi dicitur sese inaniuisse forma ser-

ui accepta, similis hominibus factus. Nam duo illa distincti euentissimè in Christo, quà homo, quæ iste inscitè confundit, formam essentialem, & similitudinem siue imaginem: quarum prior substantiæ, posterior relationis est, toto genere differentes. Taceo, quòd nusquam forma Dei in Scripturis sic potest accipi, aut villo exemplo & auctoritate confirmari. Falsa igitur interpretatio, qua & formam Dei essentialem, & formam serui obscurauit, quum ad accidentia vtramque retulerit contra mentem Pauli & ordinem verborum ab eo institutum. Quartum, quòd narrat *post hanc vilitatem gloriam eius fuisse conspectam ut vnigeniti a Patre*, angustius quàm debeat. Nam etiam in ipsa vilitate gloriam eius Apostoli & pij conspexerunt, non illo solùm facto transfigurationis quam merito extollit Petrus, aut inde a resurrectione, quod omnes Apostoli & Euangelistæ testantur, verum etiam toto vocationis curriculo, quum ex operationibus diuinis quas faciebat, & quas etiam diuinitus cum eis communicabat, gratiam illam vnionis non obscurè animaduertent personæ diuinæ cum natura humana assumpta, in ea, atque per eam operantis in vnitate personæ: quam tum Iudæis aliquoties, tum discipulis non dubitauit exponere, quum ipsorum cor angustia occuparet ne ad gloriam eius respicerent. Hoc verò non est alium Christum æternum ante Mariam & carnem ex ea assumptam confingere, sed eundem Christum colere verum Deum æternum, genitum, non factum, & hominem in tempore factum, non genitum, in vnitate personæ. Sed iam tempus est rationes eius, quas ad suam istam interpretationem formæ Dei, & formæ serui ac carnis confirmandam adfert, expendamus. Prima ratio. *Anno Paulo fuisset facilius loco forma Dei dicere verum Deum & æternum?* quæ sequuntur, zelo præpostero dicit, quia iuuat homi-

2. Pet. 1.

Ioan. 5. &
19.

Ioan. 14

hominem maledicere: nos iuuat benedicendo vincere. Quapropter omitramus. Quorsum ista? nam primum hoc dicit per æquiuolens: nam forma Dei vnica est, verus & æternus Deus: secundò pertinuit hoc ad commoditatem maximè oppositionis institutæ, quam Paulus ibi persequutus est grauissimè: postremò nego futurum fuisse facilius: nam formam Dei dicens (est autem vni-uoca) omnia complectitur: sin verum & æternum Deum dixisset, subortus aliquis Samosatis aut aliunde par-tus obganniuisset verum quidem & æternum esse, sed tamen communicatione Deum. Sed ô acumen homi-nis. Forma Dei, inquit, dicitur æquiuocè: *in forma enim Dei tanquam Deus imperabat omnibus*, &c. Video iam te, mi homo, nec Græcè nec Latinè agere, sed Italicè: quapro-pter id a te addi oportuit, Forma Dei nostratibus Italis di-citur æquiuocè: sed vestras æquiuocatio est, catachresis vestra, Græcis, Latinis auribus inaudita. Hanc igitur æ-quiuocationem tuis proba qui nec Græcè nec Latinè sci-unt: nam qui Græcè & Latinè scient, si boni sient, ab æqui-ucatione ista abhorrebunt. Cætera verba sunt ad ra-tiū vsque recantata, quæ antè refellimus: sed etiam mil-lies palato quidem tuo repetita placebunt. Secunda ratio ex comparatione veteris Testamenti desumpta est. *Vetere Testamento promittebatur, figurabatur, re non osten-debatur: in nouo natus, datus, demonstratus*, &c. Hoc iam antè sæpe confutauimus. Elenchus est duobus modis fal-lens, respectu substantiæ & modi. Nam substantia Christi consideratur aut secundum personam simpliciter quæ Deus, aut secundum carnem assumptam, aut deniq; secū-dum totum personæ, ex quo Deus factus est in carne cor-spicuus. Modus autem duplex, ante carnem assumptam, & in carne, pro temporum ratione. Olim promittebatur figurabaturq; tum secundum carnem, tum etiam se-

cundum totum personæ Deus in carne conspicuus, Mediator noster, sed ita ut re ostenderetur secundum personam diuinam, quæ Deus, & a sanctis Patribus crederetur percipereturque: sic prius membrum ambiguum ex parte, & falsum est. In nouo autem Testamento natus est secundum carnem, datus & demonstratus, & similia, secundum totum personæ. Hæ res commodè distinctæ habent euidentiā: confusæ, magis ac magis ab ingenijs aliud agentibus conturbantur & damnosa obscuritate implicantur.

Tertia ratio. *Eodem sensus uterq; redit, &c.* Negatur: nam prior interpretatio de substantia est personæ simpliciter, & ortu carnis a persona assumptæ: posterior de accidentibus quæ Filio Dei secundum carnem contigerunt, & accidentibus varijs, quorum alia ad qualitatem personæ pertinent, alia ad actiones & perpassiones ipsius: ac proinde admirabilis etiam in posteriore hac interpretatione ponitur æquiuocatio, quum summa rerum genera in eadem voce confunduntur præter iustam omnium sermonum legem. Naribus trahantur oportet qui istis interpretationibus tam inconsideratè acquiescunt. Etsi præterire non possum silentio, quod antè in nostris hominibus Samosatenus damnabat segmento 2. id hoc in loco ab ipso commissum esse, & varias vnius loci interpretationes ferri. Certè etsi id omnium est longè optimum quod est verissimum ac simplicissimum, veritas autem simplicitasque typum habent perpetuum suum in Scriptura sacra, tamen duo ab infirmitate nostra nobis contingunt incommoda in Scripturis sacris, quamuis per se euidentissimis: vnum, quod verum non ita peruidemus ut est opus, quia lucem habentes inchoatam solum ex parte cognoscimus, & ex parte prophæamus: alterum, quod huic hæc veritatis pars a diuina luce tribuitur cognoscenda, & illi illa, ut charitatem & coniunctionem

1. Cor. 13.

nem inter nos ex nostræ tenuitatis & necessitatis conscientia in communione sanctorum discamus colere. Quapropter de errantibus miseranter, de aliud adferentibus prudenter, de omnibus amanter iudicandum, lucisq; diuinæ amplior reuelatio semper a Deo expectanda expectandæque in Christo Iesu. Sed pergamus. Quarta

ratio. *Sic doctiores Neoterici docent, præsertim Melanchthon,* cuius verba reliquo hoc in loco subiecta sunt. Primum negamus hanc doctissimorum quorumque neotericorum interpretationem esse; & falsum esse res ipsa loquitur. Quid enim dicimus? a quibus accepimus? quibus adhæremus? nonne Neoterici quique (vt vocantur) cum Ecclesia orthodoxa prisca ex Scripturis sacris se hanc doctrinam hausisse profitentur? Deinde negamus hanc simpliciter esse Melanchthonis & mentem & interpretationem. Fallis duobus modis, Samosatene, qui & res coniunctas diuidis, & eas quæ per consequentiam hauriuntur statuis velut interpretationis caput. Quod si bona fide agere est, omnino in hoc misero seculo bonam fidem dixeroperiisse. Diuidis coniuncta (vt nihil de posterioribus editionibus, quas tu dissimulas non omnino bellè pronunciem) quum dicta Philippi de incarnatione prætersilis, quæ autem sunt incarnationis consequentia ex eo accumulas. A prioribus metuis, ad posteriora confugis veteratorié. Nam in principio illius loci ita ait Philippus: *Mirari queas, cur cum de ingressu Verbi in mundum antea dixerit, non prius etiam de incarnatione loquutus sit. Respondeo, quamquam de ingressu in mundum loquutus est tamen omnia quæ de eo dicta sunt, ad verbi potentiam, non ad infirmitatem carnis Christi referri debuerunt: quia caro Christi non illuminat, non viuificat, non renouat, &c. Idèò nunc tandem de incarnatione loquitur.* Hactenus interpretationis caput, vt antè appellauimus. Post sequitur *ἡ ἑπομένη*,

quod tu velut caput arripis, cum sit pes aut pedis articulus manans de capite, quum Philippus ait per *μετὰ* *Cam*, *Sed & hoc apto ordine subiectum est: quia sicut in Christo verbum caro factum est, ita in nobis carnem fieri oportet: id est, idem est renasci, quoad verbum cogitatio humana tantum est, non Filij Dei.* Hoc argumento *μετὰ* *Cam* proposito, quò transit Philippus allegorica accommodatione quadam, instituit enarrationem illius respectu personæ Christi, vt capitis; & nostræ, vt membrorum eius. Quapropter dicit, *Porro omiſſis philosophicis disputationibus de incarnatione, &c.* quæ Samosatenus hunc in locum intulit. In his autem verbis vides primùm incarnationem Sermonis statui, sed omitti certo consilio de ea disputationes; postea verò transiri ad illam rerum necessariò ex carne consequentium accommodationem, quam tu abreptus studio non vidéris obseruasse. Nam quum ait, *ita breuiter sentio Ioannem* *κατειώσεαι* *capere Nasci*, de natiuitate piorum loquitur cuius antè meminerat dicens, *ex Deo nati sunt: quum postea subiicit, uti quum ait, Verbum caro factum est, id est quod Esaias ait, &c.* accommodationem instituit nati Christi allegoricè cum natiuitate nostra. est enim hæc *ἀπόδοσις* institutæ similitudinis. Quemadmodum autem in simili intelligendo falsuses, sic etiam vocem *κατειώσεως* æquiuocè accipiens loco abuteris. Non enim hîc de reali humiliatione Christi, ac ne de Christo quidem Philippus in hac similis parte loquutus est, sed de verbali & Rhetorica figura, quam Seruius in Virgilium Aeneid. sic explicat, *Apparent rari nantes in gurgite vasto* (pro eo quod est in pelago) *Tapinosi est*, inquit Seruius, *id est, rei magnæ humilis expositio.* Prudenter tamen Virgilius humilitatem sermonis epitheto subleuat, vt hoc loco, *vasto*, addidit. Tu autem, Samosatene, hæc omnia fortiter præterſiliens, non potes commodè argumentari a dicto secundum

dùm quid, vt vocant, ad dictum simpliciter: neque hæc verba tua cuiquam bono, si iudicium adhibuerit, vnquam probaturus es. Atque eadem est omnium sequentium ratio, quæ tu ex Philippo adhibuisti mutila, vt libellum hunc tuum ementitæ auctoritatis specie & suffragio quasi extorto viri optimi concluderes.

M.S.

Interpres alter, iudicio suo, limam accuratiorem adhibens, primùm de more negat Verbum Dei æternam personam diuinam esse, qua de re sæpius a nobis dictum: deinde aggreditur verbi Græci ἐϋερω interpretationem, & nominis *caro*. De vtroque in præcedentem diximus, atque hæc commenta refellimus. Postremò argumentis oppugnat nostram illam, *Verbum caro factum est*, interpretationem. Ea sunt duo, quæ expediemus paucis. Prius: *Si ita legatur, oportet hoc Verbum, antequam veniret Iudæis suis prædicatum, carnem fuisse factum: at prius venisse ad eos legitur hic quàm sit caro factus. consequens igitur falsum*. Respondéo, verè falsum est consequens (neque enim ex antecedente conficitur) & falsa tota argumentatio. Nam vtroque vitium est ex elenchi ignoratione, & verbi *venio*, æquiocatione. Prius venerat ad Iudæos (vt Philippi verbis vtat) secundùm potentiam diuinitatis suæ: tum venit secundùm infirmitatem carnis: prius venit sine motu, diuino modo: post venit, per generationem carnis & exhibitionem sui ipsius in carne, humano modo: venit humanitus, qui venerat & semper aderat diuinitus. Quid hac misera argumentatione facias? Posterius argumentum nihil est aliud quàm pura petitio principij, *supponi Filium Dei æternum, atque hoc falsum esse*. Sed hoc genus argumentationis amplius centies falsi reuicimus. Nec maioris momenti absurdum illud est quod ex eodem fonte profluit, *hac nostra doctrina de Filio Dei Scripturam vniuersam inuerti, & exponi contemptui*. Negatur: desideratur pro-

batio dicti, non adfertur vlla. Quum itaque adferetur, tum Deo volente viderimus. Et si quoties confutata, conuicta, explosa hæc omnia?

SAMOSATENVS.

14.

Et habitauit in nobis, & vidimus gloriam eius, gloriam quasi vnigeniti a Patre.

CARNEM fieri est maledictum & peccatum fieri ut tolleretur maledictio in carne nostra. Ita quod ait, habitauit in nobis, significat hic quod Philipp. 2. dicitur, in similitudinem hominum factus, habitu inuentus ut homo: & Hebr. 4. habemus Pontificem tentatum per omnia: idque ita ut nouissimus hominum a Propheta vocetur. Et vidimus gloriam eius.

Antithesis facit Ioannes: ut ante de humiliatione Christi, sic hic rursum de glorificatione loquitur. Gloria præter omnia miracula Christi, est resurrectio eius a morte, Ephesi. neque aliud miraculum aut opus Christi salutare nobis est præter hoc, ut Matth. 16. non dabitur eis signum, nisi Iona Propheta: & Rom. 10. Si in corde credideris quod Deus eum suscitauit ex mortuis, saluus eris. Quid autem est credere resuscitatum a mortuis? regnare, vicisse mortem, & fregisse portas inferi, sustulisse peccatum, tueri nos, iudicaturum incredulos. Hæc gloria resurrectionis est, qua glorificat Christus omnes credentes sibi. Hæc Philippus Melanchthon: qui etiam si tuetur Christum æternum incarnatum, tamen in expositione verborum Ioannis, Verbum factum caro, nobiscum consentit.

M. S.

Et habitauit in nobis, & vidimus eius gloriam, gloriam quasi vnigeniti a Patre: plenus gratia & veritate.

VERBUM hoc per quod omnia facta sunt, quod manifestatum est Iudeis, & quod homo fuit, nempe Christus Iesus, nobiscum

nobiscum habitauit & cōuersatus est: qui quamuis huius mundi hominibus inglorius & contemptus fuerit, nobis tamen maximè gloriosus fuit. Nam vidimus illius miraculosam gloriam: erat enim plenus gratia & veritate in omni genere diuinarum virtutum. Nōne ex his verbis manifestum fit Ioannem hic non intellexisse de illo aeterno Filio (neque enim huiusmodi verba illi accommodari possunt) sed de illo visibili Dei Filio homine Iesu Christo? Et ad clariorem intelligentiam loci huius consideretur locus apud Lucam cap. 24. ubi legitur quòd Iesus Nazarenus fuit vir Prophetas potens opere & sermone coram Deo & toto populo: ubi etiam ponitur dictio illa & p̄posito in ea significatione in qua ponitur hic a Ioanne. Obseruanda est hic prater eā vox, Vnigeniti: hic positam esse, primū ad significādum Christum extra rerum ordinem, hoc est, ex virgine natum esse: secundo propter excellentiam ac plenitudinem perfectionemque donorum spiritualium nullis alijs concessorum praterquam vni Christo, de cuius plenitudine nos omnes accepimus: ipse enim immediatè a Deo omnia accepit, nos autem mediatè per ipsum tertio quòd Christus magis dilectus & charus Deo fuerit: quæ phrasis vsitata est in Scripturis. Hinc David vocat Solomonem vnigenitum, quamuis multos haberet filios, Paralip. 29. Prouerb. 4. Item Genes. 22. vocatur Isaac vnigenitus non tantū quia solus & miraculosè natus esset, sed quia fuit a Patre vnice dilectus. Hanc esse genuinam, quam attulimus interpretationem agnoscent, qui diligenter perpendent cetera omnia quæ in Ioanne sequuntur.

Sed, vt res clarior reddatur, exemplo agamus. Ad hunc modum se Ioannes hic habet quemadmodum si quis metaphoricè scripturus Moyses historiam, quando Israeliticum populum ex Aegypto liberauit, ista diceret. In principio erat liberator (ab effectu enim libet liberatorem appellare) & liberator erat apud Deū (dum scilicet adhuc mundo pro liberatore populi manifestatus nō esset Moyses) & Deus erat liberator (constitutus enim fuit Deus super Pharaonem). In po-

pulo Israelitico erat, ac populus Israeliticus per ipsum liberatus fuit, & populus Israeliticus ipsum non cognouit (murmurauit enim contra ipsum Moſem, & volebat lapidare eum) & liberator fuit caro (ideſt, homo abiectus, humilis, ac contemptus) Nam mos Dei eſt exerere virtutes ſuas per viles, abiectos, ac contemptos homines, vt hac ratione illuſtrior eluceat ipſius gloria.

ORTHODOXVS.

Ex antecedentibus Melanchthon perſequutus conſequentium interpretationem, quia de incarnatione: pluribus non ſtatuerat dicere, hic primùm ſummatim repetit quid carnem fieri ſignificet, non propriè (eſt enim incarnari, quod antè nominauerat) ſed κατὰ τὸ ἀνάλογον, vt antè diximus, ex conſequentia. Quapropter illud, habitauit in nobis, interpretaturus, vtramque ſimul apponit explicationem, propriam ex loco Philip. 2. & conſectariam ex Hebr. 4. & Eſai. 53. quæ omnia quid aduerſum nos? Eſſi detruncat Philippi verba: ſed hoc quoque quid ad nos? De ſequentibus iudicium idem. Hæc omnia ſandè a Philippo dicta, commodè accipi neceſſe eſt, non incommodè præter veritatem rei & ſententiam auctoris detorqueri, aut primarijs interpretationibus ſecundarias, vt facit Samofatenus, adæquari. Sic enim audet concludere: nos vtrumque ex verbis & ſententia auctoris cùm hic, tum alibi perſpicuè teſtata improbamus.

Secunda interpretatio omnino eſt eiſdem generis, quod antè conſutauimus. Quòd autem æternum illam Filium Dei verum Deum homini viſibili Dei Filio Ieſu Chriſto opponit, ſerrā per eandem (quod aiunt) lineam reciprocans, quàm iciuna ſit ac futiſis hæc oppoſitio, antè demonſtrauimus aliquoties: cùm perſona ſit vnica ex vtraque natura conſtans, quarum naturarum oppoſitio
ratione

ratione solùm, ac non re (quod hic facit) institui potest. neque enim partis vnus positio remotio est alterius, neque naturæ similiter: sed contrà posita parte essentiali altera ponitur, & posita natura essentiali vna, altera ponitur ex quo primùm cœpit esse in constituendo supposito.

Locum Lucæ 24. miror vehementer ab homine arguto in hanc sententiam adductum esse. Bisariam peccat, dum eo abutitur. Nam primùm sermo est hominum in fide titubantium, quorum cor rei nouitas inexpectata & crucis scandalum conturbauerat: vt increpatio Christi luculentissimè ostendit, exclamantis, *ô carentes mente & graues corde ad credendum*, &c. Huiusmodi testium sermoni fidem quis habeat? quis ex eo sermonem suum firmare iure possit? Deinde verò, quid si eos dicamus nesciuisse Christum? sic enim Samosatenus ipse confirmat in exemplo simili, segmento 4. Postremò, vt demusratum haberi sermonem illorum oportere, quis non videt eodẽ relabi Samosatenum quò ante, & ex positione naturæ vnus inferre negationem alterius? *uir propheta est: non igitur Deus*. Falsa est oppositio in eo supposito, quod per dispensationem gratiæ Dei ex vtraque natura credimus & profiteamur constitutum. Nihil itaque hoc loco agitur. De voce *ἐγένετο* diximus segmento præcedente.

Admiranda verò & profunda est hominis istius sapientia in voce *vnigeniti* exponenda. Vnigenitum enim hic Christum tribus nominibus docet appellari, natiuitate extraordinaria, donorum excellentia, & dilectione singulari Dei. Primam interpretationem negamus, quia a matre vninatus (si ita loqui licet) vel vnicus natus diceretur: dicitur autem *vnigenitus*; & vt peruersa hæc glosa in mentem cuiusquam venire non posset, Spiritus sanctus addidit, *vnigeniti a Patre*. Immò, inquit iste, vnigeniti a matre. Perge porrò, Samosatene, in hunc modum, & c-

mentire proteruè verba veritatis, si quidem non loquens, sed latrans audire voles. Secunda & tertia interpretatio figurata est, prior metaphora, posterior metalepsi constans. Atqui nō est hīc figuræ locus: nam vetat sic nomen hoc accipi additamentum sequens, *a Patre*. hac determinatione apposita figuræ illæ tuæ excluduntur auctore Spiritu Dei. Tum quid hoc rei est? eandem vocem eodem loco propriam & figuratam significationem habere simul? etiam figuratas complureis vario respectu eidem voci eodem loco accommodari sine vlla necessitate? Hoc nemo iustus Grammaticus aut Logicus fecerit: ne Rhetor quidem, sed testis aliquis fortasse comicus, aut ex ganea recens. Nunc abi, & roga numquis melius cum ratione insanire possit. Hanc quidem multiplicem copiam & flumen tuarum interpretationum minimè probant sequentia, neque vocis aut loci expositionibus (quas adfers) suffragantur. Restat exemplum, quod rem a se declarari dum Samosatenus putat, declarat infantiam suam, ne quid dicam grauius. *Ita est*, inquit, *quasi quum de Mose historiam aliquis hoc modo pertexuerit. In principio erat liberator, &c.* At primū vniuersè nego: nam exemplū est dissimile, quod manifestò euincitur Sermonis seu Verbi enarratione, quam suprà segmento 3. attulimus, & prius ex Irenæo, Chrysostomo, alijsque docuimus. Secundò etiam negantur membra comparisonis istius singula, & dissimilia esse ex ijs quæ antè singulos in locos annotauimus, demonstratur manifestissimè. Nam neq; illa est *principij* determinatio, neq; *esse apud Deum* vsquam hac significatione legitur, neque vox *Dei* simpliciter hoc sensu usurpatur, neque modus essendi (vt ita loquar) idem est, nec denique omnia sequentia eodem respectu aut consimili prædicantur. Id res ipsa loquitur. Postremò infirmitatem huius ipsius exempli, quod nouus interpres
tam

tam clarum esse pronunciat, arguit euidentissimè factum istud; quòd versùs aliquot silentio præterit, quos institutæ narrationi suæ se accommodare nō posse commodè sentiebat. Quam rem si præstare aliqua ratione potuisset, an verò fuisset omisurus, quin exempli sui historici per omnia partibus partes narrationis huius exultans gaudio conformasset? Quæ cū ita sint, humanis commentis omnibus omisiss, veritati Dei, quam nobis de Christo Filio suo, verò æterno Deo & verò homine, testificatus est, sanctè acquiescendum est, & in ea peruestiganda atque consequenda omnis labor religiosè consumendus, vt in illo æterno Dei Filio hīc viuētes atque morientes, immortalēque vitam beneficio eius illic consequuti Deum Patrem glorificemus æternum cum Filio & Spiritu sancto, qui Deus est vnicus benedictus in secula. Veni,
Domine Iesu.

F I N I S.

